

萬 有 文 庫

第 二 集 七 百 種

王 雲 五 主 編

後 漢 書 集 解

(十 一)

王 先 謙 集 解

商 務 印 書 館 發 行

後漢書集解

(一十)

王允兼集解

國學基本叢書

張衡傳第四十九

〔集解〕洪亮吉曰案注最草率當時不知何人分注又卷頁獨長蓋注後未加校勘耳

後漢書五十九

宋宣城太守范曄撰

唐章懷太子賢注

王先謙集解

張衡字平子南陽西鄂人也

西鄂縣故城在今鄧州向城縣南有平子墓及碑在焉崔瑗之文也〔集解〕惠棟曰張平子碑云其先出自張老爲晉大夫納規趙武而反其侈書傳美之沈欽韓曰一統志張衡墓在南陽

北縣

世爲著姓祖父堪蜀郡太守

〔集解〕錢大昕曰案張堪在列傳第二十一卷彼云南陽宛人此云南陽西鄂人縣名小異耳何焯謂別一張堪非是〔朱暉傳稱同縣張堪暉亦宛人也〕

衡少善

屬文游於三輔因入京師觀太學遂通五經貫六藝雖才高於世而無驕尚之情常從容淡靜不好交

接俗人

〔集解〕通鑑胡注驕者以才驕人尚者以才尚人惠棟曰碑云體性溫良聲氣芬芳仁愛篤密與世無傷可謂淑人君子者矣

永元中舉孝廉不行連辟公府不就時天下

承平已久自侯侯呂下莫不踰侈衡乃擬班固兩都作二京賦因言諷諫精思傳會十年乃成文多故

不載大將軍鄧騭奇其才累召不應衡善機巧尤致思於天文陰陽歷算常耽好玄經

桓譚新論曰揚雄作玄書以爲玄者天也

道也。言聖賢制法作事，皆引天道，以爲本統，而因附續萬類，王政人事法度，故宓犧氏謂之易，老子謂之道，孔子謂之元，而揚雄謂之玄。玄經三篇，以紀天地人之道，立三體，有上中下，如禹貢之陳三品，三三而九，因以九九八十一，故爲八十一卦，以四爲數，數從一至四，重累變易，竟八十一而徧，不可損益，以三十五著撰之，玄經五千餘言，而傳十二篇也。《集解》
四重累變易，竟八十一而徧，不可損益，以三十五著撰之，玄經五千餘言，而傳十二篇也。《集解》
 通鑑胡注，致極也。思相吏反。劉敞曰：注以三十五著撰之，案太玄乃用三十六撰，作五字誤也。
 謂崔瑗曰：吾觀太玄，方知

子雲妙極道數，乃與五經相擬，非徒傳記之屬，使人難論陰陽之事。漢家得天下二百歲之書也。
子雲當衰

帝時著太玄經，自漢初至哀帝二百歲也。復二百歲，殆將終乎。
自中興至獻帝，百八十九年也。
 所曰作者之數，必顯一世常然之符也。漢四百歲

玄其興矣。
自此已上，並衡與崔瑗書之文也。《集解》惠棟曰：衡集與崔子玉書曰：乃者與朝賀，明日披讀太元經，知子雲特極陰陽之數也，以其滿汎故，故時人不務，此非特傳記之屬，心實與五經擬。漢家得二百歲卒乎，所以作興者之數，其道必顯一

代常然之符也。元四百歲其興乎，竭己精思，以撰其義，更使人難論陰陽之事，足下累世窮道極微，子孫必命世不絕，且幅寫一通，藏之以待能者。
 安帝雅聞衡善術學，公車特徵，拜郎中。
《集解》惠棟曰：

碑云：舉孝廉，再遷爲太史令。
漢官儀：太史令屬太常，秩六百石也。
 遂乃研覈陰陽，妙盡璇機之正，作渾天儀，著靈憲算罔論，言

甚詳明。
漢名臣奏曰：蔡邕曰：言天體者有三家，一曰周髀，二曰宣夜，三曰渾天。宣夜之學，絕無師法，周髀術數具存，考驗天狀，多所違失，故史官不用，唯渾天者，近得其情。今史官所用，候臺銅儀，則其法也。靈憲序曰：昔在先王，將步天路，用定靈軌，尋緒本

元，先準之于渾體，是爲正儀，故靈憲作興，衡集無算罔論，蓋網絡天地而算之，因名焉。《集解》沈欽韓曰：隋書天文志，永元十五年，詔左中郎將賈逵始造太史黃道銅儀，至桓帝延熹七年，太史令張衡史以銅製，以四分爲一度，周天一丈四尺六寸一分，亦于密室中

以漏水轉之，令司之者閉戶而唱之，以告靈臺之觀天者。璇璣所加，某星始見，某星已中，某星今沒，皆如合符。案衡歿於永和四年，志言延熹者，誤。洪頤煊曰：九章算術劉徽注引張衡算，謂立方爲質，立圓爲渾。又言質六十四之面，渾二十五之面。又云方八之面，圓六之面，疑皆算。順帝初，再轉，復爲太史令。衡不慕當世所居之官，輒積年不徙，自去史職，五載復還，乃設客問論之文。

問作應問，目見其志云。

問，非也。衡集云：觀者觀余去史官五載而復還，非進取之勢也。唯衡內識利鈍，操心不改，或不我知者，以爲失志，突用爲問。余應之以時有遇否，性命難求，因茲以露余誠焉。故名之應問云。有

問余者曰：蓋聞前哲首務，務於下學上達，佐國理民，有云爲也。

論語曰：孔子曰：下學而上達。注云：下學人事，上知天命也。朝有所聞，則夕

行之，立功立事，式昭德音。

尙書曰：立功立事，可以永年。逸詩曰：祈昭之愷愷，式昭德音。式，用也。昭，明也。《集解》惠棟曰：注立功立事，可以永年，今文尙書太警文。

是故伊尹思使君爲

堯舜，而民處唐虞，彼豈虛言而已哉！必旌厥素爾。

尙書伊尹曰：予弗克俾厥后惟堯舜，其心愧恥，若撻于市。旌，明也。素，猶志也。《集解》惠棟曰：事見孟子。注引僞尙書，非也。咎單

巫咸寔守王家。

咎單，巫咸，並殷賢臣也。尙書曰：咎單作明居。又曰：巫咸保乂王家也。

申伯、樊仲，實幹周邦，服袞而朝，介圭作瑞。

申伯，申國之伯也。樊仲，仲山甫也。爲樊侯。

並周宣王之卿士。詩大雅曰：維申及甫。維周之翰。翰，幹也。服袞，謂申伯爲冢宰。服袞冕之服也。又曰：錫爾介圭，以作爾寶。注云：寶，瑞也。圭，長尺二寸，謂之介也。

厥跡不朽，垂烈後昆，不亦不歟！且學非

曰要利而富貴萃之，貴曰行令，富曰施惠，惠施令行，故易稱曰大業。

易繫辭曰：盛德大業至矣哉。富有之謂大業，日新之謂盛德也。

質曰文

美實由華興器賴雕飾爲好人曰輿服爲榮吾子性德體道篤信安仁約己博藝無堅不鑽曰思世路

斯何遠矣

論語曰篤性好學又曰仁者安仁又曰鑽之彌堅博我以文約我以禮

曩滯日官今又原之

日官史官也左傳曰天子有日官爾雅曰原再也

雖老氏曲全進道

若退然行亦曰需

老子曰曲則全枉則直又曰夷道若類進道若退易雜卦曰需不進也〔集解〕官本考證曰舊本或無此雖下十四字

必也學非所用術有所仰故臨川

將濟而舟楫不存焉徒經思天衢內昭獨智固合理民之式也故嘗見謗于鄙儒

天衢天道也言徒說思作靈憲渾天儀等也深

厲淺揭隨時爲義曾何貪於支離而習其孤技邪

揭褰衣也音丘厲反詩郁風曰深則厲淺則揭爾雅曰由帶以上爲厲由膝以下爲揭言遭時制宜遇深水則厲淺則揭也易隨卦曰隨

時之義大矣哉莊子曰朱泮曼學屠龍於支離蓋單千金之家三年技成而無所用技音渠綺反責衡何獨妙思於機巧者也〔集解〕劉攽曰注支離蓋案莊子蓋當作益支離其名益耳後人不讀莊子妄改爲益

參音輪可使自轉

〔集解〕沈欽韓曰王熙麟以爲卽記里鼓車案宋書志指南車其始周公作張衡始復製造

木雕猶能獨飛

〔集解〕沈欽韓曰公輪子削竹木以爲誰成而飛之三目不下抱朴子應嘲墨子刻木雞以厲天〔韓非說林墨子爲木匠三

年而成畫一日而敗〔廣博物志〕文士傳張衡嘗作木鳥假以羽翮腹中施機能飛里說文雕斲也

已垂翅而還故棲盍亦調其機而銛諸

垂翅故棲謂再爲史官也盍何不也銛利也諸之也

問者言衡作三輪木鸞尙能飛轉已乃垂翅故棲何不調其機爾使利而高飛邪傅子曰張衡能令三輪獨轉也

昔有文王自求多福

詩大雅文王篇曰永言配命自求多福也〔集解〕劉攽曰正文昔有當作昔者人生

在勤不索何獲。

左傳曰：人生在勤，勤則不賈。又曰：不索何獲。吾欲求之。《集解》先謙曰：官本無注。

曷若卑體屈己，美言曰相剋。

剋，勝也。衡集作美言以市也。

鳴于喬木。

乃金聲而玉振之。

詩小雅曰：伐木丁丁，鳥鳴嚶嚶，出自幽谷，遷于喬木，喻求仕遷於高位，振揚德音如金玉之聲。孟子曰：金聲而玉振之。

用後勳，雪前吝，婞很不柔，曰意誰

靳也。

吝，恥也。左傳曰：宋公靳之。杜預注云：戲而相愧曰靳。

應之曰：是何觀同而見異也。君子不患位之不尊，而患德之不崇，不恥祿

之不夥，而恥智之不博。

方言曰：凡物盛而多，齊宋之郊謂之夥。音和果反。

是故藪可學而行可力也。天爵高懸，得之在命。

孟子曰：仁義忠信樂

善不倦，此天爵也。公卿大夫，此人爵也。

或不速而自懷，或羨旃而不臻。

速，召也。懷，來也。旃，之也。

求之無益，故智者面而不思。

案此謂天子高懸爵位，得者在命也。

面，借也。《集解》先謙曰：官本前作餽，古餽止作面。

陸身曰微幸，固貪夫之所爲，未得而豫喪也。

陸危也。

枉尺直尋，議者譏之，盈欲虧志。

孰云非羞。

孟子陳代問孟子曰：枉尺而直尋，若可爲也。孟子曰：昔齊景公田，招虞人以旌，不至，將殺之。志士不忘在溝壑，如不待招而往，何哉。且夫枉尺而直尋者，以利言也。如以利，則枉尋直尺而利，亦可爲歟。趙岐注：志士守義者也。君子固窮，故

虞人不得其招，尚不往，如何君子不待其招而妄見也。尺小尋大，不可枉大就小，而以要利也。

於心有猜待，則簋殮饌餼，猶不屑餐，旌替曰之。

猜，嫌也。簋，食器也。殮，音孫。詩云：有蒙簋殮。

饌，仕卷反。餼，補故反。並謂食也。屑猶介也。以，用也。爰，旌替，餓人也。一作爰精目。列子曰：東方有人焉，曰爰精目，將有適也，而餓於道。狐丘父之盜曰：丘見而下壺殮以餼之，爰精目三餼而後能視。曰：子何爲者也。我狐父之人丘也。爰精目曰：請汝非盜邪。吾義不食子之

食也。兩手據地而歐之，不出喀喀而死之也。〔集解〕劉放曰：注子何爲者也。案文是對答之辭也。字當作曰。沈欽韓曰：呂覽介立篇，作爰旌目。列子說符，亦作旌目。新序節士作族目。注引作精目，非。先謙曰：正文待字衍。官本無。意之無疑，則兼

金盈百而不嫌辭。孟軻曰之。

孟子陳臻問曰：前日於齊王，餽兼金一百而不受。于宋，餽七十鎰而受。前日之不受是，則今日受之非也。孟子曰：皆是也。當在宋也。予將遠行，遠行者必以賂。予何爲不受？若於齊則未有處

也。無處而餽之，是貨之也。焉有君子而可以貨取乎？趙岐注云：兼金，好金也。價兼倍於惡者。故曰兼金一百，百鎰也。二十兩爲鎰。賂，送行者贈賄之禮也。在齊時無事于義，未有所處也。義無所處而餽之，是以貨賄所取我。欲使我懷惠也。〔集解〕劉放曰：注是以貨賄所取我。案文多一「所」字。先謙曰：官本注受之無之字。遠行者無遠字。處也。無也字。

士或解褐褐而襲黼黻，或委孟築而據文軒者，度德拜爵，量績受祿也。

解褐褐，謂富戚也。委孟築，謂傅說也。褐音常主。反方言曰：自關而西，謂襜褕短者謂之褐也。

輸力致庸，受必有階。受或作發。渾元初基，靈軌未紀，吉凶紛錯，人用臆

臆。臆，言未晤也。〔集解〕劉放曰：案蔡邕亦有此二字，作瞻瞻，從目是也。此誤。

黃帝爲斯深慘，有風后者，是焉亮之。察三辰於上，跡禍福乎下。經緯

歷數，然後天步有常，則風后之爲也。

史記曰：黃帝迎日推策，舉風后力牧以理人，順天地之紀，幽明之占。又曰：旁羅日月星辰，春秋內事。黃帝師於風后，風后善於伏羲氏之道，故推演陰陽之事。藝文志

陰陽流有風后十三篇也。

當少昊清陽之末，實或亂德，人神雜擾，不可方物。重黎又相顛頊，而申理之。日月卽次，則重

黎之爲也。

帝王紀曰：少昊字清陽，國語楚觀射父曰：少皞之衰也。九黎亂德，人神雜揉，不可方物。顛頊承之，乃命南正重司天以屬神，命火正黎司地以屬人。重少昊氏之子，黎顛頊氏之子。

人各有能，因甄受任。

鳥師別名，四叔三正，官無二業，事不並濟。

左傳：鄭子曰：少皞鳥師而鳥名。鳳鳥氏，歷正也。玄鳥氏，司分也。伯趙氏，司至也。青鳥氏，司啟也。丹鳥氏，司閉也。又晉蔡墨曰：少皞氏有四叔，曰重，曰該，曰修，曰熙，爲玄冥、四叔分主三正，言其不兼業也。

修，曰熙，實能金木及水，使重爲句芒，該爲蓐收，修及熙爲玄冥，四叔分主三正，言其不兼業也。

晝長則宵短，日南則景北。

夏至日北極而影短，晝六十刻，夜四十刻。冬至日南極而影長，夜六十刻，晝四十刻也。易通卦驗曰：

冬至晷長丈三尺，夏至晷長尺五寸，謂立八尺表之陰也。

天且不堪兼，況日人該之。

該，補也。

夫玄龍迎夏，則陵雲而奮鱗，樂時也。涉冬，則泐

泥而潛蟠，避害也。

說文曰：龍，鱗蟲之長，能幽能明，能小能巨，能短能長，春分而登，天秋分而入川，言出入有時也。賈逵注國語曰：泐，亂也。泐音骨。

公且道行，故制典禮。日尹天下，懼

教誨之不從，有人之不理。

尹，正也。道行，言道得申也。流俗本作行道者，非也。

仲尼不遇，故論六經。日俟來辟。

辟，君也。公羊傳曰：孔子制春秋，以俟後聖也。

一物之不知。

〔集解〕惠棟曰：楊子法言：聖人之于天下，恥一物之不知。

有事之無範，所考不齊，如何可一。

衡集考字作丁丁當也。

夫戰國交爭，戎車

競驅，君若綴旒，人無所麗。

麗，附也。公羊傳曰：君若贅旒然，旒，旒也。言爲下所執持，西東也。

燭武縣綰，而秦伯退師。

燭之武，鄭大夫也。綰，縣繩於城而下也。左傳曰：秦伯圍鄭。

鄭伯使燭之武夜縋而出，說秦伯爲之退師。

魯連係箭，而聊城弛柝。

魯仲連，齊人也。時燕將守聊城，仲連爲書，係箭射聊城，中燕將自殺，見史記。弛，廢也。柝，行夜木也。

從往則合，橫來則

離，安危無常，要在說夫。

張儀說諸侯連和，事秦爲橫，蘇秦說諸侯連兵，拒秦爲從。蘇秦往則從合，張儀來則從離。

咸呂得人爲梟，失士爲尤。

梟，猶勝也。猶大博得梟爲勝。

故

樊噲披帷入見高祖

前書曰樊噲沛人也封舞陽侯高帝常病惡見人臥禁中詔戶者無得入噲乃排闥直入流涕曰獨不見趙高之事乎帝笑而起也

高祖踞洗目對酈生

前書曰沛公方踞洗

令兩女子洗足而見酈食其食其曰必欲聚徒合

當此之會乃龍鳴而鼉應也

喻君臣相感也焦贛易林曰龍鳴岐野鼉應於泉也〔集解〕沈欽韓曰莊子天運篇雄鳴

於上風雌應於下風而化司

故能同心勦力勤恤人隱

隱病也國語曰勤恤人隱而除其害也

奄受區夏遂定帝位皆謀臣之由

也故一介之策各有攸建

〔集解〕惠棟曰左傳文

子長謀之爛然有第

前書音義曰謀諸第也與牒通司馬遷字子長作史記著功臣等傳粲然各有第序也

夫女魃

北而應龍翔洪鼎聲而軍容息

女魃旱神也北猶退也應龍能興雲雨者也山海經曰蚩尤作兵伐黃帝黃帝乃令應龍攻之冀州之野應龍蓄水蚩尤請風伯雨師從大風雨黃帝乃下天女曰妖雨止遂殺蚩尤妖

不得復上所居不雨妖亦魃也音步未反聲或作聲容或作客衝集容作害並未詳也〔集解〕沈欽韓曰大荒北經作魃吳任臣本作

妓文字指歸云女妓禿無髮注妖乃妓之譌國容不入軍軍容不入國燕享好合鼎俎在前則干戈自息矣聲是升之誤注謂聲或作

聲容或作客皆非

溽暑至而鶉火棲寒冰泐而龜羅蟄

棲息也禮記月令曰季夏土潤溽暑鶉火午之宿也三月在午六月在西言當季夏之時鶉火退於西沍凝也

今也皇澤宣

洽海外混同萬方億醜并質共劑若修成之不暇尚何功之可立

質劑猶今分支契也并共猶言交通也周禮曰凡賣買者質劑焉大市以質小市以劑鄭玄注

云兩書一札同而別之長曰質短曰劑劑音子隨反〔集解〕先謙曰官本支作文考證曰注文別本作支

立事有三言爲下列下列且不可庶矣奚冀其二哉

左傳魯叔

孫約曰。太上有立德。其次有立功。其次有立言。杜預注云。立德。黃帝堯舜也。立功。禹稷也。立言。史佚。周任。臧文仲。

于茲縉紳如雲。儒士成林。及津者風撼。失塗者幽僻。遭遇

難要。趨偶為幸。世易俗異。事勢舛殊。不能通其變。而一度曰揆之。

易繫辭曰。通其變。使人不倦也。

斯契船而求劍。守株而

伺兔也。

契。猶刻也。呂氏春秋曰。楚人有涉江者。其劍自舟中墜於水。遽契其舟曰。是吾劍所從墜也。舟已行。而劍不行。若此。求劍不亦惑乎。韓子曰。宋人有耕者。田中有株。兔走觸之。折頸而死。因釋耕守株。冀復得兔。為宋國笑也。

冒愧逞

願必無仁。曰繼之。有道者所不履也。越王句踐事此。故厥緒不永。

史記曰。越王句踐先吳興師。吳王聞之。悉發精兵擊越。敗之於夫椒。越王乃以餘兵五千人保

棲於會稽。此為冒愧逞願。自取敗也。

捷徑邪至。我不忍目投步。干進苟容。我不忍目歛肩。

捷。疾也。歛。斂也。音翕。孟子曰。阿意事貴。苟肩所尊俗之情也。歛。亦脅也。〔集解〕王會汾曰。

案章懷所引孟子。每與今本大同小異。此注二語。尤不相合。或別有所本。

雖有犀舟勁楫。猶人涉印否。有須者也。

前書曰。羌戎弓矛之兵器。不犀利。音義曰。今俗謂刀兵利為犀犀。堅也。詩衛風曰。招

招舟子。人涉印否。人涉印否。印須我友。印我也。須待也。鄭玄注云。人皆涉。我友未至。我獨待而不涉。言室家之道。非得所適。貞女不行。非得禮義。如姻不成。喻仕當以道。不求妄進也。

姑亦奉順敦篤。守曰忠信。得之

不休。不獲不吝。

姑。且也。休。美也。吝。恥也。

不見是而不愠。居下位而不憂。允上德之常服焉。

愠。猶悶也。易曰。不見是而無悶。樂則行之。憂則違之。又曰。居上

位而不驕。在下位而不憂也。〔集解〕惠棟曰。今易。愠作悶。宜據古文。

方將師。天老而友地典。與之乎高。睨而大談。孔甲且不足慕。焉稱殷彭及

周聃。帝王紀曰：黃帝以風后配上台，天老配中台，五聖配下台，謂之三公。其餘知天規紀、地典、力牧、常先、封胡、孔甲等，或以爲師，或以爲將。藝文志：陰陽有地典六篇。殷彭即老彭，殷賢人也。睨視也。高視大談，言不同流俗。衡集作矢談，矢亦直也。義亦通也。

〔集解〕沈欽韓曰：論語摘輔象，黃帝命知命糾俗，天老錄教，力牧準斥鷃治決法，五聖道緞，闕紀補闕，地典州絡，七輔得而天地治。

與世殊技，固孤是求。
技，巧也。音伎。本或作拔，誤也。

子憂朱泚曼之

無所用，吾恨輪扁之無所教也。

輪扁爲輪者，名扁也。扁音皮殄反。莊子曰：輪扁對齊桓公曰：斲輪之法，徐則甘而不固，疾則苦而不入，不疾不徐，得之於手而應之於心，口不能言也。臣不能以喻臣之子，臣子亦不能

受之於臣。言泚曼屠龍，既無所用，輪扁斲輪，亦不能教人也。泚音匹萌反。

子觀木雕獨飛，愍我翅覩故棲。吾感蠹醴附鳴，悲爾先笑而後號也。

蠹，蝨也。蠹，蝨也。

音胡媧反。周易旅卦上九曰：先笑而後號咷。〔集解〕先謙曰：官本蠹作去。沈欽韓云：蠹，疑蠹之譌。說文：蠹，魯諸也。徐鍇擊傳：菴七宿切。爾雅：郭注：蠹，醴似蝨，居陸地。淮南謂之去蛟。案去菴，即去蛟也。若使附逐嗜腐鼠之鳴，必爲所食。故下云：先笑後咷。

斐豹

呂覽督燔書禮至，呂掖國作銘。

左傳曰：晉欒盈復入於晉欒氏之力。臣曰：督戎，國人懼之。斐豹謂范宣子曰：苟焚丹書，我殺督戎。宣子曰：而殺之所不請於君。焚丹書者，有如日，乃殺之。杜預注曰：蓋豹犯罪，沒爲官奴。

以丹書其罪。左傳：衛伐邢，禮至與國子巡城，掖以赴外，殺之。禮至自爲銘曰：余掖殺國子，莫余敢止。國子，邢正卿，禮至本衛人，仕邢爲大夫，掖謂挾之而投于城外也。衡集豹字作隸也。

弦高呂牛，饋退敵。墨翟呂紫帶

全城。

左傳曰：秦師襲鄭，及滑，鄭商人弦高將市於周，遇之，以牛十二犒師曰：寡君聞吾子將出於敝邑，敢犒從者。秦孟明曰：鄭有備矣。滅滑而還。墨子曰：公輸般爲雲梯以攻宋，墨子解帶爲城，以牒爲械。公輸般九攻墨子，九拒公輸之攻。墨子之守有餘，楚

南楚之間，謂之襟。北堂書鈔引襟作襟，義同字誤。與解帶義連，不當爲襟。王曰：善哉。吾請無攻宋矣。〔集解〕沈欽韓曰：御覽引牒作襟，方言：襟衣。江淮

貫高呂端辭顯義，蘇武呂禿節效貞。

貫高，趙相也。端

猶正也。獨正言趙王不反。高帝賢而赦之。蘇武使匈奴中，持節臥起，節毛盡落，並見前書。

蒲且呂飛增逞巧，詹何呂沈鉤致精。

列子曰：蒲且子之弋，弱弓纖繳，乘風振之，連雙鷁於青雲之際。又曰：詹何以獨

繭絲爲綸，芒針爲鉤，荆篠爲竿，剖粒爲餌，引故車之魚。周禮曰：矰矢用弋射，鄭玄注云：結繳於矢，謂之矰。矰，高也。

弈秋呂碁局取譽，王豹呂清謳流聲。

弈，圍局也。碁，卽所執之子。秋，名也。孟子曰：弈秋，通國

之善弈者。又曰：王豹處於淇，而河西善謳也。

僕進不能參名於二立，退又不能羣彼數子。

二立，謂太上立德，其次立功也。上云立事有三，言爲下列，下列且不可庶，況其二哉。故言不能參名

於二立之流也。臣賢案：古本作二立，流俗本及衡集立字多作匹，非也。數子，謂斐豹以下也。

愍三墳之旣頽，惜八索之不理。

左傳曰：楚左史倚相能讀三墳五典八索九丘。孔安國以爲三墳五典三皇之書，八

卦之說，謂之八索。此以下言不能立德立功，惟欲立言而已。

庶前訓之可鑽，聊朝隱乎柱史。

前書東方朔曰：首陽爲拙，柱下爲工。應劭曰：老子爲周柱下史，朝隱終身無患，是爲上也。

且韞櫝呂

待價，踵顏氏呂行止。

論語：子貢曰：有美玉於斯，韞櫝而藏諸求善價而沽。諸子曰：我待價者也。夫子謂顏回曰：用之則行，舍之則藏，唯我與爾有是夫。

曾不慊夫晉楚，敢告誠於知

己。孟子：曾子曰：晉楚之富，不可及也。彼以其富，我以吾仁。彼以其爵，我以吾義。吾何慊也。慊，猶羨也。音苦覃反。

陽嘉元年，復造候風地動儀，呂精銅鑄成，圓徑八尺，合

蓋隆起，形似酒尊。〔集解〕汪文臺曰：御覽七百五十二引續漢書酒尊作傾尊。

飾呂篆文山龜鳥獸之形，中有都柱，傍行八道，施關發機

外有八龍，首銜銅丸，下有蟾蜍，張口承之。

蟾蜍，蝦蟇也。蟾音時。占反。蜍音時。諸反。

其牙機巧制，皆隱在尊中，覆蓋周密無際。

如有地動。尊則振。龍機發吐丸。而蟾蜍銜之。振聲激揚。伺者因此覺知。雖一龍發機。而七首不動。尋其方面。乃知震之所在。驗之目事。合契若神。自書典所記。未之有也。嘗一龍機發。而地不覺動。京師學者。

咸怪其無徵。後數日。驛至。果地震隴西。於是皆服其妙。

〔集解〕沈欽韓曰。帝紀。陽嘉二年。京師地震。袁紀同。衡於陽嘉元年造此器。而三四年內。只有京師地震。無隴西地震事。

作傳者但欲美衡之巧思。不復推檢實事。

自此呂後。乃令史官記地動所從方起。時政事漸損。權移於下。衡因上疏陳事曰。伏

惟陛下宣哲克明。繼體承天。中遭傾覆。龍德泥蟠。

傾覆。謂順帝為太子時。廢為濟陰王。蟠。音薄。寒反。廣雅曰。蟠。曲也。揚雄方言曰。未升天龍謂之蟠。

今乘雲高躋。

磐桓天位。誠所謂將隆大位。必先倥偬之也。

倥音口弄反。偬音子弄反。埤蒼曰。倥偬。窮困也。亦謂順帝被廢時也。

親履艱難者。知下情。備經險

易者。達物偽。

左傳曰。晉侯在外。十九年矣。險阻艱難。備嘗之矣。人之情。偽盡知之矣。

故能一貫萬機。靡所疑惑。百揆允當。庶績咸熙。宜獲福祉。神

祇。

〔集解〕蘇輿曰。福祉。疑衍一字。受譽黎庶。而陰陽未和。災眚屢見。神明幽遠。宜鑒在茲。福仁禍淫。景響而應。

〔集解〕先謙曰。官本。

響作響。通用字。

因德降休。乘失致咎。天道雖遠。吉凶可見。近世鄭、蔡、江、樊、周、廣、王、聖。皆為效矣。

事見宦者傳。

故恭儉

畏忌必蒙社祚。奢淫諂慢。鮮不夷戮。前事不忘。後事之師也。夫情勝其性。流遞忘反。

性者生之實。情者性之欲。性善情惡。情勝則荒。

也。淫。豈唯不肖。中才皆然。苟非大賢。不能見得思義。故積惡成釁。罪不可解也。向使能瞻前顧後。援鏡自

戒。則何陷於凶患乎。

楚辭曰。瞻前而顧後兮。援鏡自戒。謂引前事以為鏡而自戒救也。韓詩外傳曰。明鏡所以照形。往古所以知今。

貴寵之臣。衆所屬仰。其有愆尤。上下

知之。褒美譏惡。有心皆同。故怨謫溢乎四海。神明降其禍辟也。

辟。罪也。音類亦反。

頃年雨常不足。思求所失。則

洪範所謂僭恆暘若者也。

恒。常也。若。順也。孔安國注洪範云。君行僭差。則常暘。順之。常暘則多旱也。〔集解〕先謙曰。官本暘作陽。

懼羣臣奢侈。昏踰典式。自下逼上。

〔集解〕惠棟曰。尚書云。無敢昏逾。逾與踰同。韓非子云。管仲父庭有陳鼎。家有三歸。孔子曰。良大夫也。其侈逼上。

用速咎徵。又前年京師地震土裂。

順帝永建三年正月。京師地震也。

裂者威

分。震者人擾也。君曰靜唱。臣曰動和。威自上出。不趣於下。禮之政也。竊懼聖思厭倦。制不專己。恩不忍

割。與衆共威。威不可分。德不可共。洪範曰。臣有作威作福。玉食害于而家。凶于而國。天鑒孔明。雖疏不

失。災異示人。前後數矣。而未見所革。君復往悔。

革。改也。復反也。

自非聖人。不能無過。願陛下思惟所。稽古率

舊勿令刑德八柄不由天子。

周禮太宰以八柄詔王馭羣臣。一曰爵。二曰祿。三曰予。四曰置。五曰生。六曰奪。七曰廢。八曰誅。

若恩從上下。事依禮制。禮制修則奢

僭息。事合宜則無凶咎。然後神望允塞。災消不至矣。初光武善識。及顯宗。肅宗。因祖述焉。自中興之後。

儒者爭學圖緯。兼復附言妖言。衡言圖緯虛妄。非聖人之法。乃上疏曰。臣聞聖人明審律歷。言定吉凶。

重之。言卜筮雜之。言九宮。

易乾鑿度曰。太一取其數以行九宮。鄭玄注云。太一者。北辰神名也。下行八卦之宮。每四乃還於中央。中央者。北神之所居。故謂之九宮。天數大分以陽出。以陰入。陽起於子。陰起於午。是以太一

下九宮。從坎宮始。自此而從於坤宮。自此而從於震宮。又自此而從於巽宮。所以行半矣。還息於中央之宮。既又自此而從於乾宮。又自此而從於兌宮。又自此而從於艮宮。又自此而從於離宮。行則周矣。上游息於太一之星。而反紫宮。行起從坎宮。始終于離宮也。

經天驗道。本盡於此。或觀星

〔集解〕惠士奇曰。紫宮者。午位之離。反紫宮。所謂陰起於午。由此逆行。自離而艮而兌而乾而中央而巽而震而坤而坎。坎一。坤二。震三。巽四。乾六。兌七。艮八。離九。先謙曰。北神當作北辰。

辰逆順。寒燠所由。或察龜策之占。巫覡之言。

前書曰。齊肅聰明者。神或降之。在男曰覡。在女曰巫。覡音胡。歷反。

其所因者。非一術也。立言於前。有徵於後。故智者貴焉。謂之讖書。讖書始出。蓋知之者寡。自漢取秦。用兵力戰。功成業遂。可謂大事。當此之時。莫或稱讖。若夏侯勝。眭孟之徒。言道術立名。其所述著。無讖一言。劉向父子領校祕書。閱定

九流亦無讖錄成哀之後乃始聞之。

哇弘字孟晉國蕃人也昭帝時以明經爲議郎夏侯勝字長公東平人好洪範五行傳說宣帝時爲太子太傅又成哀時有詔使劉向及子歆爲祕書校定經傳諸子等

九流謂儒家道家陰陽家法家名家墨家縱橫家雜家農家見藝文志並無讖說也〔集解〕闕若璩曰緯起哀平而平子言成哀之後乃始聞之讀班書李尋傳成帝元延中尋說王根曰五經六緯尊術顯士則知成帝朝已有緯名矣下言成於哀平之際最分明也惠棟曰荀悅申鑒云世稱緯書仲尼之作也臣悅叔父故司空爽辨之蓋發其僞也有起于中興之前終張之徒所作乎惠士奇云錄圖簿簿見呂覽亡秦者胡亦錄圖中語似起戰國至哀平而大興棟案以亡秦者胡爲錄圖中語據王允論衡也

尚書堯

使繇理洪水九載績用不成繇則殛死禹乃嗣興。

殛誅死也〔集解〕何焯曰理當作湮因下共工理水致讖惠棟曰理本作治尚書有能俾父父治也堯使繇治洪水而繇陞之故箕子謂

蘇汨陳其五行也何說非

而春秋讖云共工理水

〔集解〕惠棟曰理亦治字共工治河事見汲郡竹書及周語在蘇前而張平子駁之非也

凡讖皆云黃帝伐蚩尤而詩讖

獨曰爲蚩尤敗然後堯受命春秋元命苞中有公輸班與墨翟事見戰國非春秋時也

衡集云班與墨翟並當子思時出仲

尼後也〔集解〕惠棟曰吳仁傑云禮記季康子之母死公輸若尚幼般請以機封般與班同則公輸班正出春秋時矣案今墨子作公輸盤古文通也

又言別有益州益州之置在於漢世

前書武帝

始置益州

其名三輔諸陵世數可知至於圖中訖于成帝一卷之書互異數事

〔集解〕惠棟曰楊子法言云一卷之書不勝異說也

聖人之

言執無若是殆必虛僞之徒呂要世取資往者侍中賈逵摘讖互異三十餘事諸言讖者皆不能說至

於王莽篡位。漢世大禍八十篇。何爲不戒。則知圖讖成於哀平之際也。且河洛六藝篇錄已定。後人皮

傅無所容篡。

衡集上事云。河洛五九六藝四九。謂八十一篇也。傅音附。臣賢案。衡集云。後人皮傅無所容篡。又揚雄方言曰。秦晉言非其事。謂之皮傅。謂不深得其情核。皮膚淺近。強相傅會也。後人不達皮膚之意。流俗本多作頗傅者。誤也。無所

容篡。謂不容妄有加增也。莊子曰。竄句籍辭。續漢書亦作竄。本作篡者。義亦通也。《集解》惠棟曰。說文云。讖。驗也。河洛所出書曰。讖。蒼頡篇曰。讖書。河洛書也。鄭元六藝論曰。六藝者。圖所生也。又曰。郊祀志云。上使梁松等案河雒讖文。以章句細微相況。八十一卷。明者爲驗。又其十卷。皆不昭指。是當日河洛讖文。八十一卷。皆有章句。故云篇錄已定。其餘皆不昭指。故云無所容篡也。皮傅。猶皮續也。論衡云。盡也。皮續。桓譚新論云。讖。出河圖洛書。但有朕兆。而不可知。後人妄復加增。依托孔丘。誤之甚也。洪頤煊曰。頗猶偏也。頗傅。謂以偏詞相傅會。永元中。清河宋景。遂曰。歷紀推言水災。而僞稱洞視玉版。

避甲開山圖曰。禹遊於東海。得玉珪。碧色。長一尺二寸。圓如日月。以日照。自達幽冥。

言宋景歷紀。推知水災。非洞視玉版所見者也。《集解》惠棟曰。王子年拾遺記云。堯得玉版。方尺。圖天地之形。又曰。神人操玉簡授禹。長一尺二寸。以合十二時之數。使量度天地。禹卽執持此簡。以平定水土。先謙曰。官本注。目作自下。無自字者字。或者至

於弃家業。入山林。後皆無效。而復采前世成事。曰爲證驗。至於永建復統。則不能知。

永建。順帝卽位年也。復統。謂廢而復立。言讖家

不論也。

此皆欺世罔俗。曰昧執位。情僞較然。莫之糾禁。且律歷卦候。九宮風角。數有徵效。世莫肯學。而競

稱不占之書。

謂競稱讖家也。《集解》通鑑胡注。黃帝命伶倫吹律。大槩作甲子。容成造歷。而律歷之學傳矣。京房分六十四卦。更直日用事。以風雨寒溫爲候。伏羲之時。龍馬負圖出於河。伏羲觀河圖而畫八卦。陰陽家謂之九宮。一六八爲白。二

黑三碧四綠五黃七赤九紫至今承用之。惠棟曰：京氏分六十卦，更直日用事，而坎離震兌不與焉。胡氏以爲六十四卦誤也。九宮之說，見易乾鑿度。劉牧取以爲河圖妄也。詳棟所撰易漢學。

譬猶畫工惡圖犬馬而好

作鬼魅，誠曰實事難形而虛僞不窮也。

韓子曰：客爲齊王畫者，問畫孰難，對曰：狗馬最難，孰易，鬼魅最易。狗馬人所知也，故難；鬼魅無形，故易也。

宜收藏圖識，一禁絕

之，則朱紫無所眩，典籍無瑕玷矣。後遷侍中。

〔集解〕惠棟曰：碑云：遷公車司馬令侍中。

帝引在帷幄，諷議左右。

〔集解〕惠棟曰：文士傳云：從容諷議，拾遺

左

嘗問衡天下所疾惡者，宦官懼其毀己，皆共目之。衡乃詭對而出。

〔集解〕惠棟曰：穀梁傳云：士造辟而言詭辭而出。

闔豎恐終

爲其患，遂共讒之。衡常思圖身之事，曰：爲吉凶倚伏，幽微難明，乃作思玄賦。

玄，道也。德也。老子曰：玄之又玄，衆妙之門。

曰：宜寄

情志。

〔集解〕惠棟曰：李善云：順桓二帝之時，國政稍微，專恣內豎，平子欲言政事，又爲奄豎所讒，敵意不得志，欲游六合之外，勢既不能，義又不可，但思其元遠之道而賦之，以申其志耳。

其辭曰：仰先哲之玄訓兮，

雖彌高其弗達。

玄訓，道德之訓也。論語：顏回曰：仰之彌高。

匪仁里其焉宅兮，匪義迹其焉追。

論語：孔子曰：里仁爲美，宅不處仁，焉得知。里宅，皆居也。〔集解〕先謙曰：注擇作宅，異文。

潛服膺，曰永靚兮，緜日月而不衰。

說文曰：膺，匈也。禮記曰：服膺拳拳而不息。靚，音才性反。前書音義曰：靚，與諄同。

伊中情之信修兮，慕古人之貞節。

自修爲善也。楚辭曰：苟中情其好修兮。

竦余身而順止兮，遵繩墨而不跌。

竦，企立也。禮記曰：爲人臣止於恭，爲人子止於孝，爲人父止於慈，與國人交止於信。跌，蹉也。音徒結反。繩墨，喻禮法也。楚辭曰：遵繩

墨而不頽。志團圓。曰應懸兮。誠心固其如結。團圓垂貌。詩曰。心之憂矣。如或結之。〔集解〕先謙曰。官本團圓作團圓。

旌性行。曰制佩兮。佩夜光與瓊枝。

旌明也。夜光美玉。瓊枝玉樹。以喻堅貞也。楚辭曰。折瓊枝以繼佩也。

縹幽蘭之秋華兮。又綴之曰江離。

案縹音租緩反。字書亦纂字也。纂。繫也。諸家音並戶圭反。誤也。江離香草也。本草經曰。薺蕪一名江離。即

芎藭苗也。楚辭曰。扈江離與辟芷兮。紉秋蘭以爲佩。皆取芬芳以象德也。〔集解〕錢大昕曰。說文。縹。維。綱中繩也。讀若畫。又讀若維。諸家讀爲戶圭反者是也。章懷讀爲纂。則文當從雋。說文有縹。無縹。章懷音誤。惠士奇曰。文選。縹作縹。引說文曰。繫。幘曰縹。幘一名縹。爾正。婦人之幘謂之縹。今之香囊。在男曰幘。在女曰縹。然則縹者。係囊之繩也。美髮積曰酷裂兮。允塵邈而難虧。

猶歎也。衣服芬芳久而不歇。以喻道德著美。幽而不屈也。〔集解〕惠棟曰。裂當依集作烈。先謙曰。官本裳作襄。是而時人不珍也。

既姱麗而鮮雙兮。非是時之攸珍。

姱音口瓜反。王逸注。楚辭曰。姱。好也。攸。所也。言德雖美好。

奮余榮而莫見兮。播余香而莫聞。幽獨守此仄陋兮。敢怠皇而舍勤。

怠。惰也。皇。暇也。舍。廢也。幸二八之選

虞兮。喜傳說之生殷。尙前良之遺風兮。恫後辰而無及。

二八。八元八愷也。選。遇也。音五故反。虞。舜也。尙。慕也。恫。痛也。音通。辰。時也。痛。已後時而不及之也。〔集解〕惠棟曰。恫。舊

音他公切。

何孤行之煢煢兮。子不羣而介立。感鸞鷺之特棲兮。悲淑人之稀合。

山海經曰。女牀山有鳥五采。名曰鸞。見則天下安寧。又曰。九疑山有五采

之鳥。名鸞。淑。善也。特。獨也。言靈鳥既獨棲。善人亦少合也。〔集解〕惠棟曰。李善云。廣雅曰。鸞。鳳屬也。

彼無合其何傷兮。患衆僞之冒眞。且獲譴于羣弟兮。啓金滕而

乃信。

曰，周公也。誦，謗也。信音申。成王立，周公攝政，其弟管叔、蔡叔等謗言云：公將不利於孺子。周公乃誅二叔，秋大熟，未穫，天大雷，電以風，不盡，腹成王與大夫啟金縢之書，乃得周公所以為功。代武王之策，方信周公忠於國家也。見尚書。〔集解〕先謙曰：

官本注見

覽烝民之多僻兮，畏立辟曰危身。

烝，衆也。辟，邪也。辟，法也。詩曰：人之多僻，無自立辟也。

曾煩毒曰迷或兮，羌孰可與言己。

曾，重。

也。羌，發語辭也。言己之志無可與言之也。〔集解〕惠棟曰：或與惑同。集作惑。

私湛憂而深懷兮，思繽紛而不理。

滿音沈。繽紛，亂貌也。

願竭力曰守義兮，雖貧窮

而不改，執雕虎而試象兮，陸焦原而跟止。

雕虎有文也。陸，臨也。焦原，原名也。跟，足踵也。尸子曰：中黃伯曰：我左執太行之

也。惡乎試之曰：夫貧窮，太行之擾也。跡賤者，義之雕虎也。吾日試之矣。又曰：吾國有名焦原者，廣尋長五十步，臨百仞之谿，吾國莫敢近也。有以勇見吾子者，獨卻行刺踵焉。此所以服吾國也。夫義之為焦原也，高矣。此義所以服一世也。衡言躬履仁義，不避險難，亦足以服一代之人也。〔集解〕惠棟曰：義，集作誼。鄭衆

周禮注云：古者書儀，但為義。今時所謂義為誼。

庶斯奉曰周旋兮，要既死而後已。

左傳：克史曰：奉以周旋，不敢失墜。論語：孔子曰：死而後已，不亦遠乎。

俗

遷淪而事化兮，泯規矩之圓方。

化，變也。泯，滅也。

珍蕭艾於重笥兮，謂蕙芷之不香。

蕭，蒿也。笥，篋也。蕙，芷，並香草也。貴蕭艾，喻任小人。謂蘭芷為不香，喻弃賢

人也。〔集解〕先謙曰：官本，蘭作蕙。

斥西施而弗御兮，羈要臯曰服箱。

斥，遠也。西施，越之美女也。要音於皎反。臯音奴了反。呂氏春秋曰：要臯，古之駿馬也。服，駕也。箱，車也。言疏遠美女，又以駿馬駕車，並喻不

能用賢也。〔集解〕劉攽曰：案要臯，古良馬，當作要，從馬，錢大昕曰：要臯之名，本取疊韻，劉必改從馬，則要亦當作驪，所謂泥俗而不通于古也。文選，羈作繫。

行跛僻而獲志兮，循法度而離殃。

跛，不正也。離，被也。

惟天地之無窮兮，何遭遇之無常。不抑操而苟容兮，譬臨河而無航。

航，船也。孫卿子曰：偷合苟容以持祿。周書陰符曰：四輔不存，若濟河無舟矣。

巧笑目干媚兮，非余心之所嘗。襲溫恭之黻衣兮，披禮義之繡裳。

襲，重也。周禮：黑與青謂之黻，五色。辨，貞亮。備曰繡。《集解》：惠棟曰：披，集作被。

目爲顰兮，雜技藝目爲珩。

說文曰：辨，交織也。音蒲殄反。禮記曰：男鞶革，女鞶絲。鄭玄注云：鞶，小囊盛帨巾也。珩，佩玉也。

昭綵藻與雕琢兮，璜聲遠而彌長。

璜，佩玉也。

爾雅曰：半璧曰璜。言佩服之美，喻道德之盛也。

淹棲遲目恣欲兮，耀靈忽其西藏。

淹，久也。棲遲，游息也。耀靈，日也。楚辭曰：耀靈安藏，言年歲之蹉跎也。

恃已知而華予兮，躋

鳩鳴而不芳。

已知，猶知己也。華，榮也。予，衡自謂也。鷓鴣，鳥名。喻讒人也。廣雅曰：鷓鴣，布穀也。楚辭曰：恐鷓鴣之先鳴兮，使夫百草爲之不芳。王逸注云：以喻讒言先至，使忠直之士被罪也。言恃知己以相榮，反遇讒而見害也。《集解》：沈欽韓曰：龍

龜手鑑云：子鳩鳥大如布穀，不得卽以爲布穀也。案廣雅：鷓鴣，子鳩也。《鳩音規》：鷓鴣，布穀也。注引誤。羅願爾雅翼：或以鷓鴣爲首勞。太史公云：昔古厯建正，作於孟春，於時冰泮發熱，百草奮興，秬鳩先深澤卽鳴也。離騷：鷓鴣先鳴，卽秬鳩先澤也。此物以芳時最先鳴者，伯勞以仲夏時鳴，豈復有芳草邪？

冀一年之三秀兮，適白露之爲霜。

三秀，芝草也。楚辭曰：采三秀於山間。說文曰：適，適也。方秀遇霜，喻以賢被讒也。

時聲聲而代序兮，

時可與乎比伉。

應，進貌也。謂四時更進而代序。時，誰也。伉，偶也。伉，協韻音苦郎反。

咨妒媻之難並兮，想依韓目流亡。

咨，歎也。如，忌也。媻，美也。音劇。故反。楚辭曰：媻目宜笑，言嫉妬者

憎惡美人，故難與並也。韓，謂齊仙人韓終也。爲王採藥，王不肯服，終自服之，遂得仙。楚辭曰：羨韓衆之得一，流亡，謂流遁亡去也。《集解》：先謙曰：官本注：仙人韓終，終一作衆。

恐漸冉而無成兮，留則蔽而不章。

心猶與而狐疑兮，卽岐趾而攄情。

岐趾，山足也。周文王所居也。〔集解〕惠棟曰：攄，集作臚。舊注云：臚，陳也。

文君爲我端蓍兮，利飛遁曰保名。

文君，文王

也。端正也。楚辭曰：詹尹端蓍拂龜。周易遁卦上九曰：肥遁無不利。淮南九師道訓曰：遁而能飛，吉孰大焉。〔集解〕惠棟曰：臚說之云：遁上九肥遁，陸希聲云：本作飛說之。未知陸所據。棟案姚寬西溪叢語曰：周易肥遁無不利，肥古字作豎，與古豎字相似。卽今之飛字，後世遂改爲肥字。張平子賦引易上九飛遁無不利，謂去而還也。曹子建七啟云：飛遁離俗，是古易皆作飛。故陸氏據以爲說。王輔嗣注此爻云：始繼不能及，似王本作飛也。子夏傳云：肥，饒裕也。孔氏正義從之。遂改爲肥。注淮南九師道訓云云。案劉向別錄云：所校讎中易傳，淮南九師道訓，除復重定著十二篇。淮南王聘善爲易者九人，從之採獲。故

中書畧曰：淮南九師書棟案九師道訓，唐時已亡。此探自張衡集中舊注也。

山故曰歷衆山，從二至四爲巽，巽爲風，故曰翼迅風也。

二女感於崇岳兮，或冰折而不營。

遁上九變而爲咸，咸感也。咸卦艮下兌上，從二至四爲巽，與兌爲二女也。崇岳謂艮也。從三至五爲乾，易說卦曰：乾

爲冰，兌爲毀折，陽不求陰，故曰冰折而不營也。

天蓋高而爲澤兮，誰云路之不平。

乾變爲兌，乾爲天，兌爲澤，故曰天爲澤。言天高尙爲澤，誰云路之不平，言可行也。

勗自強而不息，

兮，蹈玉階之嶢嶢。

勗，勉也。乾爲金玉，故曰玉階。嶢，嶢，高峻貌。嶢音堯，嶢音土耕反。

懼筮氏之長短兮，鑽東龜曰觀禎。

左傳：晉卜人曰：筮短龜長，不如從長。言筮之未盡，復以龜

卜之也。周禮：龜人掌六龜之屬，東龜曰東屬，其色青也。〔集解〕惠棟曰：左傳：筮短龜長，馬融注曰：筮史短，龜史長。故云筮氏先，謙曰：官本，東屬作果屬。

遇九皋之介鳥兮，怨素意之不逞。

詩小雅曰：鷓鳴九皋，鷓鳴九皋，鷓鳴九皋，鷓鳴九皋。

注云：皋，澤中溢水出所爲也。自外數至九，喻深遠也。介，耿介也。龜經有棲鷓兆也。言卜得鷓兆也。逞，快也。協韻音丑貞反。

遊塵外而警天兮，據冥翳而哀鳴。

警，視也。音普列。反冥翳，高遠也。

鵬鷲競

於貪婪兮我修絜日益榮

鵲鷲鳥也。以喻讒佞也。

子有故於玄鳥兮歸母氏而後寧

子謂衡也。有故於玄鳥。謂卜得鶴兆也。易曰。鳴鶴在陰。其子和之。我有好

爵。吾與汝糜之。言子歸母氏。然後得寧。猶臣遇賢君。方享爵祿。勸衡求聖君以仕之也。〔集解〕先謙曰。文選注。古文周書曰。周穆王姜后晝寢而孕。越姬嬖竊而育之。斃以玄鳥二七。塗以凝血。實諸姜后。遽以告王。王恐發書而占之。曰。蜉蝣之羽。飛集於戶。鴻之辰。止弟弗克理。皇靈降誅。尙復其所。問左史。史豹曰。蟲飛集戶。是日失所。惟彼小人。弗克以育君子。史良曰。是謂闕親。將留其身。歸於母氏。而後獲寧。冊而藏之。厥休將振。王與令尹冊而藏之於檀。居三月。越姬死。七日而復言其情。曰。先君怒子甚。曰。爾夷隸也。胡竊君之子。

不歸母氏。將寘而大戮。反王子於后。

占既吉而無悔兮簡元辰而儆裝

悔。惡也。元辰。吉辰也。儆。整也。

且余沐於清原兮晞余髮於朝陽

晞。乾也。朝

陽。日也。爾雅曰。山東曰朝陽。楚辭曰。朝濯髮於陽谷。夕晞余身乎九陽也。

漱飛泉之瀝液兮咀石菌之流英

瀝液。微流也。咀。嚼也。石菌。芝也。英。華也。

翾鳥舉而魚躍兮將

往走乎八荒

翾。飛也。音許緣反。走。猶赴也。音奏。八荒。八方荒遠地也。淮南子曰。登太山履石封以望八荒。

過少皞之窮野兮問三丘乎句芒

帝王紀曰。少昊邑于窮桑。都曲阜。故或謂

之窮桑。帝地在魯城北。衝欲往東方。故先過窮桑之野。三丘。東海中三山也。謂蓬萊。方丈。瀛洲。句芒。木正東方之神也。

何道真之清粹兮去穢累而稟輕

道真。謂道德之真。班固幽通賦曰。矧沈躬於道真。不

澆曰淳。不雜曰粹。稟音匹。妙反。猶飄颻也。

登蓬萊而容與兮鼇雖抃而不傾

鼇。大龜也。列子曰。勃海之東。有大壑焉。其中有五山。一曰岱輿。二曰員嶠。三曰方壺。四曰瀛洲。五曰蓬萊。隨波上下往還。不得暫時

仙聖訴於帝。使巨鼇十五。舉首而戴之。迭爲三番。六萬歲一交焉。五山始不動。抃音皮。媛反。楚辭曰。鼇戴山抃。說文抃。拊手也。

留瀛洲而採芝兮聊且旨乎長生

東方朔十洲記曰。瀛洲在東海之東。上生神芝。

仙草有玉石膏出泉如酒味名之爲玉酒飲之令人長生也。

憑歸雲而遐逝兮夕余宿乎扶桑。

扶桑日所出在陽谷中其桑相扶而生見淮南子

噲青岑之玉醴兮餐

沉瀝曰爲糧。

爾雅曰山小而高曰岑郭璞注曰言岑崑也楚辭曰餐六氣而飲沉瀝王逸注云沉瀝夜半氣也糧或作稊

發昔夢於木禾兮穀崑崙之高岡。

山海經曰崑崙墟在西北

方八百里高萬仞上有木禾長五尋大五圍昔夜也穀生也衡此夜夢禾生於崑崙山之上即下文云抨巫咸以占夢含嘉秀以爲獻是也衡集注及近代注解皆云昔日夢至木禾今親往見焉是爲發昔夢也臣賢案衡之此賦將往走乎八荒以後即先往東方次往

南方乃適西方此時正在陽谷扶桑之地崑崙乃西方之

山安得已往崑崙見木禾乎良由尋究不精致斯謬耳。

朝吾行於陽谷兮從伯禹於稽山。陽谷日所出也孔安國注尚書曰禹代鯀爲崇伯故稱伯

吳越春秋曰禹登茅山大會計理國之道故更名其山曰會稽也。

集羣神之執玉兮疾防風之食言。

左傳曰禹合諸侯於塗山執玉帛者萬國國語仲尼曰昔禹致羣神於會稽之山防風氏後至禹殺而戮

之客曰敢問誰爲神仲尼曰山川之守足以紀綱天下者其守爲神食言謂後至也爾雅曰食僞也。

指長沙曰邪徑兮存重華乎南鄰。

長沙今潭州也從稽山西南向長沙故云邪徑存猶問也重華舜名也

蒼梧在長沙南故云南鄰也。

哀二妃之未從兮翩儻處彼湘瀨。

二妃舜妻娥女娥皇女英翩連翩也儻棄也瀨水涯也劉向列女傳曰舜陟方死于蒼梧二妃死于江湘之間俗謂之湘君湘夫人也禮記云

舜葬蒼梧二妃不從也集解沈欽韓曰案列女傳無湘夫人也四字。

流目覩夫衡阿兮睹有黎之圯墳痛火正之無懷兮託山陂曰孤魂。

衡阿衡山

之曲也黎顛頊之子祝融也爲高辛氏之火正葬於衡山圯毀也盛宏之荆州記云衡山南有南正重黎墓楚靈王時山崩毀其墳得營丘九頭圖焉。

愁蔚蔚曰慕遠兮越邛州而愉敖。

河圖曰天有九部八

紀地有九州八柱。東南神州曰晨土。正南卬州曰深土。西南戎州曰滔土。正西傘州曰开土。正中冀州曰白土。西北柱州曰肥土。北方玄州曰成土。東北咸州曰隱土。正東揚州曰信土。愉樂也。敖遊也。〔集解〕錢大昕曰：蔚蔚，文選作鬱鬱。

躋日中于

昆吾兮，憩炎天之所陶。

淮南子曰：日至于昆吾，是謂正中。高誘注云：昆吾，丘名，在南方。憩，息也。東方朔神異經曰：南方有火山，長四十里，廣四五里，晝夜火然，陶猶炎熾也。

揚芒慄而絳天兮，水

泫云而涌濤。

芒，光芒也。字林曰：慄，飛火也。音必透反。泫音胡犬反。云音戶昆反。並水流貌也。

温風翕其增熱兮，怒鬱邑其難聊。

温風，炎風也。淮南子曰：南方之極，自北戶之外，南至委火

炎風之野，二萬二千里。怒音奴。覲反。爾雅曰：怒，思也。

顓羈旅而無友兮，余安能乎留茲。

顓，獨也。音苦骨反。不能留此，將復西行也。〔集解〕錢大昕曰：顓與塊同聲相近。說文：顓讀若魁。

顧金天

而歎息兮，吾欲往乎西嬉。

金天氏，西方之帝。少皞也。嬉，戲也。

前祝融使舉麾兮，纒朱鳥以承旗。

纒，繫也。音山綺反。朱鳥，鳳也。楚辭曰：鳳皇翼其承旗也。躋

建木於廣都兮，拓若華而躋躋。

躋，次也。拓，猶折也。淮南子曰：建木在廣都。若木在暹木西。未有十日，其華照地。山海經曰：廣都之野，后稷葬焉。楚辭曰：折若木以拂日。躋，猶徘徊也。躋音直流反。躋音直余反。〔集解〕

先謙曰：官本未作木，疑當作末。

超軒轅於西海兮，跨汪氏之龍魚。聞此國之千歲兮，曾焉足呂娛余。

山海經曰：軒轅之國，在窮山之際，其下壽者八百歲。

龍魚在其北。一曰蝦魚有神巫，乘此以行九野。一曰鼈魚，在汪野北。其爲魚也如鯉魚。白人之國在龍魚北也。〔集解〕周壽昌曰：李善注：汪氏國在西海。此國足龍魚也。山海經有白民，無白人。李注避諱改。

思九土之殊風兮，從蔚

收而遂徂。

九土，九州也。蔚收，西方神也。徂，往也。欲還中土也。

歛神化而蟬蛻兮，朋精粹而爲徒。

歛，疾貌也。音許勿反。蛻音稅。說文曰：蟬蛻，蟬所解皮也。言去故就新，若蟬蛻也。朋，猶侶也。

精粹、美也。〔集解〕劉攽曰：注案文當云蛻蟬所解皮也。

蹶白門而東馳兮，云台行乎中野。

蹶音厥，鄭玄注禮記云：蹶，行遠之貌也。淮南子曰：自東北方曰方土之山，曰蒼門，東方曰東極之山，曰闕明之門，東

南方曰波母之山，曰陽門，南方曰南極之山，曰景門，西南方曰編駒之山，曰白門，西方曰西極之山，曰闕闔之門，西北方曰不周之山，曰幽都之門，北方曰北極之山，曰寒門，凡八極之雲，是雨天下，八門之風，是節寒暑。爾雅曰：台，我也。野，協韻音神洛反。

水之游浚兮，逗華陰之湍渚。

正絕流曰亂，山海經曰：崑崙之丘，其下有弱水之川環之。注云：其水不勝鳥毛。游浚，流貌也。逗，止也。華陰，華山之北也。臨河故云湍渚。

號馮夷俾清津兮，

擢龍舟曰濟子。

號，呼也。聖賢家墓記曰：馮夷者，弘農華陰潼鄉隄首里人，服八石，得水仙爲河伯，龍魚河圖曰：河伯姓呂，名公子，夫人姓馮，名夷，俾，使也。清靜也。津，濟度處，靜之使無波濤也。擢，機也。淮南子曰：龍舟，鶴首，浮吹以虞予我也。〔集

解〕劉攽曰：注爲河伯龍魚，案文，伯下當有一字，未詳，或云是主字。惠棟曰：得水仙爲河伯句。

會帝軒之未歸兮，悵相伴而

延佇。

帝軒，黃帝也。對鼎於湖，在今湖城縣，與河華相近，未歸，謂黃帝得仙升天，神靈未歸，相伴，猶徘徊也。〔集解〕惠棟曰：仲候，握河紀云：帝軒，題像，配永循環，鄭元注云：軒，輶，黃帝名也。

咽河林之藜藜兮，偉關雎

之戒女。

咽音許吏反。爾雅曰：咽，息也。藜，茂盛貌。山海經云：北望河林，其狀如荷，偉，美也。詩：關雎，關雎，雎鳩，在河之洲，窈窕淑女，君子好仇，衡觀河洲而思之也。

黃靈詹而訪命兮，摻天道其焉

如。

黃靈，黃帝神也。爾雅曰：詹，至也。訪，謀也。摻，求也。

曰近信而遠疑兮，六籍闕而不書。

曰，黃帝答言也。六籍，六經也。

神達味其難覆兮，疇克謨而從

諸。

達，道也。爾雅曰：覆，審也。疇，誰也。謨，謀也。

牛哀病而成虎兮，雖逢昆其必噬。

昆，兄也。淮南子曰：昔公牛哀病，七日化而爲虎，其兄覘之，虎搏而殺之，不知其兄也。

鼈令殪而尸

亡兮取蜀禪而引世

龔令蜀王名也。令音靈。噎死也。禪傳位也。引長也。揚雄蜀王本紀曰：荆人龔令死，其尸流亡，隨江水上。至成都，見蜀王杜宇，杜宇立以爲相。杜宇號望帝，自以德不如龔令，以其國禪之，號開明帝。下至五代，有開

明尙始去帝號復稱王也。

死生錯而不齊兮，雖司命其不晰。

錯交錯也。司命天神也。春秋佐助期曰：司命神名爲滅蕪，長八尺，小鼻，望羊多髯，羸瘦，通於命運期度，晰明也。協韻音之，逆反。〔集解〕惠棟曰：鄭元

云：司命，掌察三命，晰集作晰，舊注云：晰，昭晰也。音云：曳切。古制折通，本與世韻，不須協也。

寶號行於代路兮，後膺祚而繁廡。

寶，謂孝文寶皇后也。繁廡，茂盛也。呂太后時，出宮人以賜諸王。寶姬家在清河，願如

趙近家，遺宦者吏，必置我趙伍中。宦者忘之，誤置代伍中。姬涕泣不欲往，相強乃行。至代，代王獨幸寶姬，生景帝。後立爲皇后。景帝生十四子，後至光武中興也。

王肆侈於漢庭兮，卒銜恤而絕緒。

王謂孝平

王皇后，莽之女也。前書：聘以黃金二萬斤，遣劉歆奉輿法駕，迎后于第。及莽篡位，后嘗稱疾，不朝會。莽誅后，自投火中而死。恤憂也。詩小雅曰：出則銜恤，絕緒言無後也。

尉尨眉而郎潛兮，逮三葉而造武。

尉，謂都尉顏驕也。尨，蒼雜色也。造，遇也。漢武故事曰：上至郎署，見一老郎，鬢眉皓白，問何時爲郎，何其老也。對曰：臣姓顏，名驕，以文帝時爲郎。文帝好文而臣好武，景帝好老而臣尙少，陛下好少而臣已老，是以三葉不遇也。上感其言，擢爲會稽都尉也。

董弱

冠而司袞兮，設王隧而弗處。

董賢，字聖卿，哀帝時爲大司馬。年二十二，哀三公服也。時哀帝令爲賢起家，至尊無以加。及帝崩，王莽殺賢於獄中。左傳曰：晉侯請隧，曰：王章也。禮記曰：二十曰弱冠也。

夫吉凶

之相仍兮，恆反側而靡所。穆負天旨，悅牛兮，豎亂叔而幽主。

穆，魯大夫叔孫豹也。諡曰穆牛，謂豎牛，豹之子也。幽閉也。大夫稱主。左傳曰：叔孫豹奔齊，宿於庚宗，遇婦

人而私焉。至齊，夢天壓已，弗勝，顧而見人，號之曰：牛助余，乃勝之。及後還魯，庚宗之婦人獻以雉，曰：余子長矣。召而見之，則所夢也。遂使爲豎，有寵。及穆子過，豎欲亂其室，曰：夫子疾病，不欲見人，牛不進食，穆子遂餓而死。

文斷祛而忌伯

兮。闔謁賊而寧后。

文晉文公也。祛，袂也。忌，怨也。伯，謂伯楚也。謁，告也。賊，謂呂甥、冀芮等。寧，安也。后，文公也。初，晉獻公使寺人勃鞞伐公子蒲城，公踰垣，勃鞞斬其祛，及公入國，呂甥、冀芮謀作亂，伯楚知之，以告公，公會秦伯于王城，殺呂

邲，伯楚，勃鞞字也。事見國語。

通人闔於好惡兮，豈愛惑之乃剖。

通人，謂穆子、文公等。闔於好惡，謂初悅豎牛，後以餓死，始怨勃鞞，終能告賊，剖分也。言通人尚闔於好惡，況愛寵昏惑者，豈能分之。〔集解〕先

謙曰：官本乃作能是。

嬴擿讖而戒胡兮，備諸外而發內。

嬴，秦姓也。擿，猶發也。謂始皇發讖云：亡秦者胡，乃使蒙恬北築長城，以爲外備，而不知胡亥竟爲趙高所殺，秦氏遂亡，是發內也。

或棗賄

而違車兮，孕行產而爲對。

棗，運也。違，避也。車，謂張車子也。有夫婦夜田者，天帝見而矜之，問司命曰：此可富乎？司命曰：命當貧，有張車子財，可以借而與之，期曰：車子生急還之，田者稍富，及期，夫婦蓋其賄以逃，同宿有婦人夜

生子，問名於其父，父曰：生車間，名車子，其家自此之後，遂大貧，儼見搜神記。〔集解〕洪亮吉曰：張車子事不知始出何書，今惟見搜神記及鬼神志。

慎竈顯於言天兮，占水火而妄諱。

爾雅曰：諱，告也。左傳曰：日

有食之，梓慎曰：將水，叔孫昭子曰：旱也。後果大旱。又曰：宋衛陳鄭將火，鄭大夫裨竈請增擊玉，瓚禳火，子產弗予，竈曰：不用吾言，鄭又將火。子產曰：天道遠，人道邇，非爾所及，遂不與，亦不復火也。〔集解〕惠棟曰：諱，劉伯莊音素對反，師古音諱。

梁由之患

夫黎丘兮，丁厥子而事刃，親所睇而弗識兮，矧幽冥之可信。

梁，梁國之老人也。丁，當也。睇，視也。矧，況也。呂氏在秋曰：梁北有黎丘鄉，鄉有丈人，往市醉而歸者，黎丘

奇鬼，效其子之狀，而道苦之。丈人醒，謂其子曰：吾爲而父，我醉，女道苦我，何故？其子泣曰：必奇鬼也。丈人明日之市，醉，其真子迎之，丈人拔劍而刺之，事音側利反。前書音義曰：江東人以物插地中爲事也。

毋綿攀呂泮己兮，思白

憂曰自疚。

綿攀，猶牽制也。泮，音胡鼎反。衡集注云：泮，引也。言物牽制於俗，引憂於己，詩曰：無思百憂，祇自重兮。

彼天監之孔明兮，用棗忱而佑仁。

監，視也。孔，甚也。棗，輔也。忱，誠也。佑，助也。言

天之視人甚明。唯輔誠信而助仁德也。尚書曰：天監厥德。又曰：天威棐忱。

湯蠲體曰：禱祈兮。蒙虜禡曰：拯人。

蠲，潔也。祈，求也。爾雅曰：虜，大也。禡，福也。帝王紀曰：湯時大旱七年，殷史卜曰：當以人禱。湯曰：必以人

禱。吾請自當。遂齋戒，翦髮斷爪，以己爲牲。禱于桑林之社。果大雨。言蒙天大福以拯人。衡集：祈字作訪。訪祭也。禮音斯。〔集解〕先謙曰：官本注拯下有數字。

景三慮曰：營國兮。熒惑次於它辰。

景，宋景公也。二

慮，謂三善言也。景公有疾，司馬子韋曰：熒惑守心，心宋之分野。君當祭之，可移於相。公曰：相，股肱也。除心腹之疾，而實之股肱，可乎。曰：可移於民。公曰：民所以爲國，無民何以爲君。曰：可移於歲。公曰：歲所以養人也，歲不登，何以畜人乎。子韋曰：君善言三，熒惑必退三舍。

見呂氏春秋。魏顆亮曰：從理兮。鬼元回曰：敵秦。

魏顆，魏武子之子也。亮，信也。左傳曰：晉魏顆敗秦師於輔氏，獲杜回。杜回，秦之力人也。初，魏武子有嬖妾，武子疾，命顆曰：必嫁是妾。疾病，則曰：必以爲殉。及卒，

顆嫁之。曰：疾病則亂，吾從其治也。輔氏之役，顆見老人結草以亢杜回，躡而顛，故獲之。夜夢之曰：余而所嫁婦人之父也。爾用先人治命，余是以報也。

咎繇邁而種德兮。德樹茂乎英六。

尚書曰：咎繇邁而種德。

注云：邁，行也。種，布也。英，六，並國名。咎繇能行布道德。子孫茂盛，封於英。六，帝王紀：皋陶卒，葬之於六。禹封其少子於六，以奉其祀。六，故城在今壽州安豐縣南也。〔集解〕惠棟曰：見左傳。

桑末寄夫根生兮。卉旣彫而已。

根生，謂寄生也。言百草至寒皆彫落，唯寄生獨榮於桑之末。本草經：桑上寄生，一名寄屑，一名寓木，一名宛童，以喻咎繇封於英。六，餘國先滅，英，六，獨存也。〔集解〕洪亮吉曰：案唐虞諸臣之後，惟皋陶之裔英，六，滅最早，何得謂餘國先滅。此獨存乎。衡意當謂

二國旣滅，至漢時復有英布繼起。故云卉旣彫而已。誠似此解稍近。

有無言而不讐兮。又何往而不復。

言咎繇布德行仁，慶流後裔。詩曰：無言不讐。易曰：無往不復也。

盍遠迹曰：飛聲

兮。孰謂時之可蓄。

盍，何不也。蓄，猶待。言何不遠遊以飛聲譽，誰謂時之可待。言易逝也。

仰矯首曰：遙望兮。魂愀惘而無時。

愀惘，猶敵悅也。〔集解〕惠棟曰：李善云：楚辭曰：悵惘兮。

未思王逸曰。傲憫。憫。恨失望志錯越也。

區區中之隘陋兮。將北度而宣遊。

區。迫也。宣。徧也。

行積冰之磴磴兮。清泉汜而不流。

淮南子曰。北方之極。

自九澤窮大海之極。有凍寒積冰。雪霰羣冰之野。磴音牛哀反。世本云。公輸作石磴。說文曰。磴。霜雪之貌也。蓋古字磴與磴通。汜音胡故反。杜預注左傳云。汜。閉也。《集解》惠棟曰。李善云。方言曰。磴。磴堅也。

寒風淒而永至兮。拂

穹岫之騷騷。玄武縮於殼中兮。騰蛇蜿而自糾。

玄武。謂龜蛇也。曲禮曰。前朱雀而後玄武。殼。龜甲也。爾雅曰。騰。騰蛇。蜿。屈也。糾。纏結也。騷。叶韻音修。糾音古由反。

魚矜鱗而

并凌兮。鳥登木而失條。

矜。竦也。并。猶聚也。凌。冰也。音力澄反。失條。言寒也。

坐太陰之屏室兮。慨含歎而增愁。

太陰。北方極陰之地也。楚詞曰。選鬼神於太陰。《集解》惠

棟曰。案集作屏。李善云。屏與屏。古字通。

怨高陽之相寓兮。仙顛頊之宅幽。

高陽氏。帝顛頊也。山海經曰。東北海外。附禺之山。帝顛頊與九嬪葬焉。相視也。寓居也。仙。屈也。音乞。鳳反。宅幽。謂居北方幽都之

地。尚書曰。宅朔方。曰幽都。《集解》惠棟曰。舊注云。仙。小貌也。去鳳切。

庸織絡於四裔兮。斯與彼其何瘳。

庸。勞也。織絡。猶經緯往來也。瘳。愈也。言勞於往來四方。經積冰炎火之地。彼此亦何差也。織。或作識。絡。或

作駮。《集解》惠士奇曰。絡。集作路。涉路東西有似乎織。

望寒門之絕垠兮。縱余縲乎不周。

淮南子曰。北極之山。曰寒門。楚辭曰。踣絕垠乎寒門。垠音玉巾反。廣雅曰。垠。界也。縲。馬韉也。音思。列反。不周。西北方

山也。垠。或作限也。

迅飈瀟其媵我兮。鶩翩飄而不禁。

飈。風也。瀟。疾也。音蕭。媵。送也。翩。飄也。疾貌也。禁。協韻音金。

趨恰啁之洞穴兮。標通淵之礚礚。

恰。啁。深貌也。啁音呼含反。啁音呼加反。礚音林。亦深貌也。既遊四方。又入地下。

經重陰乎寂寞兮。愍墳羊之潛深。

重陰地中也。國語曰。魯季桓子穿井。得土缶。中有蟲若羊焉。使問仲尼。仲尼對曰。土之怪曰墳。

羊〔集解〕惠棟曰陰集作瘡舊注云瘡古陰字

追慌忽於地底兮軼無形而上浮

慌忽無形貌也〔集解〕惠棟曰張逸遺令云地底冥冥長無曉期楚辭遠遊云恐時俗之迫厄兮願輕舉而遠遊質菲薄而無

因兮焉托乘而上浮注上浮升雲也

出右密之開野兮不識蹊之所由

右謂西方也密山名也山海經曰西北曰密山黃帝取密山之玉策投之鍾山之陰闇幽隱也蹊路也〔集解〕惠棟曰集作右密章懷此

注誤當刪李善得之沈欽韓曰西山經作崋山之玉策策字誤穆天子傳注引亦譌玉策蔡邕傳注引山海經亦作玉策陰作陽

速燭龍令執炬兮過鍾山而中休

速召也燭龍北山之神也山海經曰西北

海之外有神人面蛇身而赤其眼及晦視乃明不食不寢是燭九陰是謂燭龍炬可以昭明〔集解〕沈欽韓曰大荒北經其暎乃晦其視乃明注誤

瞰瑤谿之赤岸兮弔祖江之見劉

瑤谿瑤岸也山海經曰鍾

山之東曰瑤岸又曰鍾山其子曰鼓其狀人面而龍身是與欽瑪殺祖江於崑崙之陽瑪音邪爾雅曰劉殺也

聘王母於銀臺兮羞玉芝呂療飢

王母西王母也銀臺仙人所居也羞進也本草經曰白芝一名玉芝

戴勝慙其既歡兮又謂余之行遲

山海經曰崑崙之丘有人戴勝虎齒有尾穴處名曰西王母慙相傳音宜觀反杜預注左傳慙發語之音也臣賢案張揖字詁慙笑貌也鳴之體音許近反與此義合也

〔集解〕沈欽韓曰注鳴乃听之誤說文听笑貌慙與听通

載太華之玉女兮召洛浦之宓妃

詩含神露曰太華之山上有明星玉女主持玉漿服之成仙宓妃洛水神也

成姣麗曰蠶

媚兮增嫵眼而蛾眉

姣好也音古巧反蠶音野謂妖麗也嫵音胡故反好貌也楚辭曰嫵目宜笑也〔集解〕惠棟曰呂氏春秋云公姣且麗蠶與治通冶又作野易繫辭治容誨淫古文作野

舒妙婧之織

腰兮揚雜錯之桂徽

婧音財性反謂妍婧也桂音圭婦人之上服爾雅曰婦人之徽謂之襍郭璞注云卽今之香纓也

離朱脣而微笑兮顏的礪呂遺光

的礪明也遺光言光

影射也。〔集解〕先謙曰：獻環琨與瓊綺兮，申厥好曰玄黃。環琨並玉佩也。白虎通曰：修道無窮，即佩環。能本道德，即佩琨也。玄黃謂綺綺也。尚書曰：厥篚玄黃，言玉女宓妃等既獻環佩，官不射下有入字是。

又贈以綺綺也。雖色艷而賂美兮，志浩蕩而不嘉。賂或作賂，浩蕩廣大也。言不以玉女及贈遺為美也。楚辭曰：怨靈修之浩蕩。雙材悲於不納兮，並詠詩而

清歌。雙材，謂玉女宓妃也。即上文所謂二女感於崇岳也。歌曰：天地烟煴，百草含露。鳴鶴交頸，雖鳩相和。處子懷春，精魂回移。烟煴，氣也。易繫

辭曰：天地烟煴，張揖字詁曰：煴，古花字也。處子，處女也。懷，思也。莊子曰：綽約若處子。詩曰：有女懷春。〔集解〕惠棟曰：集作葩，李善云：說文曰：葩，古花字。本誤作葩，音為詭切，非也。回移，移音弋多反。

曰：如何如何，忘我實多。〔集解〕惠棟曰：論語：攝輔象曰：仲弓淑明清理。將答賦而不暇兮，發整駕而東行。賦，謂玉女所歌詩也。疾也。音紀力反。即上所謂冰折不禁也。瞻崑崙之巍

巍兮，臨滎河之洋洋。伏靈龜曰負坻兮，巨螭龍之飛梁。山海經曰：河出崑崙西北，崑崙曲也。爾雅曰：小汜曰坻，謂水中高地。以龜負之，可以駕橋也。巨猶橫度也。廣雅曰：無角曰

也。螭龍。登閩風之曾城兮，搆不死而為牀。閩風，山名。在崑崙山上。楚辭曰：登閩風而馳馬。淮南子曰：崑崙山有曾城九重，高萬一千里。上有不死樹。在其西，今以不死木為牀也。〔集解〕沈欽韓曰：案前文發

昔夢於木末兮，殼崑崙之高岡。二句當在此下。屑瑤藥曰為糗兮，斟白水曰為漿。瑤，瓊也。楚辭曰：屑瓊藥以為糗糧也。斟音居于反，謂酌也。河圖曰：崑崙山出五

蓋彼敘東方暘谷，不含有崑崙之語，錯入也。色流水，其白水東南。押使也。音善耕反。又補耕反。巫咸，神巫也。山海經曰：大荒之中有

流入中國，名為河也。押巫咸曰占夢兮，迺貞吉之元符。靈山，巫咸、巫彭、巫謝等十巫，衡衡夢木末，今故令巫咸占之也。元

張衡傳第四十九

也。滋令德於正中兮，合嘉禾曰爲敷。滋，茂也。淮南子曰：昏張中則務種穀。說文曰：禾，嘉穀也。至二月始生，八月而熟，得時之中，故謂之禾。既垂穎而顧本兮，爾要思

乎故居。穎，稷也。本，禾本也。言禾既垂穗，顧本人亦當思故居也。淮南子曰：孔子見禾三變，始於粟，生於苗，成於稷，乃歎曰：我其首禾乎。高誘注云：禾穗向根，君子不忘本也。《集解》：惠棟曰：爾集作亦。安和靜而隨時兮，姑

純懿之所廬。姑，且也。懿，美也。廬，猶居也。戒庶寮曰夙會兮，僉恭職而並迓。僉，皆也。迓，迎也。豐隆軒其震霆兮，列缺曄其照夜。

豐隆，雷也。軒，聲也。音善。耕反。震，霆。霹靂也。霆，音廷。列缺，電也。曄，光也。雲師黶曰交集兮，凍雨沛其灑塗。雲師，屏翳也。黶，陰貌。音徒。感反。爾雅曰：暴雨謂之凍。沛，雨貌也。塗，協韻音徒。故反。楚辭曰：使凍雨兮灑塵。

轆珣與而樹葩兮，擾應龍曰服輅。轆，音魚。綺反。爾雅曰：載轡謂之輅。郭璞注云：輅，輓上環也。轡，所貫也。珣，以玉飾車也。樹立也。葩，華也。於車上建華蓋，擾馴也。廣雅曰：有翼曰應龍也。百神森其

備從兮，屯騎羅而星布。周頌曰：懷柔百神。森，衆貌也。屯，從也。振余袂而就車兮，修劍揭曰低昂。修，長也。揭，低昂貌也。冠粵粵其映蓋兮，

佩琳纒曰輝煌。粵音五各反。一作爰。並冠高貌也。映蓋，謂冠與車蓋相映也。琳，音林。纒音離。盛貌也。輝音胡本反。光貌也。《集解》：惠棟曰：粵，集作前。前五咸切。僕夫儼其正策兮，八乘攄而

超驥。八乘，八龍也。楚辭曰：駕八龍之蜿蜿，攄猶騰也。氛旄溶曰天旋兮，蜺旌飄而飛揚。氛，天氣也。旄，羽旌也。溶音勇。王逸注楚辭曰：溶，廣大貌也。蜺，雌虹也。撫輪軹而還睨

兮，心灼藥其如湯。軹音零。說文曰：車輻間橫木也。楚辭曰：倚結軹兮太息。軹音之是反。杜子春注周禮云：軹，兩轆也。說文云：車輪小穿也。還睨，顧瞻也。藥音鏢。熱貌也。言顧瞻鄉國而心熱也。羨上都之赫戲

兮，何迷故而不忘。

上郡，謂天上也。赫戲，盛貌也。衡既徧歷四海，方欲遊於天上，故云何不忘其故居而苦迷惑思之。

左青瑀，呂撻芝兮。右素威，呂司鉦。

青瑀，青文龍也。撻，擊也。音

巨，偃反。芝，益也。素威，白虎也。禮記曰：左青龍而右白虎。說文曰：鉦，鏡也。似鈴也。

前長離使拂羽兮，委水衡乎玄冥。

長離，卽鳳也。水衡，官名。主水官也。玄冥，水神也。司馬相如大人賦曰：前長離而後蕭皇也。

箕伯，呂函風兮，激洄而爲清。

箕伯，風師也。函，猶含也。激，清也。與音官典反。認音乃。典反。楚辭曰：切洄洄之流俗。王逸注曰：激，洄也。壻，濁也。

曳雲旗之離離兮，鳴玉鸞之

粵粵。

鸞，鈴也。在鑿，粵，聲也。音嚶。楚辭曰：鳴玉鸞之啾啾也。

涉清霄而升遐兮，浮蔑蒙而上征。

霄，雲也。蔑，蒙氣也。蒙音莫。孔反。上征，上於天也。揚雄甘泉賦曰：浮蔑蒙而散天。

紛翼翼

呂徐戾兮，焱回回其揚靈。

翼翼，飛貌。戾，至也。回回，光貌。楚辭曰：皇剡剡其揚靈。王逸注云：揚其光靈也。

叫帝關使闢扉兮，覲天皇于瓊宮。

關，主門者。天皇，天帝也。揚

雄甘泉賦曰：選巫咸兮叫帝關。

聆廣樂之九奏兮，展洩洩呂彤彤。

史記曰：趙簡子曰：我之帝所其樂，與百神遊於鈞天。廣樂九奏，左傳鄭莊公賦大隧之中，其樂也。融，融姜出。賦大隧之外，其樂也。洩洩，彤彤與

融同也。〔集解〕惠棟曰：洩洩，彤彤。左傳文衡文多用左傳融字作彤，當用古文。

考理亂於律鈞兮，意建始而思終。

詩序曰：太平之音安以樂，其政和。亂世之音怨以怒，其政乖。律十二律也。樂叶圖微曰：聖人承

天以立均。宋均注曰：均長八尺，施絃以調六律也。建，立也。衡言聽九奏之樂，考政化之得失，而思其終始也。〔集解〕惠棟曰：注治世改太平，避唐諱。

惟盤逸之無斃兮，懼樂往而哀來。

盤，樂也。逸，縱也。斃，厭也。音

亦，又音徒。故反。古度字也。莊子曰：樂未畢也，哀又繼之。

素撫弦而餘音兮，大容吟曰念哉。

素，素女也。史記曰：太常使素女鼓五十絃琴，大容，黃帝樂師也。念哉，戒逸樂也。〔集解〕先謙曰：太常當作太帝琴。當

既防盜而靜志兮，迨我暇日翱翔。

盜，滿也。迨，反也。翱翔，將遠逝也。

出紫宮之肅肅兮，集太微之閭闔。

紫宮，太微，並星名也。肅肅，清也。閭闔，明大

也。

命王良掌策駟兮，踰高閣之鏘鏘。

史記曰：天駟旁一星曰王良，高閣，閣道星也。史記曰：絕漢抵營室曰閣道，鏘鏘，高貌也。

建罔車之幕幕兮，獵青林之

芒芒。

罔車，畢星也。幕幕，罔貌。青林，天苑也。〔集解〕惠棟曰：李善云：河圖曰：桐柏山上為掩畢三危，山上為天苑。

變威弧之撥刺兮，射嶧冢之封狼。

弧，星名也。易曰：弧矢之利，以威天下。撥音方，割反。刺

音力達反。撥刺，張弓貌也。嶧冢，山也。封大也。狼，星名。河圖曰：嶧冢之精，上為狼星。

觀壁壘於北落兮，伐河鼓之磅礴。

壁，東壁也。史記曰：羽林天軍西為壁壘。旁大星為北落，牽牛北為河鼓，磅礴聲也。磅礴音普

耶反。嶧音耶。

乘天潢之汎汎兮，浮雲漢之湯湯。

史記曰：王良旁有八星，絕漢曰天潢，雲漢曰天河也。

倚招搖攝提曰，低回劉流兮，察二紀五

緯之網繆遙皇。

招搖攝提，星名也。劉音居流反。低回劉流，回轉之貌。二紀，日月也。五緯，五星也。網繆，相次之貌也。遙皇，行貌也。〔集解〕惠棟曰：揚子太元云：陽交于陰，陰交于陽，物登明堂，番番皇皇。

偃蹇天矯，媿

目連卷兮，雜沓叢頓，颯目方驥。

媿音孚，萬反。卷音拳，並翹翔自恣之貌也。〔集解〕惠棟曰：媿，集作媿，李善云：跳也。

鹹汨颺戾，沛呂罔象兮，爛漫麗靡，貌

目迭湯。

鹹音一六反。汨音于筆反。麗音遠。沛音普蓋反。並疾貌也。覲，小也。覲音亡小反。湯音徒郎反。〔集解〕先謙曰：官本，湯作遶，是。

凌驚雷之硃礧兮，弄狂電之淫裔。

硃礧，雷聲也。硃音康。

淫裔，音蓋反。淫裔，電貌。狂，疾也。〔集解〕先謙曰：官本，貌下多之字。

踰麗頰於宕冥兮，貫倒景而高厲。

麗音亡孔反。頰音胡孔反。孝經：援神契曰：天度濛濛，宋均注云：濛濛，未分之象也。說文曰：宕，過也。冥

幽冥也。貫穿也。前書谷永上書曰：登遐倒景，音義曰：在日月之上。日月反從下照，故其景倒也。廬陵廬也。《集解》：惠棟曰：頌，集作鴻。

廓盪盪其無涯兮，乃令窮乎天外。據開陽而頽盼。

兮，臨舊鄉之暗藹。

春秋運斗樞曰：北斗第六星爲開陽。類音附：暗，藹，遠貌也。暗音烏感反。

悲離居之勞心兮，情悄悄而思歸。

說文曰：悄悄，憂也。音於緣反。詩：國風曰：勞心悄悄。

情也。魂眷眷而屢顧兮，馬倚翰而徘徊。

轉轅也。

雖遨遊以愉樂兮，豈愁慕之可懷。

愉音通侯反。懷安也。

出閭闔兮降天

塗，乘颺忽兮馳虛無。

閭闔，天門。

雲霏霏兮繞余輪，風眇眇兮震余旗。繽聯翩兮紛暗曖，倏眩眩兮反常閭。

倏忽。

也。眩音縣，眩音混。疾貌，常閭故里也。

收疇昔之逸豫兮，卷淫放之遐心。

謂初遊於四方天地之間，以自淫放，今改悔也。

修初服之娑娑兮，長余珮之參

參。

楚辭曰：退將復修吾初服。王逸注云：修，吾初始清潔之服也。娑娑，衣貌。參，參長貌。

文章煥以粲爛兮，美紛紜以從風。御六莪之珍駕兮，遊道德之平

林。

以六莪爲車而駕之也。以道德爲林而遊之也。

結典籍而爲罟兮，歐儒墨而爲禽。

罟，網也。音古。儒家子思、孟軻、孫卿等，墨家爲墨。翟胡非、尹佚等。《集解》先謙曰：注爲謂古通。

玩陰陽

之變化兮，詠雅頌之徽音。嘉曾氏之歸耕兮，慕歷陵之欽崑。

琴操曰：歸耕者，曾子之所作也。曾子事孔子十餘年，晨覺，眷然念二親年衰，養之不備，於是援琴鼓之曰：

往而不反者年也，不可而再事者親也。歐歛歸耕來日安所耕。歷山盤乎欽崑山貌。崑音吟。《集解》先謙曰：官本注不可下有得字是。

共夙昔而不貳兮，固終始之所服也。夕惕若厲，曰

省譽兮懼余身之未勅也。

共音恭。易曰：君子終日乾夕。惕若厲，惕懼也。厲，病也。勅，整也。

苟中情之端直兮，莫吾知而不惡。

惡，慙也。音女六反。

累無

爲目凝志兮，與仁義乎消搖。

老子曰：上德無爲也。

不出戶而知天下兮，何必歷遠目劬勞。

老子曰：不出戶而知天下。

系曰：天長地

久歲不留，俟河之清，祇懷憂。

系，繫也。老子曰：天長地久，左氏傳曰：俟河之清，人壽幾何也。

願得遠度目自娛，上下無常窮六區。

六區，謂四方上下也。

超踰騰躍絕世俗，飄飄神舉逞所欲。天不可階，仙夫希。柏舟悄悄，吝不飛。

階，升也。論語曰：夫子之不可及，猶天之不可階而升。仙夫，仙人也。詩：此風

曰：柏舟言行而不遇也。其詩曰：汎彼柏舟，亦汎其流。憂心悄悄，愠于羣小。靜言思之，不能奮飛。鄭玄注云：舟，載度物者也。今不用而與衆物相混，俱流水中。諡，仁人不用而與羣小並列，悄悄，憂貌也。臣不過於君，猶不忍奮翼而飛去，吝，惜也。衡亦不遇其時而爲官者所讒，故引以自喻也。〔集解〕先謙曰：相混，官本作汎，汎然。

松喬高時孰能離，結精遠遊使心攜。

松，赤松子也。喬，王子喬也。列仙傳曰：赤松子，神農時雨師。服水玉，教神農能入火自燒。至崑崙山上，常止西王

母石室，隨風上下。王子喬，周靈王太子晉也。好吹笙作鳳鳴，遊伊洛間。道士浮丘公接上嵩高山，二十餘年，後來於山上見桓良曰：告我家，七月七日待我緱氏山頭。果乘白鶴往山巔，望之不得到。舉手謝時人，數日去。字林曰：踞，也。謂得仙高踞也。離，附也。攜，離也。

回志竭來從玄謀。

竭，去也。音丘。列反。謀，或作謨。謨亦謀也。音基。字從其。〔集解〕惠棟曰：李善云：劉向七言云：竭來歸耕，永自疏。楚辭曰：車既駕兮，竭而歸。不得見兮，心傷悲。韻書曰：竭，卻也。去也。沈欽韓曰：集韻：謀也。或作基。作謀，注云。

或作謨，謨乃傳寫之譌。本云或作謬耳。文選譌爲謀。

獲我所求夫何思，永和初出爲河間相。

河間王名政。〔集解〕沈欽韓曰：趙明誠金石錄跋云：傳云：再遷爲太史令，而碑乃一遷。碑云：遷公車司馬。

令遂相河間而傳不載其公車令傳云在河間三年上書乞骸微拜尚書乃卒而碑不載其爲尚書此數事當以碑爲正案袁紀陽嘉二年太史令衡與李固馬融相對策而傳不載又張平子四愁詩序云陽嘉中出爲河間相與傳言永和初不合李善注據傳駁序竊謂序言繼非平子自造要亦攀虞輩序文章流別者爲之在范史前未可定其是非先謙曰文選序言多謬如長門賦陳皇后復得幸洛神賦曹植感甄類皆是未可依據應閉云龔滯日官今又原之是再爲太史令衡自言言之此等處亦不能信碑而疑傳也時

國王驕奢不遵典憲又多豪右共爲不軌衡下車治威嚴整法度陰知姦黨名姓一時收禽上下肅然

稱爲政理〔集解〕惠棟曰集云諸豪俠悉惶懼〔集解〕逃出境郡中大治爭訟息獄無繫囚視事三年上書乞骸骨徵拜尚書年六十二永和四年卒〔集解〕

曰袁紀永和五年侍中張衡上書云卽此傳上疏陳事一篇大約范敘先後容有失次未可定袁紀之誤太平廣記殷芸小說云張衡死月蔡邕母始懷孕此二人才貌甚相類時人云邕是衡之後身攷衡以永和四年卒邕以初平三年誅相去五十四年邕壽六十

有一則衡死時〔集解〕惠棟曰胡廣漢官解詁敘云順帝〔集解〕崔瑗曰爲不能有異於諸儒也又欲繼孔〔集解〕邕生七年矣〔集解〕時平子爲侍中典校書方作周官解說

子易說象象殘缺者竟不能就所著詩賦銘七言靈憲〔集解〕沈欽韓曰劉昭補〔集解〕應問七辯〔集解〕沈欽韓

張衡七辯〔集解〕沈欽韓曰藝文類聚張衡東巡詔云惟二月初吉帝將狩於岱岳度義省方觀民設教率羣賓備〔集解〕結采綿靡〔集解〕巡詔〔集解〕法駕以祖於東門屆於靈宮是日也有鳳雙集於臺壬辰祁上帝於明堂攷帝紀安帝延光三年事也〔集解〕縣圖

凡三十二篇〔集解〕衡集作玄圖蓋玄與懸通〔集解〕惠棟曰〔集解〕經籍志云衡集十二卷又一本十四卷〔集解〕永初中謁者僕射劉珍校書郎劉駒駘等著作東觀撰

集漢記因定漢家禮儀。上言請衡參論其事。會並卒。

〔集解〕惠棟曰：事載胡廣漢官解詰敘。

而衡常歎息，欲終成之，乃爲侍

中。

〔集解〕先謙曰：官本乃作及是。

上疏請得專事東觀，收檢遺文，畢力補綴。

衡表曰：臣仰幹史職，敢微官守，竊貪成訓，自忘頑愚，願得專於東觀，畢力於紀記，竭思於補闕，俾有漢休烈比

久長於天地，並光明於日月，照示萬嗣，永承不朽也。〔集解〕先謙曰：官本照作昭。

又條上司馬遷、班固所敘，與典籍不合者，十餘事。

衡集其略曰：易稱宓戲氏，王天下，宓戲氏沒，神

農氏作，神農氏沒，黃帝堯舜氏作，史遷獨載五帝，不記三皇，今宜并錄。又一事曰：帝系，黃帝產青陽，昌意，周書曰：乃命少皞行清，清卽青陽也。今宜實定之。〔集解〕惠棟曰：注周書曰：乃命少皞，清見舊唐書，今本作少昊，請誤也。棟案平子以少皞爲五帝，則黃帝爲三皇矣。先謙曰：注行字衍，官本無。

又呂爲王莽本傳，但應載篡事而已。至於編年月紀災祥，宜爲元后本紀，又更始居位，人

無異望。光武初爲其將，然後卽眞，宜呂更始之號，建於光武之初，書數上，竟不聽。及後之著述，多不詳

典，時人追恨之。

〔集解〕王鳴盛曰：衡說皆迂謬，不可從。以更始之號，建於光武前者，意謂宜別作更始本紀耳。非如今書以更始元二年書於光武紀，而更始自爲列傳也。范蔚宗固未嘗用衡謬說。又曰：更始雖立，而力不能一天下，若守臣節，

則漢業墮矣。且伯升首義，而更始信讒殺之，是固不當臣附。王郎旣誅，遂貳於更始。至河北關西略定，方建尊號，可無慚德。乃袁紀三卷論云：王莽乘機，竊有神器，劉氏德澤實繫人心，更始之起，乘義而動，號令粟乎一人，爵命班乎天下，及定咸陽，而臨四海，清舊宮而饗宗廟，成爲君矣。世祖經略受節而出，奉辭征伐，臣道定矣。然則三王作亂，勤王之師不至，長安猶存，建武之號已立，雖南面而有天下，道未盡也。宏此論，竟以光武卽尊號爲大非，其迂謬又出衡下。洪頤煊曰：前書律厯志，更始帝著紀，以漢宗室滅王莽，卽位二年，赤

眉賊立宗室劉盆子。滅更始帝。自漢元年訖更始二年。凡二百三十歲。更始稱帝。其說頗與衡同。先謙曰。光武於更始。未得其尺地一民之業。在漢史無爲更始立紀之理。宜衡上書而帝不聽也。通鑑漢紀。從光武所封書曰。淮陽王綱。目雖用分注之例。而直書曰。漢帝元。皆以更始紀年。卽衡所謂以更始之號。建於光武之初者。後世自當如此。

論曰。崔瑗之稱平子曰。數術窮天地。制作侔造化。

瑗撰平子碑文也。

斯致可得而言歟。推其圍範兩儀。天地無

所蘊其靈。

易繫辭曰。範圍天地之化。王弼注云。擬範天地。而周備其理也。謂作渾天儀也。

運情機物。有生不能參其智。

機物。謂作候地動儀等。

故智思引淵微。人

之上術。

〔集解〕先謙曰。智當作知。官本亦誤。

記曰。德成而上。藝成而下。

禮記文也。

量斯思也。豈夫藝而已哉。何德之損乎。

損。減也。言藝不減於德也。

贊曰。三才理通。人靈多蔽。

三才。天地人。言人雖與天地通爲三才。而性靈多蔽。罕能知天道也。

近推形算。遠抽深滯。不有玄慮。孰能昭晰。

玄。猶深也。晰音制。

後漢書集解卷五十九校補

張衡傳。祖父堪。蜀郡太守。集解。錢大昕曰。案張堪在列傳第二十一卷。至何焯謂別一張堪。非是。

案張君游

雖曾官蜀郡太守。而終於漁陽太守。不應以前官稱。衡果即其孫。則廉吏有後。雖別為傳。應於書祖父堪。蜀郡太守下。聲明已見前傳。君游傳末。亦不應不附及之。況又縣名各異乎。以此推之。何說未可非也。

作二京賦。因言諷諫。

錢大昭曰。夏侯湛張平子碑云。二京南都。所以贊美。譏者與雅頌爭流。英英乎其有味歟。見隸釋。

常耽好元經。官本無耽字。

作應問。注。故名之曰應問云。官本注無故字。

深厲淺揭。注。揭。褰衣也。音邱厲反。官本注厲作列。

人生在勤。不索何獲。集解。先謙曰。官本無注。謹案惠棟補注於傳文二句下云。皆左傳文。是惠氏所據北宋本。此下原亦無注。

枉尺直尋。議者譏之。注。如何君子不待其招而妄見也。原本注。待字脫誤在下。正文內已據趙注補正。官本待作得誤。

於心有猜待。集解先謙曰：正文待字衍。官本無。

錢大昭曰：注待字誤入正文。闕本不誤。

則簋殮饌。舖注饌仕卷反。舖補故反。

官本注饌舖

下皆有音字

則風后之爲也。注藝文志陰陽流有風后十三篇也。

錢大昭曰：案藝文志陰陽家者流二十一家。兵陰陽十六家。此風后十三篇及後地典六篇均在兵陰陽十六家中。注均云陰

陽流殊

欠審

君若綴旒。注旒旒旒也。

官本注無也字

故樊噲披帷入見高祖。注高帝常病。注常當作嘗。

各本皆未正

詔戶者無得入。

案前書本作詔戶者無得入。羣臣二字殊乖文義。

蘇武曰秃節效貞。注持節臥起。

官本注持作杖。案前書本云杖。漢節牧羊臥起操持。注專就臥起言。故云持節若改作杖則臥豈能杖作杖非。

詹何曰沈鉤致精。注荆篠爲竿。

官本注篠誤篠

愍三墳之既頽。注孔安國謂三墳五典三皇之書。

案注五典二字衍

曾不慊夫音楚。注。慊猶羨也。音苦覃反。官本注。覃作贊是。

果地震隴西集解。沈欽韓曰。至無隴西地震事。案地震不為災。史未必書。且或嘗有此事。在後傳究言之。以著其驗。不必定在造此器三四年內也。沈說太泥。

必先倥偬之也。注。埤蒼曰。官本注。埤誤埋。

奢淫詔慢。官本詔作詔。

又前年京師地震土裂。注。順帝永建三年。京師地震也。官本注末無也字。柳從辰曰。袁紀載衡上疏在永和五年。則注永建當為永和之誤。案柳說是也。傳言衡造候風地動儀。

已在陽嘉元年。次言衡上疏陳事。自當在後。不應反在前。永建時。注永建之誤無疑。惟史稱前年。猶云上年。據順紀。永和三年二月乙亥。京師及金城隴西地震。四年三月乙亥。京師亦地震。如依注作三年。則上疏當屬四年。袁紀記事。恆視范書後一二年。殆不足異。如依袁紀。作五年上疏。則注三年。並當改四年矣。

恩不忍割。官本恩作心。

勿令刑德八柄。官本刑諛形。

事合宜則無凶咎。

官本合作令。

然後神望允塞。

案望猶怨也。詩曰：神罔時怨。

劉向父子領校祕書。注：使劉向及子歆為祕書。

官本注為作於柳從辰曰：桓紀延熹二年初置祕書監官。是前漢時無祕書官也。宋書百官志言武帝建祕書之冊置寫書之官。於是天下文

籍皆在天祿石渠延閣廣內祕府之室。謂之祕書。至成哀世使劉向父子以本官典其事。據此當時典校祕書者皆用本官耳。案以祕書為官名。乃後世之失。如以祕書為地名。尤不可通。祕書書也。今作為祕書。則疑於官。作於祕書。又疑於地。均之誤也。觀前書成紀作劉向校中祕書。向傳作詔向領校中五經祕書。傳文又本作劉向父子領校祕書。注文自應與傳文合為字。即領字轉寫之譌。於字又明明校字形近之譌。兩本固皆有脫譌也。

共工治水。集解：惠棟曰：至而張平子駁之。非也。

案書鄭注謂堯時共工水官名。蘇治水當即承其官。春秋讖以其官言之也。若與顓頊爭為帝之共工自在蘇前。衡豈不知必讖文本指

堯時耳。

有公輸班與墨翟。注：出仲尼後也。

官本注末無也字。

無所容篡。注：本作篡者。義亦通也。

官本注末無也字。

曰昧執位。案昧，冒也。

志團圓曰應懸兮。集解先謙曰官本團圓作團團。

錢大昭曰閩本作團團。文選作搏搏。柳從辰曰文選李注引毛詩曰勞心搏搏。憂勞也。團團即搏搏。作團圓誤。案柳說是也。文選此賦文

字多與傳異。然如團團作搏搏。蔚蔚作鬱鬱。鏘鏘作將將。灼藥作勺藻。蕙蒙作蠶蠶。消搖作逍遙。酷裂作酷烈。翮償作翮續。猶與作猶豫。豐輕作飄輕。羈旅作羈旅。事刃作刺刃。感瀟作焱瀟。撥刺作拔刺。魍戾作魍淚之類。則皆字之古今通假。異而不異者也。

喜傳說之生般。文選喜作嘉。

感鸞鷲之特棲兮。集解惠棟曰李善云廣雅曰鷲鳳屬也。

柳從辰曰文選離騷經。駟玉虬而乘鷲兮。王逸注。鷲鳳皇別名也。今本離騷或作鷲。古字通用。

彼無合其何傷兮。至啓金滕而乃信。文選其作而乃作後。

羌孰可與言已。文選與作爲。

跼焦原而跟止。文選止作趾。

注焦原原名也。官本注無也字。

跡賤者。文選注引尸子。跡作疏是。

要既死而後已。

要官本作安。文選作惡。皆要字形近之譌。

珍蕭艾於重笥兮

文選珍作寶

昭綵藻與雕琢兮

文選雕琢作瑠璃案作瑠無義乃瑠之譌

想依韓以流亡集解官本注仙人韓終終一作衆

謹案楚辭遠遊篇王逸注衆一作終梁華林文選旁注引本書注作韓謂仙人韓終也與閣本合官本下文終自服之仍作終雖終衆本

同似亦不可兩歧也

鑽東龜呂觀禎注東龜曰東屬集解先謙曰官本東屬作果屬

謹案作果是也文選舊注引作甲屬甲亦果之譌

子有故於玄鳥兮歸母氏而后寧集解先謙曰反王子於后

謹案文選注各本多誤字此據胡刻本及海錄軒本

問三邱乎句芒

文選乎作于

鼈雖拊而不傾注鼈大龜也

至鼈戴山拊

案章懷釋鼈爲大龜即本楚辭天問王注淮南子斷鼈足以立四極高注亦云鼈大龜又一切經音義十九引字林鼈海中大龜也力負蓬瀛壺三山說文無

鼈字字林本以補許書乃鼎臣新

附則云鼈海大龜也蓋明爲誤文

朝吾行於陽谷兮。文選。陽作湯。

指長沙曰邪徑兮。文選。以作之。

翮儻處彼湘瀨。文選。儻作續。

託山陂曰孤魂。文選。陂作阪。

愁蔚蔚曰慕遠兮。越卬州而愉敖。注。河圖曰。至正南卬州曰深土。

柳從辰曰。淮南子所言九州。與此微異。且無卬州。故注不取。案以淮南所記。校此注所引河圖。

說似互有誤字。非果異也。文選舊注云。卬州。正南州名也。四海圖曰。交廣南有卬州。其處極熱。則淮南作正南次州曰沃土。次沃當卽卬深之譌。又如西北台州。正北濟州。亦當依河圖。合作柱。濟作元。至河圖之農土。开土。白土。咸州。揚州。又當依淮南。農作農。开作

并。白作中。咸作薄。揚作陽。其餘兩州。固無異也。集解。錢大昕曰。蔚蔚。文選作鬱鬱。案愉敖。文選作遊遊。愉注訓樂。義迥別。錢氏失未校。至蔚字。則本有鬱音。乃同音通假也。

憇炎天之所陶。文選。天作火。

顛羈旅而無友兮。羈。文選作羈。案前書陳餘傳。兩君羈旅。張晏注。羈。寄也。是羈可通羈。

躔建木於廣都兮注淮南子曰建木在廣都

柳從辰曰今淮南墜形訓作都廣高注都廣西方山名案今山海經亦作西南黑水之間有都廣之野后稷葬焉章懷乃均引作廣都文選李注引

淮南子亦作廣都豈以賦本作廣都注書之體當然耶

集解先謙曰官本未作木疑當作末

謹案據文選注及淮南子本皆作末高注末端也

聞此國之千歲兮注其下壽者八百歲

下官本注作不文選李注亦引作不案文選考異云何校不改下陳云不當依范書注作下是也據此則官本作不乃誤改矣

歛神化而蟬蛻兮集解劉攽曰注案文當云蛻蟬所解皮也

柳從辰曰閣本注作蟬蛻蟬所解皮也自不誤官本沿監本之舊蟬蛻下脫一蟬字故劉氏云然

蹶白門而東馳兮注蹶行遠之貌也

官本注遠作處柳從辰曰遠處皆速之譌注引鄭注禮記雖未明指何篇然曲禮足毋蹶注固作行遠貌也案柳說是曲禮釋文亦作蹶急遽貌文選注引漢書章昭說

作蹶踣也踣如踣鞫亦急遽貌

悵相侔而延佇

文選相侔作徇徇舊注云悵徇徇思貌與相侔義別

曰近信而遠疑兮注曰黃帝蒼言也

官本注無也字

疇克謨而從諸

文選謨作謀

尉龙眉而郎潛兮。注。龙、蒼雜色也。官本注無也字。

董弱冠而司袞兮。注。年二十二。官本注作年二十。脫下二字。王莽殺賢於獄中。案前書賢罷歸自殺。非被殺於獄中。注誤。

穆負天目悅牛兮。文選。負作肩。李注引孔傳云。肩至也。案穆子夢天壓已弗勝。非夢至天也。肩極也。詩曰。致天之肩。與傳作負均。就天壓言。

豈愛惑之乃剖。集解。先謙曰。官本乃作能。是。謹案文選亦作能。又愛作昏之作而。

慎竈顯於言天兮。占水火而妄諄。文選。於作以。諄作訊。案李注。息對反。疑本諄之譌。

親所睇而弗識兮。文選。睇作睇。注。睇、視也。官本注。睇誤。梯。

母繇攀日滓已兮。文選。滓作倅。注。言物牽制於俗。官本注。物作勿。是。

用棗忱而佑仁。文選。佑作祐。案舊注。祐助也。疑本佑之譌。

鬼亢回呂敞秦。文選。敞作斲。注。斲。斲也。

德樹茂乎英六。

文選德樹作樹德。

注六故城在今壽州安豐縣南也。

唐安豐縣在今鳳陽府壽州西南六十里。

寒風淒而永至兮。

至

騰蛇蜿而自糾。

文選淒而作淒其騰蛇作騰蛇。

仙顯頊之宅幽。

文選之作而。

斯與彼其何瘳。

官本瘳誤瘳。

迅飈瀟其媵我兮。

文選媵作姦案姦譌字當作姦後文姦忽同。

驚翩飄而不禁。

驚文選同官本作驚。

趨谿嘑之洞穴兮。標通淵之砾砢。

官本標作標文選趨作越嘑作嘑標作漂淵作川案標作標是嘑與嘑同。

愍墳羊之潛深。

文選潛深作深潛考異云五臣本仍作潛深。

追慌忽於地底兮。

文選慌作荒。

出右密之闔野兮。集解惠棟曰。集作石密。章懷此注誤。當刪。李善得之。

案文選右雖作石李善並未爲石字作注。至引山海經釋密爲密山章懷又先

有是說。密山初無石密之名。惠何由知右字之必誤。而斷章懷右字注當刪耶。似未可據。

載太華之玉女兮。注。服之成仙。

成仙。原作神仙。依詩緯改。官本注不誤。

獻環珉與瓊縞兮。

文選與作環。

志浩蕩而不嘉。

文選浩作皓。

百草含藹。

官本草作卉。是文選亦同。

爰整駕而亟行。注。卽上所謂冰折不營也。

營原誤繫。據上傳文正。官本注不誤。

抨巫咸。吕占夢兮。

文選以作作。

合嘉禾。目爲敷。

禾。文選作秀。官本傳文亦作秀。注仍作禾。錢大昭曰。秀乃光武諱。作禾者不誤。案錢說是。官本傳文作秀。乃誤改。

屯騎羅而星布。注。屯從也。

官本注從作聚。是文選舊注亦同。

八乘攄而超驥。

文選攄作騰。

注攀猶騰也。

案攄舒也。謂八乘展其材也。訓騰與超驥義觀非。文選攄作騰亦誤。

蜺旌飄而飛揚。

文選而作以。

心灼藥其如湯。

文選如作若。

左青瑠目捷芝兮。

文選目作之。

委水衡乎元冥。

文選委上有後字是。

激泐忍而為清。

文選激作慤是。

素撫弦而餘音兮。

文選素下有女字是。

既防溢目靜志兮。

文選靜作靖。

乘天潢之汎汎兮。注曰天潢。

官本注。潢誤漢。

凌驚雷之硠礚兮。注。礚音苦蓋反。官本注無音字。

乃令窮乎天外。令官本作今。文選同作令。誤也。窮文選作窺。 據開陽而頽盼兮。文選盼作眈。

雖遨遊呂媮樂兮。遨遊文選作遊娛。

歐儒墨而爲禽。文選歐作毆。而作以。柳從辰曰。作毆是。案歐譌爲毆。毆毆又譌爲毆。古書相承已久。前人論之備矣。此文雖字作歐。仍當讀爲毆。今文選作毆。从支亦小誤。

嘉曾氏之歸耕兮。慕歷陵之欽崑。注。歐欽歸耕。來日安所耕。歷山盤乎。文選李注引琴操曰。乎均作兮。

共夙昔而不貳兮。固終始之所服也。夕惕若厲。日省譽兮。懼余身之未勅也。文選昔作夜。無兩也字。

柏舟悄悄吝不飛。注。柏舟言行而不遇也。官本注。行作仁。是。

松喬高跼孰能離。注。二十餘年。官本注。二作三。

回志竭來從玄謀。注。謀或作謨。謨亦謀也。官本注作謀。或作謀。謨亦謀也。

永和初出爲河間相。集解先謙曰：文選序言多謬。

至未可依據。

侯康曰：傳言永和初，則必在永和元年，即陽嘉五年也。或衡出相時尙未改元，故仍稱陽嘉詩。

序與本傳未始不可兼通。獨五臣注繫之陽嘉元年，則大誤耳。謹案永和改元據順紀，即在正月。衡即以正月出相，亦不得仍繫元嘉。況序又明言陽嘉中，不云陽嘉末，何能曲爲之解，仍未可依據也。

永和四年卒。

柳從辰曰：河南通志，衡墓在南陽府東北石橋保。

時人追恨之。

柳從辰曰：御覽七百五十一引歷代名畫記：後漢善畫者，趙岐、劉良、蔡邕、張衡。昔建州蒲城縣山有獸，名駭神，豕身人首，狀貌惡，百鬼畏之。好出水邊石上，平子往寫之，獸入潭中不出。或云：此獸畏畫，故不出，可去紙筆，即去之。獸果

出，平子拱手不動，潛以足指畫獸。今號畫獸潭。是衡之多藝，非一端也。案此與三齊略記載始皇巧人，潛以脚畫海神狀，同一不經，皆非解畫者之言也。衡上疏論圖緯虛妄，有云：譬猶畫工惡圖犬馬，而好作鬼魅，蓋深鄙之。豈自蹈之哉。畫獸潭一作巴獸潭云。

馬融傳第五十上

後漢書六十上

宋宣城太守范曄撰

唐章懷太子賢注

王先謙集解

馬融字季長扶風茂陵人也

融集云茂陵成權里人也

將作大匠嚴之子

嚴援兄余之子

為人美辭貌有俊才初京兆曄恂

曰儒術教授隱于南山不應徵聘名重關西

三輔決錄注曰恂字季直好學善屬文隱於南山之陰融集解沈欽韓曰皇甫謐高士傳云恂十二世祖峻字伯陵與司馬遷交好退身修德隱於

研山研人立祠號曰研君恂明禮易遂治五經博通百家之言又善屬文詞論清美涓涓弟子扶風馬融沛國桓麟自遠方至者十餘人嘗慕其先人之高遂隱於南山陰恂以女妻融後果為大儒文冠當世以是服恂之知人永和中公車徵不詣大將軍竇憲舉賢良不就以壽終三輔稱焉

融從其游學博通經籍

融集解惠棟曰融自敘云融少而好問學無常師

恂奇融才曰女妻之永初二年大將軍鄧鸞聞

融名召為舍人非其好也遂不應命

融集解沈欽韓曰北堂書鈔引謝承書云融年十三明經召為太子舍人案此傳則為鄧鸞舍人非太子舍人也

客於涼州武都漢

陽界中會羌虜颺起邊方擾亂米穀踴貴自關曰西道殫相望

左傳曰叔向云道殫相望杜注云餓死為殫也音觀

融既飢困乃悔而

歎息謂其友人曰。古人有言。左手據天下之圖。右手刎其喉。愚夫不爲。

莊子曰。言不以名害其生者。集解沈欽韓曰。御覽四百七十四韓詩外傳及

莊子語亦見文子上義篇

所曰然者。生貴於天下也。今曰曲俗咫尺之差。滅無貴之軀。殆非老莊所謂也。故往應駑召。

四年拜爲校書郎中。

謝承及續漢書並云爲校書郎。又拜郎中也。集解洪頤煊曰。鸞傳郎中馬融。寵參傳校書郎中馬融。並不稱校書郎。

詣東觀。典校祕書。是時鄧太后臨

朝。罵兄弟輔政。而俗儒世士。曰爲文德可興。武功宜廢。遂寢蒐狩之禮。息戰陳之法。故猾賊從橫。乘此

無備。融乃感激。曰爲文武之道。聖賢不墜。五才之用。無或可廢。

五才。金木水火土也。左傳曰。宋子罕曰。天生五材。人並用之。廢一不可。誰能去兵。

元初

二年。上廣成頌。曰諷諫其辭曰。

廣成苑在今汝州梁縣西。集解惠棟曰。續漢書云。融在東觀十年。窮覽典籍。上廣成頌。文章流別論。頌者詩之美也。若馬融廣成上林之屬。純爲今賦之體。而謂之頌。失之遠矣。郡國

志云。河南郡新城縣有廣成聚。注云。有廣成苑。河南十二縣簿曰。廣成澤在新城縣界黃阜。樂史曰。在梁縣西四十里。

臣聞孔子曰。奢則不遜。儉則固。奢儉之中。曰禮爲界。

猶

也。是曰蟋蟀山樞之人。竝刺國君。諷曰太康馳驅之節。

詩國風序曰。蟋蟀。刺晉僖公也。儉不中禮。其詩曰。無已太康。職思其居。毛萇注云。已甚也。鄭箋云。君雖當自樂。亦無甚太

樂。欲其用禮以爲節也。又序曰。山有樞。刺晉昭公也。有才不能用。其詩曰。子有車馬。弗馳弗驅。宛其死矣。他人是愉。言僖公以太康貽戒昭公。以不能馳驅被譏。言文武之道。須折衷也。樞音譙。集解劉敞曰。註有才不能用。案文才當作財。

夫樂而不

荒憂而不困。

左傳曰：吳季札聘於魯，魯爲之歌頌。季札曰：樂而不荒，爲之歌衛曰：憂而不困。

先王所召平和府藏，願養精神，致之無疆。

韓詩外傳曰：人有五藏六府，何謂五

藏，精藏於腎，神藏於心，魂藏於肝，魄藏於肺，志藏於脾，此之謂五藏也。何謂六府，喉咽者，量腸之府也，胃者，五谷之府也，大腸者，轉輸之府也，小腸者，受成之府也，膽者，積精之府也，旁光者，湊液之府也。詩曰：天生蒸民，有物有則。

故憂擊鳴球。

載於虞謨，吉日車攻，序於周詩。

夏，敵也，音古入反，形如伏獸，背上有二十七刻，以木長尺櫟之，所以止樂擊祝也。象桶中有椎柄，連底撞之，所以作樂。見三禮圖。球，玉磬也。虞謨，舜典也。詩小雅曰：吉日維戊，既白既禱。

田車既好，四牡孔阜。又曰：我車既攻，我馬既同。〔集解〕：惠棟曰：虞謨，謂虞書之皋陶謨也。伏生尚書以益稷合於皋陶謨，故馬鄭古文別有益稷篇。孔平仲據融此頌，遂以二典可以爲謨失之。

聖主賢君，召增盛美，豈徒

爲奢淫而已哉！伏見元年已來，遭值厄運。

元年，謂安帝卽位年也。厄，運謂地震大水雨雹之類。

陛下戒懼災異，躬自菲薄，荒棄禁苑，廢

弛樂懸。

〔集解〕：惠棟曰：周禮，大司樂弛懸。鄭元曰：弛，釋下。若今休兵鼓之爲。

勤憂潛思，十有餘年，召過禮數，重召皇太后體，唐堯親九族，篤睦

之德。陛下履有虞烝烝之孝，外舍諸家，每有憂疾，聖恩普勞，遣使交錯，稀有曠絕，時時寧息，又無召自

娛樂，殆非所召。逢迎太和，裨助萬福也。臣愚召爲雖尙，頗有蝗蟲，今年五月召來，雨露時澍，祥應將至。

方涉冬節，農事間隙，宜幸廣成，覽原隰，觀宿麥，勸收藏，因講武校獵，使寮庶百姓，復覩羽旄之美，聞鐘

鼓之音歡欣喜樂鼓舞疆畔。

孟子對齊宣王曰。今王頗鼓樂于此。百姓聞王鐘鼓之聲。舉欣欣然有喜色而相告曰。吾王庶幾無疾病歟。何以能田獵也。此無它。與人同樂也。今王田獵於此。百姓見羽旄之美。欣欣有喜色而相告曰。吾王庶

幾無疾病歟。何以能田獵也。此無它。與人同樂也。

百迎和氣。招致休慶。小臣螻蟻。不勝區區。

〔集解〕惠棟曰。廣雅云。區區。誠也。

職在

〔集解〕劉攽曰。注。今王頗鼓樂。案文多一頗字。

書籍謹依舊文。重述蒐狩之義。作頌一篇并封上。淺陋鄙薄。不足觀省。臣聞昔命師於鞬鑿。偃伯於靈

臺。或人嘉而稱焉。

鞬以藏箭。鑿以藏弓。鞬音紀言反。臺音高。禮記。孔子曰。武王克殷。倒載干戈。包以獸皮。名之曰鞬鑿。鄭注曰。鞬讀爲鞬。音其寔反。謂藏閉之也。此馬鄭異義。司馬法曰。古者武軍三年不興。則凱樂凱歌。偃伯靈臺。晉人

之勞。告不興也。偃。休也。伯。謂師節也。靈臺。望氣之臺也。〔集解〕吳仁傑曰。詩。既伯既禱。說文。禱字注。以既伯爲既禱。周官。甸祝表貉。杜子春讀貉爲百爾所思之百。云書或爲禱。兵器也。〔急就篇〕戎伯總閱。伯或作貉。小顏不曉。周禮有表貉。解爲議貉。然則伯與貉與禱。皆同百音。實一而已。古者兵祭。必立表爲位。兵不出則偃之。伯者。表也。章懷注。謂伯爲師節。特揣量云然。其實周之罕旗。漢之靈旗。則古所謂伯也。沈欽韓曰。毛傳。伯。馬祖也。重物慎微。將用馬力。必先爲之禱。其祖。爾雅。既伯既禱。馬祭也。又云。是類是禱。師祭也。皇矣傳。於內曰類。於野曰禱。後鄭肆師注。貉。師祭也。於所立表之處。爲師祭。造軍法者。其神蓋蚩尤。〔蚩尤有二。管子五行篇。黃帝有六相。蚩尤明乎天道。使爲當時。〕則伯乃馬祭。禱是師祭。或可以馬爲戎事所重。禱可兼馬祭言之。說文之義。自得通大司馬職。虞人萊所田之野爲表。百步則一。爲三表。又五十步爲一表。表者。從南至北。立竿以識車徒進退之節。禱祭既無壇埽。故立表以指處。亦猶祭祭以綿繆爲之表。不可謂之禱。猶綿繆不可謂之祭也。吳以伯爲表。謬矣。彼意以後之禱牙卽是祭旗。故以表爲旗。然大司馬職云。建旗於表之中。則表非旗明矣。又以郊祀志。中泰一。鑿旗爲古之伯。尤誕妄。余謂毛傳以伯爲馬祖。則偃伯者。息馬也。師行受命於祖。受成於學。反釋奠於學。鄭駁五經異義云。太學卽辟雍也。靈臺辟雍同處在郊。〔見詩靈臺正義〕其建靈臺。故曰偃伯靈臺。

今文太誓。武王伐紂。鼓鐘。亟觀臺。亟觀臺。即靈臺。蓋天子諸侯之異名耳。先謙曰。官本注。韃作建。義作議。

彼固未識夫靈靈之爲天常。金革之作昏明也。

左傳。鄭子太叔曰。爲刑罰威獄。

以類天之靈耀殺戮。杜預注曰。靈靈。靈耀。天之威也。聖人作刑獄。以象類之也。又宋子罕曰。兵之設久矣。所以威不軌而昭文德也。聖人以興亂人以廢。廢興存亡。昏明之術。皆兵之由也。〔集解〕惠棟曰。明音謨。郎反。

自黃炎之前。傳道

罔記。三五曰來。越可略聞。且區區之鄭郊。猶廓七十里之固。盛春秋之苗。

鄭。周文王所都。孟子曰。文王之固。方七十里。爾雅曰。春獵爲蒐。夏曰苗。秋

曰。綱。冬曰狩。〔集解〕沈欽韓曰。方言。張小使大曰廓。

詩詠圃艸。樂奏騶虞。

韓詩曰。東有圃艸。駕言行狩。毛詩曰。彼茁者葭。一發五豝。于嗟乎騶虞。毛萇注云。騶虞。義獸也。白虎黑文。不食生物。有至信之德。則應之。周禮大司樂。王

大射則奏騶虞。〔集解〕先謙曰。官本。圃作圃。錢大昕云。圃當從圃。本作圃。詩東有甫艸。鄭氏讀如圃。

是曰大漢之初基也。宅茲天邑。總風雨之會。交陰陽之和。

周禮曰。風

雨之所會也。陰陽之所和也。乃建王國焉。天邑謂洛陽也。

揆厥靈囿。營于南郊。

揆。度也。詩大雅曰。王在靈囿。言作廣成苑以比之。

徒觀其罔場區宇。恢胎曠蕩。蘋蘩

勿罔寥豁鬱泱。

蘋音眇。泱音烏朗。反。並廣大貌也。

騁望千里。天與地莽。于是周陸環瀆。右轡三塗。左概嵩嶽。

陸音欺。於反。上林賦曰。江河爲

陸。郭璞注曰。因山谷遮禽獸曰陸。廣雅曰。鬱。視也。音馬板反。三塗。山名。在陸渾縣西南。

面據衡陰。箕背王屋。漫呂波澆。資呂榮洛。

衡陰。衡山之北。山海經曰。雒水出焉。東曰衡山。多青雉。地

里志云。雒縣。衡山。澧水所出。在今鄧州。向城縣北。王屋山。在今王屋縣北。周禮曰。豫州。其浸波澆。其川榮洛。水經注云。澆水出黃山。在今隨州。棗陽縣東北。又云。波水出歇馬嶺。卽應劭所謂孤山。波水所出者。今在汝州。魯山西北。榮水在滎陽縣東是也。〔集解〕惠棟曰。

顏籀云波即禹貢所云滎波既豬說文曰澆水在漢南荊州浸也春秋傳曰修涂梁澆水經注曰澆水出隨縣西北黃山春秋除道梁澆軍臨于隨謂此水也說文資水脈行地中澆澆也从水資聲淮南子曰乃有八資高誘曰資猶遠也音資沈欽韓曰明統志雒衡山在南陽府城北七十五里波水出汝州魯山縣西南馱馬嶺下流入汝一統志澆水今名扶恭河德安府志澆水出隨州西北百五十里栲栳山東南合魯城河又合驪驪陂水又東逕安貴鎮西入澆先謙曰箕者山形如箕向前而背王屋也

殷起乎其中峩峩磴磴鏘鏘唯唯降穹槃回嶮峻錯崔
金山金門山也水經注云在灑池縣南石林大石山也一名萬安山在河南郡境簿云洛陽縣南大石山中有雜樹木有

祠名大石祠山高二百丈也殷音於謹反磴音五來反唯音徂回反嶮音隅峻音魚軌反並高峻貌
〔集解〕沈欽韓曰元和志大石山在河南府潁陽縣西北四十五里大石祠亦見魏志司馬芝傳

浮磬燿焜于其陂
爾雅曰汎泉冗出冗出側出也丹水涅水在今鄧州怪石怪異好石似玉者浮磬若泗水中石可以爲磬也燿焜光也〔集解〕沈欽韓曰明統志丹水出陝西商縣竹山東流至鄧州內鄉縣與浙水合涅水出鄧州東

北流其土毛則推牧薦草芳茹甘荼
毛草也左傳云楚茅尹無宇曰食土之毛誰非君臣推相傳音角推牧未詳莊子曰樂鹿食薦一曰草稠曰薦茹菜也爾雅曰荼苦菜也詩曰葶荼如飴飴亦甘也〔集解〕錢

大昕曰推蓋與蓋同爾雅蓋山韭是也牧苜蓿也沈欽韓曰說文葶草也詩曰食鬱及葶李時珍本草郭璞作牧宿〔推黃華注〕謂其宿根自生可飼牧牛馬也惠棟曰楚詞天問云中央共牧王逸云牧草名也岐首之蛇所食管子八觀云薦草多衍則六畜易繁也

注薦茂草也說文云薦獸之所食草古者神人以薦遺黃帝
此其芸菹昌本深蒲
此音紫真音其爾雅曰葍月爾郭璞注曰即紫葍也似蕨可食芸香草也說文云似苜蓿菹音資都反廣雅曰菹菹也其根似茅根可食昌本

昌蒲根也深蒲謂蒲白生深水之中〔集解〕惠棟曰
芝苒葶苒葶荷芋菓
芝苒草也禮記曰芝苒菱根苒音而葶菜花紫葉可食而滑苒音戶官反禮記曰苒苒粉綸鄭注云

廣雅云此葶蕨也此與紫通先謙曰官本菹作蒲是

廣雅云此葶蕨也此與紫通先謙曰官本菹作蒲是

芑，華類也。蕺荷苗似薑根，色紅紫，似芙蓉，可食。芋蕺，卽芋魁也。一名躡鴟，大葉，其根亦可食也。

桂荏，鳧葵，格菲，菹子。

爾雅曰：蘇，桂荏，方言曰：蘇亦荏也。爾雅曰：菹，鳧葵，葉團似蓴，生水中。今俗名水葵。爾雅曰：菹，山蔥，格與荏，古字。

通，菹音子，閏反。卽芭蕉，一名芭蕉子，軒子也。一名菹，生於水中。矣，《集解》：惠棟曰：注：巴蕉軒子，見子虛賦。說文曰：菹，酢菜也。

其植物，則玄林，包竹，藩陵，蔽京，珍林，嘉樹，建木，叢生。

玄，猶幽也。包，叢生也。爾雅曰：大阜曰陵。絕高曰京。藩亦蔽也。建木，長木也。

椿，梧，栝，柏，柎，柳，楓，楊。

並木名也。柎音短。楊，協韻音以征反。

豐，彤，對，蔚，峯，頰，慘。

並林木貌也。對音徒對反。豈音吟。慘。

音所金反。爽，協韻音生。

翕，習，春風，含津吐榮，鋪于布護，確扈，蕪葵，惡可殫形。

鋪音敷。確音以揆反。郭璞注：爾雅云：草木花初出爲算，與確通。其字從唯。本作從往者，誤也。扈音戶。

蕪音胡瓦反。字從圭，並花葉貌。本作蕪，說文云：蕪，黃花也。廣雅曰：好色也。葵，光也。惡，何也。音烏。《集解》：惠棟曰：確扈，猶荏菹也。淮南子曰：荏菹炫煌，高誘曰：荏菹炫煌，采色貌。荏音委，菹音戶。說文曰：確，采也。从草，唯聲。蕪讀若瓊。周壽昌曰：官本蕪，正文與注俱作蕪，似誤。

注：明云：字从圭，則不應从主。又注本作蕪。無草頭也。官本亦書作蕪，尤誤。毛本較明。

至于陽月，陰慝害作，百草畢落，林衡，戒田，焚菜，柞木。

爾雅曰：十月爲陽，孫炎注曰：純陰用事，嫌。

於無陽，故以名云。左傳曰：唯正月之朔，慝未作。杜注云：慝，陰氣也。害作，言陰氣肅殺，害於百草也。周禮曰：林衡掌巡林麓之禁令。又曰：牧師掌牧地，凡田事贊焚萊，除草也。柞音七雅反。邪斫木也。周禮：柞氏掌攻草木及林麓。

然後舉天網，頓

八紘，犂斂，九藪之動物，纒臺，四野之飛征。

犂，聚也。音子由反。周禮：職方氏掌九藪。揚州具區，荊州雲夢，豫州圃田，青州孟諸，兗州泰野，雍州弦蒲，幽州獫狁，冀州楊紆，并州昭余，鄭玄注云：澤無

水曰藪。動物謂禽獸也。纒音胡夫反。又胡串反。說文曰：纒，落也。國語曰：纒於山有罟。賈逵注云：纒，還也。變，囊也。音託。四野，四方之野也。飛征，飛走也。《集解》：惠棟曰：大戴禮四代篇云：詩云：東有開明，於時雞三號，以興庶虞。庶虞動，蚩征作，裔民執功，百草咸導。鳩

之乎茲囿之中山敦雲移羣鳴膠膠鄙駭謙謹子野聽聳離朱目眩隸首策亂陳子籌昏

鳩聚也敦音屯亦積聚也鄙駭

獸奮迅貌也鄙音善美反駭音侯韓詩曰駭駭侯侯或羣或友眩亂也叶韻音玄隸首黃帝時善算者也陳子陳平善於籌策也昏亂也言禽獸多不可算計〔集解〕錢大昕曰陳子古之善算者周髀經云榮方問于陳子是也章懷以為陳平誤矣於是營

圍恢廓充斥川谷擧置羅繹彌綸阡澤皇牢陵山

擧音浮維網也置兔罟也繹或網也音力官反並見爾雅阡音苦庚反蒼頡篇曰阡壑也皇牢猶牢籠也孫卿子曰皇牢天下而制之若

制子孫也諸本有作牢柵者非也〔集解〕惠棟曰皇牢今荀子王霸篇作皇牢註如薶蓼之薶擧與皇古字通鄭元儀禮注曰牢讀為樓先謙曰官本皇作皇是

校隊案部前後有屯甲乙相伍戊己為

堅周禮司馬職曰前後有屯甲乙謂相次也伍伍長也戊己居中為中堅也〔集解〕惠棟曰鄭元鄉師注曰前後屯車徒異部也王彥賓云戊己土也屯田以耕土為事故取為名棟案堅中堅也漢有中堅將軍見杜茂傳袁宏紀陳俊將中堅士是也乘

輿乃曰吉月之陽朔登于疏鑿之金路六驢駭之玄龍建雄虹之旌夏揭鳴鳶之修橦

陽朔十月朔也疏鑿謂雕鏤也周禮

輿服雜記曰玉路重較也金路玉路形制如一六駕六馬也續漢志曰天子五路駕六馬駢駭馬名左傳云唐成公有兩駢駭馬周禮曰馬高八尺曰龍禮記曰孟冬乘玄轅駕鑿駢今此亦順冬氣而乘玄也郭璞注爾雅云虹雙出色鮮盛者為雄左傳云舞師題以旌夏杜預注云旌夏大旌也揭擧也音渠列反禮記曰前有塵埃則載鳴鳶鳶也音緣鳴則風動故畫之於旌旗以候埃塵也橦者旗之竿也音直江反〔集解〕惠棟曰賈逵云色如霜紉馬融曰肅爽鷹也其羽如練高首修頸馬似之天下稀有故子常欲之論衡云師曠曰昔黃帝合鬼神於西大山之上

曳長庚之飛轡載日月之太常棲招搖與玄弋注枉矢于天狼

長庚即太白星音所交

反。卽旌旗所垂之羽毛也。太常，天子所建大旗也。畫之日月，周禮曰：日月爲常，招攝玄弋，天狼，竝星名也。枉矢，妖星，馳行有尾，目赤，畫于旌旗也。〔集解〕劉攽曰：案妖星可見尾目而已。又言其赤，非也。赤當作亦。上文大常畫日月，故云亦畫也。惠棟曰：大人賦云：垂彗星而爲鬢，張揖曰：鬢，燕尾也。地，彗星綴著旒，以爲燕尾也。

羽毛紛其影馳揚金變而地玉瓌

影馳，羽旄飛揚貌也。影音必由反。馳音羊救反。蔡邕獨斷曰：金變者，馬冠也。高廣各四寸，在馬鬣前，變音無犯反。一

音子公反。瓌，馬帶，以玉飾之。音囊。〔集解〕惠棟曰：服虔通俗文云：髮垂而影，說文曰：白髮雜而影，字林亦同。音匹料切。

屯田車于平原，播同。徒于高岡，旂旛摻其如林，錯五色

日擗光

詩小雅曰：我車既好，又曰：射夫既同，言徒衆齊同也。旂，亦旂也。音古會反。左傳曰：旂動而鼓，摻音所今反。與森字同。〔集解〕劉攽曰：注我車既好，案我當作田。錢大昕曰：說文：旂，建大木，置石其上，發以機，以追敵也。詩曰：其旂如林，季長所見本與叔

重同。惠士奇曰：周禮稍人職云：若有會同師田行役之事，則以縣師之法，作其同徒葦葦。注云：同徒，司馬所調之同。凡用役者不必一時皆徧，以人數調之，使勞逸遞焉。惠棟曰：說文云：旂，旗曲柄也。春秋傳曰：旂動而鼓。詩曰：其旂如林。棟案說文所引詩，蓋據齊魯韓三

家也。今詩作會。

清氛埃，掃野場，誓六師，搜雋良。

野場，謂除其艸萊，令得驅馳也。左傳曰：天子六軍，雋良馬之善者。

司徒勒卒，司馬平行，車攻馬同，教

達戒通

周禮曰：司徒，若將有軍旅會同田役之戒，則受法於司馬，以作其衆。又曰：司馬符田，以旌爲左右和之，門前後有屯，百步有司巡其前後。鄭注云：正其士之行列。詩小雅曰：我車既攻，我馬既同。毛萇注曰：攻，堅也。同齊也。戎車齊力，尙強也。田獵齊足，

尙疾也。〔集解〕惠士奇曰：周禮遂大夫職曰：以四達戒其功事。

伐咎鼓，撞華鍾，獵徒縱，赴榛叢。

咎鼓，大鼓也。音公刀反。周禮咎鼓長尋有四尺。

徽燼霍奕，別駑分奔，騷擾

聿皇往來交舛，紛紛回回，南北東西。

燼音呼獲反。聿，奔馳貌。

風行雲轉，句磴隱訇，黃塵勃滂，闇若霧昏。

磴音苦蓋反。訇音火宏反。

並聲也。滯音烏童反。〔集解〕
惠棟曰：磁、曹憲音苦代切。

日月爲之籠光，列宿爲之翳昧，儻狡課才，勁勇程氣。

儻狡，勇捷。儻，匹妙反。

狗馬爭逐，鷹鷂

競驚，馳騎旁佐，輕車橫厲，相與陸梁，聿皇于中原，絹狽踈，縱特肩，脰完羝，攜介鮮，散毛族，楛羽羣。

絹，繫也。與

胷通音工，犬反，猥，野馬也。爾雅曰：猥，躡善升，猥，猥音昆，縱，猶撞也。揚雄方言曰：吳楚之間，或謂矛爲縱。音楚江反。韓詩齊風曰：並驅從兩肩兮。薛君傳曰：獸三歲曰肩，脰也。謂中其頸也。脰音豆，完，羝，野羊也。臣賢案：字書作羝，音戶官反。與完通。楛音，諸家並古酷反。案字書：楛從手，卽古文攪字，謂攪擾也。

〔集解〕惠棟曰：類篇云：羝，山羊細角者。

然後飛鉞電激，流矢雨墜，各指所質，不期俱殪，竄伏扔輪，發作梧楫。

鉞，矛也。周禮曰：王弓以授射甲革楛質者。鄭玄云：質，正也。正音征，扔音人，證反。聲類曰：扔，摧也。言爲輪所摧也。梧，支梧也。音悟，謂支著車也。輶，車軸頭也。音衛，謂車軸輻而殺之。〔集解〕惠棟曰：廣雅云：扔，引也。音仍。

殺艾狂擊，頭陷顛

碎，獸不得豫，禽不得警。

殺，亦艾也。音丁外反。顛，額也。音虛。豫，走也。音丑。戀反。警，視也。協韻音正。例反。受音殊。〔集解〕惠棟曰：李善云：張揖埤蒼曰：豫，逃也。字書曰：獒，豫獸，逃走也。

或夷由未殊，顛俱

頓躓，蝮蝮蟬蟬，充衢塞隧，葩華蒞布，不可勝計。

夷由，不行也。楚辭曰：君不行兮夷由。未殊，謂未死。蝮音而，窆反。說文曰：蝮也。蟬音似林反，亦動貌也。〔集解〕惠棟曰：左思吳都賦曰：輕禽狡獸。

周章夷猶，由與猶古字通。廣雅曰：殊，斷也。又曰：蝮音軟，淮南子曰：蝮飛蝮動。

若夫鷲獸殺蟲，倨牙黔口，大匈哨後，緇巡歐紆，負隅依阻，莫敢嬰禦。

雅附

曰：駭如馬，倨牙，食虎豹，黔，黑也。周禮考工記曰：大匈，懼後，有力而不能走。鄭玄注曰：懼，讀曰哨。哨，小也。音稍。緇，巡，並行貌也。緇音於粉反。孟子曰：有衆逐虎，虎負隅，莫之敢撓，撓，迫也。禦，扞也。

乃使鄭叔晉婦之徒，睽孤剖

礮同音補何反又補佐反說文曰以石著雉繳也絡繞張羅貌也礮與幕通飛也音揮霽音素洽反廣雅曰霽雨也言鳥中繳如雹之落（集解）惠棟曰輩作同作也漢時語亦見鄭氏周禮注

爾乃蘋觀高蹈改乘回轅

泝恢方撫馮夷策句芒超荒忽出重陽厲雲漢橫天潢

蘋遠也音名小反田獵既罷故改乘回轅也左傳曰改乘轅而北之泝上也恢大也馮夷河伯也句芒東方之神也荒忽

幽遠也重陽天也雲漢天河也天潢星也（集解）惠棟曰高蹈猶企足也左傳曰使我高蹈

導鬼區徑神場詔靈保召方相驅厲疫走蜮祥

靈保神巫也楚詞九歌曰思靈保兮賢姱

周禮方相氏掌執戈揚楯帥百隸以毆疫洪範五行傳曰蜮射人生於南越謂之短狐詩蟲魚疏曰一名射景如鼈三足今俗謂之水弩也（集解）劉放曰正文案導當作道

捎罔兩拂游光柳天狗縱墳羊

音

所交反鄭玄注周禮曰捎除也國語曰木石之怪曰夔罔兩游光神也兄弟八人天狗星名也春秋元命包曰天狗主守財縱擊也音息列反墳羊土之怪其形似羊見家語（集解）惠棟曰風俗通云夏至著五綵辟兵題曰游光屬鬼知其名者無滯疾禮說云柳說文

作迦三秦記云麗山上有白鹿原原有狗柳堡秦襄公時天狗來下有賊則吠之一怪無患於是

然後緩節舒容裴回安步降集波籟川衡澤虞矢魚陳罟

波籟池籟也前書音義曰籟在池中作室可用棲鳥入則捕之又曰折竹以繩綿連禁禦使人不得往來也周禮川衡掌川澤之禁令澤虞掌國澤之政令也左傳曰魯隱公矢魚于棠矢亦陳也國語曰魯宣公夏濫罟於泗川里革斷其罟而弃之曰古者大寒降水虞

於是登川禽而嘗之於廟行諸國助宣氣也今魚方孕又行罟食無茲也公曰吾之過也（集解）音固

茲飛宿沙田開古蠱

治音

蠱終葵揚鬬斧刊重冰撥蟄戶測潛

鱗踵介旅

茲飛即伏飛也呂氏春秋曰荆人伏飛涉江中流兩蛟繞其船伏飛拔劍赴江刺蛟殺之魯連子曰古善漁者宿沙渠子使漁山側雖十宿沙子不得魚焉宿沙非闔於漁道也彼山者非漁之所生也晏子春秋曰公孫捷田開疆古治子

事景公以勇。晏子勸公餽之二桃。曰：計功而食之。公孫捷曰：捷持楯而再搏乳虎。若捷之功。可以食桃。田開疆曰：吾仗兵而禦三軍者。再可以食桃。古冶子曰：吾嘗濟河。壺衝左驂。以入砥柱之流。吾逆而百步。順流九里。得鼉頭。鵠躍而出。可以食桃矣。二子皆反其桃。契頃而死。古冶子曰：二子死之。吾獨生。不仁。亦契領而死。壺與冶通。壺亦揮也。廣雅曰：終葵。椎也。闕斧。斧名也。刊。除也。踵。猶尋也。介。謂鱗蟲之屬也。旅。衆也。〔集解〕劉放曰：注。公孫捷持楯而再搏乳虎。案如下文。則此少曰吾二字。惠棟曰：案今廣雅作捺揆。方言云：齊人謂椎爲終葵。顧炎武云：古人以椎逐鬼。若大難之爲耳。周禮考工記云：車人爲車。柯長三尺。五分其長。以其一爲之首。鄭元云：首六寸。謂今剛關頭等。賈公彥疏云：漢時斧近刃。皆以剛鐵爲之。又以柄關孔。

減潭淵。左挈夔龍。右提蛟鼉。春獻王鮪。夏薦鼈龜。濟音蒲良反。撓。奴教反。並入水貌也。淪減。謂沒於水中也。鼉音壇。鮪。禮屬也。大者爲王鮪。小者爲叔鮪。禮記。季春之月。天子始乘舟。釣鮪。

於寢廟。季夏之月。令漁師取鼈也。〔集解〕惠棟曰：鼈音徒官反。相如子虛賦。亦以鼈爲一韻也。於是流覽徧照。殫變極態。上下究竟。山谷蕭條。原野寥愀。上無

飛鳥。下無走獸。虞人植旂。獵者效具。車弊田罷。旋入禁囿。流覽。謂周流觀覽也。周禮曰：植旂旌以囿禽。鄭注曰：猶猶樹也。田上樹旗。令獲者皆致其禽也。又曰：車弊。獻禽以享。

〔集解〕惠棟曰：李巡爾雅注云：但有大殿。無室。名曰樹。棲遲乎昭明之觀。休息乎高光之榭。呂臨乎宏池。

鎮呂瑤臺。純呂金堤。樹呂蒲柳。被呂綠莎。瀆瀆沆漭。錯紵繫委。天地虹洞。固

無端涯。大明生東。月朔西陔。純。緣也。音之尹反。蒲。亦柳也。瀆音胡廣反。瀆音養。沆音胡朗反。漭音莽。並水貌也。錯紵。交結也。紵音之忍反。委音於危反。虹洞相連也。虹音胡貢反。朔。生也。禮記曰：大明生於東。月生於西。鄭

注曰大明日也言池水廣大日月出於其中也（集解）錢大昕曰虹洞與鴻洞同惠棟曰淮南子云水靡溢振蕩與天地鴻洞高誘云鴻大也洞通也音曠同

乃命壺涿驅水蠹遂罔螭滅短狐箝鯨

鯢周禮壺涿氏掌除水蠹涿音丁角反蠹音公戶反罔謂罔兩也螭龍屬短狐即蟻也箝音七亦反說文曰刺也周禮鼈人掌以時箝魚鼈龜鱉鄭衆注云箝謂以杖刺泥中搏取之

然後方餘皇連舳舟張雲帆

施蜺幃靡颺風陵迅流發擢歌縱水謳淫魚出蒼蔡浮湘靈下漢女游

方猶並也餘皇吳之船名也見左傳舳小舟也音渠恭反淮南子曰越與蜀艇

不能無水而浮帆音凡幃幃也音直由反颺疾風也音楚疑反武帝秋風詞曰簫鼓鳴兮發擢歌劉向列女傳曰津吏之女中流奏河激之歌韓詩外傳曰瓠巴鼓琴淫魚出聽淮南子曰上有蒼蒼下有伏龜論語曰臧文仲居蔡注云龜出蔡地故以爲名也湘靈舜妃溺於湘水爲湘夫人也見楚詞漢水之神女詩云漢有游女（集解）惠棟曰廣韻引韓詩曰權歌巴人歌也

水禽鴻鵠鴛鴦鷗鷺鵠鵠鷓鴣鷓鷓鷓乃安斯寢戢翻

其涯鴛鴦匹鳥也鷓鴣白鷓也鷓屬也爾雅曰鷓鴣今謂之鷓鴣也鷓音括鷓鷓也楊孚異物志云能沒於深水取魚而食之不生卵而孕雖於池澤間既胎而又吐生多者生八九少者生五六相連而出若絲絲焉水鳥而巢高樹之上鷓白鷓也鷓白

鷓也鷓音步歷反鷓音梯楊雄方言曰野鳧也甚小好沒水中膏可以瑩刀劍寢宿也詩曰乃安斯寢涯水濱也

魴鱣鱣編鰕鱧鱧魴樂我純德騰踊相隨雖靈沼之白鳥

孟津之躍魚方斯茂矣鱣音緒似魴而弱鱣鱣音徐林反口在頷下大者長七八尺編音卑連反魴之類也鱣音區今鱣額白魚也鱣音嘗詩蟲魚疏曰今黃頰魚也魴音沙或作魴郭義恭廣志曰吹沙魚大如指沙中行詩大雅

曰王在靈沼於物魚躍鄭玄注云靈沼之水魚盈滿其中也皆以跳躍又曰白鳥鷓鷓鷓肥澤也鷓音學言並得其所也尙書中候曰武王渡孟津白魚躍入于王舟中也（集解）惠棟曰隨音旬禾反然猶詠歌於伶簫載陳於

方策豈不哀哉。

俗樂官也。詩國風序曰：衛之賢者仕於伶官。禮記曰：文武之道，布在方策。又曰：百名以上，書之於策，不滿百名，書之於方。鄭注云：方板也。《集解》何焯曰：伶籥出魯語。惠棟曰：案魯語，叔孫穆子曰：今伶籥詠歌及鹿鳴之三章，昭

云：伶，伶人籥，樂器。言樂人以籥作此二篇之聲，與歌者相應。

於是宗廟既享，庖廚既充，車馬既簡，器械既攻。

禮記曰：天子歲三田，一爲乾豆，一爲賓客，三爲充君之庖。

然後

擺牲班禽，淤賜犒功，羣師疊伍，伯校千重，山壘常滿，房俎無空。

廣雅曰：擺，開也。字書：擺亦搏字也。音步買反。班固西都賦曰：置互擺牲，班布也。淤，與佻同。左傳曰：加

簞則佻賜犒勞也。山壘，甚爲山文。禮記曰：山壘，夏后氏之禮也。又曰：周以房俎。鄭玄注云：房謂足下附也。有似於堂房也。《集解》惠棟曰：淤，類篇作佻。

酒正案隊，膳夫巡行，清醪車湊，燔炙騎將。

鼓駭舉爵，鐘鳴既觴。

周禮：酒正，中士，辨五齊之名。三酒之物，膳夫，上士，掌王之食飲膳羞。說文曰：醪，汁滓酒也。大雅曰：或燔或炙，將行也。既，盡也。流俗本爵字作燔，既字作暨，皆誤也。《集解》惠棟曰：古人皆以車騎行酒肉，王允論衡

云：車行酒，騎行炙。

若乃陽阿哀斐之晉制，闌畫華羽之南音。

淮南子曰：歌采菱，發陽阿。禮記曰：啜，諧慢易之音。作而人康樂。鷓冠子曰：南方萬物華羽，故以調羽也。

所呂洞

蕩匈臆，發明耳目，疏越蘊悒，駭洞底伏。

越，散也。蘊悒，猶積聚也。悒與畜通。洞音洞。底伏，猶滯伏也。呂氏春秋曰：昔陰康氏之始，陰多滯伏，澁積，故作爲舞以宣導之。此言作樂亦以疏散滯伏之象。《集解》

錢大昕曰：春秋傳，物乃坻伏，鬱澶不育，注：坻，止也。坻與底同。

鏗鏗鎗鎗，奏於農郊，大路之衢，與百姓樂之。

鏗，鎗鎗，鐘鼓之聲也。鎗音橫，鎗音惻。庚反。孟子謂齊宣王曰：今王興百姓同

其樂，則王矣。農郊，田野也。

是日明德耀乎中夏，威靈暢乎四荒，東鄰浮巨海而入享，西旅趨蔥嶺而來王，南徼因九譯

而致貢朔狄屬象胥而來同。

入享謂來助祭也。孔安國注尚書曰：西旅、西戎遠國也。蔥嶺、西域山也。西河舊事曰：嶺上多蔥。因以名焉。徵塞之道也。九譯謂九重譯語而通中國也。尚書大傳曰：周成王時，越裳氏重九譯。

而貢白雉，朔狄、北狄也。周禮象胥掌蠻夷戎翟之國，使傳王之言而論說焉。以和親之。鄭注云：通夷狄之言者曰象胥。其有才智者也。此類之本名。東方曰寄，南方曰象，西方曰狄，北方曰譯。此官正為象者。周始有南越重譯來貢獻，是以名通言語之官為象胥。胥音詔。《集解》劉攽曰：注名通言語之官為象胥，案文當作通名，謂總稱言語之官為象胥也。惠棟曰：東鄰、東夷也。古文作𠄎。安平相孫根碑云：至于東𠄎大虛。班固幽通賦云：東𠄎虛而熾仁。注云：古鄰字。

蓋安不忘危，治不忘亂。

道在乎茲，斯固帝王之所曰耀神武而折遐衝者也。

晏子春秋曰：晉平公欲攻齊，使范昭觀焉。景公臨之。范昭曰：願請君之奔酌。景公曰：諾。范昭已飲，晏子命徹尊更之。范昭歸以

報晉平公曰：齊未可伐也。吾欲慙其君而晏子知之。仲尼聞之曰：起於尊俎之間而折衝千里之外。

方今大漢收功於道德之林，致獲於仁義之淵，忽蒐狩之禮，闕

槃虞之佃。

槃，樂也。虞，與娛同。

闇昧不觀日月之光，瞽昏不聞雷霆之震，于今十二年為日久矣，亦方將刊禁臺

之祕藏，發天府之官常，由質要之故業，率典刑之舊章。

周禮八法，四曰官常，以聽官理。天府，掌祖廟之守藏，與其禁。令察羣吏之理。左傳云：晉趙盾為國政，由質要。杜預注曰：由

用也。質要，契券也。刊音苦寒反。

采清原，嘉岐陽，登俊桀，命賢良，舉淹滯，拔幽荒。

清原地在河東隴喜縣北。左傳曰：晉蒐于清原。作五軍。又楚椒舉曰：周武有孟津之誓，成有岐陽之蒐。禮

記月令：孟夏，令大尉贊桀，後遂賢良。左傳：楚平王詰姦，惡暴淹滯，杜預注云：淹滯，有才德而未敘者也。

察淫侈之華譽，顧介特之實功，聘賦畝之羣雅，宗重淵之潛

龍。華譽虛譽也。介特，謂孤介特立也。吠畝，謂隱於隴畝之中也。司馬相如上林賦曰：掩羣雅，音義云：謂大雅。惟小雅之人也。潛龍喻賢人隱也。〔集解〕惠棟曰：昭十四年傳，收介特，杜氏以爲單身民，非馬義也。乃儲精山藪，歷思河

澤，目矚鼎俎，耳聽康衢，營傳說於胥靡，求伊尹於庖廚，索膠鬲於魚鹽，聽富戚於大車。矚，視也。音所解反。鼎俎，謂伊尹負鼎

以干湯也。墨子曰：湯舉伊尹於庖廚之中，康衢，謂富戚也。說范曰：甯戚飯牛於康衢，擊車輻而歌，頌其傳說代胥靡刑人，築於傅巖之野，高宗夢得之。孟子曰：膠鬲舉於魚鹽也。俾之昌言而宏議，軼越三家，馳

聘五帝，悉覽休祥，總括羣瑞。俾，使也。昌，當也。宏，大也。前書，揚雄曰：宏言崇議，軼過也。三家，三皇也。遂棲鳳皇於高梧，宿麒麟於西園，納雉儵之

珍羽，受王母之白環。韓詩外傳曰：黃帝時，鳳皇止帝東園，集帝梧桐，食帝竹實，尚書中候曰：黃帝時，麒麟在園，帝王記曰：堯時，雉儵氏來貢，沒羽，西王母慕舜之德，來獻白環。永逍遙乎宇內，與二

儀乎無疆，貳造化於后土，參神施於昊乾，超特達而無儔，煥巍巍而無原。論語：孔子曰：堯之爲君，煥乎，其有文章，巍巍乎，其有成功。豐亨千

億之子孫，歷萬載而永延。詩大雅曰：天錫百祿，子孫千億也。禮樂既闋，北轅反旆，至自新城，背伊闕，反洛京。闋，止也。音苦穴反。新城縣屬河

南郡，今伊闕縣。頌奏忤鄧氏，滯於東觀，十年不得調，因兄子喪自劾歸。融集云：時兄伉子在融舍物故，融因是自劾而歸。〔集解〕惠棟曰：鄧氏，謂太后也。案鄧騭傳云：騭子

鳳嘗與尚書郎張纘書，屬郎中馬融，宜在臺閣，又中郎將任尚嘗遣鳳馬，後鳳懼事泄，先自首於騭，騭遂髡妻及鳳，以謝云。太后聞

云，則融以請託事泄，故十年不調，不必因奏頌爲忤鄧氏也。史官因融自序而作傳，非實錄矣。仇馬嚴第二子也。見世系。

之怒謂融羞薄詔除欲仕州郡遂令禁錮之

融集云時左將奏融道兄子喪自劾而歸謹署當免官制曰融典校祕書不推忠盡節而羞薄詔除希望欲仕州郡免官勿罪禁錮六年矣

太

后崩安帝親政召還郎署復在講部出為河間王廩長史時車駕幸巡岱宗

延光三年集解劉放曰正文廩長史案廩長自是官名後人

不知妄

融上東巡頌

集解沈欽韓曰藝文類聚有融東巡頌

帝奇其文召拜郎中及北鄉侯即位融移病去為郡功曹陽嘉二

年詔舉郭欒

集解先謙曰官本郭作敦是

城門校尉岑起舉融徵詣公車對策拜議郎

續漢書曰融對策於北宮端門集解惠棟曰前書公孫宏傳乃移病免歸師

古曰移病謂移書言病一曰以病移居續漢志曰延光四年三月戊午朔日有食之劉昭案融集時融為許令自縣上書曰乃者鼎氣干參臣前得敦朴之人後三年二月對策端門以為參者西方之位其於分野并州是也殆謂西戎北狄其後種羌叛戾烏桓犯上郡并涼動兵驗略效矣今復見大異申誠重謹云云是則端門對策在延光四年以前傳及注皆謂陽嘉二年以後事所未詳也沈欽韓曰袁紀載融策

大將軍梁商表為從事中郎轉武都太守

時西羌反叛征西將軍馬賢與護羌校尉胡疇征之而稽久不進融知其將敗上疏乞自效曰今雜種

諸羌轉相鈔盜宜及其未并亟遣深入破其支黨

集解通鑑胡注并合也及其勢未合而攻其支黨王幼學云支猶枝也師古曰謂其黨與之分散如木之有枝故曰支黨

而

馬賢等處處留滯羌胡百里望塵千里聽聲

集解沈欽韓曰御覽三十七兵書曰名將望塵知馬步之多少也北齊書斛律金傳金行兵用匈奴望塵識馬步多少嗅地知軍度遠近

今

逃匿避回。

〔集解〕通鑑高注，謂胡對反，繞也。曲也。王幼學曰：前書王溫舒傳，即有避回注，謂不盡意捕擊盜賊也。

漏出其後。

〔集解〕惠棟曰：王幼學云：謂脫漏在人之後。

則必侵寇三輔，爲民

大害。臣願請賢所不可用，關東兵五千，裁假部隊之號，盡力率厲，埋根行道，目先吏士。

埋根，言不退。〔集解〕惠棟曰：左傳云：塞非。

夷寇而疏行首，王幼學云：行首，行伍也。胡注：先，悉薦反。先，謙曰：官本，行道作行首。是孫子九地篇：方馬埋輪，注：方馬，縛馬埋輪，持不動也。即此埋根之意。

三句之中，必克破之。臣少習學藝，不更武

職。猥陳此言，必受誣罔之辜。昔毛遂斷髮，爲衆所蚩，終曰一言克定從要。

毛遂，趙平原君趙勝客也。屠門下二年，時平原將與楚合從，以毛遂備二

十人數，其十九人相與笑之。比至楚，毛遂果拔劍與楚定從，楚立發兵救趙。事見史記。斷髮，賤人也。

臣懼賢等專守一城，言攻於西，而羌出於東，且其將士必有高

克潰叛之變。

左傳曰：鄭使高克率師，次於河上，久而不召，師潰而歸。高克奔陳。〔集解〕王補曰：袁紀載此疏，輿傳多異，又御覽七百六十一、七百八所引，並出本傳及袁紀之外。

朝廷不能用，又陳星孛參

畢參，西方之宿，畢爲邊兵，至於分野，并州是也。

參，在中爲晉分并州之地。

西戎北狄，殆將起乎。宜備二方，諄而隴西

羌反，烏桓寇上郡，皆卒如融言。三遷，桓帝時，爲南郡太守。

〔集解〕惠棟曰：商芸小說云：融歷二郡兩縣，政務無爲，事從其約。在武都七年，南郡四年，未嘗案論刑殺一人。

先是融有事忤大將軍梁冀旨。

〔集解〕惠棟曰：梁冀傳云：南郡太守馬融，初除過詣梁，不疑冀諷州郡以他事陷之。

冀諷有司奏融在郡貪濁。

〔集解〕惠棟曰：三輔決錄

注云融爲南郡太守二府以融在部貪濁受主記掾枝肅錢四十萬融子強又受吏白向錢六十萬有三百匹以肅爲孝廉向爲主簿

免官髡徙朔方自刺不死得赦還復拜議郎重在

東觀著述曰病去官融才高博洽爲世通儒施養諸生常有千數涿郡盧植北海鄭玄皆其徒也譚鼓

棐好吹笛

〔集解〕沈欽韓曰融集云融性好音樂鼓琴吹笛獨臥鄆平陽塢中有雜客舍逆旅吹笛爲氣出精列相和融去京師逾年暫聞甚悲而樂之作長笛賦

達生任性不拘儒者之節居宇

器服多存侈飾常坐高堂施絳紗帳前授生徒後列女樂弟子曰次相傳鮮有入其室者嘗欲訓左氏

春秋及見賈逵鄭衆注乃曰賈君精而不博鄭君博而不精既精既博吾何加焉但著三傳異同說注

孝經

〔集解〕惠棟曰經籍志云梁有融注孝經二卷陸德明云融作古文孝經傳而世不傳

論語

〔集解〕惠棟曰何晏論語序云順帝時南郡太守馬融亦爲之訓說

詩易

〔集解〕惠棟曰經籍志云梁有融注毛詩十卷周易

一 三禮

〔集解〕惠棟曰經籍志云梁有融注周官禮十二卷喪服經傳注一卷禮周官傳紱云吾六十爲武都守郡小少事乃述生平之志著易尚書詩禮傳皆說惟念前業未畢者惟周官年六十有六目暇意倦自力補之謂之周官傳也孔穎達云

馬融爲周禮注欲省學者兩讀故具載本文後漢以來始就經爲注

尚書

〔集解〕惠棟曰經籍志云融注尚書十一卷

列女傳老子淮南子離騷所著賦頌碑誄書記表

奏七言琴歌

〔集解〕惠棟曰案董仲舒集有七言琴歌二首

對策遺令凡二十一篇

〔集解〕惠棟曰經籍志云融集九卷案今有馬融忠經一卷宋藝文志著於錄而融傳不載其書問引晉世後出古

文融東漢人何緣知晉以後書案其文亦不類也

初融懲於鄧氏不取復違忤執家遂爲梁冀艸奏李固

〔集解〕王補曰袁紀從事中郎馬融主爲冀作章表長史吳祐

謂融曰李公之罪成於卿手李公若誅卿何面目示天下人通鑑從之

又作大將軍西第頌曰此頗爲正直所羞

〔集解〕王補曰馬融儒之通經而無節概者一忤權貴指披無似傳未總敘性

行著述足當實錄其特另敘誣奏李固與頌西第正史法所在垂戒深矣穀梁子言春秋之義有不待貶絕而罪惡見者此類是也史記平津叔孫前書張禹孔光悉得此旨范氏所以追贈馬班者正賴有胡廣馬融等傳耳王鳴盛顧謂其敘事顛倒錯雜眩目蓋評說也

年八十八延熹九年卒于家遺令薄葬

〔集解〕惠棟曰樂史云融家在齊州臨縣一里一百七十步融爲郡太守卒葬於此晏殊云融墓在漢州什邡縣西二十里融爲南郡太守死葬於此有

碑字已磨滅

族孫日磾獻帝時位至太傅

三輔決錄注云日磾字翁叔〔集解〕錢大昕曰三輔決錄云馬融族子〔見袁紹孔融傳注〕惠棟曰決錄注云日磾少傳融業以才學進與楊彪盧植蔡邕典校中書歷位

九卿遂登台輔

論曰馬融辭命鄧氏遂巡隴漢之間將有意於居貞乎

隴漢之間謂客於漢陽時易屯卦初九曰營桓利居貞

旣而羞曲士之節惜不

費之軀

孔子曰曲士不可語於道者束於教也〔集解〕惠棟曰即融所云以曲俗尺尺之差滅無費之軀殆非老莊所謂也蔚宗意謂融節不終實兆於此前書蓋寬疏傳云用不嘗之軀師古曰嘗與費同不費者言無費量可以比之貴重之極也

終日奢樂恣性黨附成讖固知識能匡欲者鮮矣

識性也匡正也〔集解〕蘇輿曰言融無定識以正其私欲也識不當訓性融委曲梁鄧卒以見忤滯斥徒辱其身而已

夫事

苦則矜全之情薄。生厚故安存之慮深。

老子曰：人之輕死者，以其求生，生之厚也。是以輕死。

登高不懼者，胥靡之人也。

前書音義曰：胥，相也。靡，隨也。謂

相隨受刑之人也。莊子曰：胥靡登高也不懼，遺死生也。此爲矜全之情薄也。〔集解〕劉攽曰：注，胥靡登高也。案文多也字。

坐不垂堂者，千金之子也。

前書量錯曰：千金之子，坐不垂堂。此爲安存之慮深也。

原其

大略歸於所安而已矣。物我異觀，亦更相笑也。

後漢書集解卷六十上校補

馬融傳將作大匠嚴之子

柳從辰曰東觀記融嚴第五子也

拜為校書郎中集解洪頤煊曰至並不稱校書郎

案梁暉傳即作校書郎蓋中郎侍郎郎中通謂之三署郎校書郎中本可省稱校書郎猶尚書僕射之省稱尚書耳不必如樂漢書

說也洪氏殆

偶有未照

無或可廢注誰能去兵

官本注末有也字

先王所目平和府藏注胃者五穀之府也

官本谷作穀囊谷穀古通作

臣聞昔命師於韃囊注鄭注曰

官本注曰作云

彼固未失靈寔之為天常注聖人作刑獄以象類之也

官本注無也字

蘋魚勿罔寥豁鬱泱注竝廣大貌也

官本注無也字

神泉側出注。洑泉冗出。冗出、側出也。

洑當作汎。从九。官本注亦誤。冗當作冗。从宀。官本注不誤。

苳萁芸菹。昌本深菹。

菹通蒲。

注。菹音資都反。

官本注都上衍云字。

藁荷芋蕖。

藁、官本文注皆作渠是。

格韭菹于注。生於水中矣。

官本注矣作菹是。

擊斂九藪之動物注。擊聚也。

錢大昭曰。說文。擊。束也。詩曰。百祿是擊。

音子由反。

官本注無音字。

於是營圍恢廓。

官本是作時。恢誤煇。

皇牢陵山集解。先謙曰。官本皇作皋。是。

錢大昭曰。閩本作皋。

登于疏鏤之金路注。玉路重較也。

官本注較作輅是。

載日月之太常注。周禮曰。日月為常。

官本注曰作云。

司馬平行車攻馬同注。司馬符田。符當作狩。官本注下誤。毛萇注曰。官本注作云。

黃塵勃潏注。潏音烏童反。官本注童作董是柳從辰曰。潏勃霧出兒勃同勃。

狗馬爭逐。官本爭作角非。

顛狽頓躓。官本狽作狽是。案一切經音義十五引聲類云。狼即顛躓也是其字本从足。已詳任光傳。

庾疏嶠領注。字林曰。嶠山巔也。音力于反。案力于之音爲弗曳弗婁之婁。古从婁之字。虞尤並叶。故嶠亦可叶敷。據日出東南隅行。孟子方寸之木可使高於岑樓。趙注岑樓山之銳巔。嶠義正同。

雪爾雹落注。如雹之落。官本注雹作雨。

降集波籛注。折竹以繩綿連禁禦。官本注折作拆。

茲飛宿沙田開古蠱注。音治。案二字當係融集舊音。章懷因而存之。故與下注文別也。錢大昭氏嘗疑古蠱爲蠱治之誤。此不然。張衡傳咸姦麗目蠱媚兮。注亦云蠱音野。野治古通作。

漁之所生也。官本注漁作魚是。田開疆。官本注疆作疆。吾仗兵而禦三軍。官本注無而字。逆而百步。而亦流字之譌。集解劉攽曰。案

上脫先謙曰官本注無

曰捷二字故凡十二字

逐罔螭注螭龍屬

官本注屬作也非

鷗鷺鴝鴛注鷗白鷗也

官本注鷗作鷗秦白鷗非即鷗也鷗性閒而色白故一名白鷗

今謂之鴝鴛也

鴝音括官本注無也鴝二字

既胎而又吐生

官本注吐作哇

靈沼之白鳥注鷺音學

官本注無鷺字

然後擺牲班禽

至

房俎無空注擺開也

官本擺作俎

字書擺亦俎字也

官本注亦俎作布

有似於堂房也

官本注也作矣

鼓駭舉爵鐘鳴既觴注皆誤也

官本注末無也字

若乃陽阿衰斐之晉制闌畫華羽之南音

案衰斐闌畫未有能究其說者疑皆誤文也淮南子亦云奏雅樂者始於陽阿采菱衰斐當即采菱二字形近之誤故注即以采菱說之又闌長笛賦從容闌

緩文選李注亦云闌開也漢書曰闌諧慢易之音作闌譚通作融固如此班志已然畫一作麗即古哇字淫蠅之音不當入頌明即諧字轉寫之誤(麗形近諧且二字同韻古音亦相近)故注即以譚諧說之唐本必仍不誤否則章懷注例於傳文不得其解者

必曰未詳何至鄂書燕說若是之謬耶今融集亦出後人哀輯不免沿誤

東鄰浮巨海而入享注。入享謂來助祭也。

官本注無謂字。

遂棲鳳皇於高梧。

至受王母之白環注。鳳皇止帝東園。

官本注止誤上。

來獻白環。

官本注末有也字。

至自新城注。新城縣屬河南郡。今伊闕縣。

地詳靈紀。

遂令禁錮之注。時左將奏融道兄子喪。

道當作遭。官本注不誤。案左將亦左中郎將之省稱。融官蓋本左署郎中也。

帝奇其文。

侯康曰。融集載東巡頌云。允迪在昔。紹烈陶唐。殷天衷。克搖光。若時則。運瓊衡。數六典。經八成。肆類乎上帝。實柴乎三辰。禋祀乎六宗。祇燦乎羣神。遂發號羣司。申戒百工。卜筮稱吉。書龜製從。南征有時。馮相告祥。濟夷道而後行。曜四國。

而揚光。展聖義於巡狩。喜圻時而詠八荒。指宗嶽以爲期。固岱神之所望。散齋既畢。越翼良辰。械植增構。烈火燔然。暉光四揚。炎闕薄天。蕭香肆升。青煙冒雲。珪璋峨峨。犧牲潔純。鬱粦宗彝。明水元樽。空桑孤竹。咸池雲門。六八匪變。神祇並存。張溥云。御覽經八成。

下有變和萬殊。總領神明。二句。案此文呆編虞書春官。鄙陋可笑。若此。何奇之有。作僞者亦太不自量矣。而類聚亦收之。豈不謬哉。

遺令薄葬集解。惠棟曰。

至字已磨滅。

柳從辰曰。陝西通志。融墓在興平縣西南三十里。案傳言卒於家。漢茂陵卽今興平縣。似樂史及晏說皆非也。

族孫日磾注。三輔決錄注云。

官本注無云字。

蔡邕列傳第五十下

後漢書六十下

宋宣城太守范曄撰

唐章懷太子賢注

王先謙集解

蔡邕字伯喈

〔集解〕沈欽韓曰論衡別通篇右扶風蔡伯僭覽逢今古別是一人而字音同

陳留南人也

圍縣故城在今汴州陳留縣東南

六世祖勳

〔集解〕惠棟曰前書謝承書曰勳字君嚴

功臣表云肥如敬侯蔡寅以車騎將軍破龍且及彭城侯千戶邕之始祖也邕集讓高陽侯表曰臣十四世祖肥如侯佐命高祖以受爵賞沈欽韓曰黃宗羲金石要例云邕至勳連身六世故傳稱勳為六世祖

好黃老平帝時為郿

令王莽初授呂厭戎連率

王莽改隴西郡曰厭戎郡守曰連率

勳對印綬仰天歎曰吾策名漢室死歸其正昔曾子不受季

孫之賜況可事二姓哉

禮記曰曾子有疾童子曰華而晄大夫之簞歟曾子曰然斯季孫之賜也我未之能易也元起易贊曾元曰幸而至子且請敬易之曾子曰爾之愛我也不如彼也君子之愛人也以德細人之愛人也以姑

息吾何求哉吾得正而斃焉斯已矣舉扶而易之反席未安而沒言雖臨死不失正道也〔集解〕劉攽曰注爾之愛我也不如彼也案文多一也字

遂攜將家屬逃入深山與鮑宣卓茂等同不

仕新室

〔集解〕惠棟曰將扶也字亦作攜卓茂傳云勳與南陽孔休安泉劉宣楚國龔勝上黨鮑宣及茂六人同志不仕王莽王補曰首敘勳拒王莽事用史記汲鄭列傳法說見胡廣傳

父棧亦有清白行諡曰

貞定公

魯祖撫碑云。撫字叔業。有周之貴。昔蔡叔沒。成王命其子仲。使踐諸侯之位。以國氏姓。君其後也。君曾祖父勳。哀帝時。以孝廉爲長安部長。及君之身。增修厥德。順帝時。以司空高第。遷新蔡長。年七十九卒。長子棧。字伯直。唐俗孤黨。不協于時。

垂翼華髮。人爵不升。年五十三卒。諡法曰。清白守節曰貞。純行不差曰定。〔集解〕惠棟曰。據魯碑。則是棧未嘗仕也。書斷云。棧徐州刺史。未知何據。周壽昌曰。貞定出於私諡。公字疑衍。

非寒暑節變。未嘗解襟帶。不寢寐者七旬。

〔集解〕官本考證曰。宋本作七旬。惠棟曰。先賢行狀。伯喈母袁囁卿之姑女。

母卒。廬于家側。動靜自禮。有

免馴擾其室傍。又木生連理。遠近奇之。多往觀焉。與叔父從弟同居。三世不分財。鄉黨高其義。

〔集解〕惠棟曰。魯別傳曰。魯與李則遊學。棧曰。魯集。

與人書曰。魯薄祜。早喪二親。年踰三十。鬢髮二色。叔父親之。猶若幼童。陸則對坐。食則比豆。案叔父謂蔡子文也。

少博學。師事太傅胡廣。

〔集解〕惠棟曰。魯別傳曰。魯與李則遊學。時在弱冠。始共讀左氏傳。性道敏。兼人舉。

一反

三。好辭章數術天文。妙操音律。桓帝時。中常侍徐璜。左館等五侯擅恣。聞魯譖鼓琴。遂白天子。敕陳

留太守督促發遣。魯不得已。行到偃師。稱疾而歸。

〔集解〕惠棟曰。蔡邕集。延熹二年。秋。零雨。前月。是時梁冀新誅。而徐璜左館五侯。擅貴於其處。又起顯明苑於城西。人徒凍餓。不得

其命者甚衆。白馬令李雲。以直死。鴻臚陳君。以救雲抵罪。璜以余能琴。自朝。廷敕陳留郡守。遣余到偃師。已病。不前得歸。沈欽韓曰。魯集。有述行賦。

閉居翫古。不交當世。感東方朔客難。及楊雄

班固。崔駰之徒。設疑。曰。自通。

楊雄作解嘲。班固作荅賓戲。崔駰作達旨。

乃斟酌羣言。避其是而矯其非。

是也。

作釋。誨曰。戒厲云。

爾。〔集解〕沈欽聲曰：蔡邕釋誨體奧而文弱。

有務世公子，誨於華顛胡老曰：

顛，頂也。華顛，謂白首也。新序齊宣王對闔丘曰：士亦華髮墮顛，而後可用耳。左傳宋司馬子魚曰：雖及胡考，獲即取之。杜預注曰：

胡考，元老之稱。〔集解〕惠棟曰：墨子云：華髮墮顛而猶弗舍者，其唯聖人乎。邈年三十餘，已白髮，故自號華顛胡老。

蓋聞聖人之大寶曰位，故曰仁守位，曰財聚人。

易曰：聖人之大寶曰

位，何以守位曰仁。

何以聚人曰財也。

然則有位斯貴，有財斯富，行義達道，士之司也，故伊摯有負鼎之銜，仲尼設執鞭之言。

摯，伊尹名也。史記曰：伊尹欲干湯而無由，乃爲有莘媵臣，負鼎俎，以味說湯，致於王道，銜，自媒銜也。論語：孔子曰：行義以達其道，父曰富而可求，雖執鞭之士，吾亦爲之。周禮：潞伯氏下士，入人執鞭以辟道也。

寧子有清商之歌，百

里有象牛之事。

淮南子曰：寧戚欲干齊桓公，窮困無以自達，於是爲商旅，將車以適於齊，暮宿於郭門，飯牛車下，望見桓公，乃擊牛角而商歌，桓公聞之曰：異哉，歌者非常人也。命後車載之。三齊記載其歌曰：南山矸，白石爛，生不遭堯與舜禪。

短布單衣適至，從昏飯牛，薄夜半，長夜漫漫，何時旦，公說之，以爲大夫。〔音序〕：矸音岸，軒音戶，譚反，百里奚，虞大夫也。史記：趙良曰：百里奚自鬻於秦，衣褐食牛，耕年而後穆公知之，舉之牛口之下。說文曰：象養也。〔集解〕先謙曰：注文商歌上當有疾字，歌詞止此文，選注引

作三首，其詞鄙陋不可采。

夫如是，則聖哲之通趣，古人之明志也。夫子生清穆之世，秉醇和之靈，覃思典籍，韞積六經。

安貧樂賤，與世無營，沈精重淵，抗志高冥，包括無外，綜析無形，其已久矣，曾不能拔萃出羣，揚芳飛文。

孟子曰：若仲尼者，拔乎其萃，出乎其類。

登天庭，序彛倫，埽六合之穢慝，清宇宙之埃塵，連光芒於白日，屬炎氣於景雲。

瑞應圖曰：

景雲者太平之應也。一曰慶雲也。〔集解〕沈欽韓曰：炎氣當如左傳其氣炎之炎。下煙炎字同。

時逝歲暮，默而無聞。小子惑焉，是日有云：方今聖上寬明，輔弼賢

知，崇英逸偉，不墜於地。德弘者建宰相而裂土，才羨者荷榮祿而蒙賜。

羨音以戰反，本或作美。〔集解〕沈欽韓曰：小司徒注：羨饒也。封禪文功羨於

五帝。盍亦回塗要至，俛仰取容。回，曲也。要音一遙反。言履直道則不能有所至也。

輯當世之利，定不拔之功。榮家宗於此時，遺不滅之

令蹤。遺，猶留也。夫獨未之思邪？何為守彼而不通此？

彼謂貧賤，此謂榮祿。

胡老傲然而笑曰：若公子所謂視曖昧之利

而忘昭皙之害，專必成之功，而忽蹉跌之敗者，已。公子謾爾斂袂而興曰：胡為其然也？

謾然，翕斂之貌。音所六反。胡老

曰：居，吾將釋汝。居，猶坐也。釋，解也。昔自太極，君臣始基。

太極，天地之始也。易曰：易有太極，是生兩儀。

有羲皇之洪寧，唐虞之至時。洪，大也。

三代之隆，亦有緝熙。五伯扶微，勤而撫之。于斯已降，天綱縱，人紘弛，王塗壞，大極隳。

賈逵注：國語曰：小崩曰隳。

君臣

土崩，上下瓦解。

淮南子曰：武王伐紂，左操黃鉞，右執白旄而麾之，則瓦解而走，遂土崩而下。

於是智者騁詐，辯者馳說，武夫奮略，戰士講銳。

講，習也。電

駭風馳，霧散雲披，變詐乖詭，呂合時宜，或畫一策而綰萬金，或談崇朝而錫瑞珪。

戰國策曰：秦昭王見頓弱，頓弱曰：韓天下之喉咽也。

魏天下之匈臆也。王資臣萬金而遊之。天下可圖也。秦王曰：善。乃資萬金。使東遊韓、魏。入其將相。北遊燕、趙。而殺李牧。齊王入朝。四國畢從。頓子說之也。史記曰：虞卿說趙孝成王。一見賜黃金百鎰。再見賜白璧一雙。

連衡者六印磊落。

合從者駢組流離。

連衡謂張儀合從。謂蘇秦並佩六國之印。駢並也。組綬也。流離光彩貌也。

隆貴翁習積富無崖。據巧蹈機。已忘其危。夫華離蒂

而萎。條去幹而枯。女冶容而淫。士背道而辜。人毀其滿。神疾其邪。利端始萌。害漸亦牙。速速方穀。天天

是加。

詩小雅曰：速速方穀。天天是掇。毛萇注云：速速，陋也。鄭玄注云：穀，祿也。言陋鄙小人將貴而得祿也。天，殺也。掇，破之也。韓詩亦同。此作穀者，蓋謂小人乘寵方穀而行。方猶並也。《集解》劉攽曰：正文天天是加。案上天當作天。據今詩文正然。惠棟曰：邪音

徐先謙曰：速速二句出詩三家。

欲豐其屋。乃葺其家。

易豐卦上六云：豐其屋。葺其家。王弼注云：葺，覆也。屋厚覆閣之甚也。葺音部。

是故天地否閉。聖哲潛形。

易文言曰：天地閉。賢人隱。

石門守晨。沮溺耦耕。

論語曰：子路宿於石門。晨門曰：奚自。子路曰：自孔氏。鄭玄注云：石門，魯城外門也。晨門，主晨夜開閉者。又曰：長沮、桀溺耦而耕。並隱遁人也。

顏歎抱璞。蘧瑗保生。

戰國策齊

宣王謂顏歎曰：願先生與寡人游。歎辭曰：玉生於山。制則毀焉。非不寶也。然夫璞不完。士生鄙野。選而祿焉。非不貴也。而形神不全。歎願得晚食以當肉。安步以當車。無罪以當貴。清靜以自娛。知足以歸反於樸。則終身不辱。論語孔子曰：蘧伯玉邦有道則仕。邦無道則可卷而懷之。此為保其生也。《集解》先謙曰：官本夫璞作大璞。是齊人歸樂。孔子斯征。雍渠驂乘。逝而遺輕。

論語曰：齊人饋女樂。李桓子受之。三日不朝。孔子行。史記曰：衛靈公與夫人同車。宦

者雍渠驂乘。孔子曰：吾未見好德如好色者也。於是醜之。去衛適曹。遺輕謂若奔輕細之物而去。言惡之甚也。

夫豈傲主而背國乎。道不可已傾也。且我聞之。日南至則黃

鍾應融風動而魚上冰。蕤賓統則微陰萌。兼葭蒼而白露凝。

月令仲冬律中黃鍾。融風。長之風也。月令孟春東風解凍魚上冰。又仲夏之月律中蕤賓。微陰。謂一陰及

生也。詩秦風曰兼葭蒼蒼白露爲霜。爾雅曰兼葭也。葭蘆也。

寒暑相推。陰陽代興。運極則化。理亂相承。今大漢紹陶唐之洪烈。盪四海之

殘災。降隱天之高。拆紆地之基。

紆音古郢反。與巨同。

皇道惟融。帝猷顯平。泯泯庶類。含甘吮滋。

泯泯。齊貌。

檢六合之

羣品。濟之乎雍熙。羣僚恭己於職司。聖主垂拱乎兩楹。君臣穆穆守之。已平。濟濟多士。端委緝緝。

端委。禮衣。

也。左傳曰。太伯端委以持周禮。說文曰。緝赤白色也。緝。系綬也。音它丁反。

鴻漸盈階。振鷺充庭。

易曰。鴻漸于陸。鴻。水鳥也。漸出于陸。喻君子仕進於朝。詩曰。振振鷺。鷺于下。注云。鷺。白鳥也。喻潔白之士。羣集君之朝也。

鷺。猶

鍾山之玉。泗濱之石。累珪璧不爲之盈。採浮磬不爲之索。

山海經曰。黃帝取密山之玉。策。投之鍾山之陽。尚書曰。泗濱浮磬。注曰。水中見石。可以爲磬。言鍾山多玉。泗水多石。

喻漢多賢人。素。盡也。音所格反。〔集解〕先謙曰。官本。格作洛是。

曩者洪源辟而四隩集。武功定而干戈戢。獫狁攘而吉甫宴。城濮捷而晉凱

入。

辟。開也。音頻亦反。謂禹理洪水而開導之。尚書曰。四隩既宅。隩。居也。音於六反。武功定。謂武王伐紂。詩周頌曰。載戢干戈。詩小雅曰。薄伐獫狁。至於太原。吉甫燕喜。既多受祉。鄭玄注曰。吉甫既伐獫狁而歸。天子以燕禮樂之也。左傳晉與楚戰於城濮。楚師敗

績。故晉凱樂而歸也。〔集解〕惠棟曰。左傳二十八年傳云。振旅愷以入于晉。

故當其有事也。則篋笠竝載。擐甲揚鋒。不給於務。

篋音素和反。詩小雅曰。荷蓑荷笠。毛萇注云。荷。揭也。

襄所以備雨笠所以禦暑擐貫也。
〔集解〕惠棟曰左傳云擐甲執兵。
當其無事也則舒紳緩佩鳴玉曰步綽有餘裕夫世臣門子誓御之族。詩小雅曰

曾我誓御毛苾注天降其祜主豐其祿抱膺從容爵位自從攝須理髻。〔集解〕沈欽韓曰釋名攝也攝取髮也餘官柔貴。〔集解〕惠棟曰

委亦其取進也順傾轉圓不足曰喻其便逡巡放屣不足曰況其易夫有逸羣之才人人有優贍之智。

〔集解〕何焯曰衍一人字沈欽韓曰夫字當重此揚雄家家自以爲稷契人人自爲以昔陶例先謙曰沈說是童子不問疑於老成矐矐不稽謀於先生心恬澹於守高。

意無爲於持盈。老子曰持而盈之不如其已河上公注云持滿必傾不如止也粲乎煌煌莫非華榮明哲泊焉不失所寧。泊猶靜也狂淫振蕩乃

亂其情貪夫殉財夸者死權。賈誼服鳥賦之文也言夸華者必死於權執也瞻仰此事體躁心煩閤謙盈之効迷損益之數。易曰天道虧盈

而益謙又曰損益盈虛與時偕行王弼注云自然之質各定其分短者不爲不足長者不爲有餘損益將何加焉。騁駑駘於修路慕騏驥而增驅卑俯乎外戚之門乞助乎

近貴之譽榮顯未副從而顛踣。踣音步北反協韻音赴下獲熏胥之辜高受滅家之誅。詩小雅曰若此無罪勳胥以痛勳帥也胥相也痛病也言此無罪之

人而使有罪者相帥而病之是其大甚見韓詩前書曰史遷熏胥以刑音義云謂相熏蒸得罪也誅協韻音丁注反〔集解〕惠士奇曰熏胥以刑謂腐刑卽詩所謂昏椽也古熏皆通沈欽韓曰前書敘傳注管灼曰齊魯韓詩作薰薰帥也後人得罪相坐之刑也惠棟云

薰關也。胥胥靡也。薰與關通。易艮之九三曰：厲薰心。荀爽本：薰作勳。虞翻本作關。胡廣案：漢官解詁：光祿勳勳猶關也。易曰：爲關寺。是勳與關通之證。光祿勳主宿衛殿門。故如淳亦主此說。左傳：鬻拳爲大關。此文云：薰胥之辜。若作相帥解，不辭。惠所正是也。先謙曰：蔡學魯詩。據傳：魯作薰。班學齊詩。作薰。韓作勳。顏引晉注云：然者三字古通。三家各又有通作本也。以文義論，薰胥以痛，仍訓。前車已牽率相引陷罪爲是。詩言陷罪者多，非必人人皆受宮刑。後人泥前書史遷之注，非也。遷之薰胥，正謂爲李陵牽率陷罪耳。

覆襲軌而驚，曾不鑒禍。呂知畏懼，子惟悼哉。害其若是。害，何也。音位。《集解》：惠棟曰：晏子春秋云：前車覆，後車戒。先謙曰：官本子作子是。天高地厚，踞

而躋之。詩小雅曰：謂天蓋高，不敢不踴，謂地蓋厚，不敢不躋。怨豈在明，患生不思。戰戰兢兢，必慎厥尤。且用之則行，聖訓也。舍之則

藏，至順也。論語：孔子曰：用則行，舍則藏。故言聖訓也。夫九河盈溢，非一由所防。九河，謂河水分謂九道。爾雅曰：徒駭、太史、馬頰、覆釜、胡蘇、簡潔、鉤盤、鬲津，是謂九河也。《集解》：惠棟曰：類篇云：由土也。或

作墳。說文云：墳也。又苦會切。東觀記云：青泥一塊是也。先謙曰：官本分謂作分爲爲謂古通。協韻音：苦郎反。帶甲百萬，非一勇所抗。今子責匹夫，呂清宇宙，庸可曰水

旱而累堯湯乎。懼煙炎之毀燬，何光芒之敢揚哉。煙炎，煙火之微細者。言常懼微細，以致毀滅。杜預注：左傳曰：吳楚之間，謂火滅爲燬。音子靡反。炎音焮。且夫地將

震而星樞直，井無景則日陰食。晏子見伯常騫問曰：昔吾見維星絕樞星散，地其動乎。見晏子春秋。陰食，謂不顯食也。凡日陰食則井無影也。《集解》：沈欽韓曰：隋書天文志：河中九星如鉤狀曰鉤星。仲則地震，井無

景者，因日既入，則水中無影。今人以槃水候之，知其虧復，不獨井也。元首寬則望舒眺，侯王肅則月側匿。望舒，月也。尚書大傳曰：晦而月見西方，謂之眺。朔而月見東方，謂之側匿。側匿則侯王肅，眺則侯王

舒注肅急也舒緩也(集解)惠棟曰鄭元注云眺猶條達行急貌側匿猶縮躬行遲貌日君象也月政象也君政急則日行疾月行遲臣逸適君政緩日行徐月行疾臣放恣也

是日君子推微達著尋端見緒

履霜知冰踐露知暑時行則行時止則止消息盈沖取諸天紀

易坤文言曰履霜堅冰至艮卦曰時行則行時止則止豐卦曰天地盈虛與時消息

利用

遭泰可與處否樂天知命持神任己羣車方奔乎險路安能與之齊軌思危難而自豫故在賤而不恥

方將騁馳乎典籍之崇塗休息乎仁義之淵藪

前書司馬相如曰游于六藝之園馳騁乎仁義之塗班固曰肴覈仁義之林藪也

槃旋乎周孔之庭宇

揖儒墨而與爲友舒之足日光四表收之則莫能知其所有若乃丁千載之運應神靈之符闔闔闔乘

天衢擁華蓋而奉皇樞

古今注曰華蓋黃帝所作也與蚩尤戰於涿鹿之野常有五色雲氣金枝玉葉因而作華蓋

納玄策於聖德宣太平於中區計合謀

從己之圖也勳績不立予之辜也龜鳳山翳霧露不除踴躍草萊祇見其愚不我知者將謂之迂

龜鳳喻賢

人霧露喻昏闇也迂曲也

修業思真棄此焉如靜日俟命不斃不渝

斃賦也渝變也(集解)惠棟曰左傳云靜以待命

百歲之久歸乎其居

詩音風也

毛萇注云居墳墓也(集解)沈欽韓曰注引毛傳案是鄭箋

幸其獲稱天所誘也

謂小人妄得稱譽者天之所誘後必遇害也(集解)何焯曰幸而獲稱君子有沒世之名

罕漫而已非己咎也

罕漫猶無所知聞也。非君子之咎也。

昔伯翳綜聲於鳥語。葛盧辯音於鳴牛。董父受氏於豸龍。奚仲供德於衡轡。

伯翳即秦之先。伯益也能。

與鳥語見史記。葛盧東夷介國之君也。介葛盧聘於魯。聞牛鳴曰。是生三犧。皆用之矣。問之。如其言。晉太史彛墨曰。昔有董父。實甚好龍。能求嗜欲。以飲食之。以服事帝舜。帝賜姓曰董。氏曰豸龍。竝見左傳。奚仲。薛之祖也。世本曰。奚仲作車。衡。轆也。轆。轅也。

僮

氏興政於巧工。造父登御於驊騮。非子享土於譚園。狼臆取右於禽囚。

僮。舜之巧人也。見尙書。造父者。秦之先也。爲周穆王御驊騮。騮耳之乘。非子亦

秦之先。善養馬。周孝王使主馬於汧渭之間。馬大蕃息。分土爲附庸。邑之於秦。竝見史記。園。養馬人也。見周禮。左傳曰。戰於穀。晉襄公縛秦囚。使萊駒以戈斬之。囚呼萊駒失戈。狼臆取戈。斬之。遂以爲車右。譚音舒。征反。

弓父畢精於筋

角。飲飛明勇於赴流。壽王創基於格五。東方要幸於談優。

弓父。弓工也。闕子曰。宋景公使弓工爲弓。九年來見。公曰。爲弓亦遲矣。對曰。臣精盡於弓矣。獻弓而歸。三日而死。

公張弓。東向而射。矢踰西嶺之山。集彭城之東。其餘力逸勁。飲羽於石梁。呂氏春秋曰。荆人飲飛。入江斬蛟。前書。武帝時。吾丘壽王。字子贛。以善格五待制。格五。今之塞也。東方朔以善談笑。俳優得幸。班固曰。朔應諧似優。杜預注左傳曰。優。調戲也。集解。先謙曰。官本

塞作

上官効力於執蓋。弘羊據相於運籌。僕不能參跡於若人。故抱璞而優游。

前書。上官桀。武帝封爲期門郎。從上甘泉。大風車不得行。

解蓋授桀。雖風。益常屬車。桑弘羊。洛陽賈人也。以能心計。爲侍中。

於是公子仰首降階。忸怩而避。

忸怩。心慙也。怩音尼。女六反。怩音尼。

胡老乃揚衡含笑。援琴而

歌。衡。眉目之間也。歌曰。練余心兮。浸太清。滌穢濁兮。存正靈。和液暢兮。神氣寧。情志泊兮。心亭亭。嗜欲息兮。無

由生，踔宇宙而遺俗兮，眇翩翩而獨征。

太清謂天也。和液謂和氣靈液也。亭亭孤峻之貌。踔猶越也。音丑。教反。

建寧三年，辟司徒橋玄府。

〔集解〕洪頤煊

曰。司徒當作司空。靈帝紀。建寧三年八月。大鴻臚橋玄爲司空。四年三月。司徒許訓免。司空橋玄爲司徒。

玄甚敬待之。出補河平長。

〔集解〕錢大昕曰。郡國志無河平縣。沈欽韓曰。河平蓋平阿之誤。

召拜

郎中。校書東觀。遷議郎。邕已經籍去。聖久遠。文學多謬。俗儒穿鑿。疑誤後學。熹平四年。乃與五官中郎

將堂谿典、光祿大夫楊賜、諫議大夫馬日磾、議郎張馴、韓說、太史令單颺等。

堂谿。姓也。先賢行狀曰。典字子度。潁川人。爲西鄂長。〔集解〕惠

棟曰。黃長睿云。石經有一板公羊。其末云。臣趙陔。議郎臣劉宏。郎中臣張文。臣蘇陵。臣傅楨。論語之末。題曰。詔與博士臣左立。郎中臣孫表。洪适云。石經自堂谿典以下。別有趙陔數人。竊意其間必有同時揮毫者。

奏求正定六經文

字。〔集解〕杭世駿曰。按此與張馴傳。皆云奏求正定六經文字。而靈帝紀云。詔諸儒正五經文字。儒林傳序云。詔諸儒正定五經。刻於石碑。盧植傳云。時始立太學石經。以正五經文字。李巡傳云。乃自帝與諸儒共刻五經文於石。考邕傳注。引洛陽記。亦祇有尙

書。周易。公羊傳。禮記。論語。晉羊欣筆法。魏酈元水經注。亦祇言五經。意熹平四年。邕等所奏求定者六經。暨光和六年。書丹立石。祇五經耳。周壽昌曰。案熹平四年。邕與五官中郎將堂谿典等。奏求正定六經文字。靈帝紀同。水經注以爲光和六年。考漢高陽令楊著碑。有云。特以儒學。詔書留定經。東觀。順元。邕之指。謂歷世之疑。天子異焉。擢拜議郎。案著是太尉楊震孫。常山相讓之子。以遭從兄沛相。統憂歸。遂卒。統卒於建寧元年。著當同時也。建寧爲靈帝初年。著自是桓帝時人。王昶謂碑所謂受詔定經者。乃桓帝時事。尙在蔡邕。堂谿典等奏求正定六經文字之前。可補范史之闕。而著刊定之功。亦不必在邕典等下也。余案漢碑多諛墓之辭。不可據以爲信。若桓帝果有定經之詔。著有刊正之功。縱著無專傳。而桓帝紀。楊震傳。總皆附及。范史不應疏略至此。惟水經注。稱光和六年。與紀傳俱

異者洪适云諸儒受詔在熹平而碑成則在光和壽昌案
也正誤書丹刊石構屋皆非卽歲可成之事此語或近之

靈帝許之邕乃自書冊於碑

〔集解〕何焯曰冊當依水經注作
丹朱錫鬯案滕縣秦君碑銘云丹

書刻石垂示後昆以知此刊石書丹實始於漢其來古矣沈欽韓曰北堂書鈔三輔決錄云章誼奏邕自矜能兼斯籀之長非純素不
妄下筆案隸釋公羊殘碑未有堂谿典馬日碑趙陔劉宏張文臣傳楨論語殘碑未有左立孫表則他經定碑亦必有同事校勘者卽
文字之繁亦非卽
一人所能徧寫也
使工鐫刻立於太學門外
洛陽記曰太學在洛城南開陽門外講堂長十丈廣一丈堂有石經四部本碑
凡四十六枚西行尙書周易公羊傳十六碑存十二碑毀南行禮記十五碑悉

崩壞東行論語三碑二碑毀禮記碑上有諫議大夫馬日碑議郎蔡邕名〔集解〕劉攽曰注論語二碑毀案文當是一碑毀若二碑毀
者當云皆毀而已顧炎武曰水經注以此爲正始中所立而蔡邕等名別在堂東與此不合惠棟曰孔穎達云石經書公羊傳皆無經
文周壽昌曰劉氏所校宋時舊本必注云論語二碑故劉云歷作一碑毀今毛本注云論語三碑二碑毀似不爲說殿本及監本俱作
論語二碑獨此本作三碑壽昌案注引陸機洛陽記明云碑凡四十六枚論語必是三碑始合其數宋董道廣川書跋云昔朱越石與
兄書曰石經文都其碑高一丈許廣四尺駢羅相接大學在南明門外講堂長十丈廣三丈堂上石經四部本碑四十六枚元魏時西
行尙書公羊傳十六碑存十二碑毀南行禮記十五碑悉毀壞東行論語三碑毀又洛陽記云碑凡四十六書易公羊二十八碑其二
毀論語三碑其二毀禮記十五碑皆毀云云據此論語確是三碑劉氏所見本有誤也
一本作論語三碑毀無其二毀之說與注所引洛陽記又異要之論語是三碑斷然也

於是後儒晚學咸取正焉及碑始

立其觀視及摹寫者車乘日千餘兩填塞街陌

〔集解〕惠棟曰
摹水經注作筆

初朝議曰州郡相黨人情比周乃制婚

姻之家及兩州人士不得對相監臨至是復有三互法

三五謂婚姻之家及兩州人不得交互爲官也謝承書曰史
弼遷山陽太守其妻曰野薛氏女以三五自上縣拜平原相

是也。〔集解〕王補曰藝文類聚六十御覽三百四十八載諫用三五法疏與傳多異。

禁忌轉密。選用艱難。幽冀二州久缺不補。邕上疏曰。伏見幽冀舊壤。

鎧馬所出。

鎧甲也。周禮考工記曰。燕無函。函亦甲也。言幽燕之地。家家皆能為函。故無函匠也。左傳曰。冀之北土。馬之所生。集解。惠棟曰。邕集載疏云。伏見幽州突騎。冀州強弩。為天下精兵。國家贍仗。四方有事。軍師奮攻。未嘗不取辦於二州。

也。楊泉物理論云。幽州之

比年兵飢。漸至空耗。今者百姓虛縣。萬里蕭條。

縣音

闕職經時。吏人延屬。

〔集解〕通鑑胡

騎冀州之弓。勁悍之士。

注。延屬。延頸而屬。望也。屬之欲反。

而三府選舉。踰月不定。臣經怪其事。而論者云。避三五。十一州有禁。當取二州而已。又

二州之士。或復限以歲月。狐疑遲淹。言失事會。愚言為三五之禁。禁之薄者。今但申言威靈。明其憲令。

在任之人。豈不戒懼。而當坐設三五。自生留閣邪。昔韓安國起自徒中。朱買臣出於幽賤。竝言才宜。還

守本邦。

前書。安國字長孺。梁人。坐法抵罪。居無幾。天子使使者拜安國為梁內史。起徒中。為二千石。買臣字翁子。吳人家貧。負薪賣以給食。歌謠道中。後拜會稽太守。

又張敞亡命。擢授劇州。豈復顧

循三五。繼以未制乎。

前書。敞字子高。河東人也。為京兆尹。坐與楊惲厚善。制免為庶人。從闕下亡命數月。冀州部有大賊。天子思敞功。使使者召拜為冀州刺史。

三公明知二州之要。所

宜速定。當越禁取能。言救時敵。而不顧爭臣之義。苟避輕微之科。選用稽滯。言失其人。臣願陛下上則

先帝蠲除近禁。其諸州刺史器用可換者。無拘日月三互。呂差厥中。書奏不省。初帝好學。自造皇義篇五十章。因引諸生能爲文賦者。本頗呂經學相招。後諸爲尺牘及工書鳥篆者。皆加引召。遂至數十人。

說文曰。牘。書板也。長一尺。藝文志曰。六體者。古文、奇字、篆書、隸書、繆篆、蟲書。音義曰。古文。謂孔子壁中書也。奇字。卽古文而異者也。篆書。謂小篆。蓋秦始皇使程邈所作也。隸書。亦程邈所獻。主於徒隸。從簡易也。繆篆。謂其文屈曲纏繞。所以摹印章也。蟲書。謂爲蟲鳥之形。所以書旅信也。〔集解〕先謙曰。皇義篇。案典略。熹平四年五月造。官本注。旅作牘。是。

侍中祭酒樂松、賈護。

〔集解〕通鑑胡注。百官志。侍中有僕射一人。中興轉爲祭酒。

多引無行趣執之徒。

竝待制鴻都門下。熹陳方俗閭里小事。帝甚悅之。待呂不次之位。又市賈小民爲宣陵孝子者。復數十

人。悉除爲郎中。太子舍人。時頻有雷霆疾風。傷樹拔木。地震隕雹。蝗蟲之害。又鮮卑犯境。役賦及民。六

年七月。制書引咎。誥羣臣各陳政要。所當施行。邕上封事曰。臣伏讀聖旨。雖周成遇風。訊諸執士。〔集解〕

先謙曰。官本

宣王遭旱。密勿祇畏。無言或加。

尚書金縢曰。秋大孰。未穫。天大雷電以風。王乃問諸史百執事。詩大雅雲漢

士作事是。

篇序曰。宣王遇旱。側身修行。欲消去之。故大夫仍叔作雲漢之詩。以美之。密

勿祇畏。言勤勞戒懼也。〔集解〕錢大昕曰。案雲漢之詩云。龜勉畏去。劉向引詩。龜勉從事。作密勿從事。向世習魯詩。知魯詩龜

勉字皆作密勿矣。伯喈封事。蓋用雲漢詩文。而章懷不能注也。〔胡廣傳。密勿夙夜。傳毅傳。密勿朝夕。謝夷吾傳。密勿在公。〕

臣聞

天降災異，緣象而至，辟歷數發。辟音暫，歷反。史記曰：霹靂，陽氣之動也。殆刑誅繁多之所生也。風者，天之號令，所召教人也。

翼氏風角曰：風者天之號令，所以譴告人君者。夫昭事上帝，則自懷多福。詩大雅曰：昭事上帝，聿懷多福。聿，遂也。懷，來也。宗廟致敬，則鬼神曰著。國之大事，實

先祀典。左傳曰：國之大祀，在祀與戎。天子聖躬，所當恭事。臣自在宰府，及備朱衣。宰府，謂司徒橋玄府。朱衣，謂祭官也。漢官儀曰：漢家赤行，齊者絳袴，襪音文，伐反。迎

氣五郊，而車駕稀出，四時至敬。〔集解〕劉攽曰：案文當作致敬。屢委有司，雖有解除，猶為疏廢。解除，猶謝過也。〔集解〕沈欽韓曰：論衡解除篇：解除初禮，先設

祭祀，設膳食，已驅以刀杖，所除宅中客鬼也。然邕此言謂雖祓除不祥，車駕猶不出也。故皇天不悅，顯此諸異。洪範傳曰：政悖德隱，厥風發屋折木。坤為地

道，易稱安貞。易坤文言曰：地道也，妻道也。其象曰：安貞之吉，應地無疆。陰氣憤盛，則當靜反動。法為下叛，夫權不在上，則雹傷物。政有

苛暴，則虎狼食人，貪利傷民，則蝗蟲損稼。去六月二十八日，太白與月相迫，兵事惡之。鮮卑犯塞，所從

來遠，今之出師，未見其利。上違天文，下逆人事，誠當博覽衆議，從其安者。臣不勝憤懣，謹條宜所施行。

〔集解〕蘇與曰：宜所倒。七事表左。表左，謂陳之於表左也。猶今云如左如右。

一事明堂月令天子曰四立及季夏之節迎五帝於郊

天子居明堂各依其月布政故云明堂月令四立謂立春立夏立秋立冬各以其日天子親迎氣於其方并祭其方之帝

季夏之末祭中央帝也〔集解〕惠棟曰鄭元禮記注云今漢亦四時迎氣其禮則簡

所曰導致神氣祈福豐年清廟祭祀追往孝敬養老辟雍示人禮化

皆帝者之大業祖宗所祇奉也而有司數曰蕃國疏喪宮內產生

〔集解〕惠棟曰王充云俗諺婦人乳子以爲不吉將舉吉事皆不與之交通

及吏

卒小汚屢生忌故

小汚謂病及死也〔集解〕惠棟曰如尙書左丞馮方殿殺指揮使於尙西祠詔問免齋戒否議郎臣邕博士臣敏對以爲元和詔禮無免齋宜以自潔靜交神明可齋無疑是也見邕集

竊見南郊

齋戒未嘗有廢至於它祀輒興異議豈南郊卑而它祀尊哉孝元皇帝策書曰禮之至敬莫重於祭所

曰竭心親奉曰致肅祇者也又元和故事復中先典

章帝元和二年制曰山川百神應典禮者尙未成秩其議修葺祀以祈豐年又宗祀五帝於汶上明堂三年望祀華霍東柴岱宗爲

人祈前後制書推心懇惻而近者曰來更任太史忘禮敬之大任禁忌之書拘信小故曰虧大典

〔集解〕通鑑胡

注漢制凡齋天地七日宗廟山川五日小祀三日日齋內有汙穢解齋副倅行先齋一日有汙穢災變齋祀如儀

禮妻妾產者齋則不入側室之門無廢祭之文也

禮記曰妻將生

子及月辰居側室夫使人日再問之夫齋則不入側室之門也

所謂宮中有卒三月不祭者謂士庶人數堵之室共處其中耳

禮儀曰有死於宮中者則爲之

三月不舉祭。豈謂皇居之曠，臣妾之衆哉。自今齋制宜如故典，庶答風霆災赦之異。〔集解〕先謙曰：官本，赦作妖。

二事。臣聞國之將興，至言數聞，內知己政，外見民情，是故先帝雖有聖明之姿，而猶廣求得失，又因災異，援引幽隱，重賢良，方正，敦朴，有道之選，危言極諫，不絕於朝，陛下親政已來，頻年災異，而未聞特舉博選之旨，誠當思省，述修舊事，使抱忠之臣，展其狂直，言解易傳政悖德隱之言。〔集解〕惠棟曰：據上封事，乃鴻範傳文，此云易傳，必

京房所作易傳上，誤稱鴻範傳也。

三事。夫求賢之道，未必一塗，或言德顯，或言言揚，頃者立朝之士，曾不言忠信見賞，恆被謗訕之誅，遂使羣下結口，莫圖正辭，郎中張文前獨盡狂言，聖聽納受，言責三司，臣子曠然，衆庶解悅。漢名臣奏，張文上疏，其略曰：春

秋義曰：蝗者，貪擾之氣所生。天意若曰：貪狼之人，蠶食百姓，若蝗食禾稼，而擾萬民，獸齧人者，象暴政若獸而齧人。京房易傳曰：小人，不義而反尊榮，則虎食人，辟歷殺人，亦象暴政。妄有喜怒，政以賄成，刑放於寵，推類敘意，探指求源，皆象羣下貪狼，威教妄施，或者蝗蟲，宜敕正衆邪，清審選舉，退屏貪暴，晉僖公小國諸侯，敕政修己，斥退邪臣，尙獲其報。六月，甚雨之應，豈況萬乘之主，修善求賢，宜舉敦朴，以輔善政，陛下體堯舜之聖，〔集解〕先謙曰：官本體作參。乘獨見之明，恢太平之業，敦經好學，流布遠近，可留須臾神慮，則

可致太平。招休徵矣。制曰：下太尉、司徒、司空。夫瑞不虛至，災必有緣。朕以不德，兼統未明。（集解）先謙曰：官本兼作兼。其招祇，將何以昭顯憲法哉？三司任政者也，所當夙夜而各拱默。訖未有聞，將何以奉答天意？救寧我人，其各悉心，思所崇改，務消復之禍。稱朕意焉。（集解）惠棟曰：案石經公羊末有郎中臣張文，卽是人也。臣愚，爲宜擢文右職，勸忠審。

在下於人爲左，是以謂下遷爲左。宣聲海內，博開政路。

右用事之便，謂樞要之官。集解：惠棟曰：王勳、案並勸答禮云：職高者名錄在上，於人爲右職。卑者名錄

四事。夫司隸校尉、諸州刺史，所司督察，姦枉分別，白黑者也。伏見幽州刺史楊熹、益州刺史龐芝、涼州

刺史劉虔，各有奉公疾姦之心，熹等所糾，其效尤多。餘皆枉撓。

（集解）惠棟曰：撓當作撓，音女。教反。又乃絞反。字林作撓，訛。

不能稱職，或

有抱臯懷瑕，與下同疾。綱網弛縱，莫相舉察。公府臺閣，亦復默然。五年制書，議遣八使，又令三公謠言

奏事。

漢官儀曰：三公聽探長史臧否人，所疾苦，條奏之，是爲舉謠言者也。

是時奉公者欣然得志，邪枉者憂悸失色。未詳斯議，所因寢息。昔劉

向奏曰：夫執狐疑之計者，羣枉之門，養不斷之慮者，來讒邪之口。

語見前書。

今始聞善政，旋復變易，足令

海內測度朝政，宜追定八使，糾舉非法，更選忠清，平章賞罰。

平和也，章明也。集解：惠棟曰：平，本古文辨字，辨治也。注訓爲和，非是。

三公歲盡差

其殿最使吏知奉公之福營私之禍則衆災之原庶可寒矣

五事臣聞古者取士必使諸侯歲貢

尙書大傳曰古者諸侯之於天子三年一貢士一適謂之攸好德再適謂之賢賢三適謂之有功注云適猶得也

孝武之世郡舉孝

廉又有賢良文學之選於是名臣輩出文武竝興漢之得人數路而已

數路謂孝廉賢良文學之類也

夫書畫辭賦才之

小者匡國理政未有其能陛下卽位之初先涉經術聽政餘日觀省篇章聊以游意當代博奕非以教

化取士之本而諸生競利作者鼎沸其高者頗引經訓風喻之言下則連偶俗語有類俳優或竊成文

虛冒名氏臣每受詔於盛化門差次錄第其未及者亦復隨輩皆見拜擢既加之恩難復收改但守奉

祿於義已弘不可復使理人及仕州郡昔孝宣會諸儒於石渠章帝集學士於白虎通經釋義其事優

大文武之道所宜從之若乃小能小善雖有可觀孔子曰爲致遠則泥君子故當志其大者

論語子貢曰雖小道必有

可觀者焉致遠恐泥鄭玄注云小道如今諸子書也泥謂滯陷不通此邕以爲孔子之言當別有所據也集解惠棟曰前書藝文志引孔子曰雖小道必有可觀者焉王伯厚云蔡益因志之誤也

六事。墨綬長吏。職典理人。

漢官儀曰。秩六百石。銅章墨綬也。

皆當曰惠利爲績。日月爲勞。褒責之科。所宜分明。而今在任。

無復能省及其還者。多召拜議郎。郎中。若器用優美。不宜處之冗散。如有釁故。自當極其刑誅。豈有伏

罪懼考。反求遷轉。更相放效。臧否無章。先帝舊典。未嘗有此。可皆斷絕。曰覈眞僞。

七事。伏見前一切曰宣陵孝子者爲太子舍人。

〔集解〕劉攽曰。案文多一者字。

臣聞孝文皇帝制喪服三十六日。雖繼體

之君。父子至親。公卿列臣。受恩之重。皆屈情從制。

〔集解〕官本考證曰。屈情二字。監本訛作出清。從宋本改。

不敢踰越。今虛僞小人。本非

骨肉。旣無幸私之恩。又無祿仕之實。惻隱思慕。情何緣生。而羣聚山陵。假名稱孝。行不隱心。義無所依。

至有姦軌之人。通容其中。恆思皇后祖載之時。

周禮曰。喪視學大喪及祖。飾棺及載。遂御之。鄭玄注云。祖。謂將葬。祖祭於庭。載。升柩於車也。〔集解〕劉攽曰。正文恆思皇后案。恆當作桓。謂桓

帝后也。惠棟曰。恆通鑑作桓。邕集同。

東郡有盜人妻者。亡在孝中。本縣追捕。乃伏其辜。虛僞雜穢。難得勝言。又前至得拜。後

輩被遣。或經年陵次。曰暫歸見漏。或曰人自代。亦蒙寵榮。爭訟怨恨。凶凶道路。太子官屬。宜搜選令德。

豈有但取王墓凶醜之人其爲不祥莫與大焉宜遣歸田里日明詐僞書奏帝乃親迎氣北郊及行辟雍之禮又詔宣陵孝子爲舍人者悉改爲丞尉焉

〔集解〕通鑑胡注漢縣置丞尉丞署文書典知倉獄尉主盜賊

光和元年遂置鴻都門學

畫孔子及七十二弟子像其諸生皆敕州郡三公舉用辟召或出爲刺史太守入爲尙書侍中乃有封侯賜爵者士君子皆恥與爲列焉時妖異數見人相驚擾其年七月詔召邕與光祿大夫楊賜諫議大夫馬日磾議郎張華太史令單颺詣金商門引入崇德殿

洛陽記曰南宮有崇德殿太極殿西有金商門也

使中常侍曹節王甫就

問災異及消改變故所宜施行邕悉心目對事在五行天文志

其志今亡續漢志曰光初元年詔問曰連年蝗蟲其咎焉在邕對曰易傳云大作不時天降災厥告

蝗蟲來河圖祕微篇曰帝貪則政暴吏酷則誅慘生蝗蟲貪苛之所致也又南宮侍中寺雌雞欲化爲雄一身毛皆似雄但頭冠尙未變詔以問邕對曰貌之不恭則有雞禍宣帝黃龍五年未央宮雌雞化爲雄不鳴無距是歲元帝初即位將立王皇后至初元元年丞相史家雌雞化爲雄距而鳴將是后父禁爲平陽侯女立爲后至哀帝晏駕后攝政王莽以后兄子爲大司馬由是爲亂臣竊推之頭爲元首人君之象今雞一身已變未至於頭而止是將有其事而不遂成之象也若應之不精政無所改頭冠或成爲患茲大也〔集解〕劉攽曰注是后父禁爲平陽侯案如上文此處少一歲字又當作陽平侯非平陽也惠棟曰集云是歲脫歲字先謙曰官本改作及茲作滋

又特詔問曰比災變互生未知厥咎朝廷焦

心載懷恐懼。每訪羣公卿士。庶聞忠言。而各存括囊。莫肯盡心。

括囊。喻閉口而不言。易曰。括囊无咎。王弼注云。括。結也。

呂邕經學深奧。

故密特稽問。宜披露失得。指陳政要。勿有依違。自生疑諱。具對經術。呂卓囊封上。

漢官儀曰。凡章表皆啓封。其言密事得卓囊也。〔集解〕

〔解〕惠棟曰。袁夢麒漢制叢錄曰。漢官儀。凡章奏皆啓封。其言密事。乃用卓囊。東方朔言。文帝集書囊爲殿幃。翟酺又言。文帝飾帳於卓囊者。指此。其後靈帝詔蔡邕指陳政要。具對經術。以卓囊封上。遵前制也。

邕對曰。

〔集解〕沈欽韓曰。此對與前上

疏。均非邕原文。爲范史刊改。

臣伏惟陛下聖德允明。深悼災咎。褒臣末學。特垂訪及。非臣螻蟻所能堪副。斯誠輸寫肝

膽。出命之秋。豈可引顧患避害。使陛下不聞至戒哉。臣伏思諸異。皆亡國之怪也。天於大漢。殷勤不已。

故屢出祲變。呂當譴責。欲令人君感悟。改危卽安。今災眚之發。不於它所。遠則門垣。近在寺署。其爲監

戒。可謂至切。蜺墮雞化。皆婦人干政之所致也。前者乳母趙嬈。貴重天下。

嬈音奴鳥反。〔集解〕惠棟曰。袁山松後漢書云。建寧二年。爵乳母趙嬈爲

平氏君。廣雅云。嬈。泥了反。

生則貲藏侷於天府。死則巨墓踰於園陵。兩子受封。兄弟典郡。續呂永樂門史霍玉。

〔集解〕通鑑胡注。永

樂門史。董太后宮官。

依阻城社。又爲姦邪。

〔集解〕沈欽韓曰。又當依袁紀作大。

今者道路紛紛。復云有程大人者。

〔集解〕錢大昕曰。陳球傳云。楊球小妻程瑣之女。瑣用事

宮中所謂程大人也。漢時宮中皆宿，皆稱中大人。（見鄧禹傳）

察其風聲，將為國患，宜高為隄防，明設禁令，深惟趙霍，曰為至戒。

趙燒及霍玉也。今

聖意勤勤，思明邪正，而聞太尉張顛為玉所進，光祿勳姓璋。

姓也。璋名也。漢有姓偉。《集解》周壽昌曰：官本作光祿勳偉璋。注：偉姓也。案作偉者誤。前書食貨志臨

滯人，姓偉，賞二十萬，注：姓也。偉其名，章懷此注，特引以作姓璋之證。若是姓偉，則注文當作漢有偉姓，不當如此云。毛本不說。

有名貪濁，又長水校尉趙玠。

音玄。蔡邕集。玠作玄。

屯騎校尉蓋

升。

《集解》惠棟曰：邕集云：河間相升，以朝廷在藩國時，鄰近篤恩，歷河南太守，中大夫，在郡受取數億以上，遷為侍中。王幼學云：蓋公益反，袁紀作蓋延，誤。

竝叨時幸，榮富優足，宜念小人在位

之咎，退思引身避賢之福。

尚書曰：君子在野，小人在位。

伏見廷尉郭禧，純厚老成，光祿大夫橋玄，聰達方直，故太尉劉

寵、忠實守正，竝宜為謀主，數見訪問，夫宰相大臣，君之四體。

謂股肱也。

委任責成，優劣已分，不宜聽納小吏。

雕琢大臣也。

雕琢，猶鵠削，以成其罪也。

又尚方工技之作，鴻都篇賦之文，可且消息，曰示惟憂。詩云：畏天之怒，不敢

戲豫，天戒誠不可戲也。宰府孝廉，士之高選，近者曰辟，召不慎，切責三公，而今竝曰小文，超取選舉，開

請託之門，違明王之典，衆心不厭，莫之敢言。

厭，伏也。音一葉反。《集解》惠棟曰：集云：並以書疏小文一介之伎，超取選舉。

臣願陛下忍而絕之，思惟

萬機。曰答天望。聖朝既自約厲。左右近臣。亦宜從化。人自抑損。曰塞咎戒。則天道虧滿。鬼神福謙矣。臣

曰愚贛。

〔集解〕先謙曰。官本贛作懇。是下同。

感激忘身。敢觸忌諱。手書具對。夫君臣不密。上有漏言之戒。下有失身之禍。曰。

君不密則失臣。臣不密則失身。〔集解〕惠棟曰。文六年。公羊傳云。射姑殺。則稱其國以殺何。君漏言也。何休云。自上言泄曰漏。沈欽韓曰。韓非外儲右堂。魯公謂昭侯曰。今爲人之主。而漏其羣臣之語。是猶無當之玉卮也。雖有聖智。莫盡其術。爲其漏也。願寢

臣表。無使盡忠之吏。受怨姦仇。章奏帝覽而歎息。因起更衣。曹節於後竊視之。悉宣語左右。事遂漏露。

其爲邕所裁黜者。皆側目思報。初邕與司徒劉郃。素不相平。叔父衛尉質。

質字子文。著漢職儀。〔集解〕周壽昌曰。案隋志。漢官典職儀式選用二卷。

漢衛尉蔡質撰。唐志。蔡質漢官典儀一卷。此注云。漢職儀。殆即此書之省文也。

又與將作大匠楊球有隙。球即中常侍程璜女夫也。

〔集解〕錢大昕曰。楊當作陽。據陳球傳。則程璜

即程大人。乃是女子。此傳云中常侍。則是宦者。非婦人矣。未審誰得其實。洪頤煊曰。案陳球傳。用事宮中者。是程璜之女。非璜也。傳於用事上衍一璜字。致有此錯。

璜遂使人飛章言邕質數曰私事請託

於郃。郃不聽。邕含隱切志。欲相中。

中。傷也。

於是詔下尙書。召邕詰狀。邕上書自陳曰。臣被召問。曰大鴻臚

劉郃前爲濟陰太守。臣屬吏張宛長休百日。

休。暇也。前書音義曰。吏病滿百日當免也。

郃爲司隸。又託河內郡吏李奇爲州書

佐。續漢志曰：書佐主幹文書。及營護故河南尹羊陟，侍御史胡毋班，郤不爲用，致怨之狀。邕集其奏曰：邕屬張宛長休百日，郤假宛五日，復屬河南李奇爲書。

佐，郤不爲召。太山黨魁羊陟，與邕季父衛尉質對門九族，質爲尙書，營護阿擁，令文書不覺。郤被詔書，致胡毋班等辭，與陟爲黨，質及邕類詣郤問班所及，郤不應，遂懷怨恨，欲必中傷。郤制曰：下司隸校尉正處上，邕集作素母班也。〔集解〕沈欽韓曰：對門九族，謂甥舅之親。爾雅注：今江東人呼同門爲僚婿。

臣征營怖悸，肝膽塗地，不知死命所在，竊自尋案，實屬宛奇，不及陟班，凡休假小吏。

非結恨之本，與陟姻家，豈敢申助私黨，如臣父子，欲相傷陷。

〔集解〕周壽昌曰：父子，邕自謂與其叔父質也。前書疏廣傳：父子並爲師傅，亦謂廣與兄子受。當

明言臺閣，具陳恨狀，所緣內無寸事，而謗書外發，宜曰臣對，與郤參驗。臣得曰學問，特蒙褒異，執事祕館，操管御前，姓名貌狀，微簡聖心。今年七月，召詣金商門，問曰災異，齋詔申言，誘臣使言。

齋猶持也，與齋通。〔集解〕先謙

曰：官本上言作旨是。

臣實愚贛，唯識忠藎，出命忘軀，不顧後害，遂譏刺公卿，內及寵臣，實欲曰上對聖問，救消災

異，規爲陛下建康寧之計。陛下不念忠臣直言，宜加掩蔽，誹謗卒至，使用疑怪，盡心之吏，豈得容哉。詔書每下，百官各上封事，欲曰改政思譴，除凶致吉，而言者不蒙延納之福，旋被陷破之福，今皆杜口結

吾曰臣爲戒誰敢爲陛下盡忠孝乎臣季父質連見拔擢位在上列臣被蒙恩渥數見訪逮言事者因此欲陷臣父子破臣門戶非復發糾姦伏補益國家者也臣年四十有六孤特一身

〔集解〕王鳴盛曰邕無子故云列女董祀

妻傳曹操素與邕善痛其無嗣

得託名忠臣死有餘榮恐陛下於此不復聞至言矣臣之愚冗職當咎患但前者所對質

不及聞

前在金商門對事之時質爲下邳相故不聞也

而衰老白首橫見引逮隨臣摧沒并入阮瑀誠冤誠痛臣一入牢獄當爲

楚毒所迫趣曰飲章辭情何緣復聞

趣音促飲猶隱卻告人姓名無可對問章者今之表也邕集曰光和元年都官從事張恕以辛卯詔書收邕送雒陽詔獄考吏張靜謂邕曰省君章云欲仇怨未有所施

法令無以此詔書又刊章家姓名不得對相指斥之事君學多所見古今如此豈一事乎荅曰曉是吏遂飲章爲文書臣賢案俗本有不解飲字或改爲報字或改爲款並非也〔集解〕先謙曰官本注以此作此以報下無字字

死期垂至冒昧

自陳願身當辜戮句質不并坐

句乞也

則身死之日更生之年也惟陛下加餐爲百姓自愛於是下邕質

於洛陽獄劾曰仇怨奉公

〔集解〕通鑑胡注誣邕以請託不聽志欲中傷爲仇怨奉公之吏謂司徒劉郃也

議害大臣大不敬棄市事奏中常侍呂強

愍邕無罪請之帝亦更思其章有詔減死一等與家屬髡鉗徙朔方不得曰赦令除楊球使客追路刺

邕客感其義，皆莫爲用。球又賂其部主。

〔集解〕通鑑胡注。部主，州牧郡守也。

使加毒害，所賂者反，引其情戒邕。故每得免焉。

居五原安陽縣。

卽西安陽縣也。故城在今勝州銀城縣。〔集解〕惠棟曰：邕徙朔方，報楊復書曰：昔此徙者，故城門校尉梁伯喜，南邵太守馬季長，或至三歲，近者歲餘，多得旋反。自甘罪戾，不復慕此。又報羊丹書曰：幸得無恙，遂至徙所。自城以

西惟青紫驪也。沈欽韓曰：西安陽在吳喇武旗北，故九原城西，陰山南。

邕前在東觀，與盧植、韓說等撰補後漢記，會遭事流離，不及得成。因上書

自陳，奏其所著十意。

猶前書十志也。邕別傳曰：邕昔作漢記十意，未及奏上，遭事流離，因上書自陳曰：臣既到徙所，乘寒守烽，職在候望，憂怖焦灼，無心能復採筆成草，致章闕廷，誠知聖朝不責臣謝，但懷愚心，有所不竟。臣自在布

衣，常以爲漢書十志，下盡王莽而止。光武以來，唯記紀傳，無續志者。臣所事師故太傅胡廣，知臣頗識其門戶，略以所有舊事與臣，雖未備悉，粗見首尾，積累思惟，二十餘年，不在其位，非外史庶人所得擅述。天誘其衷，得備著作郎，建言十志，皆當撰錄。會臣被罪，遂放邊野，恐所懷隨軀朽腐，抱恨黃泉，遂不設施，謹先顛路，科條諸志。臣欲刪定者一，所當接續者四，前志所無，臣欲增者五，及經典羣書，宜摭摭，不奏詔書所當依據，分別首目，并書章左。惟陛下留神省察，臣謹因臨戎長霍園封上，有律厯意第一，禮意第二，樂意第三，郊祀意第四，天文意第五，車服意第六。〔集解〕官本考證曰：注，唯記紀傳，記字一本作有。王鳴盛曰：案第六下疑脫落四句，卽以司馬氏志入篇較此，已有五行郡國百官三種，爲此目所無。且前志所無，邕欲著者五，而此六者之中，僅有車服一種，爲前志所無，其爲脫落甚明。惠棟曰：意，猶志也。避桓帝諱，故作意。趙戒本字志伯，後避諱，改字意伯。見孔廟置守廟百石碑。周壽昌曰：劉知幾史通稱邕於羣平中作朝會車服二志，知十意中尙有朝會合之可得七條。〔續漢志卷二注〕引袁山松書：劉洪與蔡邕共述律厯記，亦不名志也。

分別首目，連置章左。帝嘉其才高，會明年大赦，乃宥邕，還本郡。邕自徙及歸，凡九月焉。將就還路，五原

太守王智餞之酒酣智起舞屬邕邕不爲報屬猶勸也音燭智者中常侍王甫弟也素貴驕慙於賓客詬邕曰

徒敢輕我邕拂衣而去智銜之密告邕怨於囚放謗訕朝廷內寵惡之邕慮卒不免乃亡命江海遠跡

吳會張鷟文士傳曰邕告吳人曰吾昔常經會稽高遷亭見屋椽竹東間第十六可以爲笛取用果有異聲伏滔長笛賦序云柯亭之觀以竹爲椽邕取爲笛奇聲獨絕也〔集解〕沈欽韓曰抱朴子清鑒篇伯喈識絕音之器於煙燼之餘平子別逸響之竹於

未用之先如彼文則張衡識〔集解〕何焯曰案羊祜爲蔡邕外孫蓋以婚媾依之惠棟曰案邕集太山羊氏與邕季父衛尉質對門九族歐陽尙書九族妻族二對門九族乃妻族也故邕

上書云與陟姻家豈敢申助私黨是羊蔡世爲婚葦不特叔子一人也積十二年在吳吳人有燒桐曰爨者邕聞火烈之聲知其良木因請而裁

爲琴果有美音而其尾猶焦故時人名曰焦尾琴焉傅玄琴賦序曰齊桓公有鳴琴曰號鍾楚莊有鳴琴曰繞梁司馬相如綠綺蔡邕有焦尾皆名器也初邕在

陳留也其鄰人有呂酒食召邕者比往而酒已酣焉客有彈琴於屏邕至門試潛聽之曰熹歎聲也音倍呂

樂召我而有殺心何也遂反將命者告主人曰蔡君向來至門而去邕素爲邦鄉所宗主人遽自追而

問其故邕具呂告莫不慙然慙猶怪也音武彈琴者曰我向鼓琴見螳螂方向鳴蟬蟬將去而未飛螳螂爲之

一前一卻。吾心聳然。惟恐螳螂之失之也。此豈爲殺心而形於聲者乎。邕莞然而笑曰。

莞笑貌也。音胡板反。〔集解〕先謙曰。

官本莞
並作莞。

此足目當之矣。中平六年。靈帝崩。董卓爲司空。聞邕名高。辟之。稱疾不就。卓大怒。詈曰。我力能

族人。蔡邕遂偃蹇者。不旋踵矣。又切敕州郡。舉邕詣府。邕不得已。到署祭酒。甚見敬重。舉高第。補侍御

史。又轉持書御史。遷尙書。三日之間。周歷三臺。

〔集解〕惠棟曰。邕集持作治。錢大昕曰。范史本是治書。章懷避諱。改作持書。百官志。御史中丞爲御史臺。率風俗通云。尙書御史臺。皆以官倉

頭爲吏。〔見百官志注。今風俗通無此文。〕是尙書御史皆稱臺也。又百官志。謁者僕射爲謁者臺。率符節令爲符節臺。率則漢時稱臺。亦不止尙書御史矣。袁紹傳。坐召三臺。專制朝政。注引晉書云。漢官尙書爲中臺。御史爲憲臺。謁者爲外臺。是謂三臺。然伯喈未授謁者。何以便有二臺之稱。豈侍御史與治書御史。亦分爲二署耶。先謙曰。官本作侍書。乃後人不知持字之故。而妄改爲侍也。唐諱治。作持。曹褒傳。治。陸氏禮。治。作持。可證。

遷巴郡太守。復留爲侍中。初平兀

年。拜左中郎將。從獻帝遷都長安。封高陽鄉侯。

〔集解〕惠棟曰。集云。詔制左中郎將蔡邕。今封邕。陳留雍邱高陽鄉侯。下印綬符策。假限食五百戶。歲五十萬穀。

董卓賓

客部曲。議欲尊卓比太公。稱尙父。卓謀之於邕。邕曰。太公輔周。受命剪商。故特爲其號。

〔集解〕惠棟曰。事見中候尙書。及今

文大
誓。

今明公威德。誠爲巍巍。然比之尙父。愚意目爲未可。宜須關東平定。車駕還反舊京。然後議之。卓

從其言。初平二年六月地震。卓曰問邕。邕對曰。地動者陰盛侵陽。臣下踰制之所致也。前春郊天。公奉

引車駕。乘金華青蓋。爪畫兩轡。遠近曰爲非宜。

續漢志曰。乘輿大駕。公卿奉引。皇太子。皇子。皆安車。朱輪。青蓋。金華。爪畫。轡。廣雅。轡箱也。

卓於是改乘阜蓋

車。續漢志曰。中二千石。二千石。皆阜蓋。朱兩轡。

卓重邕才學。厚相遇待。每集讌。輒令邕鼓琴贊事。邕亦每存匡益。然卓多自假

用。〔集解〕劉攽曰。案文多自假用。不成文理。當云卓很多自用。

邕恨其言少從。謂從弟谷曰。董公性剛而遂非。終難濟也。吾欲東奔兗州。

若道遠難達。且遯逃山東。曰待之。何如。谷曰。君狀異恆人。每行。觀者盈集。曰此自匿。不亦難乎。邕乃止。

及卓被誅。邕在司徒王允坐。殊不意言之而歎。有動於色。

〔集解〕惠棟曰。商芸小說云。初。允數與邕會議。允詞常屈。由是銜邕。後允誅卓。并收邕。衆人爭之。不能得。何焯

曰。裴松之以爲伯喈不應發歎於子師坐。此謝承妄記。是則商芸所載爲得其實也。

允勃然叱之曰。董卓國之大賊。幾傾漢室。君爲王臣。所宜同忿。而懷

其私遇。曰亡大節。今天誅有罪。而反相傷痛。豈不共爲逆哉。卽收付廷尉治罪。邕陳辭謝。乞黥首。別足。

繼成漢史。

〔集解〕通鑑胡注。初。邕徒朔方。自徙中上。魯乙續漢書諸志。蓋其所學所志者在此。

士大夫多矜救之。不能得。太尉馬日磾馳往。謂允曰。伯喈

曠世逸才，多識漢事，當續成後史，爲一代大典，且忠孝素著，而所坐無名，誅之無乃失人望乎？允曰：昔

武帝不殺司馬遷，使作謗書，流於後世。

凡史官記事，善惡必書，謂遷所著史記。但是漢家不善之事，皆爲謗也。非獨指武帝之身，即高祖善家令之言，武帝第繙權酷之類是也。班固集云：司馬遷著書成

一家之言，至以身陷刑，故徵文刺譏，貶損當世，非誼士也。集解：惠棟曰：商芸小說云：太尉馬日磾謂允曰：伯喈忠直，數有孝行，且曠世逸才，多識漢事，當定十志，今子殺之，海內失望矣。允曰：無蔡邕，獨當無十志，何損遂殺之。

方今國祚中衰，

神器不固，不可令佞臣執筆，在幼主左右。旣無益聖德，復使吾黨蒙其訕議。日磾退而告人曰：王公其

不長世乎？善人國之紀也。

〔集解〕惠棟曰：左傳云：善人，天地之紀也，而驟絕之，不亡何待。

制作國之典也，滅紀廢典，其能久乎？邕遂死獄中。

〔集解〕惠棟曰：魏收云：邕家在陳留小黃縣，樂史云：在開封縣東北四十五里。邕死獄中，葬於此。

允悔欲止而不及，時年六十一，摺紳諸儒莫不流涕。北海鄭玄

聞而歎曰：漢世之事，誰與正之？兖州陳留間皆畫像而頌焉。

〔集解〕惠棟曰：邕別傳云：東國宗敬邕，不言名，咸稱蔡君。兖州陳留並圖畫邕形像而頌之。曰：文同三閭。

孝齊參悉。

其撰集漢事，未見錄目，繼後史，適作靈紀及十意，又補諸列傳四十二篇。因李傕之亂，湮沒多不

存。所著詩賦、碑誄、銘讚、連珠、箴、弔、論議、獨斷、勸學。

〔集解〕惠棟曰：經籍志云：勸學一卷。

釋誨、敍樂、女訓、篆、執、祝文、章表、書記。

凡百四篇傳於世。

〔集解〕惠棟曰：經籍志云：梁蔡邕集二十卷，錄一卷。王補曰：王厚齋攷史云：蔡邕文今存九十篇，而銘墓居其半。曰碑曰銘曰神譜曰哀讚，其實一也。自云爲郭有道碑，獨無愧辭，則其他可知矣。其頌胡廣、黃瓊，幾於

老韓同傳，若繼成漢

史，豈有南董之筆。

論曰：意氣之感，士所不能忘也。流極之運，有生所共深悲也。

流極，皆放也。極音紀力反。

當伯喈抱鉗扭，徒幽裔，仰日月

而不見照燭，臨風塵而不可經過。

〔集解〕先謙曰：官本可作得。謂道從之，令不得避風塵也。

其意豈及語平日，倖全人哉。及解刑衣，竄歐

越，潛舟江壑，不知其遠。捷步深林，尙苦不密。但願北首舊丘，歸骸先壟，又可得乎。

〔集解〕惠棟曰：應劭風俗通云：葬於郭北，北首求諸

幽之道也。淮南子云：孔子曰：狐向邱而死，吾其首不乎。廣志曰：狐死首邱，豹死首山。

董卓一旦入朝，辟書先下，分明枉結，信宿三遷。

謂三日之間，位歷三臺也。

匡導旣申，

狂僂屢革，資同人之先號，得北叟之後福。

易同人卦曰：先號咷而後笑。北叟，塞上叟也。其馬亡入胡中，人皆弔之。叟曰：何知非福。居數月，其馬引胡駿馬而歸，人皆賀之。叟曰：何知非禍。及家富，馬

良，其子好騎，墮而折髀，人皆弔之。叟曰：何知非福。居一年，胡夷大入，丁壯皆戰死者十九，其子獨以跛之故，子父相保。見淮南子也。

屬其慶者，夫豈無懷。

慶，猶恩遇也。懷，思也。荷恩遇者，豈不思之乎。〔集解〕蘇輿曰：蔚宗蓋咎魯

厭困阨而風節，懷爵祿而忘義，與馬融同。但以允誅之爲過耳。明陳子龍刺錢謙益云：白頭已自羞江總，青史何曾惜蔡邕。深得范指。

君子斷刑，尙或爲之不舉。

左傳：鄭伯見虢叔曰：夫司寇行戮，君爲之不舉。杜注云：不

舉盛饌也。

況國憲倉卒，慮不先圖，矜情變容，而罰同邪黨。執政乃追怨子長，謗書流後。

執政，謂王允也。〔集解〕惠棟曰：儒林傳，孔僖上書肅

宗曰：臣之愚意，以爲凡言誹謗者，謂實無此事，而虛加誣之也。至如孝武皇帝，政之美惡，顯在漢史，坦如日月，是爲直說實事，非虛謗也。此可證子長非謗之說。

放此爲戮。

放音甫，往反。

未或聞之典刑。

贊曰：季長戚氏，才通情侈，苑囿典文，流悅音伎。

侈，謂紗帳女樂之類。音伎，謂鼓琴吹笛之屬也。

邕實慕靜，心精辭綺，斥言金商，南徂

北徙。

謂對事於金商門，指斥而言，無隱諱也。

籍梁懷董名，澆身毀。

籍梁，謂融。因籍梁冀貴幸，爲作西第頌。懷董，謂邕。懷董卓之恩也。澆，薄也。

後漢書集解卷六十下校補

蔡邕傳。蔡邕。

案魏晉間記載邕事。邕或作雍。字書亦以邕爲雍之古文。今經傳固多雍字。而音義無由立。說文所不收。以邕字相沿作鄉例之明。卽邕之俗體。說文邕。四方有水。自邕城池者。誰誰。騾也。故書訓雍爲和。卽本鳥和鳴。引伸其義。邕字

伯喈亦卽本卷阿詩。誰誰。伯喈爲義。然鮑葉詩一作雍雍鳴雁。異文又作雍雍。作噫噫。稱康游仙詩。傳成斑鳩賦。則借作邕。邕。段玉裁說文注。引卷阿詩亦作邕。邕。蓋卽以邕之名字。定漢人傳詩文字本如此耳。實則借邕爲誰。由隸寫趨於簡易。爲習習詩。必魯文省作邕。因以定名。但

作雍。正爲本字。非誤字也。

陳留圉人也。注。圉縣故城。在今汴州陳留縣東南。

今地詳曹褒傳。

不寢寐者七旬。集解。官本考證曰。

案官本下脫作十旬三字。

有兔馴擾其室。傍又木生連理。

侯康曰。邕集有祖德頌序云。昔我烈祖。暨于予考。世載孝友。重以明德。率禮莫違。是以靈祇降之休瑞。免擾馴以昭其仁。木連理以象其義。斯乃祖禰之遺靈。盛德之所貺也。豈我童蒙

孤穉所克任哉。案漢世族葬。邕母冢當卽在祖園。故得歸美。

妙操音律。

柳從辰曰。御覽五百七十七引後漢書云。邕好琴道。以熹平元年。入清溪。訪鬼谷先生所居山五曲。曲有幽居靈跡。每一曲製一弄。三年曲成。出呈馬融。王允。董卓等。異之。今傳無此文。案此等稗說。自不可入史。范書固無。卽衆後漢書亦未必

有直是御覽轉鈔之謬耳。郭璞游仙詩云：青谿千餘仞，中有一道士。雲生梁棟間，風出窗戶裏。借問此何誰，云是鬼谷子。本屬寓言，而注文選者不見引此事也。邕於建寧三年已入仕京師，五年即爲熹平元年。據袁紀，邕方爲司徒掾，固無由作青溪之游。製三年之曲，融時年八十一，引疾告歸久矣。與邕及允卓仕宦皆不相接，故尤不可信。

釋誨集解沈欽韓曰：至文炳。此引文心雕龍雜文篇語。

天綱縱。官本綱作網。

君臣土崩。注：右執白旄而麾之。官本注無而字。

合從者駢組流離。注：流離，光彩貌也。官本注，貌作見，乃兒之譌。

速速方轂。天天是加。注：速速方轂，至轂祿也。官本注，此二轂均作轂，是。方猶竝也。官本注末無也字。

欲豐其屋，乃蔀其家。注：易豐卦上六云：官本注云作曰。

泗濱之石。注：泗濱浮磬。注曰：官本注，日作云。

綽有餘裕。官本裕作裕非。

下獲熏胥之辜。注：史遷熏胥以刑音義云：謂相熏蒸得罪也。官本注：此二熏均作薰是。

夫九河盈溢。官本無夫字。

百歲之久。官本久作後是。

鍾氏興政於巧工。注：鍾、舜之巧人也。案注之當作時。

建寧三年，辟司徒橋元府。集解：洪頤煊曰：司徒當作司空。至司空橋元為司徒。柳從辰曰：袁宏紀：建寧五年正月（是年五月始改元熹

平）司徒掾蔡邕歎曰：古不墓祭，是邕實為司徒府屬，不當改司徒為司空。案邕或於三年辟司空府，及元轉司徒，仍以邕為掾，則司徒乃司空之誤，否則三年乃四年之誤，必有一誤。

出補河平長。集解：錢大昕曰：至河平蓋平阿之誤。洪亮吉曰：攷兩漢河南郡皆有平縣，疑此文河字下脫南字。案平阿與平為令為長，無考。若河內郡之河陽、陳國之新平、東海郡之陰平，

則皆長也，所誤當不過一字，且果為平，則傳當書平邑長，既無兩平，亦無繫郡之理。洪說尤與傳例不符。

文學多誤。官本學作字是。

立於太學門外。注。講堂長十丈。廣一丈。堂有石經四部。官本注。一丈作二丈。堂有作堂前皆是。

及工書鳥篆者。注。所以摹印章也。官本注無也字。

並待制鴻都門下。至制書引咎。誥羣臣各言政要。劉放曰。此卷內詔字多改作制字。待詔作待制。是也。又言誥羣臣各言政要。亦是詔字。蓋武太后諱照。此時悉避詔字。後人既已

改還本字。尙有遺者。故爾。案唐書。武后謂員半千曰。宜留待制。此待詔改待制之始。實諱嫌名也。本書章紀之稱制。臧宮傳之矯制。皆改未盡者也。

臣自在宰府。注。宰府謂司徒橋元府。官本注。府下有也字。

郎中張文。集解。惠棟曰。案惠上脫劉放曰。注則可致太平。案文多一可字。又曰。救寧我人。案救當作敕。敕寧出尙書。凡三十一字。

所曰督察姦枉。枉原譌杜。錢大昭曰。杜當作枉。已據改。官本不誤。

餘皆枉撓。集解。惠棟曰。撓當作撓。柳從辰曰。此惠所據北宋本作撓。故補注正之也。今閣本官本皆原作撓。自不誤。

若乃小能小善，雖有可觀。注：論語子貢曰：雖小道，必有可觀者焉。

注：子貢當作子夏，官本不誤。

嘗悉心目對，事在五行。天文志集解：先謙曰：官本改作及，茲作滋。

謹案：據續志，此注作改作，茲皆不誤。惟黃龍五年，官本及續志皆作元年，宣帝崩於黃龍元年。

無五年，此作五，明誤。又未至頭而止，官本注同。據志作未至頭而上知之，是也。注誤上爲止，又脫知之二字耳。是歲，后父禁爲平陽侯。志文本有歲字，陽平亦作平陽。

蜺墮雞化，皆婦人干政之所致也。

柳從辰曰：東觀記：虹蜺見御座殿庭前，色青赤，上引爲問之，對曰：虹蜺，小女子之祥。案：邕與楊賜同詣金商門崇德署，密對災異，本以虹蜺蜺見爲主，已詳楊震傳。又邕集載

詔問者七事：一天投蜺，二白衣人入德陽殿，三雌雞化雄，四月蝕地動諸災。昔五星辰錯繆，六蝗蟲冬出，七平城門及武庫屋壞，亦以虹蜺爲第一事。

前者乳母趙嬈，注：嬈音奴烏反。

官本注：奴，嬈女。

伏見廷尉郭禧。

柳從辰曰：禧，袁宏紀作僖。

曹節於後竊視之。

後原譌復，錢大昭曰：復當作後，已據改官本不誤。

皆側目思報。

官本目或誤爲日。

實屬宛奇，不及陟班。

案：邕僅自承實屬張宛、李奇，或營護羊陟、胡母班本質事也。

因上書自陳奏其所著十意注及經典羣書宜摭摭官本注宜上有所字是集解王鳴盛曰至其為脫落甚明案

全書並見續律厯志論劉注有律厯意第一以下乃章懷就當時所有者言之並非邕書辭也

遠跡吳會注吾昔常經會稽高遷亭

官本注常作嘗是

伏滔長笛賦序云柯亭之觀

序原譌子亭原譌事據伏序正序云蔡邕避難江南宿于柯

亭柯亭之館以竹為椽仰而眇之曰良竹也取以為笛音聲獨絕注館作觀音作奇皆非官本不誤

比往而酒旨酣焉

官本酒作主錢大昭曰閩本作主案主客酒皆酣故客且鼓琴無主獨酣之理

三日之間

柳從辰曰袁宏紀作三月之間是也御覽二百十二書鈔六十引謝承書亦作三月遷轉雖速亦當無一日一臺之理案既云周歷則是已歷三官非未拜而又徙官自不可以日計作月固較長但後論云信宿三遷則范本文似仍作日

也

集解惠棟曰至章懷避諱改作持書

柳從辰曰袁宏紀及書鈔六十引謝承書均作治書惟初學記仍作持書

初平二年六月地震

錢大昭曰上文已言初平元年則此初平二字衍

遂死獄中集解惠棟曰至

葬於此柳從辰曰河南通志邕墓在今尉氏縣東北二十五里

時年六十一。

案上文光初元年召邕詰狀。邕自陳有云。臣年四十有六。迄初平三年。誅董卓而邕下獄死。則年甫六十無六十一也。故錢大昭侯康皆謂傳誤。

兖州陳留間皆畫像而頌焉。

官本間作間。

銘。

柳從辰曰。文心雕龍銘箴篇云。蔡邕銘思獨冠古今。橋公之銘吐納典謨。朱穆之鼎全有疏通之美焉。

連珠。

侯康曰。類聚五十七引傅元敘連珠曰。蔡邕似論言質而辭碎。然旨篤矣。

章表。

沈銘翰曰。邕薦董卓表極爲推重。收邕時不聞以此罪之。當由王允未見此表耳。而流傳至今。爲後世增一口實才之爲累如此。

左周黃列傳第五十一

後漢書六十一

宋宣城太守范曄撰

唐章懷太子賢注

王先謙集解

左雄字伯豪南郡涅陽人也

〔集解〕洪亮吉曰郡應作陽刊寫之誤

安帝時舉孝廉稍遷冀州刺史

〔集解〕沈欽韓曰北堂書鈔謝承書云雄為冀州刺史不

舉煙火長食乾糲十日一炊

州部多豪族好請託雄常閉門不與交通奏案貪猾二千石無所回忌永建初公車徵拜

議郎時順帝新立大臣懈怠朝多闕政雄數言事其辭深切尚書僕射虞詡曰雄有忠公節上疏薦之

曰臣見方今公卿曰下類多拱默

〔集解〕通鑑胡注拱默言拱手而默無一言

曰樹恩為賢盡節為愚至相戒曰白璧不可為

容容多後福

容容猶和同也言不可獨為白玉之清潔常與衆人和同也〔集解〕惠棟曰王幼學云璧玉之性善惡不相掩記聘義云瑕不掩瑜瑜不掩瑕忠也前書程方進傳君何持容容之計無忠固意師古云容容隨衆上下也先謙曰官本

注常作當

伏見議郎左雄數上封事至引陛下身遭難厄曰為警戒實有王臣蹇蹇之節周公謨成王之風

謀、謀也。即尚書立政無逸篇之類也。

宜擢在喉舌之官，必有匡弼之益。

〔集解〕惠棟曰：漢官儀曰：尚書、虞官也。書曰：龍，汝作納言。朕命惟允。詩云：惟仲山甫，王之喉舌。秦改稱尚書，漢亦尊此官，典機密也。胡注。

東都爲尚書爲喉舌之官，以其出納王命也。

由是拜雄尚書，再遷尚書令，上疏陳曰：

〔集解〕惠棟曰：袁宏紀是時長吏數易，去就煩費。雄因上疏陳事也。先謙曰：官本陳下有事字是。

臣

聞柔遠和邇，莫大寧人。寧人之務，莫重用賢。用賢之道，必存考黜。是曰皋陶對禹，貴在知人。安人則惠。

黎民懷之。

尚書皋陶謨之詞也。惠愛也。黎衆也。

分伯建侯，代位親民。

〔集解〕沈欽韓曰：此與上皋陶對禹語文義不屬。袁紀作昔二代重。統封建侯伯云云。詞義爲順。蓋范史刪截有誤也。雄此奏袁紀在陽。

嘉元年而傳置永建三年之前。

民用和穆，禮讓曰興。故詩云：有渰淒淒，興雨祁祁。雨我公田，遂及我私。

詩小雅曰：淑，陰雲也。淒淒，淒淒也。祁，徐也。言陰。

陽和風雨時，先雨我公田，乃及私田。〔集解〕先謙曰：詩小雅曰：官本作詩云：小雅也是興雨。據注當爲興雲。此用三家詩，而後人據毛改之。

及幽厲昏亂，不自爲政。

詩小雅刺幽王曰：不自爲政，卒勞百姓。哀豔。

用權。七子黨進，賢愚錯緒，深谷爲陵。故其詩云：四國無政，不用其良。又曰：哀今之人，胡爲虺蜴。言人畏

吏如虺蜴也。

哀豔，謂褒姒也。豔，色美也。七子，皆褒姒之親黨，謂皇甫爲卿士，仲允爲膳夫，家伯爲宰，番爲司徒，蹇爲趣馬，聖子爲內史，稱爲師氏也。厲王淫於色，七子皆用，言妻黨盛也。四國，四方之國也。虺蜴之性，見人則走，哀今之人皆如是。傷

時政事也。詩小雅，番音方元反，聚音側流反，梟音記禹反。〔集解〕錢大昕曰：章懷注用毛氏說，鄭康成則以豔妻爲厲王后，謂正月惡褒姒滅周，十月之交，疾豔妻歸方處，則哀豔非一人。此疏上言幽厲昏亂，下言哀豔用權，則亦與鄭說同。魯詩豔作閻，尚書中候作刻。

闇刻、豔文異實同。蓋其女族姓，非訓美色也。漢成帝時，谷永對策云：昔襄敏用國，宗周以喪，闇妻驕扇，日以不滅。兩漢經師皆主此說。故康成從之。先謙曰：注厲王官本作幽王，是改幽爲厲，乃鄭川譏說也。宗周既滅，六國并，秦阮

儒泯典，剗革五等，更立郡縣。

剗，削也。五等，謂諸侯。

縣設令長，郡置守尉，什伍相司，封豕其民。

史記：商鞅爲秦定變法之令，令人什伍而相收司，犯

禁相連坐，不告者腰斬。楊雄長楊賦曰：秦襲竄其土，封豕其人也。（集解）沈欽韓曰：雄賦作封豕其土，襲竄其民。

大漢受命，雖未復古，然克慎庶官，蠲苛救敝，悅呂濟難，撫

而循之。至於文景，天下康乂，誠由玄靖寬柔，克慎官人故也。降及宣帝，興於仄陋，綜覈名實，知時所病。

刺史守相，輒親引見，考察言行，信賞必罰。帝乃歎曰：民所呂安而無怨者，政平吏良也。與我共此者，其

唯良二千石乎。呂爲吏數變易，則下不安業。久於其事，則民服教化。其有政理者，

（集解）王補曰：袁紀作民知不久則詐以求過，故二

千石有治能者。

輒呂爾書勉勵，增秩賜金，或爵至關內侯，公卿缺，則呂次用之。是呂吏稱其職，人安其業。漢世

良吏於茲爲盛，故能降來儀之瑞，建中興之功。

宣帝時鳳皇五至，因以紀年。

漢初至今，三百餘載，俗浸彫敝，巧僞滋

萌，下飾其詐，上肆其殘，典城百里，轉動無常，各懷一切。

（集解）先謙曰：一切，猶苟且也。注亦訓爲權宜。

莫慮長久，謂殺害不辜爲

威風聚斂整辦為賢能。

〔集解〕先謙曰官本辦作辨辦辨通作

曰理己安民為劣弱曰奉法循理為不化髡鉗之戮生於睚

眦覆尸之禍成於喜怒視民如寇讐稅之如豺虎。

國語曰鬪丹廷見令尹子常與之語問畜貨聚焉歸以語其弟曰楚其亡乎吾見令尹如餓獸豺虎焉殆必亡者也〔集解〕劉放曰

注畜貨聚焉案國語作聚焉此誤

監司項背相望。

項背相望謂前後相顧也背音輩

與同疾病。

〔集解〕通鑑胡注言同有此病也

見非不舉聞惡不察觀政於

亭傳。

〔集解〕通鑑胡注言郡縣長吏飾亭傳以夸過使客監司亦以是觀政也沈欽韓曰言監司按部但一過亭傳而已未嘗深考其治狀也

責成於期月。

期匝也謂一歲

言善不稱德論功不據

實虛誕者獲譽拘檢者離毀。

離遭也

或因罪而引高或色斯曰求名。

因罪潛遁以求高尚之名也論語曰色斯舉矣言觀前人之顏色也〔集解〕通鑑胡注因有罪

先自棄官以為高錢大昕曰此用論語以色斯當遠舉之義三國志崔瑗傳哲人君子俄有色斯之志漢張壽碑常懷色斯元賓碑翻著色斯鄭固碑將從雅意色斯自得斥彰長田君碑色斯去官抱朴子外篇或色斯而不終日蓋漢魏人用歇後語多如此

州

宰不覆。

〔集解〕通鑑胡注覆審也

競共辟召踴躍升騰超等踰匹或考奏捕案而亡不受罪會赦行賂復見洗滌朱紫

同色清濁不分故使姦猾枉濫輕忽去就拜除如流缺動百數鄉官部吏職斯祿薄。

斯賤也〔集解〕惠棟曰斯謂斯賤也易曰

斯其所取災俗作斯周壽昌曰左傳哀公二年去斯役釋文本作斯

車馬衣服一出於民廉者取足貪者充家特選橫調。

調徵也〔集解〕通鑑胡注曰特曰橫皆出於常賦之外也

紛紛不絕。送迎煩費。損政傷民。和氣未洽。災害不消。咎皆在此。今之墨綬。猶古之諸侯。墨綬。謂令長。即古子男之國也。

爵王庭。輿服有庸。庸。常也。而齊於匹豎。叛命避負。非所曰崇憲明理。惠育元元也。臣愚曰。爲守相長吏。惠

和有顯效者。可就增秩。勿使移徙。非父母喪。不得去官。集解。先謙曰。漢世賊汚吏。往往恐劾奏。輒自引去。見陳蕃。范滂等傳。故請限去官之令。其不從法

禁。不式王命。錮之終身。式。用也。雖會赦令。不得齒列。若被劾奏。亡不就法者。徙家邊郡。曰懲其後。鄉部親

民之吏。皆用儒生清白。任從政者。任。堪也。音人林反。寬其負算。負。欠也。算。口錢也。儒生未有品秩。故寬之。增其秩祿。吏職滿歲。宰府州

郡。乃得辟舉。如此。威福之路塞。虛僞之端絕。送迎之役損。賦斂之源息。循理之吏。得成其化。率土之民。

各寧其所。追配文宣。中興之軌。文帝。宣帝也。文帝遭呂氏難。故亦云中興。流光垂祚。永世不刊。帝感其言。中下有司。〔集解〕通鑑。胡注。先已有

此禁。今復申嚴之。惠棟曰。袁宏紀。考其真僞。詳所施行。雒之所言。皆明達政體。而宦豎擅權。終不能用。自是

選代交互。令長月易。迎新送舊。勞擾無已。或官寺空曠。無人案事。每選部劇。乃至逃亡。永建三年。京師

漢陽地皆震裂。水泉涌出。四年，司冀復有大水。

〔集解〕錢大昕曰：司冀，謂司隸校尉所部及冀州也。以司隸校尉領一州，因有司州之名。釋名釋天篇：一云豫司兗冀，一云兗豫司冀。與此所

稱同。而釋州國篇云：司州，司隸校尉所主也。蓋當時案牘省文。魏及晉初，皆都洛陽，仍以司隸校尉領州事。故皆沿司州之稱。然當時命官，則稱司隸校尉。司隸從事，初不係以州也。渡江以後，僑置司州於徐，以刺史領之，不復置司隸。宋齊梁時，司州治義陽郡，乃得晉荆州之地，而尚沿司隸舊名，尤無當矣。

雄推較災異，曰：爲下人有逆上之徵。

天鏡經曰：大水自平地出，破山殺人，其國有兵。〔集解〕又上惠棟曰：經籍志有天鏡地鏡、日月鏡、四垣鏡各一卷。

疏言宜密爲備，曰：候不虞，尋而青冀揚州盜賊連發。數年之間，海內擾亂。其後天下大赦，賊雖頗解，而官猶無備。流叛之餘，數月復起。雄與僕射郭虔共上疏，曰：爲寇賊連年死亡太半，一人犯法，舉宗羣亡。

宜及其尙微，聞令改悔。若告黨與者，聽除其罪。能誅斬者，明加其賞。

〔集解〕惠棟曰：案漢律，先自告除其罪。又光武時，遣使者下郡國，聽羣盜自相糾擿，五人

共斬一人者，除其罪。蓋先時律令及建武故事，本有是科。而雄等復申言之也。

書奏，竝不省。又上言宜崇經術，繕修大學。帝從之。陽嘉元年，太學新成。

詔試明經者補弟子，增甲乙之科。員各十人。除京師及郡國耆儒年六十以上，爲郎舍人。諸士國郎者百三十八人。雄又上言：郡國孝廉，古之貢士，出則宰民，宣協風教。若其面牆，則無所施用。孔子曰：四十

不惑禮稱強仕請自今孝廉年不滿四十不得察舉皆先詣公府諸生試家法儒有一家之學故稱家法文吏課牋

奏〔集解〕惠棟曰漢官儀曰尚書郎以孝廉年未五十先試箋奏初入臺稱郎中滿歲稱侍郎副之端門〔集解〕通鑑胡注宮之正南門曰端門尚書於此受天下章奏令舉者詣公府課試以副本納之端門尚書審覈之惠棟曰案副之

端門覆試之也詳黃瓊傳練其虛實曰觀異能曰美風俗有不承科令者正其罪法若有茂才異行自可不拘年齒帝

從之於是班下郡國明年有廣陵孝廉徐淑謝承書曰淑字伯進廣陵海西人也寬裕博雅好學樂道隨父愷在京師贊孟氏易春秋公羊禮記周官善誦太公六韜交接英雄常有壯志舉茂

才除渤海修令遷琅邪都尉也〔集解〕惠棟曰淑官至度遼將軍見徐璆傳先謙曰官本伯進作伯遠年未及舉臺郎疑而詰之對曰詔書曰有如顏回子奇不拘

年齒解見順帝紀是故本郡曰臣充選郎不能屈雄詰之曰昔顏回聞一知十孝廉聞一知幾邪淑無曰對

乃譴卻郡於是濟陰太守胡廣等十餘人皆坐謬舉免黜〔集解〕沈欽韓曰案廣以被劾心恨故為尚書時駁其察舉之議當據此傳以定其先後次第唯汝

南陳蕃潁川李膺下邳陳球等三十餘人得拜郎中自是牧守畏慄莫敢輕舉迄于永熹察選清平多

得其人〔集解〕惠棟曰張璠漢記云時稱左伯豪為尚書天下皆慎選舉雄又奏徵海內名儒為博士使公卿子弟為諸生有志操者加其

俸祿及汝南謝廉河南趙建年始十二各能通經雄竝奏拜童子郎於是負書來學雲集京師

〔集解〕注欽韓曰北

堂書鈔東觀記陽嘉三年汝南童子謝廉河南趙建年十三各通一經以太學初繕應召而至皆除郎中

初帝廢爲濟陰王乳母宋娥與黃門孫程等共議立帝帝後

呂娥前有謀遂封爲山陽君邑五千戶又封大將軍梁商子冀襄邑侯雄上封事曰夫裂土封侯王制

所重高皇帝約非劉氏不王非有功不侯孝安皇帝封江京王聖等遂致地震之異

〔集解〕通鑑胡注安帝延光二年封王聖是歲

京師及郡國三地震

永建二年封陰謀之功

〔集解〕通鑑胡注陰謀事不見於史

又有日食之變數術之士咸歸咎於封爵今青州飢虛

盜賊未息民有乏絕上求稟貸陛下乾乾勞思呂濟民爲務宜循古法寧靜無爲呂求天意呂消災異

誠不宜追錄小恩虧失大典帝不聽雄復諫曰臣聞人君莫不好忠正而惡讒諛然而歷世之患莫不

呂忠正得罪讒諛蒙倖者蓋聽忠難從諛易也夫刑罪人情之所甚惡貴寵人情之所甚欲是呂時俗

爲忠者少而習諛者多故令人主數聞其美稀知其過迷而不悟至於危亡臣伏見詔書顧念阿母舊

德宿恩，欲特加顯賞。案尚書故事。

〔集解〕通鑑胡注。漢故事皆尚書主之。

無乳母爵邑之制。唯先帝時。阿母王聖爲野王君。

聖造生讒賊廢立之禍。生爲天下所咀嚼。死爲海內所歡快。桀紂貴爲天子。而庸僕羞與爲比者。呂其

無義也。夷齊賤爲匹夫。而王侯爭與爲伍者。呂其有德也。今阿母躬蹈約儉。呂身率下。羣僚蒸庶莫不

向風。而與王聖並同爵號。懼違本操。失其常願。臣愚呂爲凡人之心理不相遠。其所不安。古今一也。百

姓深懲王聖傾覆之禍。民萌之命。

〔集解〕通鑑胡注。危於累卵。常懼時世復有此類。愴惕之念。未離於心。恐注。萌與氓同。

危於累卵。常懼時世復有此類。愴惕之念。未離於心。恐

懼之言。未絕於口。乞如前議。歲呂千萬。給奉阿母。

〔集解〕通鑑胡注。蓋雄先已有此議。今乞行之也。

內足呂盡恩愛之歡。外可不

爲吏民所怪。梁冀之封事。非機急。宜過災厄之運。然後平議。可否會復。有地震。緱氏山崩之異。雖復上

疏諫曰。先帝封野王君。漢陽地震。

〔集解〕通鑑胡注。安帝延光二年。封王聖。是歲京師及郡國三地震。漢陽蓋其一也。

今封山陽君。而京城復震。專政在

陰。其災尤大。臣前後嘗言。封爵至重。王者可私人。呂財不可呂官。宜還阿母之封。呂塞災異。今冀已高

讓山陽君亦宜崇其本節。雄言數切至，娥亦畏懼辭讓。而帝戀戀不能已，卒封之。後阿母遂召交遷失

爵。是時大司農劉據、呂職事被譴，召詣尚書，傳呼促步。

〔集解〕通鑑胡注。促步，推使速行也。

又加呂捶撲，雄上言九卿位亞

三事。

〔集解〕惠棟曰。東觀記作三公。

班在大臣，行有佩玉之節，動有庠序之儀。

禮記曰：公侯佩山玄玉而朱組，大夫佩水蒼玉而緇組。

孝明皇帝始

有撲罰，皆非古典。帝從而改之。其後九卿無復捶撲者。自雄掌納言，多所匡肅，每有章表奏議，臺閣召

爲故事，遷司隸校尉。初，雄薦周舉爲尚書，舉旣稱職，議者咸稱焉。及在司隸，又舉故冀州刺史馮直，召

爲將帥，而直嘗坐臧受罪，舉召此劾奏雄，雄悅曰：「吾嘗事馮直之父，而又與直善，今宣光召此奏吾，乃

是韓厥之舉也，由是天下服焉。」

韓厥，韓獻子也。國語曰：趙宣子舉獻子于靈公，以爲司馬。河曲之役，宣子使人以其乘車于獻子，執而戮之。宣子皆告諸大夫曰：「可賀我矣，吾舉厥也，而中吾乃今知免於罪矣。」〔集

解〕沈欽韓曰：袁宏紀：詔書選武猛任將帥者，雄舉直，直嘗坐罪，臧死，又無武猛驗。舉劾奏雄，雄曰：「詔書使我選武猛，不使選清高，舉曰：「詔書選武猛，不使君選貪汙也。」

明年坐法免，後復爲尚書。永和三年

卒。

周舉字宣光汝南汝陽人陳留太守防之子防在儒林傳舉姿貌短陋〔集解〕惠棟曰汝南先賢傳有姜子之風而博學洽聞

為儒者所宗故京師為之語曰五經從橫周宣光延熹四年〔集解〕錢大昕曰延熹當作延光辟司徒李郃府時宦者孫

程等既立順帝誅滅諸閹議郎陳禪曰為閹太后與帝無母子恩宜徙別館絕朝見〔集解〕沈欽韓曰禪乃閹氏故吏既免阿黨之

誅顧味穎考叔之義欲隔絕帝母子何其愚而悍乎羣臣議者咸曰為宜舉謂郃曰昔鄭武姜謀殺莊公莊公誓之黃泉〔集解〕先謙曰官本少莊公二

字秦始皇怨母失行久而隔絕後感穎考叔茅焦之言循復子道書傳美之鄭武姜生莊公及共叔段愛叔段謀殺莊公公誓之曰不及黃

泉無相見也既而悔之穎考叔為穎谷封人曰若掘地及泉隧而相見其誰曰不然公從之遂為母子如初事見左傳茅焦事解見蘇竟傳也今諸閹新誅太后幽在離宮若悲愁生疾一日

不虞主上將何曰令於天下如從禪議後世歸咎明公宜密表朝廷令奉太后率厲羣臣朝覲如舊曰

厭天心曰答人望郃即上疏陳之明年正月帝乃朝於東宮太后由此曰安後長樂少府朱儁音丑良反代

郃為司徒舉猶為吏〔集解〕惠棟曰案風俗通舉時為東閣祭酒也時孫程等坐懷表上殿爭功帝怒悉徙封遠縣敕洛陽令促

期發遣。舉說朱佞曰：「朝廷在西鍾下時，非孫程等豈立。」

朝廷謂順帝也。孫程與王虔等十八人謀於西鍾下，共立濟陰王爲順帝也。《集解》惠棟曰：「伐柯詩序云：周大夫刺朝廷。」

之不知也。王肅云：「朝廷斥成王，孫毓云：「漢魏稱人主，或云國家，或云朝廷，古今同也。」

雖韓彭吳賈之功，何旨加諸？」

韓信、彭越、吳、賈復也。

今忘其大德，錄其小過，如道

路天折，帝有殺功臣之譏。及今未去，宜急表之。佞曰：「今詔怒。」

《集解》何焯曰：「詔怒下疑有脫文。」

二尚書已奏其事，吾獨表

此，必致罪譴。舉曰：「明公年過八十，位至台輔，不於今時竭忠報國，惜身安寵，欲旨何求？祿位雖全，必陷

佞邪之譏，諫而獲罪，猶有忠貞之名。若舉言不足採，請從此辭。佞乃表諫，帝果從之。舉後舉茂才，爲平

巨令。

平邱縣屬陳留郡。《集解》沈欽韓曰：「今開封府封邱縣東四十里。」

上書言當世得失，辭甚切正。尚書郭虔應賀等見之歎息，其上疏稱

舉忠直。

《集解》汪文臺曰：「御覽五百九十四引張璠漢記云：尚書郭虔見之歎息，上疏願退位避舉，虔作度未知孰是。」

欲帝置章御坐，旨爲規誡。

章謂所上之書。

舉稍遷并州刺

史。太原一郡，舊俗曰介子推焚骸，有龍忌之禁。

新序曰：「晉文公反國，介子推無爵，遂去而之介山之上。文公求之不得，乃焚其山，推遂不出而焚死。事具耿恭傳。龍星木之位也。春見東方，心

爲大火，懼火之盛，故爲之禁火。俗傳云：「子推以此日被焚，而禁火。」《集解》惠士奇曰：「荀爽云：「火生于木，木盛于火，其德爲孝。至夏乃王，其精在天，溫煖之氣，養生百木，是其孝也。至冬則廢，其形在地，酷烈之氣，焚燒山林，是其不孝也。故夏官掌火，冬禁焚菜，後世因之。」

莫知其由。盛冬去火。日爲龍忌。益龍星木位。火生于寅。壯于午。死于戌。夫文。戌火爲威。故爲之禁。焚萊者。謂并州舊俗。遂禁煙爨。每冬中輒一月寒食。好事者因附會介子推焉。沈欽韓曰。淮南要略。操舍開塞。各有龍忌。御覽七十一。魏武帝明罰令曰。太原上黨西河雁門。冬至後百有五日。皆沍寒之地。有舊文。老少羸弱。將有不堪之患。令人不得寒食。案此則不獨太原一郡。亦不止一月寒食。齊民要術。介子推抱樹而死。百姓哀之。忌日爲之斷火。煮醴而食之。名曰寒食。蓋清明前一日也。然則僅斷火一日。鄴中記。并州之俗。以介子推五月五日燒死。故不舉火餉食。非也。北方五月五日。自作飲食祀神。及作五色新盤相問遺。不爲介子推也。御覽琴操曰。介子推抱木而死。文公哀之。令人五月五日不得舉火。此五月五日之說也。又鄴俗。冬至至一百五日。爲介子推斷火。冷食三日。作乾粥。是今之糗。册府元龜六十二。後魏太和二十五年詔。介山之邑。聽爲寒食。自餘禁斷。癸辛雜識。綿上火禁。升平時禁七日。喪亂以來。猶三日。相傳火禁不嚴。則有風沓之變。寒食節。莫尚於唐。雖宮禁亦不然。燭沈佺期詩。所謂普天皆滅燄。而地盡滅煙也。宋後稍弛。而綿上之禁。猶如此。

至其亡月。咸言神靈不樂舉火。由是士民每冬中輒一月寒食。莫敢煙爨。老小不堪。歲多死者。

舉旣到州。乃作弔書。曰。置子推之廟。言盛冬去火。殘損民命。非賢者之意。曰。宣示愚民。使還溫食。

其事見桓

譚新論及汝南先賢傳。集解。沈欽韓曰。桓譚何知有周舉。隋唐經籍志。並有華譚新論十卷。蓋因彼而誤。

於是衆惑稍解。風俗頗革。轉冀州刺史。陽嘉三年。司隸校

尉左雄薦舉。徵拜尚書。舉與僕射黃瓊。同心輔政。名重朝廷。左右憚之。是歲。河南三輔大旱。五穀災傷。

天子親自露坐德陽殿東廂。請雨。又下司隸河南。禱祀河神。名山大澤。詔書。曰。舉才學優深。特下策問。

曰朕曰不德仰承三統

天統地統人統謂之三統事見白虎通

夙興夜寐思協大中

尚書洪範曰建用皇極孔安國注云皇大也極中也言立大中之道而行之也

頃年

曰來旱災屢應稼穡焦枯民食困乏五品不訓王澤未流

五品五常之教也書曰五品不遜汝作司徒敬敷五教在寬訓即遜集解惠棟曰古文不遜今文作訓訓讀爲馴

羣司素餐據非其位審所貶黜變復之徵厥效何由分別具對勿有所諱

集解惠棟曰王充論衡云變復之家以久雨爲湛久陽爲旱旱應亢陽

湛應沈溺又云水旱有歲運歲值其運氣當其世變復之家指而名之人君用其言求過自改又曰變復之家謂虎食人者功曹爲姦所致也蟲食穀者部吏所致也案變復之法當見緯書今不傳

舉對曰臣聞易稱天尊

地卑乾坤定矣二儀交構乃生萬物萬物之中曰人爲貴故聖人養之曰君臣之曰化

集解先謙曰官本臣作成是順

四時之宜適陰陽之和使男女婚娶不過其時包之曰仁恩導之曰德教示之曰災異訓之曰嘉祥此

先聖承乾養物之始也夫陰陽閉隔則二氣否塞二氣否塞則人物不昌人物不昌則風雨不時風雨

不時則水旱成災陛下處唐虞之位未行堯舜之政近廢文帝光武之法而循亡秦奢侈之欲內積怨

女外有曠夫今皇嗣不與東宮未立傷和逆理斷絕人倫之所致也非但陛下下行此而已豎宦之人亦

復虛呂形執威侮良家取女閉之至有白首歿無配偶逆於天心殺終昔武王入殷出傾宮之女帝

紀曰武王入殷命召公釋箕子之囚

成湯遭災呂六事剋己

帝王紀曰湯伐桀後大旱七年洛川竭使人持三足鼎祝於山川曰政不節邪使人疾邪苞苴行邪讒夫昌邪宮室榮邪女謁

行邪何不

魯僖遇旱而自責祈雨

解見楊厚傳〔集解〕惠棟曰案楊厚傳無此注黃瓊傳有之

皆呂精誠轉禍為福自枯旱呂來彌歷年

歲未聞陛下改過之效徒勞至尊暴露風塵誠無益也

〔集解〕通鑑胡注謂露坐無益

又下州郡祈神致請昔齊有大

旱景公欲祀河伯晏子諫曰不可夫河伯呂水為城國魚鼈為民庶水盡魚枯豈不欲雨自是不能致

也晏子春秋之文

陛下所行但務其華不尋其實猶緣木求魚卻行求前

緣木求魚見孟子之文禱詩外傳曰夫明鏡所以照形往古所以知今夫惡知往古之所以危

亡無異卻行而求逮於前人也

誠宜推信革政崇道變惑出後宮不御之女理天下冤枉之獄除大官重膳之費夫五品

不訓責任司徒

〔集解〕惠棟曰尚書大傳云天子三公一曰司徒公二曰司馬公三曰司空公百姓不親五品不訓則責之司徒蠻夷猾夏寇賊奸宄則責之司馬溝瀆擁遏水為民害則責之司空

有非其位宜

急黜斥臣自藩外擢典納言學薄智淺不足呂對易傳曰陽感天不旋日

易稽覽圖之文也解見郎顛傳也

惟陛下留神

裁察。因召見舉。及尚書令成翊世。僕射黃瓊。問曰得失。舉等並對曰。爲宜慎官人。去斥貪汙。離遠佞邪。循文帝之儉。尊孝明之教。則時雨必應。帝曰。百官貪汙佞邪者爲誰乎。舉獨對曰。臣從下州超備機密。

不足召別羣臣。

別音彼列反。

然公卿大臣數有直言者。忠貞也。阿諛苟容者。佞邪也。司徒視事六年。未聞有

忠言異謀。愚心在此。其後召事免司徒劉崎。

〔集解〕沈欽韓曰。帝紀崎以陽嘉三年十一月免。袁紀以災異免。

遷舉司隸校尉。永和元年。災

異數見。省內惡之。詔召公卿中二千石尚書詣顯親殿問曰。言事者多矣。

〔集解〕先謙曰。矣。字官本作云是。

昔周公攝天

子事。及薨。成王欲召公禮葬之。天爲動變。及更葬。召天子之禮。卽有反風之應。

尙書洪範五行傳曰。周公死。成王不圖大禮。故天大雷雨。

禾偃木拔。及成王寤金縢之策。改周公之葬。尊以王禮。申命魯郊。而天立復風雨。禾稼盡起。

北鄉侯親爲天子而葬。召王禮。故數有災異。宜加尊諡。列於昭穆。

羣臣議者多謂宜如詔旨。舉獨對曰。昔周公有請命之應。隆太平之功。故皇天動威。召章聖德。北鄉侯

本非正統。姦臣所立。立不踰歲。年號未改。皇天不祐。大命天昏。

杜預注左傳曰。短折曰夭。未名曰昏。

春秋王子猛不稱崩。魯

子野不書葬。子孟，周景王之子。子野，魯襄公之子。春秋經書王子孟卒，杜元凱注云：未即位，故不言崩。又曰：秋九月癸巳，子野卒。注曰：不書葬，未成君也。今北鄉侯無它功德，曰王禮葬之。

於事已崇，不宜稱諡。〔集解〕惠棟曰：何休春秋漢議云：孝安皇帝崩，立北鄉侯，未踰年薨，以王禮葬。于春，災眚之來，弗由

此也。於是司徒黃尚、太常桓焉等七十人同舉議，帝從之。尚字河伯，河南郡人也。〔集解〕沈欽韓曰：北堂書鈔引楚國先賢傳，黃尚爲

司隸校尉，竇恩自弭，周壽昌曰：水經，河水注，郿縣，漢封黃極忠爲侯，縣南有黃公關。少歷顯位，亦曰政事稱舉出爲蜀郡

太守，坐事免。大將軍梁商表爲從事中郎，甚敬重焉。六年三月上巳日，商大會賓客，讌于洛水。周官曰：女巫掌歲時

祓除，豐沔，鄭玄云：如今三月上巳水上之類也。司馬彪續漢書曰：三月上巳，宮人皆聚於東流水上，自洗濯祓除，爲大絜也。〔集解〕類

正月至月晦，人並爲酺，食度水，士女悉滿，鬻酒於水濱，以爲度厄，不獨二月上巳也。宋書禮志云：漢書，八月祓於霜上，劉楨魯

都賦：素秋二七，天漢指隅，人皆祓除，國子水嬉，是又用七月十四也。自魏以後，但用三日，不以巳。古人用日，例以十干，如上辛上戊之

類，無用支者，見周密癸辛雜識。舉時稱疾不往，商與親暱，酣飲極歡，及酒闌，倡罷，繼曰：靡露之歌，坐中聞者皆爲掩涕。〔集解〕

曰：靡露，今之挽歌也。崔豹古今注：靡露歌曰：靡上露，何易晞，露晞明朝還復落，人死一去何時歸。〔集解〕李良棗曰：按古今注，露上有朝字，以七字爲句。太僕張种時亦在焉，會還，曰：事告舉，舉歎

曰此所謂哀樂失時非其所也歿將及乎

左傳曰叔孫昭子與宋公語相泣樂祁退而告人曰君與叔孫其皆死乎吾聞之哀樂而樂哀皆喪心也心之精爽是謂魂魄魂魄去之何以能久也

商至秋果薨商疾篤帝親臨幸問呂遺言對曰人之將死其言也善臣從事中郎周舉清高中正可重

任也

〔集解〕汪文臺曰初學記十二御覽二百一十三續漢書云清慎高亮可任諫議大夫

由是拜舉諫議大夫時連有災異帝思商言召舉於顯親殿

問呂變嘗舉對曰陛下初立遵修舊典興化致政遠近肅然頃年呂來稍違於前朝多寵倖祿不序德

觀天察人準今方古誠可危懼書曰僭恆嗚若

尚書洪範之言也孔安國注曰君行僭差則常嗚順之也

夫僭差無度則言不從而下不

正陽無呂制則上擾下竭宜密嚴敕州郡察彊宗大姦呂時禽討其後江淮猾賊周生徐鳳等處處並起如舉所陳時詔遣八使巡行風俗皆選素有威名者乃拜舉爲侍中與侍中杜喬守光祿大夫周栩

前青州刺史馮羨尙書樂巴

〔集解〕洪亮吉曰案巴傳由議郎守光祿大夫與周舉等同使此言尙書蓋由巴後所歷官言之順帝紀八使內言光祿大夫周舉亦由舉後所歷官言

侍御史張

綱兖州刺史郭遵

〔集解〕汪文臺曰御覽七百七十八續漢書作甄遵

太尉長史劉班竝守光祿大夫分行天下其刺史二千石有臧

罪顯明者，驛馬上之，墨綬，曰下，使輒收舉。

集解：通鑑胡注：刺史二千石大吏驛馬上奏其罪，取旨黜免，驛馬欲速達京闕也。墨綬，縣令長也。令長以下便收案舉劾。上時嘗反，惠棟曰：案漢法，墨

綬有罪，先請。今權時定制，如前漢呂步舒治淮南獄，顯斷于外，不請也。

其有清忠，愚利爲百姓所安，宜表異者，皆曰狀上。於是八使同時俱拜。天

下號曰八俊。舉於是劾奏貪猾，表薦公清，朝廷稱之。遷河內太守，徵爲大鴻臚。及梁太后臨朝，詔曰：殤

帝幼崩，廟次宜在順帝下。太常馬訪奏宜如詔書，諫議大夫呂勃曰：爲應依昭穆之序。先殤帝後順帝，

詔下公卿舉議曰：春秋魯閔公無子，庶兄僖公代立，其子文公遂躋僖於閔上。孔子譏之，書曰：有事於

太廟，躋僖公，傳曰：逆祀也。

事見左氏傳。

及定公正其序，經曰：從祀先公爲萬世法也。

左氏傳：從祀先公，杜預云：從順也。先公閔公，僖公也。將正

二公之位，親盡故通言先公也。

今殤帝在先，於秩爲父，順帝在後，於親爲子，先後之義不可改。昭穆之序不可亂。呂勃議

是也。太后下詔從之。遷光祿勳，會遭母憂去職。後拜光祿大夫。建和三年卒。朝廷曰：舉清公亮直，方欲

曰爲宰相，深痛惜之。乃詔告光祿勳汝南太守曰：昔在前世，求賢如渴，封墓軾閭，曰光賢哲。

尙書曰：武王入殷，封比干。

襄軾商容闕

故公叔見誅翁歸蒙述所曰昭忠厲俗作範後昆

公叔文子衛大夫也文子卒其子戍請諡於君君曰昔者衛國凶飢夫子爲粥與國之餓者不亦惠乎衛國有難夫子以

其死衛寡人不亦貞乎夫子聽衛國之政修其班制不亦文乎諡夫子貞惠文子事見禮記尹翁歸爲右扶風宣帝下詔褒揚賜金百斤班固曰翁歸承封帝揚厥聲故曰蒙述也〔集解〕劉攽曰注尹翁歸爲右扶風案文少一卒字

故光祿大夫

周舉性倅夷魚

伯夷史魚也

忠踰隨管

隨會管仲

前授牧守及還納言出入京輦有欽哉之績

史記堯典曰咨十有二牧欽哉

任禁

闕有密靜之風

〔集解〕惠棟曰今文尙書曰密靜殷邦

子錄乃勳用登九列方欲式序百官亮協三事不永夙終用乖遠圖

朝廷愍悼良爲愴然詩不云乎肇敏戎功用錫爾祉

詩大雅也肇謀也敏疾也戎汝也錫賜也祉福也

其令將大夫曰下到喪發日

復會弔加賜錢十萬呂旌委蛇素絲之節焉

國風羔羊詩羔羊之皮素絲五純通食自公委蛇委蛇

子總音叶

總字巨勝少尙玄虛

〔集解〕惠棟曰袁宏紀云元虛養道以典墳自娛

呂父任爲郎自免歸家父故吏河南召夔爲郡將卑身降禮

致敬於總總恥交報之因杜門自絕後太守舉孝廉復曰疾去時梁冀貴盛被其徵命者莫敢不應唯

總前後三辟竟不能屈

〔集解〕惠棟曰蔡邕周巨勝碑云故大將軍梁冀專國作威海內從風世之雄才俊逸之徒莫不委質從命而顛覆者蓋亦多矣聞君洪名前後三辟卒不降身由是縉紳歸高羣公事德

後舉

賢良方正不應。又公車徵。玄纁備禮。固辭廢疾。常隱處竄身。慕老聃清淨。杜絕人事。巷生荆棘。十有餘歲。至延熹二年。乃開門延賓。游談宴樂。及秋。而梁冀誅。年終而總卒。時年五十。蔡邕曰。爲知命。〔集解〕惠棟曰。見周

巨勝碑也。

自總曾祖父揚。至總孫恂。六世一身。皆知名云。

黃瓊。字世英。江夏安陸人。魏郡太守香之子也。香在文苑傳。瓊初曰。父任爲太子舍人。辭病不就。遭父憂。服闋。五府俱辟。連年不應。永建中。公卿多薦瓊者。於是會稽賀純。廣漢楊厚。俱公車徵。〔集解〕惠棟曰。蔣杲云。於是下

疑脫與字。

瓊至。綸氏稱疾不進。

綸氏。卽夏之綸國。少康之邑也。竹書紀年云。楚及秦伐鄭。綸氏。今洛州故嵩陽縣城是也。〔集解〕沈欽韓曰。一統志。潁陽故城在河南府登封縣西南。春秋鄭綸氏邑。漢置綸氏縣。後魏改潁陽縣。元和

志。隋改嵩陽。故注云然。

有司劾不敬。詔下縣。曰。禮慰遣。遂不得已。先是徵聘處士。多不稱望。李固素慕於瓊。乃曰。書

逆遺之曰。聞已度伊洛。近在萬歲亭。豈卽事有漸。將順王命乎。

萬歲亭在今洛川。故嵩陽縣西北。武帝元封元年。幸緱氏。登太室。關山上呼萬歲聲者三。因以名焉。

〔集解〕先謙曰。官本川作州是。

蓋君子謂伯夷隘。柳下惠不恭。故傳曰。不夷不惠。可否之間。

論語孔子曰。伯夷叔齊。不降其志。不辱其身。謂柳下惠少連。降志辱身。我

則異於是無可無不可鄭玄注云不為夷齊之清不為惠連之屈故曰異於是也〔集解〕先謙曰揚雄法言云或問李仲元何如人揚子云不夷不惠可否之間也注未是

蓋聖賢居身之所珍也誠遂欲枕

山棲谷擬跡巢由斯則可矣若當輔政濟民今其時也自生民日來善政少而亂俗多必待堯舜之君

此為志士終無時矣嘗聞語曰嶢嶢者易缺皦皦者易汙

〔集解〕惠棟曰廣雅嶢嶢危也曹憲曰嶢音堯胡嶢嶢山之高也皦皦玉石之白也嶢倪么反陽春

之曲和者必寡盛名之下其實難副

宋玉對楚襄王問曰客有歌於郢中者為下里巴人國中屬而和者數千人為陽春白雪屬而和者不過數百人是其曲彌高其和彌寡〔集解〕周書昌曰案新序其為

陽春采薇國中屬而和者數百人其為陽春白雪國中屬而和者數十人矣引商刻角雜以流徵國中屬和不過數人是其曲彌高其和彌寡文選同是和寡者以引商刻角流徵之曲最高也屬文時因陽春字面較工故不用流徵梁書庾肩吾與湘東王書陽春高而不和妙聲絕而不尋蓋已承其誤茲注亦漏引商刻角一層僅望文生訓不知不注原典也近魯陽樊君被徵初至朝廷設壇席猶待神明樊君樊英也雖無

大異而言行所守亦無所缺而毀謗布流應時折減者

〔集解〕通鑑胡注言名譽折減也折食列反

豈非觀聽望深聲名太盛

乎〔集解〕通鑑胡注言其聲名之盛素動人之觀聽故所望者深也

自頃徵聘之士胡元安薛孟嘗朱仲昭顧季鴻等

〔集解〕惠棟曰汝南先賢傳胡定字元安潁川潁陽人也

至行絕人在喪雄兔遊其庭雲霜覆其室縣令遣戶曹掾排闥問定已絕殺妻子皆臥在牀令遺掾以乾糲就道之定乃受牛顧奉見張霸傳沈欽韓曰吳志注吳錄云顧雍曾祖父奉字季濞潁川太守

其功業皆無所採是故

俗論皆言處士純盜虛聲。願先生弘此遠謨，令衆人歎服。一零此言耳。瓊至，卽拜議郎，稍遷尙書僕射。

初，瓊隨父在臺閣，習見故事，及後居職，達練官曹。

〔集解〕通鑑胡注，達，明也。練，習也。言明習尙書諸曹事也。

爭議朝堂，莫能抗奪。

〔集解〕通鑑胡

注，莫能抗言，以奪其議也。

時連有災異，瓊上疏順帝曰：間者日來，卦位錯謬。

易乾鑿度曰：求卦主歲術，常以太歲爲歲紀。歲七十，六爲一紀，二十紀爲一部首，卽置積部首歲數，加所

入紀歲數，以三十二除之，不足除者，以乾坤始數二卦而得一歲，未算卽主歲之卦也。

寒燠相干，蒙氣數興，日闇月散。

蒙，陰闇也。散，謂不精明。〔集解〕惠棟曰：蒙氣之說，詳棟所撰九經古義。

原之

天意殆不虛然，陛下宜開石室，案河洛。

石室，藏書之府。河洛，圖書之文也。

外命史官悉條上，永建日前，至漢初災異，與永

建日後，訖于今日，孰爲多少，又使近臣儒者，參考政事，數見公卿，察問得失，諸無功德者，宜皆斥黜。臣

前頗陳災眚，并薦光祿大夫樊英，太中大夫薛包，及會稽賀純。

〔集解〕惠棟曰：虞預言書云：賀氏本姓慶氏，純儒學有重名。安帝時爲侍中，江夏太守，去官與江夏

黃瓊、漢中楊厚，俱公孫徵，避安帝父孝德皇帝諱，改爲賀氏，純事具見李固傳注。

廣漢楊厚，朱蒙御省。

〔集解〕先謙曰：官本，朱作未是。

伏見處士巴郡黃錯。

〔集解〕惠棟曰：案華陽國志有

隱士黃錯，爲巴郡太守。王堂所舉，後至大位。

漢陽任棠。

〔集解〕惠棟曰：皇市謚高士。傳云：棠字季卿，見龐參傳。

年皆耆耄，有作者七人之志。

論語曰：作者七人。注云：謂伯夷、叔齊、虞仲、夷逸。

朱張柳下惠少連。集解先謙曰。官本志作論。考證云。論毛本作志。

宜更見引致。助崇大化。於是有詔公車徵錯等。三年大旱。瓊復上疏曰。昔

魯僖遇旱。曰六事自讓。躬節儉。閉女謁。放讒佞者十三人。誅稅民受貨者九人。

春秋考異郵曰。僖公之時。雨澤不澍。比于九月。公大驚懼。

率羣臣禱山川。以六過自讓。緇女謁。放下讒佞郭都之等十三人。誅頭人之吏受貨賂趙視等九人。曰。辜在寡人。方今天旱。野無生稼。寡人當死。百姓何謗。請以身塞無狀也。集解劉攽曰。注郭都之等。案文多一之字。先謙曰。官本頭作領。是。

退舍南

郊。天立大雨。今亦宜顧省政事。有所損闕。務存質儉。曰易民聽。尚方御府。息除煩費。明敕近臣。使遵法

度。如有不移。示曰好惡。數見公卿。引納儒士。訪曰政化。使陳得失。又囚徒尚積。多致死亡。亦足曰感傷

和氣。招降災旱。若改敝從善。擇用嘉謀。則災消福至矣。書奏。引見德陽殿。使中常侍曰瓊奏書屬主者

施行。自帝即位。曰後不行藉田之禮。瓊曰國之大典。不宜久廢。上疏奏曰。自古聖帝哲王。莫不敬恭明

祀。增致福祥。故必躬郊廟之禮。親藉田之勤。曰先羣萌。率勸農功。昔周宣王不藉千畝。虢文公曰爲大

譏。卒有羌戎之難。終損中興之名。

國語曰。宣王即位。不藉千畝。虢文公諫曰。夫人之大事在農。上帝之粢盛於是乎出。故禮爲大官。古者太史順時。就土農祥。農正日。月底于天廟。先時九日。太史告稷曰。陽氣

俱蒸土膏其動。稷以告王。王卽齋宮。百官御事。王耕一畝。班三之。庶人終于千畝。王弗聽。後師敗績于姜氏之戎。瓊音扶發反。

竊見陛下遵稽古之鴻業。體虔肅旨應天。順時奉元。

懷柔百神。朝夕觸塵埃於道路。晝暮聆庶政旨卹人。雖詩詠成湯之不怠遑。書美文王之不暇食。誠不

能加。

詩商頌曰。不愆不濫。不敏怠違。書曰。文王至于日中。於不遑暇食也。

今廟祀適闕。而祈穀絜齋之事。近在明日。臣恐左右之心。不欲屢動。

聖躬。旨爲親耕之禮。可得而廢。臣聞先王制典。藉田有日。司徒咸戒。司空除壇。先時五日。有協風之應。

王卽齋宮。饗醴載末。誠重之也。自癸巳旨來。仍西北風。甘澤不集。寒涼尙結。

西北風曰不周風。亦曰厲風。見呂氏春秋也。

迎春

東郊。既不躬親。先農之禮。所宜自勉。旨逆和氣。旨致時風。

五經通義曰。八風者。八卦之氣。八風以時至。則陰陽變化之道成。萬物得以時育生之。〔集解〕先謙曰。官本少

五經二字。末之作也。

易曰。君子自強不息。斯其道也。

乾卦象曰。天行健。君子以自強不息也。

書奏。帝從之。頃之。遷尙書令。瓊旨前左雄

所上。孝廉之選。專用儒學文吏。於取士之義。猶有所遺。乃奏增孝悌及能從政者爲四科。事竟施行。又

雄前議舉吏。先試之於公府。又覆之於端門。後尙書張盛奏除此科。

〔集解〕惠棟曰。盛。太傅禹長子。

瓊復上言覆試之作。

將呂澄洗清濁，覆實虛濫，不宜改革，帝乃止。出爲魏郡太守，稍遷太常。和平中，呂選入侍講禁中。元嘉

元年，遷司空，桓帝欲襲崇大將軍梁冀，使中朝二千石呂上會議其禮。

〔集解〕通鑑胡注：西都中世以後，以三公九卿爲外朝官，東都無中外朝之別。

此中朝直謂朝廷。惠棟曰：案胡說非。周禮樞人職：鄭元注：今司徒府中有百官朝會之殿。云天子與丞相舊決大事，是外朝之存者。歟。內朝路門外之朝也。又朝士注曰：今司徒有天子以下大會殿，亦古之外朝。干寶周禮注曰：禮司徒府中有百官朝會殿。續漢志曰：

詔羣臣會司徒議，是東漢以來外朝之證也。

特進胡廣、太常羊溥、司隸校尉祝恬、太中大夫邊韶等咸稱冀之勳德，其制度賚賞

呂宜比周公，錫之山川土田附庸。

詩魯頌曰：王曰叔父，世爾元子，俾侯於魯。啓爾土宇，爲周室輔。乃命魯公俾侯于東，賜之山川土田附庸。注云：王，成王也。叔父，周公也。〔集解〕劉敞曰：正文以宜周公，空以宜不成。

文理當作宜以。沈欽韓曰：袁紀無以字更順。胡注：此西都諸臣所以尊王莽者。今廣復欲以崇冀，微黃瓊之言，殆哉。王補曰：觀此議，則胡黃儂劣懸殊。蔡邕贊曰：我黃我胡。厥純懿超，故選猗。莫參其二，是則老韓同傳，所以大爲世誦也。

瓊獨建議

曰：冀前呂親迎之勞，增邑三千，又其子盾亦加封賞。昔周公輔相成王，制禮作樂，化致太平，是呂大啓

土宇，開地七百。

禮記明堂位曰：周公相武王以伐紂，武王崩，成王幼弱，周公踐天子位，以理天下。七年，致政於成王。成王以

今

諸侯呂戶邑爲制，不呂里數爲限。蕭何識高祖於泗水，霍光定傾危呂興國，皆益戶增封，呂顯其功。

高祖

爲泗上亭長。蕭何佐之。後拜何爲相國。益封五千戶。霍光廢昌邑王。立宣帝。後益封光萬七千戶。

冀可比鄧禹。合食四縣賞賜之。差同於霍光。使天下知賞必當

功。爵不越德。朝廷從之。冀意曰。爲恨。會曰。地動策免。

〔集解〕沈欽韓曰。帝紀元嘉元年冬閏月。瓊爲司空。二年十一月免。袁紀元年十月爲司空。十一月以會議梁冀事。冀恨之。因

地動策免。則在踰月耳。元年二年皆有地動。此傳亦云梁冀。意以爲恨。會以地動策免。則與袁紀合。於當年免司空也。

復爲太僕。永興元年。遷司徒。轉太尉。梁冀前後所託辟

召。一無所用。雖有善人。而爲冀所辟舉者。亦不加命。延熹元年。日日食免。復爲大司農。明年。梁冀被誅。

太尉胡廣。司徒韓續。

〔集解〕惠棟曰。續風俗通作演。

司空孫朗。皆坐阿附免廢。

〔集解〕惠棟曰。漢法阿附反。處與同罪。見袁安傳。案胡廣傳。廣等坐不衛宮。皆滅死一等。

復拜

瓊爲太尉。曰師傅之恩。而不阿梁氏。乃封爲邠鄉侯。

說文云。邠。潁川縣也。漢潁川有周承休侯國。元始二年。更名曰邠。音元。〔集解〕惠棟曰。袁紀載詔云。太尉黃瓊。清儉不撓。數有

忠譽。加以典謀深奧。有師傅之義。連在三司。不阿極貴。疾風知勁草。朕甚嘉焉。其封瓊邠鄉侯也。沈欽韓曰。二漢志。潁川均無邠縣。說文蓋譌鄉爲縣也。集韻十一。唐邠城名在陽翟。類篇引同集韻。又云。縣名在潁川。知說文之譌已久。紀要。承休廢縣。在今汝州治子

城。東。邑千戶。瓊辭疾。讓封六七上。言旨懇惻。乃許之。梁冀既誅。瓊首居公位。舉奏州郡素行貪汙。至死徙

者十餘人。海內由是翕然望之。尋而五侯擅權。傾動內外。自度力不能匡。乃稱疾不起。

五侯。謂左。館徐璜等。

四年。

呂寇賊免其年復爲司空秋呂地震免七年疾篤上疏諫曰臣聞天者務剛其氣君者務彊其政

〔集解〕

惠棟曰解見丁鴻傳

是呂王者處高自持不可不安履危任力不可不據夫自持不安則顛任力不據則危故聖

人升高據上則呂德義爲首涉危蹈傾則呂賢者爲力

〔集解〕王補曰袁紀作則以忠賢爲助

唐堯呂德化爲冠冕呂稷契

爲筋力高而益崇動而愈據此先聖所呂長守萬國保其社稷者也昔高皇帝應天順民奮劍而王埽除秦項革命創制降德流祚至於哀平而帝道不剛秕政日亂遂使姦佞擅朝外戚專恣所冠不呂仁義爲冕所蹈不呂賢佐爲力終至顛蹶滅絕漢祚天維陵弛民鬼慘愴賴皇乾眷命炎德復輝光武呂聖武天挺繼續興業創基冰泮之上立足枳棘之林

泮冰喻危陷枳棘喻艱難

擢賢於衆愚之中畫功於無形之世

形兆也言未有天下之兆畫或作畫也

崇禮義於交爭循道化於亂離是自歷高而不傾任力危而不跌興復洪祚開建中

興光被八極垂名無窮至於中葉盛業漸衰陛下初從藩國爰升帝位天下拭目謂見太平而卽位呂

來。未有勝政。

〔集解〕通鑑胡言政事未有以勝于前朝也。

諸梁秉權，豎宦充朝，重封累職，傾動朝廷，卿校牧守之選，皆出其門。

羽毛齒革，明珠南金之寶，殷滿其室。

殷，盛也。

富擬王府，執回天地，言之者必族，附之者必榮，忠臣懼死。

而杜口，萬夫怖禍而木舌。

法言曰：金口木舌也。〔集解〕吳仁傑曰：案金口木舌，木鐸也，所以振文事，辭意不類，疑不當作木。楚漢春秋人銜枚，馬束舌，李尋曰：智者結舌，顏注謂不敢出言也。周壽昌曰：木猶內經麻木之木。

謂不能運掉也。章懷及吳說並非。

塞陛下耳目之明，更爲聾瞽之主，故太尉李固、杜喬、忠臣直言，德曰輔政，念國亡身，隕

歿爲報，而坐陳國議，遂見殘滅。

坐音才，臥反。

賢愚切痛，海內傷懼，又前白馬令李雲指言宦官罪穢，宜誅，皆

因衆人之心，言救積薪之敵。

賈誼上疏曰：夫抱火厝之積薪之下，而寢其上，火未及然，因謂之安，方今之政，何以異此也。

弘農杜衆，知雲所言宜行，懼雲言

忠獲罪，故上書陳理之，乞同日而死，所曰感悟國家，庶雲獲免，而雲既不辜，衆又并坐，天下尤痛，益言

怨結，故朝野之人，言忠爲諱，昔趙殺鳴犢，孔子臨河而反，夫覆巢破卵，則鳳皇不翔，刳牲天胎，則麒麟

不臻，誠物類相感，理使其然。

史記曰：孔子將西見趙簡子，至於河，而聞竇鳴犢舜華之死也，臨河而歎曰：美哉，洋洋，丘之不濟，此命也。夫竇鳴犢舜華，晉之賢大夫也，趙簡子未得志之時，須此兩人而後從政，及其得志，

而殺之。臣聞剗胎殺夭，則麒麟不至郊，齷而漁，則蛟龍不處其淵。覆巢毀卵，則鳳皇不翔。何則？君子諱傷其類也。事亦見孔子家語文也。

尙書周永，昔爲沛令，素事梁冀，幸其威勢，坐事

當罪，越拜令職，見冀將衰，乃陽毀示忠，遂因姦計，亦取封侯。

〔集解〕沈欽韓曰：永封下邳，高遷鄉侯。一統志高遷亭在邳州界。

又黃門協邪。

〔集解〕惠棟曰：協與挾通。

羣輩相黨，自冀輿盛，腹背相視，朝夕圖謀，共構姦軌，臨冀當誅，無可設巧，復記其惡，曰要爵

賞，陛下不加清徵。

〔集解〕官本考證曰：諸本同，徵當作激。惠棟曰：古文易曰：君子以徵忿窒欲。鄭玄云：徵，清也。左傳襄二十七年云：以徵過也。杜預曰：徵，審也。鄭瑗曰：清徵本出楚詞：君含怒以待臣兮，不清徵其然否。通鑑胡注失於引。

證。審別真僞，復與忠臣竝時顯封。

〔集解〕惠棟曰：案袁宏紀忠臣指尹勲等也。

使朱紫共色，粉墨雜蹂，所謂抵金玉於沙礫。

投抵。

也音紙。

碎珪璧於泥塗，四方聞之，莫不憤歎。昔曾子大孝，慈母投杼。

解見寇榮傳。

伯奇至賢，終於流放。

說苑曰：王國子。

前母子伯奇，後母子伯封，後母欲其子立爲太子，說王曰：伯奇好妾，王不信，其母曰：令伯奇於後園，妾過其旁，王上臺視之，即可知。王如其言，伯奇入園，後母陰取蜂十數置單衣中，過伯奇邊，曰：蜂螫我，伯奇就衣中取蜂殺之。王遙見，乃遂伯奇也。〔集解〕劉放曰：注伯奇，王國子。案伯奇是尹吉甫子。王國未詳。官本考證曰：劉注子字諸本皆誤作事。

夫讒諛所舉，無高而不可升，相抑。

〔集解〕王補曰：袁紀作阿黨相抑。

無深而不可淪，可

不察，歟！臣至頑，驚世荷國恩，身輕位重，勤不補過，然懼於永歿，負釁益深，敢目垂絕之日，陳不諱之言。

庶有萬分無恨三泉

三者數之極。一生二。二生三。三生萬物。天地人之極數。故以三爲名者。取其深之極也。

其年卒

〔集解〕惠棟曰。袁紀。七年以太尉臺。范不載。郭仲產。荆州記曰。安陸縣有鳳皇岡。中有黃瓊墓。

時年七十九。贈車騎將軍。謚曰忠侯。

〔集解〕惠棟曰。袁宏紀作昭侯。孫琬。

琬。字子琰。

〔集解〕惠棟曰。文選注引范書作公琰。

少失父。早而辯慧。祖父瓊。初爲魏郡太守。

〔集解〕惠棟曰。文選注引云。少失父母。又云。祖父瓊。言之初爲魏郡太守云云也。

建和元年正月日食。京師不見。而瓊言狀聞。太后詔問所食多少。瓊思其對而未知所況。琬年七歲在

傍。曰。何不言日食之餘。如月之初。瓊大驚。卽言其言。應詔而深奇愛之。後瓊爲司徒。琬言公孫拜童子

郎。辭病不就。知名京師。時司空盛允有疾。

〔集解〕惠棟曰。司徒盛允碑云。公字伯世。梁國虞人也。其先甌氏。至漢中葉。避孝元帝諱。改姓曰盛。世濟其美。以迄於公。察孝廉。除郎。累遷司徒。司空也。

瓊遣琬候問。會江夏上蠻賊事。副府。

副本諡。公府也。

允發書視畢。微戲琬曰。江夏大邦。而蠻多士少。琬奉手對

曰。蠻夷猾夏。責在司空。

〔集解〕惠棟曰。蠻夷猾夏。責在司馬。云司空者。蓋琬借以譏允也。

因拂衣辭去。允甚奇之。稍遷五官中郎將。時陳蕃

爲光祿勳。深相敬待。數與議事。舊制光祿舉三署郎。言高功久次才德尤異者爲茂才。四行。

久次。謂久居官次也。〔集

〔集解〕惠棟曰：應劭漢官儀云：三署郎有行應四科者，歲舉茂才二人，四行二人，三署謂五官署也，左右署也，四行注見吳祐傳。

時權富子弟多言人事得舉，而貧約守志者，言窮退

見遺京師爲之謠曰：欲得不能，光祿茂才。

能音乃來反。

於是琬、蕃同心，顯用志士，平原劉醇、河東朱山、蜀郡

殷參等。

〔集解〕惠棟曰：案華陽國志，無殷參名，獨士女目錄有殷知孫對人爲柳宗所拔，致郡守或參之字也，本傳作智孫。

並言才行蒙舉，蕃、琬遂爲權富郎所見，中傷事

下御史中丞王暢、侍御史刁韞、韞、暢素重蕃，琬不舉其事，而左右復陷言朋黨，暢坐左轉議郎，而免蕃

官，琬、韞俱禁錮，韞字子榮，彭城人，後陳蕃被徵，而言事者多訟韞，復拜議郎，遷尚書，在朝有鯁直臣節。

〔集解〕先謙曰：臣字衍，官本無。

出爲魯、東海二郡相。

〔集解〕錢大昕曰：漢制，諸侯王國稱相，郡稱太守，此郡當爲國之誤。

性抗厲，有明略，所在稱神，常言法度自

整，家人莫見，惝容焉。琬被廢棄，幾二十年，至光和末，太尉楊賜上書薦琬有撥亂之才，由是拜徵議郎，

擢爲青州刺史，遷侍中，中平初，出爲右扶風，徵拜將作大匠，少府太僕。

〔集解〕沈欽韓曰：袁紀：中平末，涼州叛，大軍出征，軍調不足，貨殖之徒多以財

爲官者，或起家爲州郡，琬由是奏太尉樊陵、司徒許相，皆竊位懷祿，苟進無恥，終無匡救之益，必有覆公折足之患，宜皆罷遣，以清治路，軍費難急，禮義廉恥，國之大本也，苟非其選，飛車在墉，爲國生事，此猶負石救溺，不可不察。

又爲豫州牧。

時寇賊陸梁州境彫殘。琬討擊平之。威聲大震。

〔集解〕沈欽韓曰：袁紀是時上遣下軍校尉鮑鴻征葛陂賊。鴻因軍徵發盜官物。贓過千萬。琬爲糾奏其姦。論鴻如法。汪文臺曰：文選曹植贈

丁續詩注：黃琬拜豫州。咸適百城。

政績爲天下表。封關內侯。及董卓秉政。曰琬名臣。徵爲司徒。遷太尉。更封陽泉鄉侯。

〔集解〕

沈欽韓曰：張宗傳爲縣陽泉鄉佐。廬江有陽泉鄉。水經注：決水右會陽泉水。東北流逕陽泉縣。故城南。故陽泉鄉也。獻帝封黃琬爲侯國。一統志：陽泉故城在潁州府霍邱縣西。

卓議遷都長安。琬與司徒楊彪同

諫。不從。琬退而駁議之曰：昔周公營洛邑。曰寧姬。光武卜東都。曰降漢。天之所啓。神之所安。大業旣定。

豈宜妄有遷動。曰虧四海之望。時人懼卓暴怒。琬必及害。固諫之。琬對曰：昔白公作亂於楚。屈廬冒刃

而前。

新序曰：白公勝殺楚惠王。王出亡。令尹司馬皆死。勝拔劍而罵之於屈廬。曰：子與我將舍子。不與我將殺子。屈廬曰：詩有之曰：莫莫葛藟。延于條枚。愷悌君子。求福不回。今子殺子叔父。而求福與廬也。可乎。且吾聞之：知命之士。見利不動。臨死則死。是謂

人臣之禮。故上知天命。下知臣道。其可劫乎。子胡不推之。白公勝乃入其劍焉。

崔杼弑君於齊。晏嬰不懼其盟。

解見馮衍傳。

吾雖不德。誠慕古人之節。琬竟

坐免。卓猶敬其名德。舊族不敢害。後與楊彪同拜光祿大夫。及徙西都。轉司隸校尉。與司徒王允同謀誅卓。及卓將李傕、郭汜攻破長安。遂收琬下獄死。時年五十二。

論曰古者諸侯歲貢士進賢受上賞非賢貶爵士升之司馬辯論其才論定然後官之任官然後祿之

尙書大傳曰古者諸侯之於天子三年一貢士一適謂之好德再適謂之賢賢三適謂之有功有功者天子賜以車服弓矢號曰命諸侯有不貢士謂之不率正一不適謂之過再不適謂之傲三不適謂之誣誣者天子絀之一絀以爵再絀以地三絀而爵地畢也

〔集解〕惠棟曰修文殿御覽引闕子曰進賢受上賞下不蔽善故王者得其人進仕勸其行經邦弘務所由久矣漢初詔舉賢良方正州郡察孝廉秀才斯亦貢士之方也中興呂後復增敦朴有道賢能直言獨行高節質直清白敦厚之屬

〔集解〕王補曰前書成帝紀永始二年詔部刺史舉惇樸遜讓有行義者各一人平帝紀元始元年公卿將軍中二千石舉敦樸能直言者各一人似惇樸敦厚直言諸科非增于中興以後榮路既廣缺望難裁

〔集解〕惠棟曰前書

云上欲用虛縮羣臣缺望臣贊曰望相缺而怨望也缺音決司馬貞曰缺又音企章昭音冀自是竊名僞服沒呂流競權門貴仕請謁繁興自左雄任事限年

試才雖頗有不密固亦因識時宜

〔集解〕劉歆曰案文當作因時識宜

而黃瓊、胡廣、張衡、崔瑗之徒泥滯舊方互相詭駁循

名者屈其短算實者挺其效故雄在尙書天下不敢妄選十餘年間稱爲得人斯亦效實之徵乎順帝始呂童弱反政而號令自出知能任使故士得用情天下喁喁仰其風采遂乃備玄纁玉帛呂聘南陽

樊英。天子降寢殿。設壇席。尚書奉引。延問失得。急登賢之舉。虛降己之禮。於是處士鄙生。忘其拘儒。

儒。拘

猶褊狹也。〔集解〕沈欽韓曰。廣雅釋詁。儒。短也。又柔也。荀子修身篇注。儒謂懦弱長事。

拂巾衽褐。引企旌車之招矣。至乃英能承風。俊又成事。若李固。周

舉之淵謨弘深。左雄。黃瓊之政事貞固。桓焉。楊厚。引儒學進。崔瑗。馬融。引文章顯。吳祐。蘇章。种嵩。樂巴。

牧民之良幹。龐參。虞詡。將帥之宏規。王龔。張皓。虛心引推士。張綱。杜喬。直道引糾違。郎顛。陰陽詳密。張

衡。機術特妙。東京之士。於茲盛焉。向使廟堂納其高謀。疆場宣其智力。帷幄容其審辭。舉厝稟其成式。

則武官之軌。豈其遠而。

而語辭也。論語曰。豈不爾思。室是遠而。

詩云。靡不有初。鮮克有終。可爲恨哉。及孝桓之時。碩德繼興。

碩。大也。

陳蕃。楊秉。處稱賢宰。皇甫。張段。出號名將。王暢。李膺。彌縫袞闕。

彌縫。猶補合也。詩云。袞職有闕。惟仲山甫補之。

朱穆。劉陶。獻

替匡時。郭有道。獎鑒人倫。陳仲弓。弘道下邑。其餘宏儒遠智。高心累行。激揚風流者。不可勝言。而斯道

莫振。文武陵隊。在朝者。引正義嬰戮。謝事者。引黨錮致災。往車雖折。而來軫方適。

廣雅曰。適。急也。〔集解〕惠棟曰。章昭國語注云。軫。後

橫木也。所引傾而未顛，決而未潰，豈非仁人君子心力之爲乎？嗚呼。

（集解）顧炎武曰：漢自孝武表章六經之後，師儒雖盛，而大義未明，故新莽居攝，頌德獻符者

偏於天下，光武有鑒於此，故尊崇節義，敦厲名實，所舉用者，莫非經明行修之人，而風俗爲之一變。至其末造，朝政昏濁，國事日非，而黨錮之流，獨行之輩，依仁蹈義，舍命不渝，風雨如晦，雞鳴不已。三代以下，風俗之美，無尚於東京者。故范氏以爲桓靈之間，君道批僻，朝綱日替，國隙屢啓，故自中智以下，靡不審其崩離，而權強之臣，息其崗盜之謀，豪俊之夫，屈於鄙生之論，所以傾而未顛，決而未潰，皆仁人君子之爲，可謂知言者矣。王補曰：此論體製，出於前書公孫卜兒列傳。

贊曰：雄作納言，古之八元，舉升呂彙，越自下蕃。

彙，類也。易曰：以其彙，征吉。彙音謂。

登朝理政，竝紆災昏。

紆，解也。音式余反。

瓊名夙

知累章國疵。

疵，病也。

琬亦早秀，位及志差。

志意差舛，不能遂也。差音楚宜反。

後漢書集解卷六十一校補

左雄傳稍遷冀州刺史集解沈欽韓曰至長食乾糲柳從辰曰今書鈔及御覽糲均作飯

臣聞柔遠和邇錢大昭曰闕本臣聞下有之字

職斯祿薄集解惠棟曰至釋文本作廝沈銘彝曰王伯厚云此斯字即旅卦斯其所取災之斯又左傳魏絳曰使臣斯司馬斯亦作此字解今案鄭元傳去廝役之吏周夔傳恥在廝役注皆訓廝為賤此

訓斯為賤章懷本即讀斯為廝固無庸別為之說

追配文宣中興之軌注故亦云中興官本注末有也字

自是選代交互錢大昭曰漢制婚姻之家及兩州人士不過對相監臨所云交互是也令長月易令原誤今錢大昭曰今當作令已據改官本不誤

孔子曰四十不惑官本四十下有而字

諸生試家法注故稱家法官本注脫法字文吏課牋奏沈銘彝曰牋奏已見胡廣傳羅核軒物原漢文始以策取士武帝加問經疑左雄又加牋奏梁武帝始以詞賦唐太宗加律判及詩德宗加論

及詔詰。

臺郎疑而詰之。

錢大昭曰。謂尙書臺郎也。

於是濟陰太守胡廣等十餘人皆坐謬舉免黜。集解沈欽韓曰。至當據此以定其先後次第。

案胡廣在尙書十有

餘年典機事亦十年。乃出爲濟陰太守。以舉吏不實免。復爲汝南太守。入拜大司農。未嘗復爲尙書。廣傳敘次甚明。惟延熹二年。廣坐罪免爲庶人。後拜太中大夫。太常據碑拜太中大夫。後曾爲尙書令。太僕乃爲太常。但事在桓帝末年。雄前卒久矣。是廣駁雄察舉之議。本在前爲尙書時。出守濟陰。舉吏仍不用雄議。乃怙終耳。非挾恨也。且廣駁雄議。駁之於初建議之時也。豈有科令已在。察舉已行。廣既緣謬舉獲咎。猶能追駁之哉。沈乃謂當據雄傳。以改廣傳次第。是好爲紛更也。

迄于永熹。

案永熹卽質帝之永嘉。亦卽史繩祖學齋佔畢記。據邛州古竊封石文。謂當作永嘉者也。史說已詳本紀集解。

年始十二。各能通經。集解沈欽韓曰。

至年十三。

柳從辰曰。今書鈔作年十二。與傳合。臧洪傳注引。亦作年十二。今東觀記作年十三。與沈見本書鈔同。疑二是寫譌。

雄並奏

拜童子郎。

案魏志。司馬朗年十二。試經。爲童子郎。蓋已沿爲故事。

周舉傳。字宣光。

柳從辰曰。書鈔七十二。引續漢書作字真先。

汝南汝陽人。陳留太守防之子。

錢大昭曰。舉地已書于防傳。黃瓊地已書文苑。黃香傳。李固地已書方術。李郃傳。鄭泰地

已書鄭衆傳。可省。案既別爲傳。原不礙各書地。前書賈捐之傳。以捐之爲賈誼曾孫。不別書地。而嚴延年與次弟彭祖各爲傳。亦各書地。明無一定。故錢氏亦第云可省。

太原一郡舊俗。呂介子推焚骸。有龍忌之禁。集解。沈欽韓曰。淮南要略。操舍開塞。各有龍忌。

案高注云。中國以鬼神之

事曰忌。北胡南

越皆謂之請龍。

御覽七十一。魏武帝明罰令曰。至令人不得寒食。

柳從辰曰。令見御覽二十。作七十一。誤也。案沈引御覽。其文脫誤不完。據初學記四引魏

武帝明罰令曰。聞大原。上黨。西河。雁門。冬至後百有五日。皆絕火寒食。云爲介子推。且北方沍寒之地。老少羸弱。將有不堪之患。令人不得寒食。若犯者。家長半歲刑。主吏百日刑。令長奪一月俸。

由是士民每冬中。輒一月寒食。注其事見桓譚新論。及汝南先賢傳。

官本注。未有也字。侯康曰。藝文類聚三引桓譚新論云。太原郡民以隆冬不火食五日。雖

有病緩急。猶不敢犯。爲介子推故也。今案據類聚所引新論。止記太原民俗有此。初不爲周舉發。沈欽韓謂桓譚何知有周舉。直係誤會矣。惟僅不火食五日。與傳言一月寒食者又不合。先賢傳則云。并州以介子推焚死。每冬中輒一月寒食。莫敢煙爨。適與傳說同。故章懷兼及之。侯康又曰。據魏武明罰令。是此風漢末猶存。故史但言頗革。一見下文。頗者。未盡之詞也。其說是矣。惟詳漢世寒食本在冬中。至風俗通謂冬至後百四日五日六日。有疾風暴雨爲寒食。蓋以此三日爲寒食節之驗。過此乃不寒食也。徐陵報尹義尚書云。歸雁銜蘆。多經寒食。則亦就寒食節言。是寒食節與民間禁火日數之多少。必當分別觀之。夫冬至後百有五日。正達次年清明。當以冬至一陽始生。木絕復蘇。已能離火。故禁火。即始冬至。非有他也。若止於冬至日始禁火一月。則又適達大寒。命名寒食。亦或有因。然自唐以後。則皆以清明前一日爲寒食節。禁火三日。唐起北方。當緣敝俗相承。歷世莫變。遂存其名而改其制。以朝廷率天下。此風乃革。所謂民可使由。不可使知也。章懷注。謂懼火之盛。故爲之禁火。因忌火而忌木。並忌木氣之復蘇也。其說自

當有所本。至云龍星春見東方。此特就龍星釋之。並非誤冬禁爲春禁。

五品不訓。注訓卽遜。官本注作訓。亦遜之義。

變復之徵。集解惠棟曰。至案變復之法。當見緯書。今不傳。

沈銘彝曰。列子易變而爲一。七變而爲九。九變者究也。乃復變而爲一。前書武帝紀。九變復貫。知言之選。應劭

云逸詩也。

乾坤定矣。錢大昭曰。定矣。閩本作以定。

少歷顯位。案尙爲大司農時。營救李固。並見固傳。尙或作向。誤也。

祿不序德。柳從辰曰。袁紀。此下有府藏空匱。有瓦解之心二句。案有上當脫民字。

呂勃議是也。柳從辰曰。袁紀。此下有帝不從三字。

後太守舉孝廉。復以疾去。侯康曰。蔡邕周巨勝碑云。察孝廉。是時郡守。梁氏外戚貴寵。非其好也。遂以病辭。太守復察孝廉。乃俯而就之。以明可否。然猶私存衡門講誨之樂。不屑己也。復以疾去。

黃瓊傳嘗聞語曰

官本嘗作常

陽春之曲和者必寡集解周壽昌曰至不如不注原典也

案宋玉對楚王本云其始曰下里巴人國中屬而和者數千人其爲陽阿薤露國中屬而和者數百人其爲陽

春白雪國中屬而和者不過數十人引商刻羽雜以流徵國中屬而和者不過數人而已所謂引商刻羽雜以流徵者乃歌聲之頓挫抑揚由開口闔口而歸注於舌齒之間即謂就陽春白雪而曼聲歌之也成公綏嘯賦協黃宮於清角雜商羽於流徵蘇軾水龍吟嚙徵含宮泛商流羽皆以聲音章懷引書多所刪節省去其爲陽阿薤露二句周氏乃別以引商刻角流徵爲曲名誤矣

卽拜議郎

柳從辰曰書鈔五十六引東觀記瓊以德行高妙公車徵拜議郎豐之職也（今東觀記無此四字）蓋瓊以處士卽拜議郎李固傳亦云衆皆怪其始崇隆也

瓊邊尙書令

柳從辰曰書鈔五十九引華嶠書瓊遷尙書令朝廷事號爲補職案朝廷上疑有脫字

雖詩詠成湯之不怠注不僭不濫

官本注僭讓濫

太中大夫邊韶等

韶在文苑傳官本作詔誤

昔周公輔相成王注七年致政於成王成王以周公有勳勞於天下

官本注成王二字不重

雖有善人而爲冀所辟舉者亦不加命。

官本辟作飾。侯康曰御覽卷二百九及四百二十八引汝南先賢傳曰李宣字公休爲太尉黃瓊所辟是時寒暑不和羌夷數起瓊見掾屬曰是太尉無德願諸掾

有以匡之東平王象對曰昔堯遭洪水之變湯有六年之旱自上聖之君誰能無此明公日昃恪勤袞職修理小掾等無以加增如此至數人瓊欣笑次及於宣宣乃仰曰明公被日月之衣居上司之位輔弼天子處諫諍之職未有對揚謗譽之言其所旌命不授廢谷之士小掾私以於邑小掾聞之三台不明責在三公顧明公深思消復災異進納忠良衆人默然慙愧案先賢傳務表公休之伉直未免淺之乎視瓊矣然亦足見瓊於辟舉雖不徇權要亦猶未能顯拔幽隱使旌命徧逮廢谷也。

乃封爲郟鄉侯。集解沈欽韓曰二漢志潁川均無郟縣說文蓋譌鄉爲縣也。

案郟縣之變遷段玉裁說文解字注考之詳矣前志潁川郡周承休

班注本云侯國元帝置元始二年更名鄭公不云更名郟章懷引班注更名下蓋亦原是鄭公二字至郟音九乃別爲音注也寫書者因鄭郟同一偏旁誤脫二字耳此地未爲國之前本卽潁川之郟縣自前漢改封周後後乃有周承休國無郟縣矣前志斷自孝哀故平帝元始之改國爲鄭亦不取也中興後雖嘗復封周承休旋又改國於衛地爲東郟之故觀縣而周承休故地遂并省入潁川之陽城而爲郟鄉續志自亦無郟縣及周承休矣瓊所封雖實鄉侯其地則仍郟縣故也許書著郟之得名自郟縣固當仍以郟縣解之非有譌也周承休國今汝州東二十六里至紀要所云承休廢縣在今汝州治子城東者乃指隋承休縣非謂漢周承休國

瓊辭疾讓封六七上言旨懇惻乃許之。

觀瓊免司空後猶有疏薨又謚曰忠侯是必仍以列侯就第得奉朝請矣疑雖許辭實封仍嘗受封關內侯爵止及身故瓊卒有謚而琬不聞嗣封也傳變傳已論

之。

而帝道不綱。

官本而作則。

創基冰泮之上。注泮冰喻危陷。

官本注泮冰作冰泮。

伯奇至賢終於流放。注伯奇好妾。

官本奇作子。

王遙見。

官本見下有之字。

其年卒。集解惠棟曰袁紀七年以太尉薨范不載。

案袁紀有誤已詳楊震傳校補。

允甚奇之。

案延熹二年誅梁冀黃瓊復爲太尉允始由大鴻臚爲司空則琬之候允非在拜童子郎不就時矣傳接上文云時司空盛允有疾嫌於無別琬卒於初平二年五十二延熹二年琬年已二十非童子。

出爲魯東海二郡相。

案此互文見義言出爲東海郡魯相也。

集解錢大昕曰至。

案東海非國錢說仍誤。

由是拜徵議郎。

官本拜徵作徵拜是。

擢爲青州刺史遷侍中。

柳從辰曰書鈔卷六十引續漢書琬方殺廉直爲侍中尙書案傳不載琬爲尙書蓋略之。

更封陽泉鄉侯。集解沈欽韓曰至。

在潁州府霍邱縣西。

案續志廬江郡陽泉侯國自係縣侯封地雖其鄉亦有陽泉之名不應縣侯鄉侯並建水經注博而多疏未可據也。

至張宗爲縣陽泉鄉佐宗乃南陽魯陽人此自指魯陽之陽泉鄉沈欽韓乃與廬江之陽泉鄉并爲一談亦誤。

屈廬冒刃而前。注。今子殺子叔父而求福與廬也。可乎。

官本與作於與今本新序合案而求福句與廬也。可乎句與廬即劫廬與已承上與字說亦可通。

見利不

動。臨死則死。

柳從辰曰。今新序作見利不動。臨死不恐。爲人臣者。時生則生。時死則死。

進賢受上賞。

官本上。誤上。

集解。惠棟曰。

至

則下不蔽善。

案高帝云。吾聞進賢受上賞。見蕭相國世家。

復增敦朴有道。賢能直言。獨行高節。質直清白。敦厚之屬。

錢大昭曰。案潛夫論。尙有明經寬博武猛治劇等名。

疆場宜其智力。

官本場。誤場。

帷幄容其謬辭。

官本謬。誤謬。

位及志差。注。差音楚宜反。

官本注。宜作家非。

荀韓鍾陳列傳第五十二

後漢書六十二

宋宣城太守范曄撰

唐章懷太子賢注

王先謙集解

荀淑字季和。潁川潁陰人也。荀卿十一世孫也。

卿名況。趙人也。爲楚蘭陵令。著書二十二篇。號荀卿子。避宣帝諱。故改曰孫也。《集解》惠棟曰：據荀氏譜及家傳云然。

少有高

行。博學而不好章句。多爲俗儒所非。而州里稱其知人。

《集解》惠棟曰：先賢行狀云：淑所拔。草褐芻牧之中。執案刀筆之吏。皆爲英彥。汪文臺曰：魏志荀彧傳注。世說德行注。引

張璠漢記云：拔李昭於小吏。友黃叔度於幼童。

安帝時徵拜郎中。後再遷當塗長。

當塗縣名。故城在今宣州。《集解》吳仁傑曰：案有兩當塗縣。一在九江郡。一在宣州九江之當塗。以塗山得名。故城在唐屬濠

州是也。宣之當塗。則晉成帝時。以當塗流人過江。在于湖者。僞立爲當塗縣。大業十年。屬宣州是也。宣之當塗。晉成帝始置。東都固未有之。膝撫傳注亦同誤。

去職還鄉里。當世名賢李固、李膺等皆師

宗之。及梁太后臨朝。有日食地震之變。詔公卿舉賢良方正。光祿勳杜喬、少府房植舉淑。對策譏刺貴

倖。爲大將軍梁冀所忌。出補朗陵侯相。

續漢書曰：淑對策譏刺梁氏。故出也。

蒞事明理。稱爲神君。頃之棄官歸。間居養志。產

業每增輒曰瞻宗族知友年六十七建和三年卒李膺時爲尙書自表師喪

禮記曰事師無犯無隱左右就養無方服勤至死心喪三年也

二縣皆爲立祠有子八人儉、緄、靖、熹、汪、爽、肅、專並有名稱時人謂之八龍

緄音昆熹音道汪音烏光反說文云汪深廣也俗本改作注非專本或作

敬〔集解〕錢大昕曰專當作專即敬字陶淵明四八目云儉字伯慈靖字叔慈熹字慈光汪字孟慈爽字慈明肅字敬慈專字幼慈見張璠漢記惠棟曰荀氏譜云緄濟南相年六十六或之父熹舉孝廉年七十汪昆陽令年六十肅守舞陽令年五十專司徒掾年七十熹一作壽專古文敷說卦云震爲專是也故注云本或作敷俗本作專誤也汪文臺曰御覽四百三十二七百五十七袁山松書云淑及陳寔神交及其棄朗陵而歸也數命駕詣之淑御慈明從叔慈抱孫文若而行寔亦令元方侍側季方作食抱孫長文而坐相對怡然嘗一朝求食食遲季方尙少跪曰聞大人與荀君言甚善竊聽寔曰汝聽談解否乎謀曰解因令與二慈說之不失一詞二公大悅御覽二百十二書鈔六十謝承書云緄性明亮敏於衆職以助羣僚秉機平正直而行之先謙曰官本謂下奪之字

荀氏舊里名西豪

今許州城內西南有荀淑故宅相傳云即舊西豪里也

穎陰令渤海苑康曰爲昔高陽氏有才子八人

左傳曰昔高陽氏有才子八人

蒼舒、隕散、檮戴、大臨、彪降庭堅、仲容、叔達

今荀氏亦有八子故改其里曰高陽里靖有至行不仕年五十而終號曰玄行先生

皇甫謐高士傳曰靖字叔慈少有俊才動止以禮靖弟爽亦以才顯於當時或問汝南許章曰爽與靖孰賢章曰皆玉也慈明外朗叔慈內潤學士惜之誅靖者二十六人穎陰令巨頑追號靖曰玄行先生也〔集解〕惠棟曰荀氏譜云年五十五高士傳又云穎川太守王懷亦謚之曰昭定先生汪文臺曰魏志荀彧傳淑兄子昱字伯條〔集解〕惠棟曰條荀氏家傳作修謝承書又作條案三君八俊錄曰天下好交荀伯條條與交韻當從本傳也

注張璠漢記云靖亦有至德名幾亞爽隱居終身

淑兄子昱字伯條

〔集解〕惠棟曰條荀氏家傳作修謝承書又作條案三君八俊錄曰天下好交荀伯條條與交韻當從本傳也

字元智，昱爲沛相，曇爲廣陵太守，兄弟皆正身疾惡，志除閹宦，其支黨賓客有在二郡者，織罪必誅，昱

後共大將軍竇武謀誅中官，與李膺俱死。

〔集解〕惠棟曰：昱，通鑑作翊。李膺家傳云：膺坐黨事，與杜密、荀翊同繫新汲縣獄時，歲旦，翊引杯曰：「正朝從小起，膺謂翊曰：『死者人情所惡，今子無忝色者何？』

翊曰：求仁得仁，又誰恨也。膺乃歎曰：『漢其亡矣。漢其亡矣。善人天地之紀，而多害之，何以存國。』

曇亦禁錮終身。

爽字慈明，一名諶。

音息汝反。〔集解〕洪頤煊曰：吳志虞翻傳表注引翻別傳，頴川荀諶號爲知易。

幼而好學。

〔集解〕惠棟曰：楊修荀爽述讚云：其德克明，誕發初論。

年十二，能通春秋。

論語：太尉杜喬見而稱之曰：『可爲人師。』

〔集解〕惠棟曰：任昉雜傳云：魏德公曰：『經師易獲，人師難遭。』

爽遂耽思經書，慶弔不行，徵命不應。

頴川爲之語曰：『荀氏八龍，慈明無雙。』延熹九年。

〔集解〕先謙曰：官本九作元。

太常趙典舉爽至孝，拜郎中，對策陳便宜。

曰：『臣聞之於師曰：漢爲火德，火生於木，木盛於火，故其德爲孝。』

火木之子，夏火之位，木至夏而盛，故爲孝。〔集解〕惠棟曰：袁紀載爽對云：『漢之謚帝稱孝者，其義取

此，其象在周易之離，夫在地爲火，在天爲日。

易說卦曰：離爲火爲日也。

在天者用其精，在地者用其形。

〔集解〕惠棟曰：在天爲陽，在地爲陰。

翼奉云：陽用其精，陰用其形。

夏則火王，其精在天，溫暖之氣，養生百木，是其孝也。冬時則廢，其形在地，酷烈之氣，焚燒

山林是其不孝也。故漢制使天下誦孝經，選吏舉孝廉。

平帝時王莽作書八篇戒子孫，令學官以教授，吏能誦者比孝經音義云，言用之得選舉之也。〔集解〕周壽昌曰：注說王

莽書於孝經無與，尤為誤。證孝經在兩漢殆人人誦之。孝文置孝經博士。〔見孟子正義〕亦屢見前書昭宣紀。孝平元始三年詔置孝經師博士。江公著孝經說。至後漢經學益盛。儒林傳自期門羽林之士悉令通孝經章句。司隸有孝經師蓋勳傳。宋梟曰：涼州寡於學術，屢致反暴。今欲多寫孝經，令家家習之。雖被詔責要，可見漢制誦孝經遍天下也。何休、鄭康成、馬融俱有孝經注。高誘有孝經解。劉熙有孝經注。皆後漢之治孝經學者。注俱不引而轉引莽書謬甚。

夫喪親自盡，孝之終也。

盡謂盡其哀戚。

今之公卿及二千石三年之喪，不得即去，殆非所曰增崇孝道而克稱火德者也。往者孝文勞

謙行過乎儉。

易謙卦九三爻，勞謙君子，有終吉。

故有遺詔曰：日易月。

〔集解〕王補曰：漢文遺詔並無以日易月之語。此爽誤會詔意也。詔云：以下服大紅十五日，小紅十四日，纁七日，釋服以下，謂已葬其葬

前固有服，不盡于三十六日。且古喪服二十七月，不聞三十六月。何謂以日易之乎？唐世元肅二宗竟降三十六日為二十七日。荀說之也。蔡邕上封事云：孝文皇帝制喪服三十六日，此尚可通。以葬前無改也。朱子荅余正甫書：漢文葬後三易服，二十六日而除。讀漢書，此當時之宜，不可貫之萬世。古今之制，雖有損益，而諒闇之禮，未嘗改移。曰：示天下莫遺其親也。

今公卿羣寮皆政教所瞻，而父母之喪，不得奔赴。夫仁義之行，自上而始，敦厚之俗，以應乎下。傳曰：喪

祭之禮闕，則人臣之恩薄，背死忘生者衆矣。

〔集解〕惠棟曰：禮記經解文。

曾子曰：人未有自致者，必也親喪乎。

事見論語致猶

盡也。春秋傳曰：上之所爲，民之歸也。左氏傳載武仲之言。

爲之，又何誅焉。昔丞相翟方進，自備宰相，而不敢踰制。〔集解〕劉放曰：案文以自當作自以。至遭母憂，三十六日而除。前書。

翟方進爲丞相，遭後母憂，行服三十六日，起視事，曰：不敢踰國制也。〔集解〕王補曰：前書翟方進傳，後母終，既葬二十六日，除服，此所謂國制也。喪既誤以文帝遺詔爲以日易月，因刪此既葬二字以合之，斯爲巨謬。夫失禮之源，自上

而始。古者大喪三年，不呼其門。公羊傳之文也。何休注云：重尊孝子之恩。所曰崇國厚俗，篤化之道也。事失宜正，過勿憚改。懼，難也。

天下通喪，可如舊禮。禮記曰：三年之喪，天下之通喪也。臣聞有夫婦然後有父子，有父子然後有君臣，有君臣然後有上

下，有上下然後有禮義，禮義備則人知所厝矣。語見易序卦也。夫婦，人倫之始，王化之端。〔集解〕王補曰：喪女采，爲南陽陰瑜妻，瑜卒，守

義不嫁，喪詐稱病篤，召歸，采懷刃自警，喪令傅婢執奪其刃，扶抱載之，逼嫁郭氏，采卒不污，自縊而死。事詳列女傳。喪之所爲如此，今對策極言嫁娶之禮，夫婦之倫，又時人不行妻服，喪復引據大義，正之經典，殆諍所謂媚妖其身，蠶養其口者乎。徒見其椒顏而已。

故文王作易，上經首乾坤，下經首咸恆。易乾坤至離爲上經，咸恆至未濟爲下經。〔集解〕惠棟曰：易乾鑿度云：乾坤者，陰陽之根本，萬物之祖宗也。爲上篇始者，尊之也。咸恆者，男女之始，夫婦之道也。人

道之興，必由夫婦，所以奉承祖宗，爲天地主也，故爲下篇始者，貴之也。孔子曰：天尊地卑，乾坤定矣。易繫辭也。〔集解〕惠棟曰：荀爽注云：謂否卦也。否七月，萬物已成，乾坤各得其位定矣。夫婦之

道所謂順也。堯典曰：釐降二女於媯汭，嬪于虞。降者，下也。嬪者，婦也。言雖帝堯之女，下嫁於虞，猶屈體

降下，勤修婦道。易曰：帝乙歸妹，曰祉元吉。

易泰卦六五爻辭也。王輔嗣注云：婦人謂嫁曰歸。泰者，陰陽交通之時。女處尊位，履中居順，降身應二帝乙歸妹，誠合斯義也。案史記，紂父名帝乙，此文

以帝乙爲湯，湯名天乙也。〔集解〕惠棟曰：九家易云：五者帝位，震象稱乙，是爲帝乙。六五以陰處尊位，帝者之姊妹。五在震後，明其爲妹也。五應於二，當下嫁。二婦人謂嫁曰歸，故言帝乙歸妹，謂下居二以中和相承，故元吉也。此言乾升坤降之義。注引王弼注未當。

婦人謂嫁曰歸，言湯曰娶禮歸其妹於諸侯也。春秋之義，王姬嫁齊，使魯主之，不曰天子之尊加於諸

侯也。

公羊傳曰：夏單伯逆王姬，單伯者何？吾大夫之命於天子者，何以不稱使？天子召而使逆之，逆之者何？使我主之也。曷爲使我主之？天子嫁女於諸侯，必使同姓諸侯主之。何休注云：不自爲主，尊卑不敵也。〔集解〕惠棟曰：京房易傳載湯嫁妹之辭曰：無

以天子之尊而乘諸侯，無以天子之富而驕諸侯，陰之從陽，女之順夫，本天地之義，往事爾夫，必以禮義，易家皆以帝乙爲湯。左傳謂微子啟，帝乙之子，左邱明不傳，易不足據也。

今漢承秦法，設尙主之儀，曰妻

制夫，曰卑臨尊，違乾坤之道，失陽唱之義。

易緯曰：陽唱而陰和也。

孔子曰：昔聖人之作易也，仰則觀象於天，俯則

察法於地，觀鳥獸之文。

〔集解〕惠棟曰：荀爽注云：乾爲馬，坤爲牛，震爲龍，巽爲雞之屬，是也。

與天地之宜。

〔集解〕惠棟曰：九家易云：謂四方四維八卦之位，山澤高卑五土之宜。今易無天宇，王昭素據

此以爲諸本皆有天宇也。

近取諸身，遠取諸物，曰通神明之德。

〔集解〕惠棟曰：荀爽注云：乾坤爲天地，離坎爲日月，巽震爲雷風，艮兌爲山澤，凡此皆神明之德也。

曰類萬物之

情。皆易繫辭之文也。〔集解〕今觀法於天，則北極至尊，四星妃后。北極，北辰也。軒轅四星，女主之象也。察法於地，則崐山象夫。

卑澤象妻。崐，猶高也。易，艮下兌上為咸，艮為山，夫象也。兌為澤，妻象也。咸，感也。山澤通氣，夫婦之相感也。視鳥獸之文，鳥則雄者鳴雌，雌能順服。獸則牡為唱

導，牝乃相從。近取諸身，則乾為人首，坤為人腹。易說卦之文也。遠取諸物，則木實屬天，根莖屬地。莖音該。陽尊陰

卑，蓋乃天性。且詩初篇，實首關雎。禮始冠婚，先正夫婦。儀禮，士冠禮為始，士婚禮次之。天地六經，其旨一揆，宜改尚主

之制，曰稱乾坤之性。〔集解〕惠棟曰：乾升坤降，具於天地初分之後，故云性也。遵法堯湯，式是周孔。式，法也。〔集解〕惠棟曰：詩始關雎，禮始冠婚，皆周公所定。孔子者繫辭所云是也。合

之天地而不謬，質之鬼神而不疑。人事如此，則嘉瑞降天，吉符出地，五緯咸備，各曰其敝矣。謹，是也。史記曰：休徵曰肅

時雨若，曰又時暘若，曰哲時燠若，曰謀時寒若，曰聖時風若，五是來備，各以其敝也。昔者聖人建天地之中，而謂之禮。〔集解〕惠棟曰：成十三年左傳，劉子曰：吾聞之，民受天地之中以生，所謂命也。是以有動

作威儀之則，以定命，能者養之以福，不能者敗以取禍，故下云興福祥之本，而止禍亂之源。禮者所曰興福祥之本，而止禍亂之源也。人能枉欲從禮者，則福

歸之，順情廢禮者，則禍歸之。推禍福之所應，知興廢之所由來也。衆禮之中，婚禮為首，故天子娶十二

天之數也。諸侯曰下，各有等差，事之降也。

白虎通曰：天子娶十二，法天則有十二月。百物畢生也。又曰：諸侯一娶九女也。《集解》先謙曰：官本無一字。

陽性純而能施。

陰體順而能化，曰禮濟樂，節宣其氣。

左傳曰：昔晉侯有疾，醫和視之曰：疾不可為也，是為近女室，疾如蠱，非鬼非食，惑以喪志。公曰：女不可近乎？對曰：節之先王之樂，所以節百事也。天有六氣，過則為災，於

是乎節宣其氣也。《集解》劉放曰：注昔晉侯有疾，玩文多一昔字。惠棟曰：虞仲翔易云：坤化成物，故云能化也。今本化為作。

故能豐子孫之祥，致老壽之福，及三代之季，淫而無

節，瑤臺傾宮，陳妾數百。

列女傳曰：夏桀為瑤室瑤臺，以臨雲雨，紂為傾宮，解見桓帝紀也。

陽竭於上，陰隔於下，故周公之戒曰：不知稼穡之

艱難，不聞小人之勞，惟耽樂之從，時亦罔或克壽，是其明戒。

事見尚書無逸篇，其詞與此微有不同也。

後世之人，好福不務其

本，惡禍不易其軌，傳曰：截趾適履，孰云其愚，何與斯人，追欲喪軀，誠可痛也。

適，猶從也。言喪身之愚，甚於截趾也。《集解》惠棟曰：韋孟風諫

詩云：追欲縱逸，應劭云：追，情欲也。

臣竊聞後宮采女五六千人，從官侍使復在其外，冬夏衣服，朝夕稟糧，耗費縑帛，空竭

府藏，徵調增倍，十而稅一，空賦不辜之民，曰供無用之女，百姓窮困於外，陰陽隔塞於內，故感動和氣，

災異屢臻，臣愚目為諸非禮聘，未曾幸御者，一皆遣出，使成妃合，一曰通怨曠，和陰陽，二曰省財用，實

府藏。〔集解〕先謙曰：官本藏作庫。 三曰修禮制。綏眉壽。四曰配陽施。所螽斯。

螽斯，蚣蝮也。其性不妒。故能子孫衆多。詩曰：螽斯羽，說說兮。宜爾子孫振振兮。

五曰寬

役賦安黎民。此誠國家之弘利。天人之大福也。夫寒熱晦明。所曰爲歲。尊卑奢儉。所曰爲禮。故曰晦明

寒暑之氣。尊卑侈約之禮。爲其節也。易曰：天地節而四時成。

節卦象辭文也。

春秋傳曰：唯器與名。不可曰假人。

杜預注左氏云：器謂車服。名謂爵號。

孝經曰：安上治民。莫善於禮。禮者尊卑之差。上下之制也。昔季氏八佾舞於庭。非有傷

害困於人物。而孔子猶曰：是可忍也。孰不可忍。洪範曰：惟辟作威。惟辟作福。惟辟玉食。凡此三者。君所

獨行。而臣不得同也。

〔集解〕惠棟曰：鄭玄注云：作威。專刑罰也。作福。專爵賞也。玉食。備珍美也。

今臣僭君服。下食上珍。所謂害于而家。凶于而國

者也。宜略依古禮尊卑之差。及董仲舒制度之別。

前書董仲舒曰：王者正法度之宜。別上下之序。以防欲也。〔集解〕沈欽韓曰：繁露服制篇。士止於帶緣。散民不敢服雜采。百工商賈不敢

服狐貉。刑餘僂民。不敢服絲。玄纁乘馬。爽所指制度。殆謂此。仲舒對策。止是汎論。並無科指。注以對策當之。非也。

嚴篤有司。

〔集解〕先謙曰：官本篤作督是。

必行其命。此則禁亂善俗足用

之要。奏聞。卽棄官去。後遭黨錮。隱於海上。又南遁漢濱。積十餘年。曰著述爲事。遂稱爲碩儒。黨禁解。五

府並辟司空袁逢舉有道不應及逢卒爽制服三年

〔集解〕沈欽韓曰慈明知禮必不爲舉主服非禮之服當是申心喪如師耳

當世往往化曰爲

俗

〔集解〕周壽昌曰桓典傳沛國相王吉舉典孝廉爲郎會吉以罪誅人莫敢至典獨棄官收殮歸葬服喪三年負土爲墳爲三祠而去桓鸞傳太守向苗舉鸞爲孝廉遷膠東令苗空鸞去職奔喪終三年然後歸李恂傳太守李鴻請署功曹鴻卒恂送喪還鄉里既葬留起冢墳持喪三年此皆在爽前大約漢人服舉主之喪過於子孫不但心喪而已其化以爲俗亦不自爽始然觀陳寔之喪海內奔赴者三萬餘人制哀麻者以百數一時風氣可想

時人多不行妻服雖在親

憂猶有弔問喪疾者

〔集解〕劉效曰案文當作弔喪問疾

又私謚其君父及諸名士

〔集解〕何焯曰此所謂君指太守令長言之惠棟曰君謂州郡也

爽皆引據

大義正之經典雖不悉變亦頗有改

喪服曰夫爲妻齊縗杖舄禮記曰曾子問三年之喪弔乎孔子曰禮以飾情三年之喪而弔哭不亦虛乎〔集解〕周壽昌曰朱穆傳穆與諸儒考依古義謚曰貞

宣先生蔡邕傳父穰謚貞定公陳寔傳寔卒何進遣使弔祭謚爲文範先生即荀爽之兄靖年五十卒號曰元行先生夏恭傳官太山都尉卒諸儒共謚曰宣明君恭子牙早卒鄉人號曰文德先生范滂傳終萊蕪長大將軍移書陳留太守謚貞節先生皆私謚也諸人稱先生蔡稜無爵而稱公尤爲僭妄宜爽欲據經典大義以正之也

後公車徵爲大將軍何進從事中郎進恐其不至迎薦爲侍中及進敗而詔

命中絕獻帝卽位董卓輔政復徵之爽欲遁命吏持之急不得去因復就拜平原相行至宛陵

〔集解〕錢大昕曰宛

與宛同此河南之宛陵非丹陽之宛陵沈

復追爲光祿勳視事三日進拜司空

〔集解〕惠棟曰北海蓋舊傳云公沙季字允慈與爽共約出不得事貴勢而爽當董

欽韓曰一統志在許州府新鄭縣東北

卓時脫巾未百日。位至司空。後相見。以爽違命。割席而坐也。

爽自被徵命。及登台司。九十五日。

〔集解〕惠棟曰。荀氏譜云。九十三日。荀氏家傳云。世人號爲白衣登三公。張璠漢記云。爽爲三公。食不過一肉。

脫粟飯。坐皮褥。

因從遷都長安。爽見董卓忍暴滋甚。必危社稷。其所辟舉。皆取才略之士。將共圖之。亦與司徒

王允。及卓長史何顒等。爲內謀。會病薨。年六十三。

〔集解〕王補曰。爽與王允。何顒。同謀誅卓。此殆荀彧因爽病薨。慮構是說。以掩其尸位台司。了無匡正之恥耳。范氏震爽盛名。不察其溢

美。而謂潛圖董氏。幾振國命。誣矣。通鑑不襲其謬。斯爲史識。姜宸英言。爽之喪心。一女且不欲聽其完節。其肯出身除逆。爲烈丈夫之舉哉。尤足發既死之覆矣。又曰。嘗證之袁紀。已確知其誣。觀其并致顒屍。葬爽冢旁。決此說斷由荀彧之作僞。亦因其破綻已露。不復能掩。非苛論也。不然。攸亦荀氏子耳。其圖卓。載之袁紀。載之魏志。范史附之。鄭太傳。通鑑從而錄之。何獨於爽而怪之邪。此可以類推而得之者。

著禮易傳。

〔集解〕惠棟曰。荀悅漢紀云。臣悅叔父故司空爽著易傳。據爻象承應陰陽變化之義。以

十篇之文。解說經意。由其完豫之言。易者。咸傳荀氏學。經籍志云。爽注周易凡十一卷。

詩傳。

〔集解〕惠棟曰。荀悅漢紀云。爽又著詩傳。皆附正義。無他說。

尚書正經。春秋條例。又集漢事成敗。

可謂鑒戒者。

〔集解〕先謙曰。官本謂作爲古通作。

謂之漢語。

〔集解〕王補曰。史記文帝紀。自當給喪事。服臨者。皆無錢。集解引晉灼云。踐漢語作跌。即爽書。灼引以校史。是其書晉時尙完。

又作公羊問。

及辯識。

〔集解〕惠棟曰。荀悅申鑒云。世稱緯書。仲尼之作也。臣悅叔父故司空爽辨之。蓋發其僞也。有起于中興之前。終張之徒所作乎。

并它所論。敍題爲新書。凡百餘篇。今多所

亡缺。

〔集解〕惠棟曰。經籍志云。梁荀爽集三卷。錄一卷。棟案。今者言范蔚宗時也。

兄子悅。彧。並知名。彧自有傳。

論曰。荀爽、鄭玄、申屠蟠，俱曰儒行爲處士累徵，並謝病不詣。及董卓當朝，復備禮召之。蟠、玄竟不屈。曰全其高爽已黃髮矣，獨至焉。未十旬而取卿相，意者疑其乖趣舍。余竊商其情，曰爲出處君子之大致也。平運則弘道，曰求志。陵夷則濡跡，曰匡時。

濡跡解見
崔駰傳

荀公之急急自勵，其濡跡乎？不然，何爲違貞吉

而履虎尾焉。

易履卦曰履道坦坦，幽人貞吉。又曰履虎尾，不咥人，亨。王輔嗣注云履虎尾者言其危也。

觀其遜言遷都之議，曰救楊、黃之禍。

楊彪、黃琬也。〔集解〕先謙曰見彪傳。

及後潛圖董氏，幾振國命，所謂大直若屈，道固透迤也。

老子云大直若屈，大巧若拙，透迤曲也。

悅，字仲豫，儉之子也。儉早卒，悅年十二，能說春秋。家貧無書，每之人間，所見篇牘，一覽多能誦記。性沈靜，美姿容，尤好著述。靈帝時，闔官用權，士多退身窮處。悅乃託疾隱居，時人莫之識。唯從弟彧特稱敬焉。初辟鎮東將軍曹操府，遷黃門侍郎。獻帝頗好文學，悅與彧及少府孔融侍講禁中，旦夕談論，累遷祕書監侍中。時政移曹氏，天子恭己而已。悅志在獻替，而謀無所用，乃作申鑒五篇，其所論辯，通見政

體既成而奏之。其大略曰：夫道之本，仁義而已矣。

易曰：立人之道，曰仁與義。

五典曰：經之，羣籍曰緯之，詠之歌之，弦

之，舞之。前監既明，後復申之。故古之聖王，其於仁義也，申重而已。致政之術，先屏四患，乃崇五政。一曰

僞，二曰私，三曰放，四曰奢。僞亂俗，私壞法，放越軌，奢敗制。四者不除，則政末由行矣。夫俗亂則道荒，雖

天地不得保其性矣。

〔集解〕惠棟曰：昭八年左傳云：莫保其性。杜預云：性命也。民不敢自保其性命。

法壞則世傾，雖人主不得守其度矣。軌越則禮亡。

雖聖人不得全其道矣。制敗則欲肆，雖四表不得充其求矣。

肆，放也。

是謂四患，興農桑曰養其性。

〔集解〕李長哀曰：諸

本同案申鑒原文作養其性。

文作養其性。

審好惡曰正其俗，宣文教曰章其化，立武備曰秉其威，明賞罰曰統其法。是謂五政。人不

畏死，不可懼曰罪，人不樂生，不可勸曰善。

〔集解〕官本考證曰：勸字，申鑒原文作觀。注云：漢書作勸字。惠棟曰：尹文子云：老子曰：民不畏死，如何以死懼之。凡民之不畏死，由刑罰過。刑罰過，則民

不賴其生，生無所賴，視君之威，末如也。刑罰中，則民畏死，畏死，由生之可樂，知生之可樂，故可以死懼之。

雖使契布五教，皋陶作士政，不行焉。

尙書舜謂契曰：汝作司徒，敬敷五教在寬。謂皋陶曰：汝作士明

刑。于五

故在上者，先豐人財，曰定其志，帝耕籍田，后桑蠶宮。

籍田事，解見明紀。禮記曰：季春之月，后妃齋戒，親東向桑，以勸蠶事。古者天子諸侯，必有公桑蠶室，近川而爲之宮。

初有二尺也。國無遊人野無荒業財不賈用。

言自足也。〔集解〕惠棟曰賈申鑿作虛。

力不安加。曰周人事是謂養生。周給也。

君子之所

曰動天地應神明正萬物而成王化者必乎真定而已故在上者審定好醜焉善惡要乎功罪毀譽效

於準驗聽言責事舉名察實無惑詐僞曰蕩衆心故事無不覈物無不功善無不顯惡無不章俗無姦

怪民無淫風百姓上下覩利害之存乎己也故肅恭其心慎修其行內不回惑外無異望則民志平矣

是謂正俗君子曰情用小人曰刑用榮辱者賞罰之精華也故禮教榮辱曰加君子化其情也桎梏鞭

撻曰加小人化其刑也君子不犯辱況於刑乎小人不忌刑況於辱乎若教化之廢推中人而墜於小

人之域教化之行引中人而納於君子之塗是謂章化。

章明也。

小人之情緩則驕驕則恣恣則怨怨則叛

危則謀亂安則思欲非威強無曰懲之故在上者必有武備曰戒不虞曰遏寇虐安居則寄之內政有

事則用之軍旅。

國語齊桓公問管仲曰國安可乎管仲曰未可君若正卒伍修甲兵則大國亦將修之小國設備可作內政而寄軍令焉注云正國政也言修國政而寄軍令鄰國不知

是謂秉威賞罰政之

柄也。韓子曰：二柄者，刑德也。殺戮之謂刑，慶賞之謂德。

明賞必罰，審信慎令。賞曰勸善，罰曰懲惡。人主不妄賞，非徒愛其財也。賞妄

行，則善不勸矣。不妄罰，非矜其人也。罰妄行，則惡不懲矣。賞不勸，謂之止善。罰不懲，謂之縱惡。在上者

能不止下爲善，不縱下爲惡，則國法立矣。是謂統法。四患既蠲，五政又立，行之曰誠，守之曰固。簡而不

怠，疏而不失，無爲爲之，使自施之，無事事之，使自交之。

老子曰：爲無爲，事無事。又曰：故德交歸也。

不肅而成，不嚴而化，垂拱揖

讓而海內平矣。是謂爲政之方。又言尙主之制，非古。釐降二女，陶唐之典。歸妹元吉，帝乙之訓。王姬歸

齊，宗周之禮。以陰乘陽，違天。曰婦陵夫，違人。違天不祥，違人不義。又古者天子諸侯有事，必告于廟。廟

有二史，左史記言，右史書事。

禮記曰：天子朝日于東門之外，聽朔于南門之外，閏月則闔門左扉，立于其中。言則左史書之，動則右史書之也。

事爲春秋，言爲尙書。君舉

必記，善惡成敗，無不存焉。

〔集解〕惠棟曰：鄭元六藝論云：春秋者，國史所記人君動作之事。左史所記爲春秋，右史所記爲尙書。

下及士庶，苟有茂異，咸在載籍。或

欲顯而不得，或欲隱而名章，得失一朝，而榮辱千載。善人勸焉，淫人懼焉。

淫，過也。左氏傳曰：或求名而不得，或欲蓋而名章。書齊豹盜，三叛人名。以

懲不義也。〔集解〕先謙曰：官本無曰字。

宜於今者備置史官，掌其典文，紀其行事。

〔集解〕惠棟曰：申鑒又云：爲善惡則書，言行足以爲法式則書，立事功則書，兵戎動衆則書，四夷朝獻則書。

后貴人太子拜立則書，公主大臣拜免則書，福淫禍亂則書，祥瑞災異則書，先帝故事有起居注，日用動靜之節必書焉，宜復其式，內史掌之以紀內事。

每於歲盡舉之尙書，曰助賞罰，曰弘法教。

帝覽而善之，帝好典籍，常曰班固漢書文繁難省，乃令悅依左氏傳體，曰爲漢紀三十篇，詔尙書給筆札，辭約事詳，論辨多美，其序之曰：〔集解〕王補曰：序文校之本書，頗有刪改，并移易其次第，蓋史家所載，不必盡符本書也。又案漢紀悅自有序，此乃章首正文，而范傳謂爲序。昔在上聖，惟

建皇極，經緯天地，觀象立法，乃作書契，曰通宇宙，揚于王庭。

〔集解〕惠棟曰：書契取諸夫，故用象辭之語。

厥用大焉，先王光演

大業，肆于時夏。

詩周頌曰：我求懿德，肆于時夏。鄭玄注曰：懿，美也。肆，陳也。我，武王也。求，美德之士而任用之。故陳於是夏而歌之也。

亦惟厥後，永世作典，夫立典有五志焉。

一曰達道義，二曰章法式，三曰通古今，四曰著功勳，五曰表賢能。於是天人之際，事物之宜，粲然顯著。

罔不備矣。

〔集解〕惠棟曰：董仲舒對策云：天人相與之際，甚可畏也。春秋緯曰：天之與人，昭昭著明，甚可畏也。

世濟其軌，不隕其業。

濟成也。

損益盈虛，與時消息，臧

否不問，其揆一也。漢四百有六載，撥亂反正，統武興文，永爲祖宗之洪業，思光啓乎萬嗣，聖上穆然惟

文之恤瞻前顧後是紹是繼闡崇大猷命立國典於是綴敍舊書曰述漢紀中興曰前明主賢臣得失之軌亦足曰觀矣又著崇德正論及諸論數十篇年六十二建安十四年卒

〔集解〕通鑑胡注荀悅申鑒其立論精切關於國家興亡之大致過

於或攸至於揣摩天下之勢應敵設變以制一時之勝悅未必能也曹操奸雄親信或攸而悅乃在天子左右悅非比於或攸而操不之忌蓋知悅但能持論其才必不能辨也嗚呼東都之季荀淑以名德稱而或攸以智略濟悅蓋得其祖父之彷彿耳其才不足以用世其言僅見於此書後之有天下國家者尙論其世深味其言則知悅之忠於漢室而有補於天下國家也

韓詔字仲黃潁川舞陽人也

〔集解〕官本考證曰舞陽本或作長社誤

少仕郡辟司徒府時太山賊公孫舉僞號歷年守令不

能破散多爲坐法尙書選三府掾能理劇者乃曰詔爲羸長

羸縣故城在今兗州博城縣東北〔集解〕通鑑胡注羸縣屬泰山郡沈欽韓曰羸當爲羸一統志在泰安

府萊蕪縣西北縣志四十里北汶水之北俗名城子縣

賊聞其賢相戒不入羸境餘縣多被寇盜廢耕桑其流入縣界求索衣糧者甚

衆詔愍其飢困乃開倉賑之所稟贍萬餘戶主者爭謂不可

〔集解〕通鑑胡注主者主倉粟之吏也

詔曰長活溝壑之人而

曰此伏罪含笑入地矣太守素知詔名德竟無所坐

〔集解〕惠棟曰御覽引衆漢書云時民大飢而太守未至詔因發倉賑吏白言太守垂至軍糧重事例須來到詔言民命懸急

令以擅出穀受罪合眼入地不以爲恨也後竟不坐詔一作攸通鑑曰詔與同郡荀淑鍾皓陳寔皆嘗爲縣長所至以德政稱時人謂之潁川四長

呂病卒官同郡李膺陳寔杜密荀淑等爲立

碑頌焉子融字元長少能辯理而不爲章句學聲名甚盛五府並辟獻帝初至太僕

〔集解〕惠棟曰魏明甄表狀云融聰識知

機發於岐嶷時人名之曰窮神知化兄弟同居至於沒齒處卿相之位且二十年奉身守約不限厥間

年七十卒

〔集解〕惠棟曰陶淵明遺誡曰潁川韓元長漢末名士身處卿佐八十而終七當爲八也

鍾皓字季明潁川長社人也爲郡著姓世善刑律皓少曰篤行稱公府連辟爲二兄未仕避隱密山

密縣

也山曰詩律教授門徒千餘人同郡陳寔年不及皓

〔集解〕惠棟曰先賢行狀云寔少皓十七歲

皓引與爲友

〔集解〕惠棟曰海內先賢傳云寔爲西門亭長

皓深獨敬異歲常禮待與同分義

皓爲郡功曹會辟司徒府臨辭太守問誰可代卿者皓曰明府欲必得其人西門亭長

陳寔可寔聞之曰鍾君似不察人不知何獨識我皓頃之自劾去前後九辟公府徵爲廷尉正博士林

慮長皆不就時皓及荀淑並爲士大夫所歸慕李膺嘗歎曰荀君清識難尙鍾君至德可師皓兄子瑾

母〔集解〕惠棟曰瑾袁紀及先賢行狀皆作觀

膺之姑也瑾好學慕古有退讓風與膺同年俱有聲名膺祖太尉修常言瑾似

我家性

〔集解〕通鑑胡注引李氏之出而違諒故修云然。惠棟曰：案性與姓通，言似我家子姓也。

邦有道不廢，邦無道免於刑戮。復曰：膺妹妻之，謹辟州府。

未嘗屈志。膺謂之曰：孟子曰：爲人無是非之心，非人也。

孟子曰：人無惻隱之心，非人也；無羞惡之心，非人也；無辭讓之心，非人也；無是非之心，非人也。

弟何期

不與孟軻同邪？

〔集解〕沈欽韓曰：袁紀作弟。於是，何太無阜白邪？

瑾常曰：膺言白皓，皓曰：昔國武子好招人過，曰：致怨本。

國武子，齊大夫齊慶

克通於齊君之母，國武子知之而責慶克。夫人遂譖武子而逐之。事見左傳。〔集解〕劉放曰：正文案昭當作招，通鑑胡注。國語：齊國佐見單襄公，其語盡。單子曰：立於淫亂之國而好盡言以招人過，怨之本也。其後齊殺國武子。蘇林曰：招音翹，招舉也。

卒保

身全家。爾道爲貴，其體訓所安。多此類也。年六十九，終於家。諸儒頌之曰：林慮懿德，非禮不處，悅此詩。

書弦琴樂古，五就州招，九應台輔，逡巡王命，卒歲容與，皓孫繇，建安中爲司隸校尉。

海內先賢傳曰：繇字元常，郡主簿，迪之子。

也。魏志曰：舉孝廉爲尚書郎，辟三府爲廷尉正，黃門侍郎。〔集解〕沈欽韓曰：先賢行狀云：皓二子迪、敷，並以黨錮不仕。繇則迪之孫，與此異。

陳寔字仲弓。

〔集解〕錢大昕曰：洪氏隸續載陳寔碑云：字仲躬。

潁川許人也。

〔集解〕王補曰：文選注：漢書潁川郡有許縣。魏志：文帝黃初二年，改許縣爲許昌縣。然蔡邕之時，惟有許縣，或曰許昌，非也。

出於

單微。

〔集解〕惠棟曰：世系云：陳軫封潁川侯，因徙潁川，以稱陳氏。生嬰，秦東陽令史嬰生成安君餘，餘生軌。軌生審，審生安，安生恆，恆生願，願生齊，齊生源源。三子寔，寔自軌以下皆不顯于世，故云單微也。

自爲兒童，雖在

戲弄爲等類所歸。少作縣吏。嘗給事廝役。後爲都亭刺佐。

〔集解〕先謙曰。刺。衍官本衍刺。史二字。亭長下有亭佐寔爲之。

而有志好學。坐立

誦讀。縣令鄧邵試與語。奇之。聽受業太學。

〔集解〕惠棟曰。袁宏紀云。邵每出候賓。見寔執書立誦。邵嘉之。卽解錄遣使詣太學。

後令復召爲吏。乃避隱陽

城山中。時有殺人者。同縣揚吏呂疑寔。縣遂逮繫考掠。無實而後得出。及爲督郵。乃密託許令禮召揚

吏。遠近聞者。咸歎服之。家貧。復爲郡西門亭長。尋轉功曹。時中常侍侯覽。託太守高倫用吏。倫教署爲

文學掾。寔知非其人。懷檄請見。

檄。板書。謂以高倫之教。書之於檄而懷之者。懼洩事也。〔集解〕通鑑胡注。郡守所出命曰教。百官志云。郡有文學守助掾六十人。

言曰。此人不宜用。

而侯常侍不可違。寔乞從外署。不足呂塵明德。倫從之。

請從外署之舉。不欲陷倫於請託也。〔集解〕通鑑胡注。功曹主選署。寔乞從外白署。若不出於倫者。

於是

鄉論怪其非舉。寔終無所言。倫後被徵爲尙書。郡中士大夫送至輪氏傳舍。

輪氏。縣名。屬潁川郡。今故嵩陽縣。

倫謂衆人

言曰。〔集解〕先謙曰。謂與爲義同。

吾前爲侯常侍用吏。陳君密持教還。而於外白署。比聞議者。曰此少之。此咎由故

人畏憚強禦。

〔集解〕通鑑胡注。故人。倫自謂也。漢人於門生故吏之前。率自稱故人。楊震謂王密曰。故人知君不知故人。是也。

陳君可謂善則稱君。過則稱己者也。寔固

自引愆聞者方歎息由是天下服其德司空黃瓊辟選理劇補聞喜長旬月日其喪去官復再遷除太

長太丘縣屬沛國故城在今亳州永城縣西北也〔集解〕沈欽韓曰北堂書鈔續漢書云實舉灼然爲司徒屬遷太邱長案謂行義灼然晉書溫嶠傳舉秀才灼然一統志太丘在歸德府永城縣西北三十里修德清靜百姓

曰安鄰縣人戶歸附者寔輒訓導譬解發遣各令還本司官行部司官謂主司之官也〔集解〕沈欽韓曰州從事謂之州司潛夫論考績篇州司不治令遠詣闕

史弼傳州司不敢彈糾是也吏慮有訟者白欲禁之寔曰訟曰求直禁之理將何申其勿有所拘司官聞而歎息曰陳

君所言若是豈有怨於人乎亦竟無訟者曰沛相賦斂違法乃解印綬去吏人追思之及後逮捕黨人

事亦連寔餘人多逃避求免寔曰吾不就獄衆無所恃乃請囚焉遇赦得出〔集解〕惠棟曰魏書云寔遭靈

帝初大將軍竇武辟曰爲掾屬時中常持張讓權傾天下讓父死歸葬潁川雖一郡畢至而名士無往

者讓甚恥之寔乃獨弔焉及後復誅黨人讓感寔故多所全宥寔在鄉閭平心率物其有爭訟輒求判

正曉譬曲直退無怨者至乃歎曰寧爲刑罰所加不爲陳君所短時歲荒民儉有盜夜入其室止於梁

上寔陰見乃起自整拂呼命子孫正色訓之曰夫人不可不自勉不善之人未必本惡習呂性成遂至於此梁上君子者是矣盜大驚自投於地稽顙歸罪寔徐譬之曰視君狀貌不似惡人宜深剋己反善

然此當由貧困令遺絹二匹自是一縣無復盜竊太尉楊賜司徒陳耽

〔集解〕惠棟曰耽事別詳劉陶傳中

每拜公卿羣僚

畢賀賜等常歎寔大位未登愧於先之及黨禁始解大將軍何進司徒袁隗遣人敦寔

敦勸也

欲特表呂

不次之位寔乃謝使者曰寔久絕人事飾巾待終而已

〔集解〕惠棟曰蔡邕陳太邱碑云大將軍何公司徒袁公前後招牌先生曰絕望已久飾巾待期而已皆遂不至

三公每缺議者歸之累見徵命遂不起閉門懸車棲遲養老中平四年年八十四卒于家

〔集解〕錢大昕曰碑云春秋八

十三中平三年卒惠棟曰趙明誠云案蔡邕集陳仲弓三碑其一碑云中平三年秋八月丙子卒而三碑皆云春秋八十有三傳以為四年年八十四誤沈欽韓曰陳寔故里在許州府長葛縣西四十里今德星觀即其遺址

何進遣使弔祭

海內赴者三萬餘人

〔集解〕惠棟曰魏書云自太原郭泰等無不造門

制衰麻者百數

〔集解〕惠棟曰魏書云寔之亡也司空荀爽太僕令韓融並制縗麻執子孫禮

共刊石

立碑

〔集解〕沈欽韓曰寔別傳云寔卒蔡邕為立碑刻銘明統志陳寔碑在許州鄆縣西三十五里又有祠在鄆陵縣故宅

諡為文範先生

先賢行狀曰將軍何進遣官屬弔祠為諡〔集解〕惠棟曰蔡邕碑云傳曰郁郁乎文

哉。書曰：洪範九疇，彝倫攸敘，文爲德表。範爲士則，存悔沒號，不亦宜乎？王補曰：寔遺文不見於世，惟異聞記載抱朴子內篇。

有六子紀，最賢。

〔集解〕惠棟曰：世系云：文範先生有六子紀、夔、洽、謙、休、光。

紀字元方，亦曰至德，稱兄弟孝養，閨門和睦，後進之士皆推慕其風。及遭黨錮，發憤著書數萬言，號曰

陳子。

〔集解〕沈欽韓曰：古文苑郢鄆，鴻鴻陳君碑云：君既處隱約，潛躬味道，足不踰閭，乃覃思著書三十餘萬言，言不務華事，不虛設，其所交釋合贊，規聖哲，而後建旨明歸焉。今所謂陳子者也。

黨禁解，四府並命。

無所屈就，遭父憂，每哀至，輒歐血絕氣。雖衰服已除，而積毀消瘠，殆將滅性。豫州刺史嘉其至行，表上

尚書，圖象百城，曰厲風俗。董卓入洛陽，乃使就家拜五官中郎將，不得已到京師，遷侍中，出爲平原相。

〔集解〕沈欽韓曰：碑云：大將軍何進表選名儒，君爲舉首，公車特徵，起家拜五官中郎將，將到遷侍中，旬有八日出相平原，會孝靈憂駕，賊臣秉政，云云。案以鄭君申屠蟠等傳參之，則紀之解巾入仕，在中平五年。傳云：董卓者，非也。

往謁卓，時欲

徙都長安，乃謂紀曰：三輔平敞，四面險固，土地肥美，號爲陸海。

前書曰：東方朔曰：三輔之地，南有江淮，北有河渭，汧隴以東，商洛以西，厥壤肥饒，此所謂天府陸海。

之地。今關東兵起，恐洛陽不可久居，長安猶有宮室，今欲西遷，何如？紀曰：天下有道，守在四夷。

左傳曰：楚沈尹戌曰：古者

天子守在四夷，天子卑，守在諸侯也。

宜修德政，曰懷不附，遷移至尊，誠計之末者。恐曰：公宜事委公卿，專精外任，其有違命。

則威之曰武。今關東兵起，民不堪命。若謙遠朝政，率師討伐，則塗炭之民，庶幾可全。若欲徒萬乘，曰自安。將有累卵之危，崢嶸之險也。累卵解見皇后紀。崢嶸音土耕反。卓意甚忤，而敬紀名行，無所復言。時議欲召爲司徒。紀見

禍亂方作，不復辨嚴。

嚴讀曰裝也。

卽時之郡，璽書追拜太僕。

〔集解〕沈欽韓曰：碑云：君相平原，視事未莽，士女向方。會刺史敗于黃巾，幽冀二州爭利其土，君料敵知難，不忍其民爲

已致死，乃辭而去之。老弱攀轅，晨夜間行，寓於邪鄰之野，不云追拜太僕，所云刺史敗於黃巾者，焦和也。（見臧洪傳）幽冀二州爭利者，袁紹、公孫瓚也。瓚遣青州刺史田楷拒紹，平原屬青，禍難方殷，於是去郡。魏志陳羣傳：隨紀避難徐州，碑得其實，此傳非也。

又徵爲尙書令。

〔集解〕沈欽韓曰：碑云：袁術結婚呂布，君爲國深憂，乃奮策出奇，使絕好追女，離逃姦謀。惟帝念功，命作尙書令。據呂布傳：說布絕婚者，沛相陳珪，初不及紀，未能定其虛實也。

建安初，袁紹爲

太尉，讓於紀，紀不受拜。大鴻臚年七十一，卒於官。

〔集解〕惠棟曰：碑云：建安四年六月卒。

子羣爲魏司空。

羣字長文，魏志曰：魯國孔融，才高倨傲，年在羣

紀之間，先與羣交，更爲紀拜，由是顯名也。〔集解〕先謙曰：官本先與下有紀友後與四字，是此脫。

天下曰爲公慙卿，卿慙長。

〔集解〕沈欽韓曰：袁紀：魏文帝嘗問羣卿何如。父祖羣對曰：臣祖實不言而治，臣父紀言而行。

之。至於臣羣，有其言而必行。案魏略：羣爲魏侍中，與尙書桓階、勸曹操早受漢禪，羣所慙者，寧止乎此。

弟諶，字季方，與紀、齊德同行，父子並著高名。

〔集解〕惠棟曰：海內先賢傳云：諶司徒掾。

公車徵，不就。世系云：諶諶獻文先生，生青州刺史忠，陳氏譜曰：忠字孝先，州辟不就。

時號三君。

〔集解〕沈欽韓曰：藝文類聚：漢雜事云：漢末，太史家瞻星，言有德星見，當有英才賢德同遊者。書下諸郡縣，問潁川郡上事，其日有陳太邱父子三人俱

共會社案劉孝標引禮道驚續晉陽秋則云陳仲弓從諸子姪造荀父子於時德星聚太史奏五百里賢人聚案此並造作虛文所謂揚之可使上天非通人所取

古者

諸侯朝天子卿執羔大夫執鴈士執雉成羣言衆多也（集解）惠棟曰士相見禮云下大夫相見以鴈飾之以布維之以布如執雉上大夫相見以羔飾之以布四維之結于面左頭如鬢執之曲禮云飾羔鴈以續先儒謂飾以續者天子之卿大夫飾以布者諸侯之卿大夫

當世者靡不榮之（集解）惠棟曰士相見禮云下大夫相見以鴈飾之以布維之以布如執雉上大夫相見以羔飾之以布四維之結于面左頭如鬢執之曲禮云飾羔鴈以續先儒謂飾以續者天子之卿大夫飾以布者諸侯之卿大夫

先賢行狀曰豫州百城皆圖畫寔紀謨形像焉（集解）劉攽曰案正文多一者字惠棟曰當世下疑有脫字劉攽謂多一者字非也又云陳氏家傳云紀謨以下八十六墓三十六碑並

在長葛縣

隱山之陽

論曰漢自中世曰下闕豎擅恣故俗遂曰遁身矯潔放言爲高

放肆其言不拘節制也論語曰隱居放言

士有不談此者則芸

夫牧豎已叫呼之矣

叫呼譏笑之也芸除草也（集解）惠棟曰高誘注淮南子云叫呼大語案周禮作詔呼

故時政彌愾而其風愈往唯陳先生進退之

節必可度也據於德故物不犯安於仁故不離羣行成乎身而道訓天下故凶邪不能曰權奪王公不能曰貴驕所曰聲教廢於上而風俗清乎下也

贊曰二李師淑陳君友皓韓詔就吏羸寇懷道太巨與廣模我彝倫曾是淵軌薄夫曰瀆

曾之言則也（集解）惠棟曰模猶

範也。洪範云：彝倫攸敘。
憲謚文範先生故云。

慶基既啓，有蔚潁濱。二方承則，八慈繼塵。

二方、元方、季方也。荀淑八子，皆以慈爲字。見荀氏家傳也。〔集解〕劉放曰：案凡人相語言及所論議，皆當

作謂，以彼物爲某事，乃當作爲，其字從平聲。後人傳寫之誤，爲謂相亂，難爲悉改。學者宜知之。先謙曰：爲謂古本通作，劉說認甚。

後漢書集解卷六十一校補

荀淑傳穎川穎陰人也

地詳后紀案文也字誤衍

出補朗陵侯相

地詳臧宮傳

自表師喪注心喪三年也

官本注末無也字

號曰元行先生注慈明外朗叔慈內潤學士惜之

官本注學上有及卒二字此脫

延熹九年太常趙典舉爽至孝集解先謙曰官本九作元

謹案典傳典遷太常以諫爭違旨免官就國會帝崩據紀桓帝延熹十年六月改元永康十二月崩則作九年者是

也且典諫桓帝恩澤諸侯無勞受封謂宜一切削免爵土乃延熹二年誅梁冀立皇后鄧氏以後事時典尚為大鴻臚既轉太僕乃遷太常安得元年已為太常乎

故漢制使天下誦孝經注平帝時王莽作書八篇戒子孫令學官以教授吏能誦者比孝經

案言比孝經則知前漢於

選舉非能誦孝經者不得與至莽始以所作書頒行學官亂舊制也此章懷因漢制無可證明故舉莽事以借證周壽昌乃謂於孝經無與非也

故有遺詔。

官本有作其。

日日易月集解王補曰。至何謂以日易之乎。

案駁以日易月之說始於顏籀。取維禮制。意非不善。然苟爽大廷對策。直指遺詔。應劭躬爲漢人。明

習舊章。苟其無徵。何敢誣枉。矧喪自總麻以上。至斬綵。本皆計月。孝文獨計日。安得謂非以日易月。顏氏乃以三十六日與二十七月不合。斤斤致辯。不太泥乎。王補謂葬前有服。不僅此三十六日。固也。然天子崩。七月而葬。文帝則七日而葬。兩漢諸帝之葬。亦從無至七月者。葬前何服。史既未著。葬且無定月。葬前之服。從何定之。自禮經闕廢。後人推士喪禮以說天子。諸侯大夫。豈能無誤。二戴所述。后氏所訂。又出其後。漢文時未著學官。非當時所遵行。論語說三年之喪。曰子生三年。然後免於父母之懷。又曰三年無改於父之道。未必皆以二十五月當三年也。而曰生與來日。死與往日。三日成服。三年之喪。二十五月而畢。達乎天子。諸侯大夫。可盡信耶。至以二十七月爲三年。後世之制。於經傳本無明證。顏氏乃據以說漢禮。王補且謂古喪服如此。斯不然矣。如以文帝之三十六日。當三十六月。則固足三年也。

至遭母憂三十六日而除。集解王補曰。至因刪此既葬二字以合之。

案喪論短喪之失禮。卽者既葬二字。於辭義初無所害。王補必謂爽刪此二字爲非。

抑不思如顏籀之說。餘存三十六日。仍不合以日易月。又何謂刪此以合之乎。

與天地之宜。

官本無天字。錢大昭曰。闕本無天字。

呂類萬物之情。注皆易繫辭之文也。

官本注無辭字。

瑤臺傾宮注解見桓帝紀也。

官本注末無也字。

及逢卒爽制服三年集解沈欽韓曰至當是中心喪如師耳。

侯康曰風俗通司空袁周陽舉荀慈明有道太尉鄧伯條舉皆孟直方正二公薨皆制齊衰案據此則沈氏疑

爲心喪非也蓋漢世事舉主如君故其禮至重異於後世之以舉主爲師耳。

亦與司徒王允及卓長史何顒等爲內謀。

案爽以白衣不旬而致位司空其受董卓知遇有過蔡邕反共圖卓準以邕之聞卓誅而發嘆動色原似不類雖然司空大臣也何顒既荀氏故舊王允又

實爽之舉主也方允矯情屈意以附卓爽之登進允亦將有力焉而謂允顒之圖卓爽必不與聞尤非其情矣夫爽逼嫁其女范史初不爲之諱女節自高然漢世固不以改適爲非禮爽又夙持陽尊陰卑通怨曠和陰陽之說自當分別觀之姜宸英顧謂皆出荀或之作僞且於爽與顒通謀明見黨錮傳而反謂或致顒屍葬爽冢旁決爲作僞之證豈非深文乎至荀攸卽爽之從孫同與顒謀猶爽志也攸以機洩被繫故袁紀亦及之爽不及誅卓而先卒故無由及紀與傳自異體讀史者不容不辨也。

會病

薨。柳從辰曰一統志爽墓在許州城北明統志同地形志潁陰有爽墓寰宇記爽墓在長葛縣東北七里皆與一統志異。

靈帝時閣官用權。

錢大昭曰闕本官作宦。

必乎真定而已。

錢大昭曰申鑒定作實。

物無不功。官本功作切與申鑿合此誤。

又言尙主之制非古。官本古下有也字。案悅漢紀有論王吉請改正尙主之禮一條與此奏正同。

廟有二史。官本廟作朝與申鑿合此誤。

詔尙書給筆札。官本札作札。

臧否不問。問當作同。官本不誤。

韓韶傳。字仲黃。柳從辰曰。御覽二。百六十八作仲黃。潁川武陽人也。今地詳后紀公主傳。

乃以韶爲嬴長注。在今兗州博城縣東北。官本注。在今作今在。

竟無所坐。集解。惠棟曰。御覽引衆漢書。柳從辰曰。見御覽二。百六十八引典略。

呂病卒官。柳從辰曰。一統志。韶墓在今舞陽縣西南四十五里。

獻帝初至太僕集解惠棟曰至不隕厥問。

侯康曰孔融汝穎優劣論曰汝南府許掾教太守鄧晨圖開稻田灌數萬頃累世獲其功韓元長雖好地理未有成功見效如許掾者也據此則元長宜

績必有興治水利之事然不可攷矣柳從辰曰袁紀中平五年韓融與荀爽等補博士不就屢徵聘皆不起晚乃拜河南尹時鴻臚太僕卿年七十餘兄弟同居閨庭怡怡至於沒齒也案元長為大鴻臚安集關東見本書獻紀及袁紹傳為太僕奉命與李傕郭汜

連和并見董卓傳其言水利當即在尹河南時也

連和并見董卓傳其言水利當即在尹河南時也

鍾皓傳穎川長社人也

地見靈紀

昔國武子好昭人過注國武子知之而責慶克

官本注而作面

九應台輔

官本應作齊

陳寔傳聽受業太學

柳從辰曰御覽一百八十一引謝承書寔詣太學郭林宗陳仲舉為親友歸家立精舍講授諸生數百人

送至輪氏傳舍注輪氏縣名屬潁川郡今故嵩陽縣是

輪一作綸在今河南府登封縣西南七十里嵩陽縣本隋置即今登封縣治也相差頗遠疑注有誤

補聞喜長旬月呂葦喪去官

侯康曰蔡邕陳仲弓碑遷聞喜長郡政有錯爭之不從即解綬去與本傳異蓋去官兼此二事也

修德清靜百姓自安

侯康曰世說政事篇陳仲弓爲太邱長時吏有詐稱母病求假事覺收之令吏殺之主簿請付獄考衆姦仲弓曰欺君不忠病母不孝不忠不孝其罪莫大考求衆姦豈復過此有劫賊殺財主主者捕之未至發

所聞民有在草不起子者回車往治之主簿曰賊大宜先案討仲弓曰盜殺財主何如骨肉相殘又云陳元方年十一時候袁公袁公問曰賢家君在太邱遠近稱之何所履行元方曰老父在太邱彊者殺之以德弱者撫之以仁恣其所安久而益敬案世說亦云客有問陳季方足下家君太邱有何功德而荷天下重名季方曰吾家君譬如桂樹生泰山之阿上有萬仞之高下有不測之深上爲甘露所霑下爲淵泉所潤當斯之時桂樹焉知泰山之高淵泉之深不知有功德與無也蓋袁公之間於禮當正對故元方以政事荅之客之間徒驚太邱之名故季方謙謂不知各有所當也

寔在鄉閭平心率物

柳從辰曰袁紀云寔推純誠不厲名行然羅居老少皆親而敬之

共刊石立碑集解沈欽韓曰明統志

至三十五里柳從辰曰查明許州有鄆城縣無鄆縣又河南通志載寔墓在鄆城縣西二十里一統志寔墓在長葛縣西三十里

遭父憂每哀至輒歐血絕氣

侯康曰世說箴規篇陳元方遭父憂哭泣哀慟軀體骨立其母惡之竊以錦被覆上郭林宗弔而見之謂曰卿海內之簡才四方是則如何當喪錦被蒙上孔子曰衣夫錦也食夫稻也子汝

安乎吾不取也奮衣而去自後賓客絕百餘日

崢嶸之險也注崢嶸音土耕反

官本注土作上是

子羣

錢大昭曰。魏志陳羣傳。羣爲兒時。寔常奇之。謂宗人父老曰。此兒必興吾宗。

注。由是顯名也。

官本注末無也字。

弟諶。字季方。集解。惠棟曰。至忠字孝先。州辟不就。

柳從辰曰。世說。元方子羣。季方子忠。各論其父功德。爭之不能決。諮於祖太邱。太邱曰。元方難爲兄。季方難爲弟。

李杜列傳第五十三

後漢書六十三

宋宣城太守范曄撰

唐章懷太子賢注

王先謙集解

李固字子堅漢中南鄭人司徒郃之子也郃在數術傳

〔集解〕錢大昕曰數術當作方術

固貌狀有奇表鼎角匿犀足履

龜文

鼎角者頂有骨如鼎足也匿犀伏犀也謂骨當額上入髮際隱起也足履龜文者二千石見相書〔集解〕惠棟曰劉峻云河目龜文公侯之相

少好學常步行尋師不遠千里

謝承書曰固改易姓

名杖策驅驢負笈追師三輔學五經積十餘年博覽古今明於風角星算河圖讖緯仰察俯占窮神知變每到太學密入公府定省父母不令同業諸生知是郃子〔集解〕惠棟曰陳祥道云禮記言入學鼓篋史言亡書三篋篋亦盛書鄭氏云墮方日篋亦謂之笈史稱蘇章負笈是也棟案說文云板臚上頁从木及聲或讀若急是古文笈作板也

遂究覽墳籍結交英賢四方有志之士多慕其風而來學京師咸歎曰

是復爲李公矣

言復繼其父爲公也

司隸益州並命郡舉孝廉辟司空掾皆不就

謝承書曰五察孝廉益州再舉茂才不應五府連辟皆辭以疾〔集解〕惠棟曰

固別傳云益州及司隸辟皆不就門徒或稱從事掾固曰未曾受其位不能獲其號

陽嘉二年有地動山崩火災之異公卿舉固對策

續漢書曰陽嘉二年詔公卿舉敦樸之士衛尉

賈建舉固也。〔集解〕沈欽韓曰：袁紀：陽熹二年五月庚子，詔舉直言對策者，固與馬融、張衡三人。順帝覽衆對，以固爲第一。融對大旨言陰陽不和，由守令用刑太急，民以食爲本，農桑失務，盜賊所由起，衡對言漢初舉孝廉，皆先孝行，自辛卯詔書，以能宣章，句奏案爲限，雖有至孝，猶不應科。郡國守相，一旦免黜，十有餘人，又言選舉之任，一歸臺閣，眞僞混淆，下陵上替，災異所由起。案融對碌碌無取，衡乃歸咎於左雄，爲胡廣等訟冤，文人固陋如此。視固之直指近倖外戚，以感悟人主，有天壤之別矣。惜袁范各以意刊削，二書相校，同者纔十之三，遂不得見元本。詔又特問當世之敵，爲政所宜，固對曰：臣聞王者父天母地。

春秋感精符曰：人主日月同明，四時合信，故父天母地。兄日姊月，宋均注。

曰：父天於闕丘之祀也，母地於方澤之祭也。兄日於東郊，姊月於西郊。

寶有山川。

史記曰：魏武侯浮西河而下，中河，顧而謂吳起曰：美哉乎河山之固，此魏之寶也。吳起對曰：在德不在險。

王道得，則陰陽和穆。

政化乖，則崩震爲災，斯皆關之天心，效於成事者也。夫化曰職，成官由能理，古之進者，有德有命。

命，爵命也。

言有德者乃可加爵命也。

今之進者，唯財與力，伏聞詔書務求寬博，疾惡嚴暴，而今長吏多殺伐，致聲名者，必加遷賞。

其存寬和，無黨援者，輒見斥逐，是曰淳厚之風不宣，彫薄之俗未革，雖繁刑重禁，何能有益。前孝安皇

帝變亂舊典，封爵阿母。

阿母，王聖。

因造妖孽，使樊豐之徒，乘權放恣，侵奪主威，改亂嫡嗣。

謂順帝爲太子時廢爲濟陰王。

至

令聖躬狼狽，親遇其艱，既拔自困殆。

殆，危也。

龍興卽位，天下喁喁，屬望風政，積敝之後，易致中興，誠當沛

然思惟善道。

沛然寬廣之意。〔集解〕通鑑胡注。喝喝。衆口向上貌。

而論者猶云。方今之事。復同於前。臣伏從山草。痛心傷臆。實曰漢

興。曰來。三百餘年。賢聖相繼。十有八主。豈無阿乳之恩。豈忘貴爵之寵。然上畏天威。俯案經典。知義不

可。故不封也。今宋阿母。

謂宋娥也。

雖有大功勤謹之德。

〔集解〕何焯曰。大功二字有訛。惠棟曰。案袁紀亦云。非訛也。大功謂謀立帝。勤謹謂娥爲乳母也。

但加賞賜。

足曰酬其勞苦。至於裂土開國。實乖舊典。

〔集解〕惠棟曰。漢書舊典。無乳母爵邑之制也。

聞阿母體性謙虛。必有遜讓。陛下宜許

其辭國之高。使成萬安之福。

〔集解〕惠棟曰。左雄傳。娥亦畏懼辭讓也。

夫妃后之家。所曰少完全者。豈天性當然。但曰爵位尊

顯。專總權柄。天道惡盈。不知自損。故至顛仆。先帝寵遇閻氏。位號太疾。故其受禍。曾不旋時。

〔集解〕迴鑑胡注。安帝建

光元年。諸鄧得罪。閻氏始盛。延光四年。閻氏誅。蓋不得五稔也。

老子曰。其進銳。其退速也。

案孟子有此文。謝承書亦云。孟子而續漢書復云老子。

今梁氏戚爲椒房。禮所不

臣。

公羊傳曰。宋殺其大夫。何以不名。宋三世無大夫。三世內娶也。何休注云。內娶。娶大夫女也。言無大夫者。三世禮不臣妻之父母。國內皆臣。無娶道。故絕去大夫名。正其義也。椒房者。皇后所居。以椒泥塗也。〔集解〕惠棟曰。何休公羊注云。禮不臣妻之父母。鄭

元集。伏后議曰。天子所不臣者三。其一。后之父母也。

尊曰高爵。尙可然也。而子弟羣從。榮顯兼加。永平建初故事。殆不如此。宜令步兵

校尉冀及諸侍中遷居黃門之官使權去外戚政歸國家豈不休乎又詔書所曰禁侍中尙書中臣子

弟不得爲吏察孝廉者曰其秉威權容請託故也而中常侍在日月之側聲教振天下子弟祿任曾無

限極雖外託謙默不干州郡而詔僞之徒望風進舉〔集解〕通鑑胡注謂州郡阿私宦官進舉其子弟也今可爲設常禁同之中臣

〔集解〕通鑑胡注此中臣謂中朝臣也案前書音義自大將軍下至給事中左右曹爲中朝臣也昔館陶公主爲子求郎館陶公主光武第三女也明帝不許賜錢千萬所曰輕

厚賜重薄位者爲官人失才害及百姓也竊聞長水司馬武宣續漢志長水校尉一人比二千石司馬一人千石掌宿衛也開陽城門候

羊迪等續漢志曰城門每門候一人六百石無他功德初拜便真〔集解〕通鑑胡注漢制初拜稱守滿歲爲真此雖小失而漸壞舊章

續漢書曰中都官千石六百石故事先守一歲然後補真先聖法度所宜堅守政教一跌百年不復詩云上帝板板下民卒瘡刺周王變

祖法度故使下民將盡病也板反也卒盡也瘡病也詩大雅凡伯刺周厲王反先王之道下人盡病也今陛下之有尙書猶天之有北斗也斗爲

天喉舌〔集解〕王補曰藝文類聚四十八引續後漢書作北斗尙書亦爲陛下喉舌春秋合誠圖曰天理在斗中司三公也如人喉在咽以理舌語宋均注曰斗爲天之舌口主出政教三公主導宣君命喻於人

則宜如人喉在咽，以理舌口，使言有條理。〔集解〕惠棟曰：漢官解詁云：尚書出納詔命，齊衆喉舌。傅子云：尚書出入王命，喉舌之任也。

斗斟酌元氣，運平四時。

春秋保乾圖曰：天皇於是斟酌元氣，以五易威。宋均注曰：威則

也。法也。天皇斟酌元氣，陳列樞機，受行次之當得也。〔集解〕通鑑胡注：天文志云：斗爲帝車，運乎中央，臨制四方，分陰陽，建四時，均五行，移節度，定諸紀，皆繫于斗。羅卒云：宋說非也。言斟酌元化，該皇極以建易道。

尚書出納王命，賦政

四海。賦，布也。

權尊執重，責之所歸。若不平心，災眚必至。誠宜審擇其人，呂毗聖政，今與陛下共理天下者。

外則公卿尚書，內則常侍黃門，譬猶一門之內，一家之事，安則共其福慶，危則通其禍敗。

〔集解〕通鑑胡注：此等議論發

之髮，倖盈朝之時，謂之曲而當可也。猶以直而不見容，嗚呼。

刺史二千石，外統職事，內受法則。夫表曲者景必邪，源清者流必絜。猶叩樹本

百枝皆動也。周頌曰：薄言振之，莫不震疊。

韓詩薛君傳曰：薄，辭也。振，奮也。莫，無也。震，動也。疊，應也。美成。王能奮舒文武之道而行之，則天下無不動而應其政教。

此言動之

於內，而應於外者也。猶此言之。

〔集解〕先謙曰：官本猶作由是。

本朝號令，豈可蹉跌。間隙一開，則邪人動心，利競暫啓，則

仁義道塞，刑罰不能復禁。化導日之寢壞，此天下之紀綱。當今之急務，陛下宜開石室，陳圖書。

前書曰：司馬遷爲太

史令，袖史記，石室金匱之書。袖音抽。〔集解〕惠棟曰：圖書卽河洛也。黃瓊傳云：陛下宜開石室，案河洛，河洛卽讖也。讖書幽祕藏之石室，故蘇竟云：元包幽室，文隱事明是也。下云引問得失，指摘變象，以求天意，則圖書指讖書明矣。

招會羣儒，引

問得失指撻變象。曰求天意。其言有中理。即時施行。顯拔其人。曰表能者。則聖聽日有所聞。忠臣盡其所知。又宜罷退宦官。去其權重。裁置常侍二人。方直有德者。省事左右。小黃門五人。才智閑雅者。給事殿中。如此。則論者厭塞。升平可致也。臣所曰敢陳愚瞽。冒昧自聞者。儻或皇天欲令微臣覺悟陛下。陛下宜熟察臣言。憐赦臣死。順帝覽其對。多所納用。即時出阿母還弟舍。

〔集解〕先謙曰。官本無弟字。

諸常侍悉叩頭謝。

罪。朝廷肅然。曰固爲議郎。而阿母宦者。疾固言直。因詐飛章。曰陷其罪。事從中下。

〔集解〕通鑑胡注。從中下者。不經尙書。

大

司農黃尙等。

〔集解〕惠棟曰。謝承書有豫章黃尙。字文章。案順帝紀。陽嘉二年。大司農黃尙爲司徒。尙疑作尙。注云。尙字伯河。南郡郎人。

請之於大將軍梁商。又僕射黃瓊。救明

固事。久乃得拜議郎。

〔集解〕劉牧曰。案固前已云爲議郎。此又云得拜議郎。史之敘事。理無若此。蓋當云。久乃得已。復拜議郎。少已復二字也。周志昌曰。漢官制故事。先守一歲。然後卽眞。或固始爲議郎。尙是守官。此方眞拜。且本傳

明云。以固爲議郎。疾固者。飛章陷罪。事從中下。是。先雖爲議郎。而未得拜。至是始拜也。不必如劉說。

出爲廣漢雒令。至白水關。解印綬。還漢中。

梁州記曰。關城西南百八十里。有白水關。昔李固解

印綬處也。故關城。今在梁州金牛縣西。〔集解〕惠棟曰。注梁州記。劉澄之撰。沈欽韓曰。明志。靈羌州西南有白水。自洮州衛流經此。有白水關。其下流至保寧府昭化縣。合於嘉陵江。

杜門不交人事。歲中。梁商請爲

從事中郎。

〔集解〕王補曰：厚齋以東漢三公無出楊震、李固之右，而始進以鄧、梁君子以爲疵，故易之漸曰：進以正。

商呂后父輔政，而柔和自守，不能有所整裁，災異

數見，下權日重，固欲令商先正風化，退辭高滿，乃奏記曰：春秋襄儀父呂開義路。

隱公元年三月，公及邾儀父盟于昧。公羊傳曰：儀父

者何？邾之君也。何以稱字？褒之也。曷爲褒之？爲其與盟也。何休注云：春秋王魯託隱公爲受命王，因儀父先與隱公盟，假以見褒賞義。〔集解〕劉放曰：注爲其與盟也。案文少一公字。

貶無駭，呂閉利門。

春秋隱公二年經，書無駭帥師

入極。公羊傳曰：無駭者何？展無駭也。何以不氏？貶之也。曷貶？疾始滅也。

夫義路閉，則利門開；利門開，則義路閉也。前孝安皇帝內任伯榮、樊豐之

屬，伯榮、王聖女也。外委周廣、謝暉之徒，開門受賂，署用非次，天下紛然，怨聲滿道。朝廷初立，頗存清靜，未能數

年，稍復墮損，左右黨進者，日月遷拜，守死善道者，滯涸窮路。

守死善道，論語文滯。涸窮路，以魚爲喻也。

而未有改敝立德之方。

又卽位呂來，十有餘年，聖嗣未立，羣下繼望。

〔集解〕劉放曰：案繼是繼續之義，不可施於此。蓋本是繫字，繫綴天下之望也。

可令中宮博簡嬪媵，兼采

微賤宜子之人，進御至尊，順助天意。若有皇子，母自乳養，無委保妾醫巫，呂致飛燕之禍。

趙飛燕，成帝皇后妹，爲昭儀，專

寵。成帝貴人曹偉能等生皇子，皆殺之。

明將軍望尊位顯，當呂天下爲憂，崇尚謙省，垂則萬方，而新營祠堂，費功億計，非呂昭

明令德，崇示清儉，自數年以來，災怪屢見，比無雨潤，而沈陰鬱決。雲起宮省之內，容有陰謀。孔子曰：智

者見變思刑，愚者視怪諱名。

〔集解〕惠棟曰：刑通鑑作形。胡注：此二語蓋本之緯書。

天道無親，可為祇畏。

祇敬也。言天無親，唯善是與，可敬也。書曰：皇天無親。〔集解〕惠棟曰：

鄧顛奏事引易曰：天道無親，常與善人。先謙曰：官本威作畏。

加近者，月食既於端門之側。

既，盡也。端門，太微宮南門也。〔集解〕先謙曰：官本加作如考證云：如字本或作加。

月者，大臣之

體也。

前書李尋上疏曰：月者，衆陰之長，妃后大臣諸侯之象也。

夫窮高則危，大滿則溢，月盈則缺，日中則移。

易豐卦曰：日中則昃，月盈則食。天地盈虛，與時消息。史記：蔡澤謂范雎曰：

日中則移，月滿則虧也。

凡此四者，自然之數也。天地之心，福謙忌盛。

易曰：鬼神害盈而福謙，人道惡盈而好謙。又曰：見天地之心。

是呂賢達功遂身退。

老子曰：功成名遂身退，天之道也。

全名養壽，無有怵迫之憂。

為利所誘，怵迫於憂勤也。怵音息，律反，或音黜。

誠令王綱一整，道行忠立，明公踵伯成之

高，全不朽之譽。

莊子曰：伯成子高，唐虞時為諸侯，至禹去而耕。禹往見之，則耕在野。禹問曰：昔堯化天下，吾子立為諸侯，堯授舜，舜授子，子去而耕，其故何也？子高曰：昔堯化天下，至公無私，不賞而人自勸，不罰而人自畏。今子賞而不勸，罰而不威，德自此衰，而刑自此作。夫子蓋行無留吾事，他他然耕不顧。

亦見呂氏春秋。〔集解〕沈欽韓曰：案莊子天地篇與注所引稍異。

豈與此外戚凡輩，耽榮好位者，同日而論哉！固狂

夫下愚，不達大體，竊感古人一飯之報。

謂靈輒也。

況受顧遇，而容不盡乎？商不能用，永和、中，荊州盜賊起，彌

年不定。乃固爲荊州刺史。固到。遣吏勞問境內。

〔集解〕沈欽韓曰。北堂書鈔長沙耆舊傳云。太尉李公。時爲荊州刺史。下辟書曰。欲采明珠。求之於蚌。欲得名士。求之文學。或割一蚌。不

得一珠。不可舍蚌。求之於魚。或百文學。不出奇士。不可捨文學。

求之於斗筲也。由是言之。蚌乃珠之所藏。文學亦士之場矣。

赦寇盜前釁。與之更始。於是賊帥夏密等。斂其魁黨。

六百餘人。自縛歸首。固皆原之。遣還。使自相招集。開示威法。半歲間。餘類悉降。州內清平。上奏南陽太

守高賜等。滅穢。賜等懼罪。遂共重賂大將軍梁冀。冀爲千里移檄。

言移一日行千里。救之急也。〔集解〕惠棟曰。華陽國志云。固之州。先友其賢者。南陽鄧叔躬。宋

孝節。零陵支宣雅。表薦長沙桂陽太守趙歷。卒已。奏免江夏南郡太守孔時。高賜等。州土自然安靜。陳留耆舊傳云。高慎。字孝甫。生式。式子昌。昌弟賜。並爲刺史郡守。是賜爲高孝甫孫也。胡注。臧古臧字通。先謙曰。臧後出字。古卽以臧爲之。前書可證。

而固

持之愈急。冀遂令徒固爲太山太守。時太山盜賊屯聚歷年。郡兵常千人。追討不能制。固到。悉罷遣歸。

農。但選留任戰者百餘人。

〔集解〕通鑑胡注。任音壬。

呂恩信招誘之。

〔集解〕通鑑胡注。誘音酉。

未滿歲。賊皆弭散。

〔集解〕通鑑胡注。弭。止也。散。逃潰而去也。

遷將作大匠。

〔集解〕惠棟曰。袁紀。侍中杜喬。薦固在郡忠能。由是徵固。

上疏陳事曰。臣聞氣之清者爲神。人之清者爲賢。養身者呂練。神

爲寶。安國者呂積賢爲道。

〔集解〕沈欽韓曰。以上語。並見繁露神彼作精。

昔秦欲謀楚。王孫圉設壇西門。陳列名臣。秦使懼然。遂

為寢兵。

秦欲伐楚，使使者往觀楚之寶器。昭奚恤乃為壇，使客東面，自居西面之壇，稱曰：理百姓，實倉廩。子西在此，奉珪璋，使諸侯。子方在此，守封疆，謹境界。葉公子高在此，理師旅，正兵戎。司馬子反在此，懷霸王之餘義，獵治亂之遺風。昭奚恤在此，惟大

國所觀，使反言於秦君曰：楚多賢臣，未可謀也。事見新序。國語曰：楚王孫圉聘於晉，趙簡子鳴玉以相問，圉曰：楚之白珪猶在乎，其為寶也。幾何對曰：未嘗為寶也。楚人有觀射父能作訓辭，以行諸侯。有左史倚相道訓典，以序百物。此楚國之寶也。若夫古玉白珪，先王

之所玩也。何寶焉。與此所引不同也。〔集解〕沈欽韓曰：子方，今新序作大宗子敖。魏文侯師卜子夏，友田子方，軾段干木，故羣俊競至，名過齊桓，秦人

不敢闕兵於西河，斯蓋積賢人之符也。

魏文侯受經於子夏，過段干木，未嘗不軾也。李克曰：文侯東得卜子夏，田子方，段干木，此三人者，君皆師之。又秦欲伐魏，或曰：魏君賢人是禮，國人稱仁，上下和

合，未可圖也。

陛下撥亂龍飛，初登大位，聘南陽樊英，江夏黃瓊，廣漢楊厚，會稽賀純。

謝承書曰：純字仲真，會稽山陰人，少為諸生，博極羣

事見史記。

蘇十辟公府，三舉賢良方正，五徵博士，四公車徵，皆不就。後徵拜議郎，數陳災異，上便宜數百事，多見省納。遷江夏太守。

策書嗟歎，待曰大夫之位，是曰巖穴幽人。

〔集解〕惠棟曰：易幽人貞吉，漢

人皆以為幽繫之人，六朝始以幽人為高士。此疏疑經宗改竄，非復本真。

智術之士，彈冠振衣，樂欲為用，四海欣然，歸服聖德，厚等在職，雖無奇

卓然夕惕孳孳，志在憂國，臣前在荊州，聞厚純等，曰病免歸，誠曰悵然為時惜之，一日朝會。

〔集解〕惠棟曰：一日，猶昨

日也。注見

見諸侍中，並皆年少，無一宿儒大人可顧問者，誠可歎息，宜徵還厚等，曰副羣望，瓊久處議

李充傳。

郎。已且十年。

〔纂解〕沈欽韓曰：黃瓊傳，瓊自議郎遷尚書僕射，當固對策之時，瓊已爲僕射，不應固爲大匠。瓊猶議郎未遷也。前後文自相矛盾，袁紀於前則云中朝名臣黃瓊等深救解之，於漢安元年固爲將作大匠，上疏則云瓊等久處郎署。

已且十年，較有斟酌。

衆人皆怪，始隆崇，今更滯也。

隆，高也。崇，重也。

光祿大夫周舉才謨高正，宜在常伯。訪曰：言議侍中杜喬。

學深行直，當世良臣，久託疾病，可敕令起。又薦陳留楊倫。

倫見儒林傳。

河南尹存、東平王惲、陳國何臨。

臨字子陵。

熙之子，爲平原太守，見百家譜也。〔纂解〕惠棟曰：案經籍志，王僧孺買執傳昭，皆撰百家譜也。

清河房植等。

植見黨人篇也。

是日有詔徵用倫、厚等，而遷瓊舉，曰：固爲大

司農，先是周舉等八使按察天下，多所劾奏，其中並是宦者親屬，輒爲請乞，詔遂令勿考。又舊任三府

選令史。

〔纂解〕惠棟曰：漢舊儀云：丞相歲舉令史秀才一人。

光祿試尚書郎。

〔纂解〕惠棟曰：漢官儀云：尚書郎初從三署郎，選詣尚書臺試，每一郎缺，則試五人，先試箋奏，初入臺，稱郎中，滿歲稱侍郎，故郎中侍郎之名猶因

三署本號也。

時皆特拜，不復選試，固乃與廷尉吳雄上疏，曰：爲八使所糾，宜急誅罰，選舉署置，可歸有司。帝

感其言，乃更下免八使所舉刺史二千石，自是稀復特拜，切責三公，明加考察，朝廷稱善，乃復與光祿

勳劉宣上言曰：頃選舉牧守，多非其人，至行無道，侵害百姓，又宜止槃遊，專心庶政，帝納其言。

〔纂解〕沈欽韓曰：此

段序述無文理。既言牧守非人，三語未了，忽及君德，又止二語，即云帝納其言云云，似略未經意。

於是下詔諸州，劾奏守令，曰：政有乖枉，遇人無惠者，免所居

官。其姦穢重罪，收付詔獄。及沖帝即位，曰：固爲太尉，與梁冀參錄尚書事。明年，帝崩，梁太后曰：楊、徐盜

賊盛強，恐驚擾致亂，使中常侍詔固等，欲須所徵諸王侯到，乃發喪。固對曰：帝雖幼少，猶天下之父，今

日崩亡，人神感動，豈有臣子反共掩匿乎？昔秦皇亡於沙丘，

史記曰：始皇東巡，道病崩于沙丘。徐廣曰：趙有沙丘宮，在鉅鹿也。

胡亥、趙高、隱

而不發，卒害扶蘇，曰：至亡國。

丞相李斯爲始皇崩在外，恐諸公子及天下有變，乃秘之，不發喪，獨胡亥、趙高等知陰謀破去，始皇所封書賜公子扶蘇死，而立胡亥爲太子。胡亥元年，楚漢並起。

近北鄉侯

薨，閻后兄弟及江京等，亦共掩祕，遂有孫程手刃之事。

江京、劉安等，坐省門下，孫程與王康等，就斬京、安等，立順帝也。

此天下大忌，不可之

甚者也。太后從之，即暮發喪，固曰：清河王蒜，年長有德，欲立之，謂梁冀曰：今當立帝，宜擇長年，高明有

德，任親政事者，願將軍審詳大計，察周霍之立文宣。

周勃立文帝，霍光立宣帝也。《集解》通鑑胡注：任如林反，堪也。

戒鄧閻之利幼弱，謂鄧太后

立廢帝，帝時誕育百餘日，三歲而崩，又立安帝，時年十餘歲，閻太后立北鄉侯，其年薨，又徵諸王子，擬擇立之。

冀不從，乃立樂安王子縉，年八歲，是爲質帝。時沖帝將北

卜山陵固乃議曰今處處寇賊軍興用費加倍新創憲陵賦發非一帝尙幼小可起陵於憲陵塋內依

康陵制度

康陵、塋帝陵也

其於役費三分減一乃從固議時太后曰比遭不造委任宰輔固所匡正每輒從用

其黃門宦者一皆斥遣天下咸望遂平而梁冀猜專每相忌疾初順帝時諸所除官多不曰次及固在

事奏免百餘人此等既怨又希望冀旨遂共作飛章虛誣固罪

〔集解〕沈欽韓曰世以此章爲馬融所作然史不指融名又其事爲梁太后所寢得已袁紀於桓帝

初元劉文謀立清河王固等下獄乃云融爲冀作表吳祐謂融曰李公之罪成於卿手范於祐傳亦載其事則融所奏卽固被誅事不在實帝時且旣云飛章當沒其主名豈得先顯撰造之人其非融作明矣

曰臣聞君不稽古無

呂承天

書曰粵若稽古帝堯鄭玄注曰稽同也古天也言能同天而行者帝堯〔集解〕惠棟曰鄭玄注尙書云稽同也古天也故云不稽古無以承天也

臣不述舊無呂奉君昔堯殂之後

舜仰慕三年坐則見堯於牆食則覩堯於羹

太公兵法曰帝堯王天下之時金銀珠玉弗服也錦繡文綺弗衣也奇怪異物弗視也玩好之器弗寶也淫佚之樂弗聽也宮垣室屋弗聖色也椽

椅柱櫛弗藻飾也茅茨之蓋弗翦齊也滋味重累弗食也溫飯煖羹酸醜不易也〔集解〕周壽昌曰注引太公兵法云云於文義全不合

斯所謂聿追來孝不失臣子之節者

聿述也詩大雅曰文王烝哉遙

追來孝言文王能述道王季勤孝之行也

太尉李固因公假私依正行邪離間近戚自隆支黨至於表舉薦達例皆門徒及所辟

召靡非先舊。或富室財賂。或子壻婚屬。其列在官牒者。凡四十九人。又廣選賈豎。曰補令史。募求好馬。臨窗呈試。出入踰侈。輜輶曜日。大行在殯。路人掩涕。固獨胡粉飾貌。搔頭弄姿。

西京雜記曰。武帝遇李夫人。就取玉簪搔頭。自此宮人搔

頭皆用玉。〔集解〕惠棟曰。高誘注。呂覽云。紂作胡粉。今人業之。曹子建搔頭傳粉。蓋漢末有是節也。

槃旋偃仰。從容治步。

〔集解〕通鑑胡注。從容。舒緩也。案治步。謂舉止。妖冶通鑑作治步。誤。沈欽韓曰。集韻治。女態。

會

無慘怛傷悴之心。山陵未成。達矯舊政。善則稱己。過則歸君。斥逐近臣。不得侍送。作威作福。莫固之甚。

臣聞台輔之位。實和陰陽。

〔集解〕惠棟曰。前書。丙吉云。三典調陰陽。職所當憂也。

璇機不平。寇賊姦軌。

書曰。璇機玉衡。以齊七政。孔安國注曰。璇。美玉也。機。衡也。王者正天文之器。可

運轉者也。又曰。寇賊姦軌。注曰。羣行攻劫曰寇。殺人曰賊。在外曰姦。在內曰軌。

則責在太尉。

續漢志曰。太尉掌四方兵事功課。歲盡。則奏殿最而行賞罰也。〔集解〕惠棟曰。尚書大傳云。蠻夷猾夏。寇賊姦宄。則責之司馬。司馬猶太尉也。

固

受任之後。東南跋扈。兩州數郡。

謂九江賊徐鳳。馬免等。攻燒城邑。廣陵賊張嬰等。攻殺江都長。九江。廣陵。是荆揚之地。故云兩州也。

千里蕭條。兆人傷損。大化陵遲。

而詆疵先主。苟肆狂狷。存無廷爭之忠。沒有誹謗之說。夫子罪莫大於累父。臣惡莫深於毀君。固之過

覺。事合誅辟。

據莫祐傳。此章馬融之詞。〔集解〕惠棟曰。昭十有九年。許世子止。弑其君。買穀。梁傳曰。不弑而曰弑。責止也。又曰。許世子不知營藥。累及許君也。棟案親病營藥。義見墨子。六經當有明文。而逸耳。許世子心志不通。不知古人親病營

藥之義。累及其親。子罪莫大於累父。故不弑而書弑。此與范寧之註不合。蓋漢義也。

書奏冀曰。白太后。使下其事。太后不聽。得免。冀忘帝聰慧。恐爲後患。

遂令左右進鴆。帝苦煩甚。使促召固。固入。前問陛下得患所由。帝尙能言曰。食煮餅。今腹中悶。

〔集解〕先謙曰。

官本今作令。

得水尙可活。時冀亦在側。曰。恐吐。不可飲水。語未絕而崩。固伏尸號哭。推舉侍醫。

〔集解〕通鑑胡注。推舉者。劾舉。

其侍疾無狀。而推究其奸也。設於此時。固能窮冀弑君之罪。倘不能正其誅。以身死之。豈不忠壯。既不能然。又且俯首於其間。欲以立長之議。矯而正之。卒死於凶豎之手。可謂忠有餘而才不足矣。惠棟曰。前書顏注。侍醫。侍天子之醫。

冀慮其事

泄大惡之。因議立嗣。固引司徒胡廣。司空趙戒。

謝承書曰。戒字志伯。蜀郡成都人也。戒博學。明經。講授。舉孝廉。累遷。荆州刺史。梁商弟讓爲南陽太守。恃椒房之寵。不奉法。戒到州。劾奏之。遷

河間相。以冀部難理。整厲威嚴。遷戒南陽太守。糾豪傑。恤吏人。奏免中官貴戚子弟爲令長貪濁者。徵拜爲尙書令。出爲河南尹。轉拜太常。永和六年。特拜司空也。〔集解〕惠棟曰。孔廟置守廟百石。孔龢碑云。司空公蜀郡成都趙戒。字意伯。趙明誠云。後漢書注皆云。戒字志伯。而此碑乃作意伯。疑其避桓帝諱。故改焉。棟案。蔡邕作漢記十意。意卽志也。亦因避趙改。說是。

先與冀書曰。天下不幸。仍遭大憂。皇太后聖德當朝。攝統萬

機。明將軍體履忠孝。憂存社稷。而頻年之間。國祚三絕。

順帝崩。沖帝立一年崩。質帝一年崩。

今當立帝。天下重器。誠知太后

垂心。將軍勞慮。詳擇其人。務存聖明。然愚情眷眷。竊獨有懷。遠尋先世廢立舊儀。近見國家踐祚前事。

未嘗不詢訪公卿。廣求羣議。令上應天心。下合衆望。且永初呂來。政事多謬。地震宮廟。彗星竟天。誠是將軍用情之日。傳曰。呂天下與人易。爲天下得人難。昔昌邑之立。昏亂日滋。霍光憂愧發憤。悔之折骨。

昌邑王賀。武帝孫。昌邑哀王子也。昭帝崩。霍光立之。

自非博陸忠勇。

霍光封博陸侯。前書音義曰。博。大陸。平。取其嘉名。無此縣也。食邑北海河東也。

延年奮發。大漢之祀。幾將傾矣。

霍光召丞相已下議曰。昌邑王行昏亂。恐危社稷。如何。羣臣皆驚愕失色。大司農田延年前離席案劍曰。今日之議。不得旋踵。羣臣後應者。臣請劍斬之。於是廢立遂定。

至憂至重。可不熟慮。悠悠萬事。唯此

爲大。〔集解〕通鑑胡注。就冀而言。萬事皆可付之悠悠。至於立嗣。天下國家之大。

國之興衰。在此一舉。冀得書。乃召三公中二千石列侯大議。所立

固、廣、戒。及大鴻臚杜喬。皆呂爲清河王。祿明德著聞。又屬最尊親。宜立爲嗣。

〔集解〕通鑑胡注。祿於質帝爲兄尊也。同出樂安王寵親也。

先是蠡吾侯志當取冀妹。

〔集解〕先謙曰。官本當作常謀。

時在京師。冀欲立之。衆論旣異。憤憤不得意。而未有呂相奪。

未有別理而易奪之。

中常侍曹騰等聞而夜往說冀。

〔集解〕惠棟曰。華陽國志云。騰私恨祿。說冀明日更議也。

曰。將軍累世有椒房之親。

〔集解〕通鑑胡注。謂恭懷

后及太后也。

秉攝萬機。賓客縱橫。多有過差。清河王嚴明。若果立。則將軍受禍不久矣。不如立蠡吾侯。富貴

可長保也。冀然其言。明日重會公卿。

〔集解〕通鑑胡注。重直用反再也。

冀意氣凶凶而言辭激切。

〔集解〕通鑑胡注。凶凶。意氣惡暴也。案凶與匈同。前書蕭

望之傳云。吏牽持匈匈。

自胡廣趙戒。曰下莫不懼憚之。皆曰。惟大將軍令。而固獨與杜喬堅守本議。冀厲聲曰。罷會。

固意既不從。猶望衆心可立。

〔集解〕通鑑胡注。以衆心屬于清河王。猶望可立也。

復曰。書勸冀。冀愈激怒。乃說太后先策免固。竟立

蠡吾侯。是爲桓帝。後歲餘。甘陵劉文。魏郡劉鮪。各謀立。蒜爲天子。梁冀因此誣固與文鮪共爲妖言。下

獄。門生勃海王調。貫械上書。證固之枉。河內趙承等數十人。亦要鈇鑕詣闕通訴。

字林曰。鈇鑕。榘也。鐵音質。榘音竹心反。

太

后明之。乃赦焉。及出獄。京師市里。皆稱萬歲。冀聞之。大驚。畏固名德。終爲己害。乃更據奏前事。遂誅之。

時年五十四。

固臨終。敕子孫素棺三寸。幅巾殮殮於木郡境墳之地。不得還墓塋。汚先公兆域。見謝承書也。〔集解〕沈欽韓曰。水經江水注。李固與弟園書曰。固今年五十七。鬢髮已白。所謂容身而遊。滿腹而去。周觀天下。獨未見益州耳。書作五

十七。史云五十四。必有一誤。

臨終與胡廣趙戒書曰。固受國厚恩。是曰竭其股肱。不顧死亡。志欲扶持王室。比隆文宣。

文帝。宣帝。皆羣臣迎立。能興漢祚。

何圖一朝。梁氏迷謬。公等曲從。曰吉爲凶。

〔集解〕惠棟曰。案華陽國志云。吉下當有物字。與下成事爲敗文理相屬也。

成事爲敗乎。

漢家衰微從此始矣。公等受主厚祿，顛而不扶，傾覆大事。後之良史，豈有所私。固身已矣，於義得矣。夫復何言。廣戒得書，悲慙，皆長歎流涕。州郡收固二子基，茲於郾城，皆死獄中。

續漢書曰：基，偃師長。袁宏記曰：基字憲公。茲字季公，並為長史。

聞固寔免，重棄官亡歸。巴漢南鄭趙子賤為郡功曹，詔下郡殺固二子。太守知其枉，遇之甚寬。二子託服藥死，具棺器欲因出逃。子賤畏法，敕吏驗實就殺之。〔集解〕惠棟曰：茲世家作慈華陽國志云：及固小子變得還子賤，慮變報仇，賃人刺之。變得告郡殺子賤，先謙曰：官本郾作偃。沈欽韓曰：監本作偃城。案傳云：遣三子歸鄉里。又云：下郡收固三子，則基、茲之死當在漢中本部。云郾城，誤。

小子變得脫亡命，冀乃封廣戒而露固尸於四衢。爾雅

曰：四達謂之衢。郭璞注曰：交通四出者也。

令有敢臨者加其罪。

〔集解〕通鑑胡注：臨，力鳩反，哭也。

固弟子汝南郭亮。

謝承書曰：亮字恆直，則陵人也。〔集解〕沈欽韓曰：御覽三百八十五汝

南先賢傳云：郭亮童幼之年，則有尚義之心。年十四，始欲出學。聞潁川杜周甫，開精爨於長社，亮造門而師學焉。朝受其業，夕已精講。動聲則宮商清暢，推義則尋理釋結。周甫奇而偉之。案據此則亮非固弟子，乃博士弟子之慕義者耳。

年始成童。

成童，年十五也。禮記曰：十五成童，舞象也。

遊學洛陽，乃左提章鉞。

章，謂所上章也。蒼頡篇曰：鉞，斧也。〔集解〕沈欽韓曰：案文，鉞字衍。

右秉鈇鑕，詣闕上書，乞收固尸，不

許，因往臨哭。陳辭於前，遂守喪不去。夏門亭長呵之曰：

洛陽北面西頭門，門外有萬壽亭。〔集解〕梳世駿曰：夏門亭，長即杜喬故掾陳留楊匡也。見下喬傳。王補曰：案杜喬傳，喬

故掾陳留楊匡，著故赤幘，託為夏門亭吏。夫既曰託為亭吏，則李固傳所謂夏門亭長者，非即楊匡明矣。特此亭長亦非常人耳。味其所以呵止郭亮者，殆故謬為是語，以顯斥之。若誠守露尸禁臨之令，不少寬假焉者，庶亮與童班得相踵守喪殮尸而不去耳。意將如

粹白之詬程嬰乎而
史軼其名氏惜哉

李杜二公為大臣不能安上納忠而興造無端卿曹何等腐生公犯詔書干試有司

乎腐生者猶
言腐儒也

亮曰亮含陰陽曰生戴乾履坤義之所動豈知性命何為曰死相懼亭長歎曰居非命之

世非命謂衰亂之時
人多不得其死也

天高不敢不跼地厚不敢不跼

跼曲也跼累足也言天高而有雷霆地厚而有淪陷上下皆可畏懼也詩云謂天蓋高不敢不跼謂地蓋厚不敢不跼也

耳

目適宜視聽口不可言妄言也太后聞而不誅南陽人董班亦往哭固而殉尸不肯去

殉巡也楚國先賢傳曰班字季宛人

也少遊太學宗事李固才高行美不交非類嘗耦耕澤畔惡衣蔬食聞固死乃星行奔赴哭泣盡哀司
隸案狀奏聞天子釋而不罪班遂守尸積十日不去桓帝嘉其義烈聽許送喪到漢中赴葬畢而還也

太后憐之乃聽得椁斂

歸葬

〔集解〕沈欽韓曰水經沔水注固墓在南鄭縣長柳村明統志在漢中府成固縣西三十里唐章舉作記

二人由此顯名三公並辟班遂隱身莫知所歸固所著

章表奏議教令對策記銘凡十一篇

〔集解〕惠棟曰經籍志云梁李固集十卷隋十二卷

弟子趙承等悲嘆不已乃共論固言迹曰

為德行一篇

謝承書曰固所授弟子穎川杜訪汝南鄭遂河內趙承等七十二人相與哀歎悲憤以為眼不復瞻固形容耳不復聞固嘉訓乃共論集德行一篇

變字德公初固既策罷知不免禍乃遣三子歸鄉里時變年十三姊文姬為同郡趙伯英妻賢而有智

見二兄歸具知事本。

〔集解〕通鑑胡注事本謂事之所由生也。

默然獨悲曰李氏滅矣自太公已來積德累仁何呂遇此。

太公謂祖

父郤也。

密與二兄謀豫藏匿燮託言還京師人咸信之有頃難作下郡收固三子二兄受害文姬乃告父

門生王成

〔集解〕沈欽韓曰袁紀作固之僕隸案下云燮從受學則非僕隸也。

曰君執義先公有古人之節今委君呂六尺之孤。

六尺謂年十五以下。

李氏

存滅其在君矣。

〔集解〕惠棟曰華陽國志云文姬謂成曰若李氏得嗣君之名義參於程杵矣。

成感其義乃將燮乘江東下入徐州界內令變名姓爲

酒家傭。

謝承書曰燮遠適身於北海劇託命滕齊家以得免與此不同〔集解〕惠棟曰史記樂布傳云賣庸於齊爲酒家人司馬貞云謂庸作於酒家固別傳又云臨淄界內與謝承書略同而華陽國志仍云徐州酒店家也。

而成賣卜

於市各爲異人陰相往來燮從受學酒家異之意非恆人呂女妻燮燮專精經學十餘年間梁冀既誅

而災眚屢見明年史官上言宜有赦令又當存錄大臣冤死者子孫於是大赦天下并求固後嗣燮乃

呂本末告酒家酒家具車重厚遣之皆不受。

〔集解〕惠棟曰固別傳云靈帝即位時月經陰道輦五車史官曰有流星昇漢而西揚芒道月彗惑入大角犯大座其占當有大臣枉誅者故太尉

李固西土人占在固月經陰道圍五車宜有赦令以除此異上感此變大赦天下求公子孫酒家具車重厚送之案華陽國志言月經陽古犖字讀爲圍義得通也。

遂還鄉里追服姊弟相見悲感傍人既

而戒變曰：先公正直，爲漢忠臣，而遇朝廷傾亂，梁冀肆虐，令吾宗祀血食將絕，今弟幸而得濟，豈非天

邪？宜杜絕衆人，勿妄往來，慎無一言加於梁氏，加梁氏則連主上，禍重至矣。唯引咎而已。

〔集解〕通鑑胡注：婦人之識，丈

夫有所不及焉。

變謹從其誨。後王成卒，變呂禮葬之，感傷舊恩，每四節爲設，上賓之位而祠焉。州郡禮命，四府

並辟，皆無所就。後徵拜議郎。及其在位，廉方自守，所交皆舍短取長，好成人之美。時潁川荀爽、賈彪，雖

俱知名，而不相能，變並交二子，情無適莫。世稱其公正。

論語曰：君子之於天下也，無適也，無莫也，義之與比。〔集解〕惠棟曰：華陽國志云：變與趙元珪、潁川賈偉節、荀慈明、張伯

慎爲友，伯慎爲潁川太守，與慈明交相言論，偉節與焉。京師以爲臧否，伯慎問趙元珪曰：德公所言何？元珪曰：無言也。伯慎追歎曰：當如德公兒輩，徒糜沸耳。慈明亦悟而心變。

靈帝時，拜安平相。

〔集解〕惠棟曰：華陽國志作東平。

先是安平王續爲張角賊所掠，國家贖王得還。朝廷議復其國，變上奏曰：續在國無政，爲妖賊所虜，守

藩不稱，損辱聖朝，不宜復國。時議者不同，而續竟歸藩。變呂謗毀宗室，輸作左校，未滿歲，王果坐不道

被誅，乃拜變爲議郎。京師語曰：父不肯立帝，子不肯立王，擢遷河南尹。時既呂貨賂爲官，詔書復橫發

錢三億。呂實西園。

事見宦者傳。

變上書陳諫。辭義深切。帝乃止。先是潁川甄邵。詔附梁冀。為鄴令。有同歲生

得罪於冀。

〔集解〕惠棟曰。同上計者。猶今年生也。孔北海陳長文。皆有同歲論。

亡奔邵。邵偽納而陰。呂告冀。冀即捕殺之。邵當遷為郡守。會

母亡。邵且埋尸於馬屋。先受封。然後發喪。

〔集解〕劉敞曰。案甄邵遷為郡守。不得言受封。未知當何字。或云少一應字。先受應封。謂拜郡詔也。

邵還至洛陽。變行塗

遇之。使卒投車於溝中。笞捶亂下。大署帛於其背。

〔集解〕惠士奇曰。周官注云。明刑書其罪惡於大方。版著其背。賈山云。衣赭衣。書其背。漢之罪人如此。

曰。詔貴賈

友。貪官埋母。乃具表其狀。邵遂廢鋼終身。變在職二年。卒。時人感其世忠正。咸傷惜焉。

〔集解〕惠棟曰。續漢書云。時吏民愛敬。乃

歌曰。我府君。道教舉。恩如春。威如虎。剛不吐。柔不茹。愛如母。訓如父。

杜喬。字叔榮。河內林慮人也。

續漢書曰。累祖吏二千石。喬少好學。治韓詩。京氏易。歐陽尚書。以孝稱。雖二千石子。常步擔求師。林慮今相州縣也。〔集解〕惠棟曰。魏明帝甄表狀云。喬治易尚書。禮記春秋。晚好老子。隱居

不仕。年四十。為郡功曹。

少為諸生。舉孝廉。辟司徒楊震府。稍遷為南郡太守。轉東海相。入拜侍中。漢安元年。呂喬守

光祿大夫。使徇察兗州。表奏太山太守李固。政為天下第一。陳留太守梁讓。

〔集解〕惠棟曰。讓梁商弟。

濟陰太守汜宮。

〔集解〕惠棟曰：皇甫謐云：本姓凡遭秦亂，避地於汜水，因改焉。孫愐云：漢有汜勝之撰，書言種植之事，子輯爲敦煌太守，子孫因家焉。音凡，又音汎。

濟北相崔瑗等，臧罪千萬，曰：上讓，卽大將軍

梁冀季父宮，瑗皆冀所善，還拜太子太傅，遷大司農。時梁冀子弟五人及中常侍等，曰：無功並封，喬上

書諫。

〔集解〕沈欽韓曰：袁宏紀：喬書曰：大將軍梁冀兄弟姦邪，傾動天下，皆有正卯之惡，未被兩觀之誅，而橫見式序，各受封爵，天下惆悵，神人共憤。案袁紀：喬上書諫在己爲太尉之後，考帝紀：喬以建和元年六月代胡廣爲太尉，袁紀：梁氏五侯封於元年七月，則喬已遷太尉時也。當從

袁紀。此下有建和元年蓋衍。

曰：陛下越從藩臣，龍飛卽位，天人屬心，萬邦攸賴，不急忠賢之禮，而先左右

之封，傷善害德，興長佞諛。臣聞古之明君，褒罰必曰功過，末世關主，誅賞各緣其私，今梁氏一門宦者

微孽。

孽音魚列反。公羊傳曰：臣僕庶孽之事。何休注云：孽，賤子也。猶樹之有孽生也。

並帶無功之紱。

著頡篇。紱，綬也。

裂勞臣之士，其爲乖濫，胡可勝言。夫有功

不賞，爲善失其望，姦回不詰，爲惡肆其凶，故陳資斧而人靡畏，班爵位而物無勸。

易旅卦九四曰：旅于處，得其資斧，前書音義曰：資利

也。〔集解〕惠棟曰：前書敘傳注：張晏云：齊斧，越斧也。以整天下也。虞喜志林云：齊當爲齋，齋戒入廟而受斧。張軌云：齊斧，蓋黃鉞斧。姚寬云：御覽引漢書王莽傳：喪其齊斧。音齊，棟案今御覽仍音資，古文借作齊也。

苟遂斯道，豈伊傷

政爲亂而已，喪身亡國，可不慎哉。書奏不省。

〔集解〕通鑑考異：此章袁紀在爲太尉本傳在爲太尉前宜從袁紀。

益州刺史种暠，舉劾永昌太

守劉君世目金蛇遺梁冀事發覺呂蛇輸司農

〔傳解〕通鑑胡注大司農掌諸錢穀金帛故金蛇輸司農

冀從喬借觀之喬不肯與冀始

為恨累遷大鴻臚時冀小女死令公卿會喪喬獨不往冀又銜之遷光祿勳建和元年代胡廣為太尉

桓帝將納梁冀妹冀欲令呂厚禮迎之喬據執舊典不聽

時有司奏曰春秋迎王后于紀在塗則稱后今大將軍冀女弟宜備禮章時進徵幣奏可於是悉依惠帝納后故事

聘黃金一萬斤納綵鳳雙乘馬一依舊典

又冀屬喬舉汜宮為尚書喬呂宮戚罪明著遂不肯用因此日忤於冀先是李固見

廢內外喪氣羣臣側足而立唯喬正色無所回撓

回邪也撓曲也

由是海內歎息朝野瞻望焉在位數月呂地

震免宦者唐衡左悺等因共譖於帝曰陛下前當即位喬與李固抗議言上不堪奉漢宗祀

抗舉

帝亦

怨之及清河王蒜事起梁冀遂諷有司劾喬及李固與劉鮪等交通請逮案罪而梁太后素知喬忠但

策免而已

續漢書曰喬諸生耿伯嘗與鮪同止冀諷吏執鮪為喬門生〔集解〕周壽昌曰通鑑考異云喬前已免宦此誤也案范史意謂太后素知喬忠但仍前事策免之不欲以清河王事逮之加罪也

冀愈怒使人脇

喬曰早從宜妻子可得全

從宜令其自盡也

喬不肯明日冀遣騎至其門不聞哭者遂白執繫之死獄中妻子

歸故郡與李固俱暴尸於城北家屬故人莫敢視者喬故掾陳留楊匡聞之號泣星行到洛陽〔集解〕通鑑胡注星

行者戴星而行汪文臺曰類聚九十七謝承書作楊章

乃著故赤幘託爲夏門亭吏

〔集解〕通鑑胡注吏著赤幘著側略反

守衛尸喪驅護蠅蟲積十二日

都官從事執之目聞

〔集解〕通鑑胡注都官從事司隸校尉之屬官也掌舉中都官非法者

梁太后義而不罪匡於是帶鉄鎖詣闕上書并乞李

杜二公骸骨太后許之成禮殯殮送喬喪還家

〔集解〕沈欽韓曰杜喬墓在彰德府林縣北二十五里明統志在磁州北二十五里姚村

葬送行服

〔集解〕先謙曰葬送

疑誤 隱匿不仕匡初好學

〔集解〕沈欽韓曰初當是幼之誤

常在外黃大澤教授門徒補斬長

斬今徐州縣也音機

政有異績遷平

原令時國相徐曾中常侍璜之兄也匡恥與接事託疾牧豕云

袁山松書匡一名章字叔康也

論曰夫稱仁人者其道弘矣

弘大也言非一途也〔集解〕先謙曰官本無人字

立言踐行

立其言必踐而行之

豈徒徇名安己而已哉

狗求也

將曰

定去就之槩正天下之風使生曰理全死與義合也

槩節也立身之道唯孝與忠全死生之義須得其所

夫專爲義則傷生

貴義則賤生也

專

爲生則騫義

騫違也〔集解〕先謙曰騫虧也

專爲物則害智

爲物則役智故爲害

專爲己則損仁若義重於生舍生可也生重於義

全生可也。

孟子曰：魚我所欲，熊掌我所欲也。二者不可得兼，舍魚而取熊掌者也。生亦我所欲也，義亦我所欲也。二者不可得兼，舍生而取義者也。

上曰：殘闕失君道，下曰：篤固盡臣

節，臣節盡而死之，則為殺身。曰：成仁去之，不為求生。曰：害仁也。

論語：無求生以害仁，有殺身以成仁。

順桓之間，國統三絕，太

后稱制，賊臣虎視。李固據位持重，曰：爭大義，確乎而不可奪。

確，堅貌也。易曰：確乎其不可拔。論語曰：臨大節而不可奪。

豈不知守節之觸

禍，恥夫覆折之傷任也。

易曰：鼎折足，覆公餗，言不勝其任。

觀其發正辭，及所遺梁冀書，雖機失謀乖，猶戀戀而不能已。至

矣哉！社稷之心乎？其顧視胡廣、趙戒，猶糞土也。

〔集解〕王鳴盛曰：言固則喬自見。王補曰：李杜譏立清河王蒜，原與胡趙並同。及胡趙黨附梁冀，冀得其助，遂白太后先策免李固，而以胡廣

代為太尉，冀之奸謀得遂。李杜並罹於禍，皆胡廣為之也。范氏於廣傳，言共李固定策，大義不全，以此譏毀於時。所謂直書其事也。及論李固，則曰：至哉！社稷之心，顧視胡廣、趙戒，猶糞土也。是又互文見義，均為史法所在。

贊曰：李杜司職，朋心合力。

朋，猶同也。

致主文宣，抗情伊稷。

伊尹，后稷也。

道亡時晦，終離罔極。

離，被也。毛詩曰：讒人罔極。

變同趙

孤。

趙朔之子趙武。史記曰：晉景公三年，大夫屠岸賈殺趙朔、朔客程嬰、公孫杵臼。匿朔遺腹子於中山，居十五年，後景公與韓厥立趙孤，而攻滅屠岸賈也。

世載弦直。

載，行也。〔集解〕惠棟曰：弦直，謂固也。事見續漢志及風俗通。變忠，正同于

固故云。
世載。

後漢書集解卷六十二校補

李固傳。漢中南鄭人。

地詳公孫述傳。

少好學。注明於風角星算河圖讖緯。

柳從辰曰。袁紀。永初三年地震。固曰。地者陰也。法當安靜。今乃越陰之職。專陽之政。故應以地震。太后攝政之應也。其論災異。似亦有關內學。案固於內學。本有父業。可

傳。兼以博訪名師。不遠千里。自當淹貫。惟本傳載其上書奏記。皆援據經義。推詳漢制。有典有則。不愧一代儒臣。卽論地震爲災。亦本天地陰陽動靜之常理。非尋常術數家言也。此所以能舍命不渝乎。郤爲漢相。而擅在方術。故學不可不慎。

遷居黃門之官。

官本遷作還。

子弟祿任。

官本任作仕。

斗爲天喉舌。集解。王補曰。

至作北斗。

柳從辰曰。御覽五引本書。亦作北斗天喉舌。斗上有北字。案據下文。皆止言斗。則北字非本有。

斗斟酌元氣。注。斟。元。陳樞。

官本注。元下多氣字。

大司農黃尚等。

官本尚作向。

集解。惠棟曰。

至

案順帝紀。陽嘉三年。大司農黃尚爲司徒。向疑作尚。

柳從辰曰。詳順紀。闕

本官本文注均作黃尚。此則官本獨作向。與閣本異。據惠氏補注。則所據北宋本順紀。與本傳。皆作向。明矣。然北宋本紀注既仍作尚字。伯河不云向字。文章知章懷原本固是尚字。故曰向疑作尚。以黃尚字伯河。明見周舉傳也。紀之作向既誤。則此文作向亦誤。可知。

永和中。荊州盜賊起。彌年不定。

柳從辰曰。袁紀。永和二年。有固議。荆揚盜賊盤結事。

上奏南陽太守高賜等。臧穢。集解。惠棟曰。華陽國志云。

至

奏免江夏南郡太守孔疇。高賜等。

侯康曰。據華陽國志。

與高賜同見。劾者。尚有爲昆。廣韻引風俗通云。南陽太守爲昆。卽其人也。柳從辰曰。據廖寅校本華陽國志。支宜雅。宣作宜。趙歷卒已。廖注。卒當作辛。江夏南下。廖注。案脫陽南二字。南陽爲昆。廖作南郡。

臣聞氣之清者爲神。人之清者爲賢。養身者曰練神爲寶。安國者曰積賢爲道。集解。沈欽韓曰。以上語

並見繁露。神彼作精。

柳從辰曰。袁紀。神亦作精。練神作積精。

是曰巖穴幽人。集解。惠棟曰。

至

六朝始曰幽人爲高士。此疏疑經。蔚宗改竄。

柳從辰曰。袁紀亦作是。以巖穴幽人。肥遁之士。疑袁先改竄。而

范仍之也。

固乃與廷尉吳雄上疏。案雄字季高。已附見郭躬傳。

乃復與光祿勳劉宣上言曰。官本曰作自。屬下文讀。

昔昌邑之立。注昌邑王賀武帝孫昌邑哀王子也。官本注。脫孫字。

先是蠡吾侯志當取冀妹。集解先謙曰官本當作常誤。

錢大昭曰當闕本作嘗非也。謹案當猶值也。值娶冀妹。故時在京師也。官本依監本作常乃殘譌闕本又改常爲嘗耳。

復呂書勸冀。冀愈激怒。官本冀字不重。

太后聞而不誅。柳從辰曰御覽三百八十五引李固別傳作太后聞而誅之與此異。

變字德公。官本雙字不提行。

酒家具車重厚遣之。案車重猶輜重。

杜喬傳河內林慮人也。注累祖吏二千石。

案祖亦世字避改。

林慮今相州縣也。

續志林慮故隆慮今彰德府林縣治。

少爲諸生。

柳從辰曰。

袁紀云少
以孝悌稱

濟北相崔瑗等減罪千萬呂上。

案崔子玉宿德大儒家無擔石梁商首辟辭疾不應其在濟北李固奉書致禮其賢抑可知矣冀雖或善之非冀私人也喬乃意氣用事不加考察劾其減罪至千萬以上此豈可信以

此推之其

謬多矣

遷光祿勳建和元年代胡廣爲太尉。

柳從辰曰袁紀亦作光祿勳杜喬代胡廣爲太尉則本書桓紀作大司農杜喬爲太尉乃誤文也

喬據執舊典注一依舊典。

官本注未有也字柳從辰曰雜事祕辛帝納冀妹有太尉喬司徒戒以迎駟

補蘄長注蘄今徐州縣也。

今鳳陽府宿州廡

